

# Жсаҳон

# АДАБИЕТИ

Адабий-бадиий, ижтимоий-публицистик журнал



## **МУАССИСЛАР:**

ЎЗБЕКИСТОН МАТБОУТ  
ВА АХБОРОТ АГЕНТЛИГИ  
ЎЗБЕКИСТОН ЁЗУВЧИЛАР  
ҮУШМАСИ  
РЕСПУБЛИКА МАҶНАВИЯТ  
ВА МАҶРИФАТ КЕНГАШИ  
  
1997 йил июндан чиқа бошлаган

**№ 8/219**

2015 йил, август

**Боши муҳаррир:**  
*Шуҳрат РИЗАЕВ*

### **Жамоатчилик кенгаси:**

Эркин ВОҲИДОВ  
Абдулла ОРИПОВ  
Омонулла ЮНУСОВ  
Муҳаммад АЛИ  
Муҳаммаджон ҚУРОНОВ  
Қаҳрамон ҚУРОНБОЕВ  
Иброҳим ҒАФУРОВ  
Низом КОМИЛОВ  
Шуҳрат СИРОЖИДДИНОВ  
Муҳаммаджон ҲОЛБЕКОВ  
Хурийд ДЎСТМУҲАММАД

### **Тахрир ҳайъати:**

Амир ФАЙЗУЛЛА  
Назира ЖҮРАЕВА  
Омонулла РИЗАЕВ  
Отабек САФАРОВ  
Дилдорхон АЛИЕВА  
Алимурод ТОЖИЕВ  
Фозил ЖАББОРОВ  
Алишер ОТАБОЕВ  
Севара АЛИЖНОНОВА

## **МУНДАРИЖА**

### **МУҲАРРИР МИНБАРИ**

Ш.РИЗАЕВ. Бурчга садокат. ....3

### **НАВОИЙ САБОҚЛАРИ**

Алишер НАВОИЙ. “Фарход ва Ширин” дос-  
тонидан. ....11

### **ЖАҲОН АДАБИЁТИ ДУРДОНАЛАРИ**

Ж.САНД. Индиана. Роман. (*Француз тилидан Ю.Хушвактov тарж.*). ....76

### **НАСР**

Ю.В.ЧАМАНЗАМИНЛИ. Икки ўт орасида. Роман.  
(*Озарбайжон тилидан Ф.Шоҳисмоил тарж.*). ....23

### **ДРАМА**

МЕНАНДР. Одамови. (*Рус тилидан З.Аълам тарж.*). ....59

### **АДАБИЁТШУНОСЛИК. ФАЛСАФА**

С.ИВАНОВ. Алишер Навоийнинг “Лисон ут-  
тайр” достони. (*Рус тилидан А.Шер тарж.*). ....108  
У.НОРМАТОВ. “Тўлкинлар ўқирлар...”. ....141

### **ҚИЁС ВА ТАЛҚИН**

И.ДЗЮБА. Бажан ва Навоий. (*Рус тилидан А.Файзулла тарж.*). ....128  
Қ.СЕЙДАНОВ. Навоий ва Абай. ....137

### **ЖАҲОН МАДАНИЯТИ ВА САНЬАТИ**

Н.КАРИМОВ. Рустам Ҳамдамов. ....145

### **ГЛОБУС ВЕНГРИЯ РЕСПУБЛИКАСИ**

Венгрия Республикаси. ....150  
Венгрия шеърияти. ....168

### **ҲИКОЯ ҲАҚИДА ҲИКОЯ**

О.ОТАХОН. Сарҳадлар. ....174  
Л.КРАСНАХОРКАИ. Акрополь сарҳадларида.  
Л.БЁТИ. Икрор. Ҳикоялар. ....177

### **НОБЕЛЬ СОВРИНДОРЛАРИ**

И.КЕРТЕС. Стокгольм маърузаси. (*Рус тилидан Ш.Раҳмонова тарж.*). ....192

### **ЖАҲОНИЙ ТАБАССУМ**

“Поезд жадвалини ўзгартиринг”. (*Рус тилидан Ш.Отабек тарж.*). ....200

Муқовамизда. ....202  
Тақвим. ....204




## БУРЧГА САДОҚАТ

Сўнгги йилларда пайдо бўлаётган ўзига хос анъанага кўра, мамлакатимизнинг Мустақиллик куни арафаларида Юртбошимиш Ислом Каримов янги китоб тақдим этиб, ватандошларимизни Истиқлолнинг моҳияти, аҳамияти, уни мустаҳкамлаш тадориклари, келажак орзу-йўлари ҳақида фикр юритишга, мушоҳада, мубоҳасаларга даъват этди. Назаримда, Президентимизнинг катта байрам арафасида шундай китоб тухфа этишлари ўтган йиллар учун халқимиз олдидаги сарҳисоб ва Ўзбекистоннинг истиқболи, келажаги учун зарур хуносалар чиқариб, кейинги харакат дастурларини яратиш омили бўлиб хизмат қиласапти. Китобнинг номиёқ эзгу мазмуни билан эътиборни тортади: “Она юртимиз баҳту иқболи ва буюк келажаги йўлида хизмат қилиш – энг олий саодатдир” (Тошкент, “Ўзбекистон”, 2015).

Мазкур китобга Юртбошимизнинг 2015 йил 29 март куни бўлиб ўтган сайловлар олдидан республикамизнинг барча вилоятларида сайловчилар билан учрашувларда сўзлаган нутқлари, маърузалари, шу жумладан, Тадбиркорлар ва ишбилиармонлар ҳаракати – Ўзбекистон либерал-демократик партиясининг VII съездиде ҳамда Ўзбекистон Республикаси Президенти лавозимига киришиш тантанали маросимида қилган чиқишилари, шунингдек, 9 май – Хотира ва қадрлаш куни муносабати билан оммавий ахборот воситалари ходимларига берган интервьюолари жамланган.

Китоб маърузаларнинг соф анъанавий йўсингдаги айни стенографик баёни эмас. Бильякс ўша чиқишиларнинг квантэссенцияси бўлган фикрлар, айрим мулоҳазалар, ўй-мушоҳадалар жамланмасидир. Тўпламнинг алоҳида-алоҳида ажратилган бобларини ўқиганда пайдо бўладиган асосий ғоя қуидаги иқтибосда мужассам бўлган: “Биз ўтган даврда амалга оширган ишларимизга баҳо берар эканмиз, “Кеча ким эдигу бугун ким бўлдик?” деган савол асосида уларнинг моҳияти ва аҳамиятини ўзимизга чуқур тасаввур этамиз. Айни вақтда “Эртага ким бўлишимиз, қандай янги мэрраларни эгаллашимиз керак?” деган савол устида ўйлашимиз, нафақат ўйлашимиз, балки амалий ишларимиз билан бунга жавоб беришимиз лозим”.

Дарҳақиқат, мустақиллик йилларида биз жуда мураккаб, долғали йўлларни босиб ўтдик. Ўтган қарийб чорак асрлик давр мобайнида Ўзбекистон росмана бир йигит ёшига кириб, шаклланиш палласидан



то балоғатта интилиш давригача кечган барча хислату фазилатларни намоён этди, десак, янгишмаймиз. Мустақиллик йилларида нафақат Ўзбекистонда, умуман, бутун дунёда шундай жараёнлар кечдикі, уларни дабдурустдан бир сөз билан, якранг бир ифодада таърифлаш мүмкин эмас. Жаҳон қалқиб турди ва бу ҳануз давом этмоқда. Дунёнинг мувозанати бузилиб, издан чиқар ҳолатда уруш, жанжал, тўполон, қонли муҳорабалар, буюк эҳтирослар қайнамоқда. Ўтган қарийб чорак асрлик давр, айни пайтда яратиш, янги-янги техникавий мўъжизалар ихтиро этиш, инсон рухиятининг, инсон тафаккурининг бемисл имкониятларини кашф этиш палласи ҳам бўлди.

Ўтган қисқагина фурсатда ўша техникавий мўъжизалар ҳаётимизга шундай сингиб кетдикі, биз бугун бирор соҳани бу мўъжизалардан холи, ташқарида тасаввур эта олмаймиз. Ўзимиз беихтиёр ўша техникавий инқилоб гирдобига шундай тортилдикки, бугун ҳар қанча консерватив тусда фикрламайлик, унинг янгиликларини инкор этолмаймиз, ундан ташқарида ҳаётимизни тасаввур қила олмаймиз. Дунё том маънода глобал тус олди. Агар аввал уйимиз, маҳалламиз, жилла қурса, шахримиз ёки, ундан-да кенгроқ, республикамиз ҳақидаги тушунчалар билан қуролланиб юрган бўлсак, эндиликда информацион ҳудуд шу қадар кенгайиб кетдикі, биз энг чекка манзилларда туриб дунёнинг нариги бурчагидаги маълумотлардан сониялар ичida хабардор бўлмоқдамиз ва шунга қараб ўз хатти-харакатимиз, равиш-рафторимизни, юриш-турмушимизни белгилаяпмиз. Турмуш-кечмишларимиз бутун дунёдан олаётган ахборот билан қай бир маънода тўлиб-тўйиниб, ўзгариб бормоқда. Бу ўзгаришларни тўлиқ маънода ижобий дейиш қийин, албатта. Салбий ёки ёқимсиз ҳолатлар, ўзгаришлар ҳам бор. Бу ўзгаришлар ҳам техник тараққиётнинг, глобаллашувнинг меваси, натижалари.

Гуруч курмаксиз бўлмайди, деганларидек, дунёда ҳеч бир ҳодиса, ҳеч бир нарса ўзининг фақатгина мусбат хусусияти билан намоён бўлмас экан. Ҳар қандай тирик жараён ижобий фазилатлари билан бирга салбий хусусиятларини ҳам, нуқсонларини ҳам намоён этар экан. Ана шу маънода биз глобал дунёнинг барча мусбату манфий хусусиятлари билан бутун башариятга мансуб бўлган барча кору аъмоллардан боҳабар, уларнинг ичida яшаб бормоқдамиз. Шулар ҳақида ўйлаганингда, наинки коинот, балки жамиятда, ўзинг билган инсонлар жамоасида ўрнинг қандай, умуман, ўз ўрнингни топа олдингми, агар топа олган бўлсанг, кимга ва қандай наф келтираяпсан, деган саволлар пайдо бўлади. Бу саволлар эса ҳар бир мушоҳада этувчи, фикрловчи кишини ўйлатади. Мазкур саволларга жавоб топиб юриш ҳар бир мушоҳада қилувчи инсоннинг кейинги ҳаёти учун ниҳоятда зарур. Шу маънода мамлакатимиз раҳнамосининг ҳар сафар янги китоб тақдим этиши бу, Ўзбекистоннинг глобал дунёдаги ўрни, эришган ютуқлари, келажак орзулари ва шу йўлдаги интилишлари борасида қизғин мушоҳадаларга даъватдир.

Албатта, бу масалаларни оддийгина факт сифатида қайд этиб қўйиш ҳам мүмкин. Лекин унда мазкур китоб шунчалик аҳамият касб эта олмаган бўларди. Сабаби китобда жамланган барча чиқишилардан сезиладики, биз тарихни билмай, узоқ ва яқин ўтмишимизни қайта идрок этмай, ҳеч қаҷон олдинга силжий олмаймиз. Шу маънода китобдаги мана бу сўзлар, менимча, айрича аҳамият касб этади. “Ҳақиқат,

**тариҳ ҳақиқати болаларимиз учун сув ва ҳаводек зарур. Тариҳ ҳақиқатини тұлалигича кейинги авлодға етказиши ҳар бир инсоннинг келажак олдидаги мұқадdas бурчи ҳисобланади... Тариҳдан сабоқ чиқариб яшаш лозим... Тариҳини, ўтмишини билган одам келажакда адашмайди. Тариҳимиздаги оғриқли даврлардан хам хулоса чиқариб яшашимиз керак. Эртага бизнинг ўрнимизга келдиган ёшлар ана шу тариҳ ҳақиқати билан қоролланиши лозим. Чunksи ҳеч бир соҳада, ҳеч кимдан кам бўлмайдиган авлодгина буюқ давлат барпо этиши мумкин. Нега деганда, буюқ давлатни қуриш учун маърифатли, тариҳни биладиган, ундан сабоқ чиқара оладиган одамлар керак”.**

Дарҳақиқат, тариҳни билмай, кечаги кунларнинг нима эканлигини идрок этмай, келажаккa юз тутиш мумкин эмас. Модомики, тариҳ борасида сўз кетар экан, Юртбошимизнинг ҳар бир вилоят сайловчилари билан бўлган учрашувлардаги ўша вилоят тариҳи, ўша вилоятнинг одамлари, уларнинг кечмишлари ҳақида ниҳоятда чуқур тасаввурга эга эканлиги кишини ҳайрон қолдиради. Муаллиф қайси бир вилоятда учрашув қиласр экан, шу вилоятнинг ҳам сиёсий, ҳам ижтимоий, ҳам иқтисодий, ҳам маънавий ҳаётидаги барча баланду пастликларини теран ҳис қилиб, унинг кечаги куни ва бугунги ҳолати ҳақида тўлиқ тасаввурга эга бўлиб фикр юритади ва айни пайтда ўша вилоят воқеликлари доирасидан бутун бир мамлакат воқеликлари доирасига кўтарилиб, ҳар бир вилоятдаги фуқарога кенг маънодаги юрти ва ўз ҳудуди ҳақидаги ҳақиқатларни баён қиласди. Уларнинг фақатгина ўз ҳудуди, оила, жамоасига эмас, балки бутун бир мамлакатга дахлдор эканликларини такрор-батакрор уқтириб туради. Китобнинг истаган варагидан истаган бир кўчирмани келтириб, хаёлот дунёмизни, билим бисотимизни эркин кўйиб, олам-жаҳон фикрлар айтишимиз мумкин. Шу боис ҳам бу китобни бир кун-икки кун эмас, муттасил, доимий ўқиб бориш тўғрирок бўлади. Шу маънода мен ўз фикр-тасаввурим доирасида китобдаги айрим фактларни, айрим кўчирмаларни мулоҳаза этмоқни маъқул кўрар эдим.

**“Бир пайтлар баъзи вилоят ва туман раҳбарларимиз, биз – аграр республика, деб мақтаниб юради. Улар нимани ўйлаган – мен билмадим. Умрбод СССР таркибида бўламиз, деб ўйлаганми? Бу одамлар озгина фикрлаб кўрса бўлардики, сув, ер этишмаса, ҳалқимиз кўпайиб бораётган бўлса, фақат ғалла, пахта, сабзавот этиштириш билан мамлакатимизнинг тараққиётини таъминлаш мумкинмиди?**

**Мана сизларга битта рақам: 1991 йилда мамлакатимиз аҳолиси 20 миллион 500 минг киши эди. Мустақиллик йилларида ҳалқимиз 1,5 карра ўеди – 31 миллионга етиди.**

Айтинглар, 1,5 баробар кўпайган аҳолини эски шароитда оладиган ҳосил – пахта, ғалла ҳисобидан боқиб бўлармиди? Ўша пайтда биз таҳминан 5-6 миллион тонна буғдойни четдан олиб келар эдик. Шундай вақтлар бўлганки, бир ҳафта-ўн кунлик унимиз қолган эди.

**Бир тасаввур килайлик, қайси давлат, қайси ҳалқ буни ўз бoshидan ўтказган? Ана шундай муаммолар қаршисида ёлғиз қолган пайтимида ким бизни қутқарди? Биринчи навбатда, ўзимиз. Чидадик, лекин ҳеч кимдан қарз бўлмадик.**

**Бугунги кунда Ўзбекистоннинг чет мамлакатлардан қарзи ялпи ички маҳсулотга нисбатан 15 фоиздан ошмайди. Ваҳоланки, баъзи давлатларда бу кўрсаткич 150 фоиздан ҳам ортиқни ташкил қиласди, улар бўйнидаги қарзидан қандай қутулишни ҳам билмай юрибди”.**

Бу каттагина кўчирма Ислом Каримовнинг Бухоро вилояти сайловчилари вакиллари билан учрашувидаги чиқишиларидан келтирилди. Мазкур кўчирманинг ҳар бир сўзи, ҳар бир жумласи киши хотирасида жуда кўп воқеаларни жонлантиради. Узоққа бормай, шу кўчирманинг дастлабки сатрларидан фикрни бошласак. Ҳақиқатан ҳам жуда кўп одамлар, жумладан, ўзимиз ҳам, бизни шўро мафкураси авжи адогига чиқкан кезлар аграр республика деб аташса, шундай экан деб кетаверганимиз. Буни ҳатто фаҳр билан эътироф этган одамлар бўлган, айниқса, катта-катта амалларни эгаллаган раҳбарлар. Бу тушунча халқимиз онгига шунчалик чукур сингдирилди, гўё аграр республика бўлиш бир шарафдек, бир иноятдек эди.

Ваҳоланки, аграр республика дегани, бу фақат энг оғир, заҳматли ишдан боши чиқмайдиган, эртаю кеч қишлоқда белини букиб меҳнат қиласдиган кишиларнинг жамоаси деган маънени англатар эди. Бундай олиб қараса, аслида биз ҳақиқатан ҳам шундай эдик. Республиkanинг деярли барча унумдор, ҳосилдор ерларига пахта экилса, эртаю кеч биз фақатгина пахта парвариши билан шуғуллансан, қишлоқни-ку қўя туринг, шаҳардаги қимирлаган жонзотки бор, пахта мавсуми бошланиши билан теримга жалб қилинса, ойлаб, қиш демай, изғирин демай, саратон-иссиқ демай, пахта далаларидаги қулайликларсиз, яrim очиқ шийпонларда ётиб, ночор, забун бир ҳолатда пахта етиштирсан, дала қули бўлмай, ким эдик ахир?! Яна ўша собиқ марказдан туриб “Оқ олтинни олтин кўллар яратади” дея, сохтакорлик билан “барака топ” дея елкага уриб, гўёки рағбатлантириб, ортидан эса кулиб, масҳаралаб турса, 6 миллион тонналик маррага етишимиз керак экан, шуни марказ талаб қиласяпти, Брежнев талаб қиласяпти деб, гўё отамизга ваъда бергандек, бор куч-ғайратимизни, бор имкониятимизни сарфлаб, болаларимизни касал, оилаларимизни ночор қилиб, ўша марра учун интилиб ётсан, албатта, аграр республика деб аталишимиз табиий эди. Лекин бунга қўникиб, буни меъёр деб қабул қилишимизнинг ўзи нақадар хўрлик, хорлик ҳам эди. Афсуски, биз шундай бир мафкуравий бангла эдикки, ўзимизни таҳқирловчи таърифларни айни ҳақиқат деб қабул қилиб, ишониб кетаверардик.

Ўйламас эдикки, аграр ўлка бўлсан, нега озиқ-овқатдан бунча қийналамиз, дастурхонимизда нону чойдан бўлак нарса йўқ. Мева-чева, сабзавот-полиз маҳсулотлари, инсон танасига зарур қанчадан-қанча озуқа қишлоқ ҳўжалигида етиштирилади-ку?! Биз эса қозонимизда ёвғон қайнаса хурсандмиз. Наҳотки, оддийгина картошка ҳам четдан олиб келинса, дон, гўшт маҳсулотлари, тухумгача қаерлардандир келтирилса. Ҳеч биримиз айтмас эканмизки, аграр республикасизлар деб қайта-қайта миямизга ниқтайдиганлар нега бу ерларда қишлоқ ҳўжалигининг пахтадан бўлак маҳсулотлари етиштирилишига имконият бермайдилар деб!

Аслида бизнинг ҳам унумдор, серхосил, ҳар хил кимёвий дорилардан холи ерларимизда муайян микдорда сархил мевалар етиштирилгани сир эмас. Лекин бу мевалар вақти-соати билан нима учундир ўз халқимиз

қолиб, катта “оға”лар шахру кентларига ёки кимларнингdir оғзини мойлаш учун сават-сават “марказ”га жүнатилгани ҳам ҳақиқат.

Очиғи, бугун “аграр республика” атамаси ҳар қанча халқаро атама сифатида қўлланилмасин, камина учун ниҳоятда ёқимсиз, ниҳоятда хунук сўз бўлиб туюлади. Чунки бу атама эслатиладиган бўлса, хаёлингга ўша таҳқирлар, ўша хўрликлар келади. Зеро, миллионлаб одамлар эртаю кеч даладан чиқмаса, ҳаёт шу экан деб кетмоннинг кетида, дала жўякларида умрини ўтқазса, бундан кўра ёқимсизроқ манзара борми?! Бу – реаллик, албатта, лекин бу реалликни бугун тасаввур қилиш қийин, айниқса, унинг нима эканлигини билмаган, умуман кўрмаган фарзандларимиз учун буни тасаввур қилиш амри маҳол. Шу маънода Юртбошимизнинг, “**бир тасаввур қилайлик, қайси давлат, қайси халқ буни ўз бошидан ўтказган? Муаммолар қаршисида ёлғиз қолган пайтимида ким бизни қутқарди?**” дея тўлиб-тошиб айтган сўzlари – берган саволлари киши қалбини титрокқа солади. Юртбошимиз яна бир сўзни таъкидлайдилар: “**Шуларга қарамай чидадик, лекин ҳеч кимдан қарз бўлмадик**”.

Кўз олдимдан сира кетмайди. Юртбошимиз мустақиллигимизнинг дастлабки йилларида иқтисодий ҳаётимизда ҳали анчагина мураккаб шароит бўлиб турган пайтда минбарларда туриб шундай бир фикрни қайта-қайта таъкидлардилар, яъники, биз ҳам айrim узок-яқиндаги қўшни республикаларга ўхшаб катта-катта қарзлар олишимиз мумкин, аммо қарзларни олиб, еб битирганингдан кейин нима бўлади? Олмоқнинг бермоғи ҳам бор, буни эртага узиш керак, ким узади уни, менинг давримдан кейин бўлганича бўлар деб ўтиришимиз керак эдими, фарзандларимизни бўйнигача қарзга ботириб? Келгусида уларнинг қўзига қандай қараймиз дея, дард-изтироб билан савол берарди раҳбаримиз. Чидаш керак эди, чидадик. Худога шукурки, қарз бўлмадик. Юртбошимиз айтмоқчи, ялпи ички маҳсулотига нисбатан юз эллик фоиздан ортиқ қарзга ботиб юрган атроф қўшниларимиз ўша биз чидаган даврларда хориждан катта-катта луқмалар олиб, катта-катта маблағларни еб битириб, бугун энди қайга бош уришни, нима қилишни билмай юрганлари ҳаммамизга маълум-ку.

Шукурки, бизнинг табиий бойликларимиз кўп. Ер ости, ер усти бойликларимиз. Биз ҳам айrim давлатларга, хусусан, собиқ Иттифоқдаги республикаларга ўхшаб табиий бойликларимизни ўйламасдан сарфлаб, еб ётишимиз ҳам мумкин эди. Бу табиий бойликлар бир неча ўн йиллар бизни бекаму кўст боқиши ҳам мумкин эди. Лекин бир тасаввур қилиб қўрайлик, бу бойликлар, худойим берган неъмат деб еб ётишлар, алал-оқибат нимага олиб келарди. “**Ётиб еганга тог чидамас**”, дейди ҳалқимиз. Биз ҳам бошбошдоқлик билан бор табиий бойликларимизни бозорга солишимиз мумкин эди. Лекин бундан кейин фарзандларимизнинг қўзларига қарай олармидик, уларнинг истиқболи учун нима бера олардик?

Юртбошимиз китобда тарих ҳақида, тарихдан сабоқ чиқариш ҳақида сўз юритар экан, бу фикрларнинг барчаси аввало, ва асосан, ёшларга қаратилади. Ёшларнинг фикрини тоза сақлаш, тарихни билган ҳолда ундан тўғри хulosалар чиқариб яшашга интилиш жуда муҳим. “**Ўзимнинг ҳаёт тажрибамдан келиб чиқиб айтаманки, бу дунёда ёмонликни кўрмаган одам, яхшиликнинг қадрини билмайди. Қийналмаган одам ҳақиқий баҳт нима эканини тўлиқ англаб етмайди**”. Ҳақиқатан,

тариҳни билиш, билганды ҳам қалдан ҳис қилиш бугунги күннинг қадрига етишни, ҳақиқий баҳт таъмини ҳис қилишни ўргатади. Китобдаги күплаб фикрлар, мулоҳаза, мушоҳадалар ана шу мақсадға қаратылған ва шулардан келиб чиқиб Юртбошимиз эңг олий ғояни, бөш мақсадни ифода этади: **“Биз учун ягона мағкура бу – Ўзбекистоннинг тараққиёти, Ўзбекистоннинг равнақи, Ўзбекистоннинг дунёда ҳеч кимдан кам бўлмаслигидир”**. Дарҳақиқат, бугун Ўзбекистоннинг тараққиёти, равнақи, фарзандларимизнинг ҳеч кимдан кам бўлмаслиги 31 миллионлик ҳалқнинг амалга ошираётган барча ишларида намоён. Ҳеч бир ишда тўхтаб қолиш, бир жойда депсиниб туриб қолиш ёки бори билан чекланиб, ҳа, шунинг ўзи ҳам бўлади-да, деган шунчаки хотиржамлик билан қаноатланиб қолиш мумкин эмас. Ҳамиша интилиш, ҳамиша изланиш, ҳамиша олдинга қадам ташламоқни ўйлап керак. Китобнинг шу маънода яна бир аҳамиятли жиҳати, барчамизни олға қараб юришга, истиқбол сари пешвоз чиқиши даъват этганида.

Китобда мамлакатимиз иқтисодий ҳамда ижтимоий ҳаёти билан боғлиқ күплаб фактлар келтирилған. Амалга оширилған жуда кўп ишларимиз сарҳисоб қилингандай, турли рақамлар кўрсатилған. Улуғ бунёдкорлик ишларининг конкрет кўринишлари айтилған. Мен буларнинг барчасини эътироф этган ҳолда, ўз касби-коримдан келиб чиқиб, китобдаги яна бир жиҳатга эътибор қаратмоқни истардим. Китоб шунчаки рақамлар, амалга оширилған ишлар сарҳисоби – ҳисоботи эмас. Бино-барин, қандайдир ўгит, шунчаки йўлланма бериш ҳам эмас. Бу китоб айни замонда муаллифнинг самимияти билан, беғубор ички дунёсини намоён этгани билан ҳам қимматли. Бу, ўз навбатида, ўқувчига завқ беради, уни ўзига тортади. Камина бевосита адабиёт-санъат дунёсида юрган инсон сифатида бу соҳаларнинг энг таъсирчан қуроли, асосий мақсад-вазифалари нима деб сўраса, самимият или энг аввало, кўнгил, инсон қалбини овлаш, деб жавоб берган бўлар эдим. Бежиз эмаски, бундан етти йил мұқаддам **“Юксак маънавият – енгилмас куч”** китобида Президентимиз адабиёт ва санъат борасида сўз юритиб, бу масалаларга бағищланған бобни **“Инсон қалбига йўл”** деб атаган эдилар. Дарҳақиқат, адабиёт ва санъат инсон қалбига йўл топибгина инсон қалбини юмшатади. Уни улуғвор ишларга, эзгу мақсадларга йўллайди. Гўзаллик туйғуси билан мунаvvар этади. Худди шундай ўқувчи қалбига ниҳоятда яқин бўлган ўринлар мавзумиз бўлмиш китобда талайгина. Муаллиф энг оддий нарсалардан, энг содда ҳодисалардан катта хуло-салар чиқаради. Китобда **“Ободлик қўнгилдан бошланади”** деган ҳикмат махсус бир бобнинг сарлавҳасини белгилаган. Аслида бу фикрнинг ўзи кишини шунчаки расмий ўйлардан жонли жараён ҳақидаги мушоҳадаларга ундейди, туйғуларимизга таъсир қиласи.

Бундан ташқари китобда бевосита муаллифнинг ёруғ ҳиссиётлари билан боғлиқ айрим лавҳалар, мисоллар ҳам борки, улар орқали некбин инсоннинг қалбидан, фикрида кечган тўлқинли ҳолатларга гувоҳ бўламиз. Масалан, тарих ўз ўтмиши ҳақида сўзларкан, Президентимиз болалик даврлари билан боғлиқ маъюс хотираларни ёдга олади: **“У пайтлар шундай вазиятлар бўлардики, бир марта тўйиб овқатланишнинг ўзи баҳт хисобланарди. Мен ёшлигимда буларнинг барчасини бошимидан ўтказганман. Ҳатто шундай бўлганки, мактабда бир неча бор дарс пайтида очликдан ҳолсизланиб, ухлаб қолганман. Бундай ҳолатлар ўша замонларни кўрган одамларнинг кўпчилигига бегона**

**бўлмаса керак”.** Ёки ана шу хотиралар тўлқинида айтилган яна бир гап – Юртбошимиз спортчи ёшларни тайёрлаш борасида фикр юритар экан, шундай дейди: “**Андижонлик Мұҳаммадқодир Абдуллаев 2000 йили Сидней Олимпиадасида чемпион бўлганида, мен худдики, ўзимнинг болам чемпион бўлганидек хурсанд бўлганим ҳали-бери хаёлимда туради**”. Ёки бўлмаса, “**Фараз қилинг, мана шу 24 йилда туғилиб, вояга етганлар эски замонни билмайди. Уларнинг ҳаммаси, айтайлик, хозирги кунда компьютерда ишлаш бўладими, инглиз тилини ўрганиш бўладими, чет мамлакатлардаги ўз тенг-дошлари билан беллашиш бўладими, спорт, илм-фан, маданият соҳаларида ўзини шундай кўрсатаяптики, буларнинг барчасини кўрганда одам беихтиёр ғуурланиб кетади. Шахсан менга шундай пайтда бамисоли қаддим анча ўсгандек туюлади. Керак бўлса, девор ёнига бориб, қанчалик ўсганимни ўлчаб кўришга ҳам тайёрман. Балки кимгadir қулгили кўринади, лекин биласизми, ҳақиқатан ҳам одам шуни хис қиласди. Бундай ишларда менинг ҳам меҳнатим, ҳиссам бор, деган ҳиссиёт одамнинг қўнглини ҳам, қаддини ҳам кўтаради...**

**Бирорга яхшилик қилган одамга, албатта, яхшилик қайтади, ўзига қайтмаса боласига, набираларига қайтади.** Бу фикр, бу **гояни айниқса энди катта ҳаётга кириб келаётган ёшларимиз унутмасдан, умр бўйи бунга амал қилиб яшаса, ҳеч қачон кам бўлмайди”.**

Тилимизда “валломат” деган сўз бор. Буни катта луғатлар бўйича изохласак, адабий тилимиздаги “валинеъмат” сўзининг айнан мазмунини ифодалаб, олийҳиммат, сахий, элнинг каттаси, эл хизматидаги мард, бағри кенг, хайр-саҳоватли шахс маъноларини англатар экан. Очиғи, юқорида келтирилган иқтибослар хаёлингда беихтиёр ўша “валломат” сўзини жонлантиради. Олийҳиммат, бағри кенг эл катталари – юрт оталаригина шундай фикрлайди, шундай кувонади, ғуурланади ва шундай ўгитлар айтишга ҳақли бўлади. Китобда ана шу “валломат” тушунчасини мустаҳкамлайдиган яна бир самимий эътироф, беғубор изҳори дил бор:

**“Мен доим бир нарсага эътибор бераман: болаларимиз, қизларимизнинг кийинишига қаранглар, улар қандай кийинади? Қаранглар, ким бизнинг болаларимиздек чиройли кийинади? Бу бир қарашда майда нарса бўлиб туюлиши мумкин. Аслида бу майда гап эмас. Мана коллежларга, лицейларга қатнайдиган болаларнинг кийинишига қаранглар, галстукни шундай боплаб боғлайдики, мен гоҳ-гоҳ ойнанинг олдига келиб, улар қандай боғлар экан, деб машқ қиласман. Коллежда ўқиётган, эндиғина 16 ёшга кирган бола мана шундай бежирим кийинади. Қизлар-чи? Бизнинг чиройли қизларимизни бошқалар билан солиштиришнинг ҳожати йўқ. Улар барибир биринчи ўринда туради, дунёда бизнинг қизларимизга тенг келадигани йўқ”.**

Фарзандининг камолини кўриб ғуурланиш, қалбан тўлиб-тўлқинланиб ҳиссиётларини дунёга ёйиш маънавияти бутун ота-онаға хос хусусият. Фарзанд катта ютуқларга эришиб, юксак мэрраларни кучса, ғуур янада ортиб, орзу-тилаклар зиёда бўлмоғи муқаррар. Бу орзу-тилаклар отанинг фарзанд олдидаги бурчи ҳақида янада масъулорк фикр юритишга, режалар тузишга, марғуб амаллар қилишга унрайди. Шу боис ота тунларини бедор тонгга улади, ҳар бир ҳаракатини минг

ўлчаб бир қесади, мулоҳаза билан шошмасдан истиқбол сари қадам ташлайди. Ўзигача бори яхши-ёмон тажрибаларни ақл тарозусидан ўтказиб, янглишмай, ёзғирмай дадил ҳаракат бошлайди. Инчунун, бунга оталик ҳисси, фарзанд тақдирига пешволик түйғуси даъват этади. Пировардида шу тахлит бурчга садоқат қуидагича хulosалар, умумлашмалар қилишга изн беради:

**“Мен охирги чиқишиларимнинг бирида, “Айтинглар, бундай олийжаноб, бундай бағри кенг, бундай меҳр-оқибатли ҳалқ яна қаерда бор?” деган саволга жавоб бериб, аминман, бундай ҳалқни қидириб-қидириб ҳеч жойдан тополмайсиз, деганим эсимда. Шу фикрни ғурур билан такрорлашга доимо тайёрман. Бизнинг 24 йиллик мустақил ҳаётимиз шуни кўрсатдики, биз тўғри йўлни танлашда шошилмадик.**

Мен шу ҳақда кўп ўйлайман, кечалари уйқу билмасдан, қаерда биз нимани ҳисобга олмадик, қайси масалага етарли эътибор бермадик, деган саволлар доимо одамни қийнайди. Шуларни умумлаштириб, такрор айтмоқчиман, биз тўғри йўлни танлашда шошилмадик. Баъзилар, эй, мана биз унга етиб бордик, биз бунга етиб бордик, деган бақир-чақириларни кўп гапиради. Биз ҳеч қачон шошилмадик. Энди бизга ҳавас қиласидан пайт келди. Ҳатто дунёдаги энг ривожланган, манаман деган давлатларнинг вакиллари ҳам келиб биздан нимани сўрайди? Бу болаларни қаердан топдинглар, деб сўрайди”.

Китобдаги ана шундай фикрларни ўқиганда, муаллифни юрагингга янада яқин ҳис қиласан. Бу инсон билан тиллашгинг, сухбатлашгинг, диллашгинг, жайдарича айтганда, росмана гаплашгинг келади. Юрак розларингни айтиб, кўнгилдан сухбатлар кургинг келади. Китоб барча фазилатлари билан бир қаторда ана шундай самимияти билан ҳам ўқувчининг қалбига киради. Шуларни айтар эканман, жорий йил 29 март куни бўлган сайловларда Юртбошимизга ниҳоятда катта меҳру муҳаббатнинг самараси бўлиб 90 фоиздан ортиқ сайловчи фуқароларимиз ёқлаб овоз бергани қонуний ҳол эканлигини юракдан ҳис киласман. Ҳалқи учун, юрти учун, фарзандлари учун бутун умрини нисор этиб, ҳаловатини, бор куч-кувватини бағишлаб келаётган инсонга нисбатан кўрсатилган чексиз ишонч, юксак муҳаббатнинг, ҳурмат-эҳтиромнинг ифодаси бу, албатта.

*Шұхрат РИЗАЕВ*



## “ФАРҲОД ВА ШИРИН” ДОСТОНИДАН

Достонни рус тилига  
Қодиржон ЭРГАШЕВ  
насрий таржима қилган

VIII<sup>1</sup>

*Бу паришон ажзорнингки, гули оташин авроқидек даҳр гулистони булбуларини ҳазордастон била ўтлук фарёдга солди – баргидин шуъла ва хурдасидин шарора кўргузмоқига боис не бўлғонга қалам сурмак ва бу ошуфта авроқнингки, чархи барин ажзосидек жаҳон дашити мажнунларини минг балога дастон қилиб сўзном фигонга учратти – шафақидин ёлин ва ахтаридин ахгар ёрутмогига мушаб не эрконни рақам урмоқ ва ўзин булбули Мажнундек гулруҳ Лайлиси фироқига солиб гам тогида Фарҳод била ҳамовоз қилмоқ.*

*Водить калам для объяснения причины того, что эти разбросанные страницы как листья огненных (красных) цветов заставили плакать (петь) соловьев цветника мира на тысячи ладах – от листа появилась пламя, от листика – искры, и написать о том, что, почему эти разбросанные страницы как небесные тела повергли безумцев пустынь мира на тысячи несчастий – заставляя их плакать сжигающим душу плачом – от зари воспламенилась огонь, от звезды – уголек, войти в положение соловья, похожего на Меджнун в разлуке со своей Лейли, с лицом цветка, и на горе печали издать звук в один голос с Фархадом.*

*Мушаъбид чарх аро ҳар сеҳрсозе  
Ки, бир тугрога нақши этгай тирозе.*

*Каждый волшебник<sup>2</sup> в этом мире-фокуснике,  
Когда будет украшать тугро<sup>3</sup> изображением (узором).*

<sup>1</sup> Давоми. Боши ўтган сонларда.

<sup>2</sup> Имеется в виду представитель искусства: поэт, художник и др.

<sup>3</sup> Многозначное слово. Первое значение: герб, печать, монограмма. Второе значение: орнамент, узоры, украшающие титульный лист или первую страницу книг.

*Агар ул пайкар ўлсун зишит ё хўб,  
Ва гар макруҳ бўлсун, йўқса маргуб.*

*Будь эта фигура некрасивой или красивой,  
Вызывающее отвращение или приятное сердцу.*

*Ки, гар аввал анга этмас тааммул,  
Замир авроқида қилмас тахайюл,*

*Если он сначала не проявляет терпение,  
И хорошо не обдумывает его.*

*Шуруй этмаклиги имкон эмастур,  
Хирад оллинда бу пинҳон эмастур.*

*Невозможно приступить к делу, что  
Перед разумом не является скрытым.*

*Яна бир буки ҳеч иши ҳодис ўлмас,  
Бирағаким анга бир боис ўлмас.*

*И ещё: ничто не происходит ни с кем,  
Если на то нет причины.*

*Мангаким бу таманно бўлди пайдо  
Ки, шавқи айлади кўнглумни шайдо.*

*У меня появилось это желание,  
Страсть его объяла мое сердце.*

*Дурру гавҳар хаёлин жонга солди,  
Мунунгдек баҳри бепоёнга солди.*

*В душу заронила мечту о жемчугах и рубинах,  
Бросило в такое безграничное море.*

*Буюорди солмоқ очиб печу тобин,  
Фалак буржига ўргамчи танобин.*

*Приказал мне развязать завязки сети паука,  
Сделать из её аркан и бросить в небо.*

*Бало тогига зўр изҳори бирла,  
Кетурмак нақб қокум хори бирла.*

*Под горой несчастья, проявляя силу,  
Сделать подкоп при помощи нити из шерсти ондатры.*

*Қалам баргу гули насринга сурмак,  
Рақам Фарҳод ила Ширинга сурмак.*

*Водить калам для описания листа и цветка белой розы,  
Написать про Фархада и Ширин.*

*Мунга доги зарур эрди тааққул,  
Чиқормоқ бир тикандин юз туман гул.*

*Для этого тоже требовался большой ум,  
Вывести из одного шипа миллион роз.*

*Зарурий бўлди авзоига тагийр  
Ки, дилкаш бўлгай ушибу сафҳа тасвир.*

*Требовалось изменить и вид его (дастана),  
Чтобы, изображенные на этой странице были приятны сердцу.*

*Яна боис буким, ишиқи балошўр,  
Бир ўтдин айлаб эрди жонима зўр.*

*Еще одной причиной была любовь, принесшая страдания,  
Которая одним пламенем своим измучила мою душу.*

*Тилим худ бор аниңг таърифида лол,  
Қиласай хомам тилидин шарҳи аҳвол.*

*Мой язык нем, чтобы описать её,  
Пусть язык моего калама излагает это.*

*Ҳазин жонимда бор эрди балое,  
Балолиг ишиқ ила ҳарён ҳавое.*

*В моей печальной душе была горе –  
Любовь со страданиями, метание на разные стороны.*

*Бирор ишиқ солиб жонимга андуҳ,  
Машаққат тоши юклаб кўҳ то кўҳ.*

*Любовь к одной повергла мою душу печаль,  
Наваливая на меня груз камней трудностей, как гора.*

*Бўлуб зулми ўтидин хаста жоним,  
Қарориб дуди бирла хонумоним.*

*От огня ее гнета заболела моя душа,  
От дыма этого огня почернело все, что у меня есть.*

*Бирор ийӯқ, кофири қотилниҳоде,  
Париваш, девзулме, ҳурзоде.*

*Не кто-то, а неверная<sup>1</sup>, убывающая людей,  
Похожая на пери, жестокая как див, родом из англов.*

*Кўзининг куфридин юз жонга оғат,  
Туман минг кишивари имонга оғат.*

*От неверия его глаз страдают сотни души,  
Миллионы страны веры терпят от них беду.*

<sup>1</sup> В оригинале «кафир», то есть человек иной веры.

*Синоҳи зулм ила чун келтуруб зўр,  
Жаҳон мулкига солиб горати Fўr.*

*Ее войска проявляя силу и жестокость,  
Все страны мира опустошили как гуры<sup>1</sup>.*

*Кўзи солгоч кўнгул кунжига ошуб,  
Бўлуб кирпиклари сабру хирадрўб.*

*Когда ее глаза подняли смуту в душе,  
Ее ресницы подмели и не оставили ни терпения, ни разума.*

*Тушуб олам аро гавгоси ҳарён,  
Жаҳон мулкида вовайлоси ҳарён.*

*Её смуты распространились на все стороны,  
В странах мира повсюду из-из её стоны.*

*Фаранг аҳлида зулмининг фигони,  
Хитоу Чинда жаври қўзгалони.*

*От ее жестокости стенает население Фаранга<sup>2</sup>,  
В Китае и Чине бунты от ее гнета.*

*Шафақгун май сори чун қўл узотиб,  
Чу ахсумлаб қуёши жомин ушотиб.*

*Если на чашу с красным вином она протягивает руку,  
Пьет мелкими глотками и разбивает чашу солнца.*

*Келиб ул бўлғоч эл қатлига мойил,  
Ажсал тигу кафан айлаб ҳамойил.*

*Когда она является и собирается казнить людей,  
Смерть вешает на свою шею саблю и саван.*

*Чу боғлаб бодпо жавлонига бел,  
Фалак авроқин элтиб ҳар тараф ел.*

*Если она повязывает пояс, чтобы ездить на скакуне, как ветер,  
Ветер разбрасывает на все стороны страницы неба.*

*Жунундин ақлкуш, бал дурдкаш ҳам,  
Пари рухсора, бал девонаваш ҳам.*

*От безумия она губитель разума, пьющая остатки вина,  
Лицом, похожая на пери, но повадками как безумец.*

*Мени маҳзунни шиқи барқрафтор,  
Ул оғат ўтига айлаб гирифтор.*

<sup>1</sup> Гур – название племени и династии в Афганистане, представители которого совершали опустошительные походы на соседние страны и области.

<sup>2</sup> Фаранг – Европа.

*Меня, печального, любовь как молния,  
Предала на огонь этой беды.*

*Фалак зулм айлабон мен мубталога  
Ки, айлаб мубтало андоқ балога.*

*Небо проявило жестокость ко мне, несчастному,  
Подвергло меня в такое горе.*

*Ичимни дард этиб маҳзун анингдек  
Ки, маҳзун бўлмагай Мажнун анингдек:*

*Душу мою боль сделала печальной так,  
Даже Меджнун не знал такой печали.*

*Бўлуб вайрона кўнглум ғам қушидин,  
Маломат тоши ёғиб тўши-тўшидин.*

*Птица печали разбила мою душу,  
Камни упрека со всех сторон сыплются на неё.*

*Жунун кўнглумни даشت ғамга солиб,  
Не ғам, ҳар лаҳза бир оламга солиб.*

*Безумие бросает мое сердце в пустыню горя,  
Не на пустыню горя, а каждый миг в другой мир.*

*Не маҳзун хотиримга васли мумкин,  
Не ҳажрида ўтум бир лаҳза сокин.*

*Ни возможности встречи с ней мой грустный ум не видел,  
Ни на миг не утихал огонь разлуки.*

*Бор эрди дард қотил, ишик бебок,  
Булардин тундроқ маъшуқи чоловик.*

*Болезнь была смертельная, а любовь – жестокая,  
Еще жестче была возлюбленная моя.*

*Вафосиз, табъсиз ноаҳл анго хуши,  
Вафо аҳли била биттабъ нохуши.*

*Ей нравились люди без верности, бездушные,  
С верными она вовсе не ладила.*

*Малак хайли еса ашиким учун рашик,  
Тўкубон ул Пари ҳар дев учун ашик.*

*Ангелы проявили ревность, увидев мои слезы,  
А она проливала слёзы из-за каждого дива.*

*Сиришким ишиқида гавҳар шамойил,  
Вале ул бадгуҳарлар сори мойил.*

*Из-за любви к ней проливал слёзы как жемчужины,  
Но она предпочитала низких и подлых<sup>1</sup>.*

*Нетай, минг зебу зийнат бирла товус  
Ки, бўлгай ҳамнишини буми мангуc.*

*Что делать, если павлин, имея такую красоту и украшений,  
Живет с собой, приносящей несчастья.*

*Бир ойким бўлгай ул солиб манга дард,  
Жаҳонпаймоу ҳаржсою шабгард.*

*Она – луна, которая повергла меня в болезнь,  
И гуляет по миру каждой ночь.*

*Манга айлаб ғаму меҳнатни муnis,  
Ўзи ҳар уйда бўлгай шамъи мажслис.*

*Подружив меня с горем и трудностями,  
Она сама в каждом доме как свеча освещает собрания.*

*Олиб анжум киби сабру қарорим,  
Қаро айлаб кечадек рўзгорим.*

*Она украла мое терпение как звёзды,  
Сделала мою жизнь темной как ночь.*

*Чу мундоқ неча мушкил узра мушкил,  
Манга юзланди таҳқиқ ўлди ҳосил.*

*Вот такие трудности одна за другой,  
Навалились на меня и стало очевидным:*

*Ки, гар ҳикмат била фикри муфиди  
Килинмас, йўқтуурур жондин умиди.*

*Если посредством мудрости не прийти к полезному мнению,  
То нет надежды остаться в живых.*

*Кўнгул ишқ аҳлига минг пора хуиштур,  
Чу маъшуқ аҳл эмастур, чора хуиштур.*

*От того что сердце разрывается на тысячу частей  
влюбленным хорошо,  
Но если возлюбленная не покладистая, хорошо найти способ.*

*Бу ғамдин менда қолмай ақлу ҳуше,  
Бу навъ этти нидо ногаҳ суруше:*

*От этого горя у меня не остались ни ума, ни разума,  
Но вдруг послышался возглас невидимого вестника.*

<sup>1</sup> Здесь игра слов. В оригинале употреблены слова «гухар» и «бадгухар». «Гухар» означает «жемчуг», «бадгухар» – человек низкого происхождения.

*Ки, эй кунжси малолатнинг хумули,  
Тушуб дарду бало кўнглунг қабули.*

*Эй, сидящий в углу печали и стеснений,  
Приняв на свое сердце боль и страдания.*

*Чу сен мундин бурун хоманг қилиб тез,  
Суман баргини қилдинг сунбуломез,*

*Ты до этого ускорив свое перо,  
Листья жасмина сделал похожими на гиацинт.*

*Нечукким Хизр зулматдин ниҳони,  
Улуска сочтинг оби зиндагони.*

*Как Хызр скрываясь во мгле,  
Живую воду разливал людям.*

*Ясодинг раззаи заркор тарҳин,  
Чиқординг "Хайрат ул-аброр" тарҳин.*

*Построил ты золотистый сад,  
Создав свой дастан «Смятение праведных»<sup>1</sup>.*

*Халойиққа сочиб дурри саминлар,  
Малойикдин эшииттинг оғаринлар.*

*Засыпая народ чистыми рубинами,  
Услышал слова одобрения и восхваления от ангелов.*

*Агарчи айттурида ранж тортинг,  
Вале кўрким не янглиг ғанж топтинг.*

*Хотя при написании ты встретился с трудностями,  
Но, смотри, какое сокровище ты обнаружил!*

*Неча кун кимса кўрган бирла ранжи,  
Киорса илгига ул навъ ғанжи.*

*Человек, если он несколько дней терпит трудности,  
И в его руки попадёт такой клад.*

*Ки, бўлгай анда юз минг дурри раҳишон,  
Дури раҳишон киби лаъли Бадахишон.*

*В котором сто тысяч сияющих жемчугов,  
И похожие на них рубины Бадахшанские.*

*Қизил олтун сариг зирниҳдин кам,  
Кумуши қадри қаро тупроғдин ҳам.*

*Перед ними цена красного золота ниже чем желтый зирниҳ<sup>2</sup>,  
Достоинство серебра ниже чем черная земля.*

<sup>1</sup> «Смятение праведных» – первый дастана «Хамсы».

<sup>2</sup> Зирниҳ – примесь серы и меди.

*Кўюб мунча нуқуду ганжси шоҳи  
Ки, андин ёрубон маҳ то ба моҳи.*

*Оставив столько наличных сокровищ шахских,  
От которых блестало от рыбы до луны,*

*Топиб бир қалб сийму айлабон бут,  
Анга йўқ тошу дурр ичра тафовут.*

*Найдя подделанное серебро и сделав из него идола,  
Для которого нет разницы между камнем и жемчугом.*

*Дебон гоҳи бути сийминбар они,  
Замоне луъбати маҳпайкар они.*

*Называя его то серебретелой красавицей,  
То куклой, красивой как луна.*

*Үёлмай Ҳақдин айлаб қиблагоҳинг,  
Ўтуб афлокдин ишиқида оҳинг.*

*Не стыдясь бога, ты сделал его объектом поклонения,  
Из-за любви к нему стон твой превзошел небеса.*

*Бу дунёда сени зор айлабон ул,  
Қиёматда гирифтор айлабон ул.*

*В этом мире он заставляет тебя плакать,  
В Судный день из-за него придется отвечать.*

*Бўлуб дунёу дининг жаҳлдин ҳеч,  
Кел этма жаҳлу мундоқ жаҳлдин кеч.*

*Твой мир и вера от невежества превращается в ничто,  
Не упрямься, откажись от этого невежества.*

*Ушотиб бутни, имон ганжси топқил,  
Кўюб бу жаҳл, ирфон ганжси топқил.*

*Сломай идола, обрети сокровища веры,  
Оставь это незнанье, обрети клад знанья.*

*Чу бут синдию қуфрунг елга бердинг,  
Мусулмон бўлдунг ар худ кофир эрдинг.*

*Ну вот идол сломан, твое неверие как ветром унесло,  
Ты стал мусульманином, если до этого был неверным.*

*Кўюб вайроналарда телбаликни,  
Яна бир ганж сори сун иликни.*

*Теперь оставь безумие ходить в руинах,  
В сторону другого сокровища протяни руку.*

*Яна бир конни қазмоғлиққа майл эт,  
Қазиб аҳбоб аро нақдин туфайл эт.*

*Приступай к открытию еще одного рудника,  
Открой его и дари сокровища друзьям.*

*Бу кон қазмоқни улким қилди пеша,  
Керак хорофикан илгига теша.*

*У того, кто хочет открыть это месторождение,  
Должна быть в руке теша<sup>1</sup>, ломающая камни.*

*Санга бу тешаварлик бўлса матлуб,  
Этур Фарҳод ҳамсуҳбатлиги хўб.*

*Если желание твое – работать с тешой,  
Тебе лучшие стать собеседником Фархада.*

*Бу кон ишиқида тешанг хорарез эт,  
Ани Фарҳод тоши бирла тез эт.*

*Сделай свою тешу камнерезом, чтобы открыть рудник,  
Сделай её острой, оттачивая камни Фархада.*

*Кўпуб Фарҳод бирла ҳаммасоф ўл,  
Итик метин била хорошикоф ўл.*

*Встань в один ряд с Фархадом,  
Острой киркой ломай камни.*

*Бу ишида не таян бир лаҳза, не тин,  
Етур метинининг ўрнига метин.*

*За работой не отдыхай, ни на миг не останавливай работу,  
Меняй кирку за киркой.*

*Агар Фарҳод ўлди кўп чекиб ранж,  
Санга Ҳақ бергай ўлмасдин бурун ганж.*

*Если Фархад погиб, встретив много трудностей,  
Тебе бог даст сокровищ, пока ты жив.*

*Наво топиб бу янглиғ ганждин ҳам,  
Халос ўлгайсен андоқ ранждин ҳам.*

*Радость будешь обретать от такого сокровища,  
И освободишься от таких трудностей тоже.*

*Ҳазин Фарҳод шуглин айла ширин  
Ки, топқайсен нигоре ўйла Ширин.*

*Занятие печального Фархада сделай сладким,  
И найдешь себе красавицу как Ширин<sup>2</sup>.*

<sup>1</sup> Теша – режущий и ломающий инструмент.

<sup>2</sup> Здесь игра слов: Словарное значение имени «Ширин» – сладкая.

*Ки, ул Ширинга бу ёндоиса бир дам  
Анинг шириналигидин келмагай кам.*

*Если с этой Ширин та будет рядом,  
Её сладость оказывается не меньше, чем у первой.*

*Бўлуб ул ганж сурат дилфирибинг,  
Етиб ҳам ганжи маънидин насибинг.*

*Это сокровище внешнее пленил твое сердце,  
И от сокровищ мыслей достанется тебе доля.*

*Қаю ганж, улки олдинг бешидин бир,  
Икинчисин олурга айла тадбир.*

*Это те сокровища, одного из пяти ты уже взял<sup>1</sup>,  
Принимай меры для того, чтобы получить второе<sup>2</sup>.*

*Этур сендин талаб, биздин ҳидоят,  
Гадолиг сендину биздин иноят.*

*Твое дело просить, а наше – указать истинный путь,  
От тебя – нищенство, от нас – милость.*

*Чу хотифдин етишти бу навидим,  
Ўзумдин ўзга навъ ўлди умидим,*

*Когда от невидимого вестника услышал эту добрую весть,  
Я стал по-другому надеется на себя.*

*Кўюб васвосу савдоларни бир ён,  
Етиштим пир даргоҳига гирён.*

*Оставив в стороне мысли, внушенные дьяволом,  
Плача, я дошел до обиталища старца.*

*Тушуб тураг ичига зору маҳжур,  
Кўзум чун торти ул турагдин нур.*

*Со стоном упал на землю перед ним,  
От этой земли очи мои приобрели свет.*

*Сипехр оллинда андоқким овуч хок,  
Ва ёхуд тўби атрофига хошок.*

*Как горсть земли перед небосклоном,  
Или как хворост рядом с туби<sup>3</sup>.*

*Демакка арзи ҳолимни уёлиб,  
Шукуҳи жиссими титратма солиб.*

<sup>1</sup> Имеется в виду первый дастан «Хамсы». «Смятение праведных».

<sup>2</sup> Имеется в виде второй дастан «Хамсы». «Фархад и Ширин».

<sup>3</sup> Туби – райское дерево.

*Стыдясь говорить о своем состоянии,  
От его величия дрожа всем телом.*

*Кўруб тупрогда ул меҳри жаҳонтоб,  
Мени титратмадин андоқки симоб.*

*То солнце освещающий мир, увидело меня,  
На земле как ртуть дрожащего.*

*Кулуб чун субҳ меҳр изҳор қилди,  
Ғамим шомини субҳосор қилди.*

*Улыбаясь как заря, проявил свою любовь,  
Вечер моей печали сделал как рассвет.*

*Деди: ҳолинг недур, шарҳ айла бир-бир.  
Чу сўрди дафъа-дафъа тушиб тақрир.*

*Сказал: каково состояние твое? Говори по порядку,  
Несколько раз он это повторил, и пришлося рассказать.*

*Чу бўлди борча аҳволимга воқиф,  
Манга худ бўлди ул икинчи хотиф.*

*Когда он узнал о моем положении,  
Стал для меня вторым хотифом<sup>1</sup>.*

*Неким аввалги хотиф ҳукм сурди,  
Икинчи хотиф они-ўқ буюорди.*

*Что первый хотиф мне повелел,  
Второй то же приказал делать мне.*

*Қабул эттим тутуб анфоси поси,  
Равон қилдим дуонинг илтимоси.*

*Из-за уважения к его словам я принял их.  
И сразу просил у него благословлений.*

*Чу ул бошлиб Масиҳосо каломин,  
Дуо ул деб, малойик айтиб: Омин.*

*Тогда он начал свою речь как Иисус,  
Он благословил, а ангелы сказали «Аминь!»*

*Дуо йўқким, ижобатдин нишон ул,  
Ижобат бирла балким тавъамон ул.*

*Это не благословление, а знак того, что бог внял моим  
просьбам,  
Это то же, что исполнение моих желаний.*

<sup>1</sup> Хотиф – невидимый вестник, голосом передающий добрые вести.

*Манга чун етти бу давлат нишони,  
Очилди ҳар ён абвоби маони.*

*Знак этого счастья дошел до меня,  
Со всех сторон открылись двери мыслей.*

*Қаро тупрөг уза ул абри пурбор,  
Туруб қилди ўзин ул навъ дурбор.*

*Над черной землей то облака щедroe,  
Стало таким образом, рассыпающим жемчугов.*

*Ки, ўтти пояси дарёу кондин,  
Не дарёу не конким, осмондин.*

*И превзошел он месторождения, реки,  
Не только их, но и неба.*

*Чу мен тупрөг ердин кўкка еттим,  
Ер ўптум дозги ўз ҳужрамга кеттим.*

*Так я – прах, возвысился от земли до небес,  
Поцеловал землю и ушел в свою келью.*

*Эшик ёпмоққа чун сундум иликни  
Ёпилгоч ул, Ҳақ очти юз эшикни.*

*Протянул руку, чтобы закрыть дверь,  
Дверь закрылась, бог открыл сто дверей.*

*Кетур, соқий, қадаҳ хилватда бир дам.  
Чу келтурдуң эшикни боғла маҳкам.*

*Принеси, виночерпий, чашу в уединении,  
Если принес, плотно закрой дверь.*

*Чу Жомийдан етишти бўйла коме,  
Анинг ёди била тут бизга жоме.*

*От Джами было исполнение моих желаний,  
Поднеси мне кубок, вспоминая его.*

*(Давоми келгуси сонларда)*



**NASR**

*Jahon*  
ADABIYOTI



## Юсуф Вазир ЧАМАНЗАМИНЛИ

(1887–1943)

### ИККИ ЎТ ОРАСИДА Роман<sup>1</sup>

Озарбайжон тилидан

Файзи ШОХИСМОИЛ таржимаси

Ёзувчи, публицист, драматург, тарихчи, фольклоршунос ва моҳир таржимон. Озарбайжон маданиятида ўчмас из қолдирған адилардан. У 1887 йили Шуша шаҳрида туғилган. 1915 йили Киевдаги Император университетини туғатган. Шундан сўнг у турли сиёсий ва дипломатик лавозимларда ишлайди.

Чаманзаминли бир қатор ҳикоялари, “Талабалар” (1919), “Ўтмиш саҳифалари” (1926), “Қон ичра” (1930), “Зулматдан зиёга” (1933), “Қизлар булоги” (1934), “Икки ўт орасида” (1937), “1917 йил” (1939) романлари билан шуҳрат қозонди.

Юсуф Вазир 1937 йилги қатагонлар қурбони бўлди. Аевал турли айбловелар билан ишдан олинди, 1940 йили сургун қилинди ва қамоқда вафот этди.

Эътиборингизга ҳаёла этилаётган “Икки ўт орасида” тарихий романида мумтоз озар шоюри, давлат арбоби Мулла Паноҳ Вокиф ва у яшаган давр манзаралари бадиий акс этитирилган. Дарвоҷе, ўзбек китобхонлари Мулла Паноҳни лирик шеърлари орқали ҳам яхши танийди.

Журналхонларимиз “Қизлар булоги” романини моҳир таржимон, шоир, “Жаҳон адабиёти” журналидаги кўп йиллар самарали фаoliyat юритган Файзи Шоҳисмоил таржимасида ўқишиган. Тақдирни қарангизи, Файзи ака “Икки ўт орасида” романни таржимасини туғатиб, таҳририятимизга топширгандан сўнг оламдан кўз юмди. У кишини Оллоҳ ўз раҳматига олсин.

#### Биринчи қисм

##### 1

Тонг оқаряпти. Бағриқон<sup>2</sup>нинг орқасидан бошлаб осмон юзини хира шафак қоплаганди. Ҳавода ҳафиғ бир аёз бўлса ҳам баҳорнинг дараҳларни уйғотган илк насими бу аёзга хуш сафо баҳш этарди. Атрофда хўролзар қичқирад; бозорда уйқусиз дарға шогирдларининг бўғиқ овозлари сахар сукунатини бузиб андуҳ таратарди.

Шараклаган товуш эшитилди: сарой дарвозаси очилди, орқада шарпалар кўринди, ғала-ғовур овозлар келди. Кўп ўтмай бир неча одам ташқарига чиқди, орқадан отликлар кўрина бошлади. Жиловдорлар отларни етаклаб оҳиста юришар, қароллар “пўшт-пўшт”лар, маоф<sup>3</sup>лар

<sup>1</sup> Журнал варианти.

<sup>2</sup> Бағриқон – Шушанинг ўнг томонидаги тоғ.

<sup>3</sup> Маоф – соликдан озод қилинган хизматчи.



Суратларни Дилдора Ҳамидова чизган.

уларнинг орқасидан келишарди. Қофила<sup>1</sup> бироз илгарилаб ўнг томонга, қалъа эшигига қараб бурилди. Бир-икки қарол шаҳар дарвозабонлари га хабар бергани югаруди. Темир қопқаларнинг залворли зулфинлари сиртмоқлардан чиқарилди, бирзумда қопқалар кетма-кет очилди, коронғи тоғларга офтоб тушиб, шафақлар қизарди. Дарвоза ёнларидағи супаларда бир қатор соқчилар күлларини күксига күйиб, интизорлик билан қофилани кутишарди. Булардан ичкарида ёпинчиқли лазги ва құмук, Жавоншир элига мансуб мўйловдор, енгиз пўстинли ўқчилар бор эди. Қилич ва ханжарларининг кумуш дасталари, милтиқларнинг бандлари ялтираб турарди.

Қофила яқинлашди. Соқчи дарбонлар энди икки қатор бўлиб туришар, кўзлари ерга қадалганди. Олдинда келаётган отнинг устида оғир гавдали,

<sup>1</sup> Қофила – сайдга чиққан отлик ва пиёда йўловчилар.

оқ чодрали бир хоним ўтиарди. Бу Иброҳим хон<sup>1</sup>нинг хотинларидан бири Шоҳниса хоним эди. Тонг шафағи хонимнинг юзига тушгандай кўзларини қисди, юзини буриштириб:

– Қандайсизлар, йигитлар? Яхшимисизлар? – деди.

– Кўп яшанг! Саломат бўлинг, хоним! Бошимиз узра ҳамиша соябон бўлинг! – деган ҳар хил овозлар эшитилди.

Қофила қалъя дарвозасини тарқ этганига анча бўлганди, лекин унинг шаънига айтилаётган ризолик сўzlари ҳали давом этарди.

Кун аста-секин ёришиб борарди. Осмонда бир парча ҳам булут кўринмасди; шарқ томон кесилган тарвуз каби қизариб туради. Шоҳниса хоним чап томонида отда кетаётган қизи Кичикбайимга ўгирилиб, ҳануз давом этаётган сукунатни бузди:

– Хой, қора қиз! Чарчаган кўринасан, рангинг қочибди... Кечкурун сенга айтдим, камроқ ўйна, камроқ сакра, деб. Қулоқ солмадинг.

Кичикбайим олрангли лабларини бурди, қошларини чимириб:

– Вой ойижон, йилда бир кеча чилла чиқади, уни ҳам ўйнаб-кулиб ўтказмасанг, тўйгунча рақс тушмасанг... Қандай бўлади? – деди, кеча тонггача яхши ўтказган вақтини эслаб завқланиб, хандон уриб, юрақдан кулди. Байимнинг кулгиси орқадан келаётган қадими<sup>2</sup> Бобони ҳам мудрашдан уйғотди; сўлғин чехраси очилди, чўққи соқолини селкиллатиб:

– Хоним, садағанг кетай, ёшлиқ-да. Қўй, ўйнасин-кулсин! Байимнинг ҳозир айни қизлар булоғидан сув ичадиган пайти... – деб жим қолди ва гўё бошидан чарх уриб тўлқинланган хотиралар унинг сўzlарини паро-канда қилди. Шоҳниса хоним ярим ўгирилганча лабларида имоли бир табассум ўйнатиб:

– Хой, қадими, – деди, – ёшлиқинг эсингга тушди шекилли? Қўрқма, жудаям қари эмассан. Кечаги ўйинингдан кўрдим; ҳали суза оласан.

– Хоним, бошингдан ўргилай, нималар деяпсан, сен менинг қандай вақтимни кўрибсан... Мени раҳматлик Паноҳ хоннинг даврида от белида кўрсайдинг... Шункор эдим.

Бобо бир ох тортиб, отнинг устида қаддини ростлади, қамчиси билан ўнг томондаги тўпхонани кўрсатди.

– Қара, парвонанг бўлай, хоним, йигирма йилча бўлди Фатали хон Афшар анави ёнбағирдан бошлаб Шушанинг дараларини қўшини билан тўлдирганди, қара, оғзи тепага қараган қальага томон тирмашардилар. Паноҳ хон раҳматлик тўпларни ўт олдирди. Еру осмон ларзага келди... Сўнг – ҳозиргина ўтганимиз – Ганжа дарвозаси очилди. Отларни учирдик... Дараларни сел каби, тепаларни ел каби туйиб бордик... Фатали хон шу бўйи кетди.

Бобонинг қамчиси ҳамон ҳавода осилиб турар, гўё яна нималарни дир айтмоқчидаи эди. Оқарган қошлари остидан қараб турган кичик кўзларидан ўт чақнарди.

Шоҳниса хоним уни ўзига келтириш максадида кулимсираб деди:

– Охири нима бўлди, қадими? Яна сизларни алдади, Иброҳим хонга ҳам панд берди.

Бобо қўлини пастга тушириб, жаҳл билан ханжари дастасига ёпишиди, тили тутилиб деди:

– Хоним, нимасини айтасан... Қасд қилди... Ширин тилини ишга солди... Қизини Иброҳим хонга бермоқчи бўлди. Кечирим сўраб келди... Биз

<sup>1</sup> Исламдардаги “хон”, “бек”, “хоним” каби мурожаатлар асарнинг аслидагича қолдирилди.

<sup>2</sup> Қадими – ҳар хил солиқлардан озод қилинган хизматкор.

ҳам Иброҳим хоннинг орқасидан эргашиб, Хўжали даштига ярашгани бордик... Кўйлар сўйилиб, қозонлар осилганди... лафзидан қайтишини, бизни ҳам Эронга тортиқ қилишини қайдан билибмиз...

Кичикбайим хоним гап қотди:

– Ҳой, буважон, бўлди килинг, мақтанаверманг, орқадан отилган тош тўпикка тегади.

Бобо қўлларини силтаб-силтаб яна гапирмоқчи бўлди, лекин йўтал уни бўғди, бошқа гапира олмади.

Шоҳниса хоним қадимийнинг йўтали сабабини сезиб, унга тамаки че-кишга рухсат берди.

Бобо узр сўради:

– Хоним, жоним садаға, ҳурматсизлик бўлади, хижолат тортаман.

Кичикбайим онаси ўрнига:

– Ҳечқиси йўқ, буважон, чекаверинг! Муштугингизни тўлдираверинг, – деди.

Бобо бир-икки бор узр сўраб тамаки халтасини олди, кумуш занжирли муштугини тўлдириди. Чақмоқтош билан тутантириқни ёндириб, муштуига ўт олдирди.

Йўл борган сари яланғоч қоялардан Дашолти дарёсигача илонизи сўқмок бўлиб тушиб борарди. Отлар аста қадам босар, оёқлари тез-тез сирғанаарди. Жиловдорлар отларнинг юганларидан маҳкам ушлаб, ора-сира уларга ўшқириб қўярдилар.

Олиқлар ҳали айланмаларни ўтиб улгурмай Маммад бек билан Кичикбайим дарёга етган эдилар. Беш-олти уйли армани қишлоғининг ичидан ўтиб, тошкўприкнинг устига чиқишиди. Рўпарада ўнг томонда кўкка юксалган яланғоч қоянинг бошига куёш заъфарон рангини тортганди.

Чап томондаги қоянинг орқасида ўрмон кўзга ташланарди.

Олис-олисларда оқ саллали Кирс тоғи улуғворлик билан ўйқуга толганди.

Олиқлар кўпприкка етар-етмас ҳамма отдан тушибди, аста-секин чап томондаги Кўтирувга яқинлашдилар. Қояни ёриб чиқкан Кўтирув уч-тўрт газ баландликдан ола-була шағал тошлар ичига қуйилар, кумуш занжир каби жилваланиб оқиб кетарди. Кичикбайим сув соҳилига келди: “Оғирлигим, уғурлигим<sup>1</sup> тўқилсин!” деб бир неча бор сув устидан у ёқ-бу ёққа сакраб ўтди. Кейин йўсин қоплаган қоя тошга суюниб турган Маммад бекка қараб ўраркан:

– Ҳой, йигит, сен нега турибсан? – дея эркаланиб унинг чухаси<sup>2</sup> енгидан тортди.

Маммад бек кўпприкдан тушиб келаётган Шоҳниса хонимга ишора қиласкан, ўрнидан қимирламади: олдин катталар, кейин ёшлар сувдан сакраб ўтишлари керак эди. Кўлларидан каниз ва оқсоchlар ушлаб олган хоним келиб Кўтирув бўйидаги тутзорнинг четан тўсиги устига ўтириди.

– Оқ-ойдин кунларга еткур, – деди, – мени шу ёшимда, қара, қаерларга судраб келдинг: жоним бўғзимга келиб қолди-ку.

– Вой ойижон, уйда ўтириб зериккандан кўра бу яхши-ку. Латтага ўрал, эл билан судрал. Бироздан кейин шаҳарнинг барча қиз-келинлари, катта-кичиклари ёғилиб келади бу ерга.

Шоҳниса хоним қизининг қорамагиз чехрасини қоплаган завқ ва шавқни фарҳ билан кузатаркан:

– Бошинг омон бўлсин, қизим, – дея кулимсиради ва хизматкорларга:

– Ҳой йигитлар, дарҳол битта ўчоқ ясанглар, бир қаҳва ичайлик, – деди.

<sup>1</sup> Уғурли – баҳтли, омадли.

<sup>2</sup> Чуха – эркакларнинг узун устки кийими, яктакка ўхшайди.

Хизматкорлар четандан ошиб ўтиб, боғнинг пастки томонида ўчоқ қилиш тараддудига тушдилар; канизлар тут дараҳти тагига дастурхон тузай бошладилар.

Шоҳниса хоним бироз дам олди, сўнг туриб булоқ бошида юз-қўлини ювди ва “Оғирлигим, уғуригим тўкилсин!” деб Кичикбайим ёрдамида оқар сув устидан ҳатлаб ўтди. Кичикбайим Маммад бекнинг кўлидан ушлаб, уни ҳам сув ёнига етаклаб борди, қаҳқаҳа уриб уни итариб юборди, сув устидан сакратди. Ҳазиллашиб, бир-бирини сувга қараб итариб шўхлик қила бошлишди. Бир вақт Кичикбайимнинг баҳмал бошмоқни баланд кўтарди ва истехзо билан: Маммад бек сувда сузаётган бошмоқни баланд кўтарди ва истехзо билан:

– Ҳой байим, ўғил бўлишни жудаям истаяпсан, бўлолмаяпсан. Йигит бўлиш сенинг ҳунаринг эмас, – деди.

Кичикбайим йигламсираб, бошмоқни унинг қўлидан олди-да, четан устига ўтириди.

Тут тагига зариф шолчалар тўшалган, баҳмал кўрпачалар солинган, ипак ёстиклар, болишлар тизилганди. Қоравашлар – хос хизматкорлар кўллари кўксисда саф тортиб, хонимларни кутишарди. Шоҳниса хоним эса сув бўйида ўтириб, чилёсин қилдишарди. Кичикбайим учун Гулобли қишлоғидан олиб келинган ва ўша пайтдан бери саройда қолган энага хонимнинг қаршисига ўтириб, унинг бош бармоқларини оқ ип билан боғлади, кейин деди:

– Ҳазрати Сулаймон ҳаққига, жин қизи Маржон ҳукмига, бани одамдан, бани ҳайвондан, жиндан, шайтондан, оқар сувдан, томирли дараҳтдан, тагтугли қоядан, етти ўйл чорраҳасидан... ҳар кимнинг чилласига йўлиқибсан, чиллангни қирқдим!

Шу сўзлардан сўнг қайчи билан оқ ипларни кесди. Кўшимча тарзда хонимнинг бармоқларига яна икки марта ип тугди, ҳалиги сўзларни такрорлаб, ипларни қирқди ва кесилган ипларни бир кўли билан кўтариб, хонимнинг боши узра ушлаб турди, нариги кўли билан бурунж<sup>1</sup>дан ясалган, устига дуолар ўқилган “кирқ очар жом”да булоқдан бироз сув олиб, қирқилган иплар устига томизди. Сув хонимнинг бошидан пастга оқиб тушиб, гўё унинг бутун дардларини ювиб кетди. Энага Кичикбайимнинг ҳам чилласини қирқди, чилёсин ўқиди, унга баҳт-саодат тилади, кейин ўз сути билан боқкан баъимнинг нозик кўлларини лабларига босиб ўпганида кўзларига ёш келди...

Халқ эски йилдан қолган дард ва ғам-ғуссаларини сувга оқизиб, оқар сув устидан ҳатлаб ўтишар, чилласини қирқтиришарди. Кулгилар, қийқириқлар тоғларга урилиб, акс садо берарди.

## 2

Деразанинг ранг-баранг майдада шишаларидан ичкари тушаётган шуълалар ерга тўшалган гиламларнинг накшларига ўзгача жило берарди. Баъзи накшлар ловуллаган оловдай товланар, ялтираб, камалак мисоли деразага ранг таратарди.

Ичкарида ипак тўшак устида узун телпак, чуха, яшил чолвор кийган, шол белбоғ ўраган бир киши ўтириб, бир табақаси очик деразадан олис манзарни – Дабтолабни, бошини қор қоплаган Муров тогини томоша қиласарди.

Унинг қорага бўялган мўйлови атрофидаги чукур ажинлар гоҳ фусункор манзара олдида ҳафифланар, гоҳ эса чуқурлашиб, оғир қайғулар ифода этарди. Бу хоннинг вазири ва давлат маслаҳатчиси Мула Паноҳ Вокиф эди.

Ў рўпарасидаги эмал гулдон ичидаги наврўзгули ва бинафшаларни олиб ҳидлади ва гулдонни ноҳуш ҳолда дераза тахтасининг устига қўйди.

<sup>1</sup> Бурунж – бронза.

Шу аснода нақшли эшик очилди. Воқифнинг ўғли Қосим оға ичкари кирди. Мўйлов ўрни энди терлаган бу ёш йигит нақшинкор пайпоклари билан гилам устига товуш чиқармай юрганича отасига яқинлашди ва тиз чўкиб қўлини ўпди.

– Оға, байрамингиз муборак бўлсин! – деди ва севинч билан отасининг юзига қаради.

– Ўзингга ҳам муборак бўлсин, ўғлим! Шундай байрамларнинг кўпини кўргин! Катта йигит бўлгин!

– Байрам-ку, бор, айлан, ўғлим! – дея Қосимнинг чиқишига рухсат берди. Қосим оға ўрнидан туриб эшикка етиб улгурмасдан ҳарир парда кўтарилиб, ичкарига ўрта бўйли, тўла, вужуди чиройли бир аёл кирди. Шойи дуррасининг остидан чиқиб турган қора соchlарининг учлари оппок томоги узра илондай буралиб турарди. Доройи кўйлагидан бўртиб турган кўкраги намойишкорона, зарбоф нимчасининг тугмалари сезилмас бир титроқ ичида эди. Бу аёлнинг чуқур изтиробидан дарак берарди.

Воқифнинг кўзи хотинига тушиши билан чақнаб кетди, унга нисбатан асраган, баъзан иккиланишлар ичра топган ишқи янгидан жонланди.

Шўх ва эҳтиросли бир табассум билан:

– Қизхоним, байраминг муборак бўлсин! – деди ва уни илиқ қараш билан эркалди.

Шу аснода ичкарига кекса бир хизматкор кирди:

– Оға, Мирза Алимаммад оға ташриф буюрди, – деди.

– Марҳамат, кирсин!

Шу пайтга қадар оёғида тик туриб қолган Қизхоним шаҳд бурилиб, бошқа эшикдан чиқиб кетди. Хизматчи ҳам қўшимча эшикни очиб:

– Марҳамат! – дея деворга қисилганча меҳмонга йўл бўшатди. Мирза Алимаммад ичкари кирди. Бу баланд бўйли, соқолига оқ оралаган, қорақош бир киши эди. Ҳар бир ҳаракатидан чаққонлик сезиларди.

Кўлини чаққонлик билан кўксига кўйиб, салом берди ва айни шундай чаққонликда ўрнидан турмоқчи бўлган Воқифнинг ёнига келиб тиз чўқди:

– Мени хижолат ва шармисор қилманг! – деди ва Воқифнинг икки кўлини ҳовучлар орасига олиб қаттиқ-қаттиқ қисди.

– Ийди-шарифингиз муборак бўлсин, иншоллоҳ! Кўплаб шундай байрамларни кўрайлик, кайфиятимиз айло, димогимиз чоғ бўлсин!

– Сенга ҳам!... Нега энди хижолат бўласан? Гап мартабада эмас, пайғамбар авлодига хурмат кўрсатиш ҳам бир мусулмонга қарзdir... нега бу ерда ўтигринг? Тур, оғзимизга шириналклар олайлик.

Воқиф кўлини ноғулга чўзиб ўзига хос ҳазиломуз табассум билан:

– Сайийд, тасаддуқ, шириналклардан ол, тортинма! Барги сабзист тўхфаи дарвеш<sup>1</sup> – деди.

Мирза Алимаммад устига қалампирмунчоқ санчилган тортдан бир парчасини кесиб олиб, оғзига солди:

– Сиз каби дарвеш бўлишга ҳар ким ҳавасманд-ку, ахир.

– Эҳ, кўзим нури, дарвешнинг не дарди бор – қара, наврўз сахарида гулдоним ерга тушиб синди. Бу ёмон аломат эмасми, ахир?

Воқифнинг юзидағи табассум излари ўчиб кетди.

– Шоирул-шуаро, идиш синишини қўл орасидаги бало-қазонинг даф бўлиши дея тавсифлайдилар. Тағин ҳали йил тугагани йўқ, кун ўрта бўлишга бир соат қолганда тугайди. Гулдоннинг синиши эски йилга тааллуқлидир.

<sup>1</sup> Дарвешнинг тухфаси қуруқ мевалар.

– Кошки сенинг айтганинг бўлса. Фақат юракка ёмон таъсир қиласи: пашша ифлос эмас, лекин у қалбни булғайди.

Боя Мирза Алимаммадни ичкари киритган хизматкор юзаси нафис нақшланган жез лаганда икки финжон каҳва олиб келди ва Хонмаммад оғанинг ташрифидан хабар берди.

Воқиф:

– Кирсин, – дея лабларида истеҳзоли табассум изҳор этди.

Мирза Алимаммад эса тез-тез эшикка қаради, акасининг келишидан сира мамнун эмасди. Хонмаммад кирди, байрам билан қутлаб ўтириди. Яшил чухасининг енгларини елкасига ташлаб, каттакон, усти тукли бурнини тортди ва ҳеч қандай таклифсиз дастурхондаги ширинликдан олиб оғзига солди. Лунжларининг иккаласини ҳам шишириб-шишириб шаҳарнинг янги хабарларидан гапира бошлади:

– Хон Курдлар маҳалласидан ўтибди... Хазна қоясидан қайтармиш, ҳалиги янги минора пойдеворига тош қўйгани бораётганмиш...

Воқиф кулганича унинг сўзини бўлди:

– Ё кетаётганмиш, ёки келаётганмиш!..

Хонмаммад шошиб:

– Қайтаётганмиш! – деди ва оғзидаги ширинликларни сачратиб юборди:

– Қайтармиш! Бошорбоши-дарға Оғаси ҳам ёнида экан. Хуллас, савдогар Ҳожи Каримнинг четани ёнидан ўтаётганда кўзи Ҳожининг қизига тушиб қолибди. Айтишларича, жуда ёқтириб қолганмиш. Қиз ҳам ёмон эмас: ўн беш-ўн олти ёшида...

Воқиф ҳазиллашди:

– Демак тўйда ўйнарканмиз-да? – деди.

– Нега ўйнамаймиз, Охунд, ўйнаймиз, ахир...

Мирза Алимаммад акасининг гапларини уялиб тинглар, кўзларини ердан ололмасди. Воқиф эса хурсанд бўлиб ҳазилини давом эттиради:

– Ҳой Хонмаммад отахон, хўш, дўстинг Сафардан қандай хабар бор?

Сафар Қорабоғнинг машхур кочоқларидан эди. Асли Зарисли<sup>1</sup> қишлоғидан бўлиб, юзбошини ўлдиргач, тоққа қочиб кетиб, қароқчилик қилиб юради.

Бир йил аввал Хонмаммад қишлоқларнинг бирида молжаҳат<sup>2</sup> йиғиб қайтаётиб, Сафарга дуч келибди. Сафар уни ушлаб, хизматчилари билан бирга дарахтга боғлабди. Эшакларга ортилган нарсаларни эса олиб кетибди. Неча кун ўрмонда сувсиз, оч қолган Хонмаммад тасодифан топилиб, чалажон ҳолда Шуша қалъасига келтирилибди.

– Сиз менга қулинг, чунки мен кўрқоқман. Тоғ йўлида Ардабилдан келиб, Тифлисга кетаётган карvonни ҳам талабди... жуда қўрқинчли одам. Эсимга тушса, вужудим титрайди.

Воқиф жиддийлашди ва андиша билан сўради:

– Ўша одам қаерда ўзи?

– Охунд, у ҳали ёш, йигирма-йигирма икки ёшларда бўлса керак. Аммо ёвуз феълли бир одам. У чақирдими – одам қалавасини йўқотиб қўяди...

Воқиф қаҳ-қаҳ уриб кулди.

– Рост айтаяпти, – деди ва назари Хонмаммаддан узилиб, Мирза Алимаммаднинг юзига тушди: Мирза лабларининг учидаги тугилаётган табассумни бўғиб, Воқифнинг сўзини шартта бўлди:

– Охунд, хон ҳузурига бориш пайти бўлмадими? – деб сўради. Воқиф

<sup>1</sup> Шуша яқинидаги қишлоқ.

<sup>2</sup> Молжаҳат – хон учун маҳсулотнинг ўндан биридан халқдан ундирилладиган солик.

кўлини кўлтиқ чўнтағига тиқиб, қора боғичли ялтироқ қопқоқли соатини чиқарди ва шошиб:

— Лала! Лала! — деб чақирди. — Кетишимиз керак, — деб қўшиб қўйди ортидан.

Кекса хизматчи ичкари кирди.

— Оға, қандай хизмат?

— Жиловдорга айтинг, отларни олиб чиқсин!

— Хўп бўлади, оға!

Хизматкор чиқиб кетди ва икки дақиқадан сўнг отлар тайёрлигини хабар қилди. Туришди. Воқиф чухасининг енгларини тортиб, билаги устида тугмасини солди. Чиқишидди. Бошмоқлари даҳлизда эшик олдида тайёр туради. Кийиб, тош зинапоялардан ҳовлига ўтишди. Улкан тут дараҳти тагида икки кумуш сийнабандли, чиройли этар-жабдуқли аргумок етакда туради.

Жиловдорлар аввал Мирза Алимаммад оғанинг отини олдинга тортдилар.

Хонмаммаднинг оти йўқ эди. У аввалроқ йўлга тушган. Вокиф билан Алимаммадни икки жиловдор ва елкаларида зингўш – соябон тутган иккита хизматчи кузатиб борарди.

### 3

Вокиф билан Марза Алимаммад саройнинг кенг каллайисига<sup>1</sup> кирганида, катта издиҳомга дуч келдилар. Шаҳарнинг барча аъён, ашроф<sup>2</sup> ва аснофи<sup>3</sup> шу ерда эди. Тўрда юзаси рангли шишалар билан нақшланган дераза қархисидаги қимматбаҳо гиламлар тўшалган таҳт устида Қорабоғ ҳукмдори Иброҳим Халил хон ўтиради. Атрофини дабдаба билан кийинган оғалар, беклар, аъёнлар ва оқсоқоллар ўраганди. Хоннинг қайнотаси Малик Шоҳназар, дарға Оғаси бек, армани руҳонийси Ўҳон, оқ саллали шаҳар қозиси ва яшил дастор ўраган бир-икки саййид ҳам шу ерда ўтиради. Каллайнинг пастки қисми тожир ва ҳунармандлар билан тўла эди: булар девор бўйлаб тўшалган ипак кўрпачалар устида тиззалаб одоб билан жимгина ўтирад эдилар.

Вокиф билан Мирза Алимаммад оғани кўриб мажлисдагиларнинг бирчаси ўринларидан турди: фақат хон билан салтанат валиаҳди бўлган ўғли Маммадҳасан оға ўринларидан жилмадилар. Лекин янги келганларга юқорига ўтинг, дегандек кўллари билан ишора қилдилар. Вокиф билан Мирза Алимаммад халққа таъзим қила-қила тўрга ўтиб, кўрсатилган жойга ўтирилар: Вокиф хоннинг чап томонига, Мирза Алимаммад эса ўнгда, Ўҳон кашиш ёнига ўрнашдилар. Иброҳим хон Чингиз хоннинг набираси Хулоку хон наслидан бўлганига фаҳр билан саройда ҳам Чингиз анъаналарини давом эттиришга ҳаракат қиласиди. Бу анъаналардан бири обрўли одамларнинг хоннинг чап томонида ўтириши эди. Вокифнинг ҳам чап томонидан жой эгаллаши унинг саройда қозонган мавқеи ва хурматини билдирарди. Янги келганлар ўтириши билан такроран хонга, атрофдагиларга, сўнгра жамоага бош эгиб, таъзим бажо келтирдилар. Жавоб тарикасида узун телпаклар тартиб билан эгилиб турдилар. Хон байрам муносабати билан Ламбаран газмолидан тикилган оқ чуха, бошига ҳам оқ мўйна телпак кийганди. Елкасига ичи сувсар мўйнали бўйинбоғ ташлаб олганди. Шол белбоғидан тилла ханжарининг қимматбаҳо тошлар билан безалган дастаси кўриниб туради.

Янги келганлар ўтиргач, дастурхончи ҳозир бўлди, бир тиззасини ерга қўйиб чинни финжонлардаги қаҳвани тилла патнисдан олиб меҳмонларнинг олдига қўйди.

<sup>1</sup> Каллайи – бино ичкарисидаги тўри хона, танобий.

<sup>2</sup> Ашроф – оқсоқоллар.

<sup>3</sup> Асноф – ҳунармандлар.

Хонликнинг тинчлик ва фароғат ичида яшаётганига анча бўлди. Нодирнинг қонли босқинларидан кейин Каримхон Занд Эронда осойиш барпо этганди, ҳозирча у ерда ҳеч қандай таҳлика кутилмасди. Нодирнинг Хурросонга қувғин қилган ва Иброҳим хон мансуб бўлган Жавоншир, Ўттиз икки ва Баҳмонли эллари кўпдан қайтиб келган, Қорабоғ тупроғига, Кура ва Араз орасидаги она юргларига жойлашган, экин экиш, чорва бокиши билан машғул эдилар.

Гуржистон ҳокими Ираклий хон билан дўстлик давом этар; Ираклий Қозоҳ билан Еревanni идора қиласарди, Иброҳим хоннинг ҳокимлиги Доғистондан то Табризга қадар чўзилганди. Фақат Қуба ҳукмдори Фатали хон унга бўйин эгишни истамас, Озарбайжоннинг шарқий қисмини, Бокуни, Толишни ўз тасарруфида қолдириб, Қорабокқа нисбатан доимий душманлик сақларди. Лекин Фатали хон таҳликаси Иброҳим хон учун аҳамиятли бир нарса эмасди. Шуша қалъаси каби қўлга олиш мумкин бўлмаган, баланд тўсиклар ва миноралар билан ҳимоя қилинган шаҳарнинг ҳукмдори Фатали хондан қўрқармиди? Бир ишораси билан Қоратоғ, Хой, Нахичевон, Шаки хонлари кўмакка келади, қайниси Умар Аваристондан ўн беш минг йигити билан кўзғолади...

Сиёсий вазиятнинг бундай қулиши ипак болишларга суюнган хоннинг тўла, қатъий ва мағлур юзида акс этарди. У чилимнинг қаҳрабо найпушини лабларидан олмай туриб нашъя қилиб чекар ва байрам йиғилишини завқ билан кузатарди. Шу аснода Хонмаммад ичқари кирди. Салом бериб, пойгакда ўтиришга жой ахтарди. Ҳожилардан биттаси уни бироз юқорига, ўзи ёнига чакирди. Хонмаммад ўтиб ўтирди.

Қаҳва келтирган дастурхончидан бир паҳлава сўради, у ҳам ликопча келтириб, унга тақдим этди. Бу манзарани томоша қилган Мирза Алиммаммад яна сиқилди, бошини қуий солди. Хон кулимсираб Воқифга мурожаат қилди:

– Хонмаммад қандай ахволда? Ранжидаҳотир бўлганимни билади деб кўзимга кўринмаётir.

Воқиф мулойим овозда:

– Илтифотингизга мунтазир, – деди.

Хон кўп ўйлаб ўтиrmай:

– Қалъа дарғасига ёрдамчи қилиб берсак, фойдаси тегармиди?

– Умрингизга дуода бўлади... Вилоят аҳли, ўзи ҳам бизнинг тарокима<sup>1</sup> айтгандай, бироз наسابсиздир...

– Ҳечқиси йўқ, қўлидан маҳмадоналиқдан бошқа бир иш келмайди...

Шундай, бу ёқдан-у ёққа, у ёқдан-бу ёққа гап ташийди.

Воқиф афсусланди:

– Билсангиз, Мирза Алиммаммад у туфайли қанчалик хижолат тортиб, пажмурда дил бўлади.

Мирза Алиммаммаднинг номи айтилганда хон хурмат билан бошини қимирлатиб қўйди:

– Бир отанинг бунақа зурриёти ҳам бўлади, унақаси ҳам, – деди ва чилимини лабларига олди.

– Сурув оқсоқсиз бўлмайди – оталар тўғри айтишган.

Хон Воқифнинг сўзларини тасдиқлаб яна бошини қимирлатди, нимадир демоқчи экани кўриниб турарди. Лекин қозининг соатга қараганини кўриб жим қолди.

<sup>1</sup> Тарокима – туркман.

Воқиф Қозоҳнинг Соатли элидан эди. Ўн саккизинч асрнинг бошларида Қироқ Солоҳли қишлоғида туғилганди. Отаси қозоҳликлар сингари дехқончилик ва чорвачилик билан шуғулланарди. Лекин кўп йиллардан бери давом этажтан Усмонли-Эрон урушлари бу элнинг тинчлигини бузди, қўлига қурол ушлашга қодир бўлган борки, барини судраб кетарди. Аввал Қозоҳ Шамсиддин билан бирга Ганжа хонлигига қарам эди. Кейин Ганжага хукмдорлик килаётган Зиёд ўғиллари Нодирнинг ҳокимият тепасига келишга майиллик кўрсатмаганлари учун Нодир Қозоҳни Ганжадан ажратиб, Гуржистон волийлигига кўшиб берди. Нодир шоҳнинг барча сафарларида Гуржистон волийси<sup>1</sup> Ираклий билан бирга қозоҳликлар ҳам иштирок этиб, катта мардлик кўрсатардилар, лекин бу мардлик жуда қимматга тушарди: ҳалқ қирилар, юрт вайронага айланарди. Гуржистон ва Озарбайжонга ҳужум қўлган усмонлилар<sup>2</sup> ҳам бу тупроқларни қайта-қайта топтаб ўтардилар.

Табиийки, ҳалқ бу ҳаётдан танг аҳволда қолган, ундан чиқиши йўлини изларди. Қорабоғ хонлигининг ташкил топиши ва Шушанинг 1754 йилда таъсис этилиши қозоҳликларга умид бахш этди. Катта йўллардан четда тоғ устида қурилган бир қальба ҳимоясида тинч яшашин истардилар. Қозоҳликларнинг Қорабоққа кўчиши шу сабаблардан келиб чиқади. Воқиф ҳам Соатли элига мансуб бўлган ўн етти оила билан бирга Шушага кўчиб келиб Соатли маҳалласига жойлашганди.

Воқиф Шушага келганида 29–30 ёшларда эди. Ўқишни ўз қишлоғида битирган, туркча ва форсчани мукаммал билар ва замонаси илмларидан воқиф эди. Келиши билан Соатли маҳалласида бир мактаб очиб, дарс бериб ҳаёт кечира бошлаганди. Дарс маънанан Воқифни қониқтирмасди, бу хунар унга озлик қиласиди. Унда кучли ишонч ва ўжарлик бор эди; унинг зийрак кўзлари ишнинг ҳар томонини кўрар, ютуқ ва камчиликларини ажратса оларди. У шу муҳитга нуфуз бахш этиш, уни ўз раъийга бўйсундиришини истарди. Лекин ўша пайтда ҳали Воқиф оддий бир мулла сифатида танилганди, бу довруқ ҳам маҳалласидан нарига ўтмаганди. Фақат баъзида гўзалларни мақтаган шеърлари шаҳарда айланар, кизикувчилар бу сўзларни ўз баёзларига ёзиб кўярдилар.

Шунга қарамай, у ҳеч кимни танимасди, танишни ҳам истамасди.

Ўзининг йўқсил қулбасида ўтириб, ҳеч қандай анъана билан ҳисоблашишни истамасди. У таваллуд эътибори билан сунний эди, лекин эътиқод эътиборига кўра қаттол суннийлардан эмасди. У шиа муҳитида яшарди. Аммо шиаликнинг икки юзлилиги унинг риёсиз табиатига мос келмасди. У фақат ваҳдатга<sup>3</sup> ишонар, ваҳдатнинг ҳам мантиқсизлигини сезарди.

Бир куни ғалати ҳодиса юз берди. Бу воқеа Воқифнинг кўзга ташланишига сабаб бўлди. Бир чўпоннинг кўппаги бўлиб, у кучугига кўз тегмасин деб дуо ёздириш ниятида бўлибди. У авом тарокима бўлгани учун бу ҳаракатнинг жоиз эмаслигидан хабарсиз экан. Чўпон ўзи билан бир-икки кўйни олиб шаҳарга келибди. Дардини дуч келган шаҳарликка айтибди, шаҳарлик бу одамнинг ҳом эканини сезиб, уни кўлга туширмоқчи бўлибди. Шаҳарда авом чўлликни кўлга олиш қоида бўлгани учун мазкур шаҳарлик чўпонни майдондаги қассобнинг ёнига юборади. Қассоб масалани тушуниб, чўпонни Шайтонбозорга, кимнингдир олдига йўллади. Бечора чўпон

<sup>1</sup> Волий – ҳоким.

<sup>2</sup> Усмонлилар – туркияликлар.

<sup>3</sup> Ваҳдат – бирлиқ, яккаю ягоналлик.

бозорни тўрт мартта айланиб чиқади. Нихоят, биттаси унга Вокифга учрашишни маслаҳат беради.

Вокиф гап нимадалигини яхши англаб, куидаги мисраларни битади:

*Кўзим тушибди атига<sup>1</sup>,  
Дую ёздим итига,  
Ушибу сирни ким очса  
Бу чўпоннинг...*

Мовий ва қаттиқ қоғозга шу “дую”ни ёзиб, буқлаб чўпонга бераркан Вокиф дебди:

– Буни эски бир матога тик, битта кўзмунчоқ ҳам олиб, итнинг бўйнига осиб қўй.

Чўпон кетади. Кунларнинг бирида Иброҳим хон овга чиққан экан, ҳордик учун бир сайҳон ерга ҷодир тикириади. Бир дараҳт соясида тамадди қилиб ўтиаркан, атрофда уймалашиб юрган итлардан бирининг бўйнидаги “дую”га кўзи тушади. Қишлоқи чўпоннинг бундай хилоф иш тутганига ҳайрон бўлиб, туморни итнинг бўйнидан ечдириб ўқиди.

Хон бир томондан ғазабга келади, бошқа томондан эса ич-ичидан кулади. Шаҳарга келиши билан эшик оғаси Шоҳмаммадни хузурига чақириб, дуо ёзган одамни топишни буоради. Шоҳмаммад чўпонни Қалъага олиб келади, Чўпон ҳам Вокифни айтади. Хон девон хонасига келади, қизил кийинган жаллодлар саф тортадилар, Вокифни олиб келишади.

Иброҳим хоннинг қизи Санам хоним шеърга жуда қизиққанидан Вокифнинг ҳар бир шеърини баёзига кўчириб юраркан. У шу пайтгача ўзи кўрмаган бу шоирнинг ушлаб келтирилганини эшитиши билан девонхона деразасининг орқасидан уни томоша қиласи. Озгин, лекин соғлом юзли, қорамагиз, чақноқ ва жасур кўзли бир йигитнинг девон олдидаги мағрур турганини кўради. Қора чухали, рангли читдан нимча кийган бу йигит ўнг кўлини кўксига кўйиб дадил овозда хоннинг саволларига жавоб берарди. Шу пайтгача фақат шеърларига мафтун бўлған Санам хоним бу сафар шоирнинг ўзига: заковатига, ҳозиржавоблигига, ёқимли сиймосига ва ширинсухан гапларига шайдо бўлади.

Вокиф хоннинг ғазабли сўзларини тинглагач, ширин бир овозда гап бошлиди:

*Юз йигирма тўрт минг пайғамбар ўтди,  
Дунёдан ким кетди бирор дард-ғамсиз?  
Қани Нўширавон, тахти Сулаймон?  
Даврон шундай ўтди, Жамишиду сенсиз,  
Кўп ишонма; олтиним бор, пулим бор,  
Пуч дунёда улусим бор, элим бор,  
Ҳеч демассан: айрилиқ бор, ўлим бор,  
Неча минг сұҳбатлар қилишган сенсиз.  
Матлубим истарам шоҳи Ҳайдардан,  
Соҳиби Зулфиқор, шоҳи Қамбардан,  
Бечора Вокифни қўйма назардан,  
Кул хатосиз бўлмас, ога карамсиз!*

Дикқат билан шеърни тинглаган Санам хоним ҳаяжон-ла гоҳ шоирга, гоҳ отасининг юзига қарабди: хоннинг ғазаби аста-секин пасаяди, нихоят,

<sup>1</sup> Ат – гўшт, эт (қўй назарда тутилаяпти).

ҳалимлаша бошлади. Чуқур бир сукунатдан сўнг хон қўли билан ишора қилди. Воқифни қўйиб юборишади. Воқиф озод бўлади, лекин... Санам хонимнинг қалбини асир қилиб олиб кетди. Энди бу қалб кечаю кундуз Воқифнинг атрофида типирчиларди. Хон қизи кун бўйи саройнинг чекка бир деразаси олдида ўтириб саройдан масжидга борувчи тўғри кўчани, раставозорни, ғарб томонда йўқ бўлиб кетган Соатли маҳалласини кузатар, Воқифнинг ҳар бир мисрасидан туғилган оташни кўз ёшлари билан сўндиришга уринарди...

Бир куни Воқиф хивичдан ўрилиб устига сувоқ тортилган кулбасининг гуллаб турган боғида айланаркан, тиконли четантўсиқнинг орқасидан ўтаётган, бошида тугунча кўтарган бир бола ундан сўради:

– Амакижон, мулла Паноҳ Воқифнинг уйи қайси?

Воқиф хайратланиб четантўсиқка яқинлашди.

– Шу ер, нимайди? – деди.

Бола кулимсиради, эшикни очиб ҳовлига кирди.

Бола тугунчани бериб, масалани охиста тушунтириди. Воқифнинг кекса онаси суюнганича бўхчани уйга олиб кирди, ўғлини ҳам чақириб деди:

– Ҳой болам, Хон қизи Санам хоним сенга совға юборибди.

Воқиф кумуш тахсимчанинг ипак ёпинчиини кўтарди: тилла ликопчада бир жуфт қизил шафтоли юборилганди.

Шоирнинг севинчи уйни тўлдирди. Онаси ҳам севинар, ҳам хижолат чекарди.

– Ҳой ўғлим, – деди, – хон қизидан хижолат бўламиш: тугунча қуруқ қайтарилимайди, унга лойик бўладиган нима юборсан экан?.. – Аёл ўйланиб қолди: – кўп бўлди, бир жуфт пайпоқ тўқиб қўйгандим, ё шуни жўнатамизми?

Воқиф ҳам ўйга толганди. У ҳам оғир бир вазиятга тушиб қолганди.

Она яна таклифларида давом этарди:

– Бир тароқ филофи тиккандим, шолдан... сандикда бир атиrim ҳам бор, раҳматлиқ отанг Шероздан олиб келганди... бир товонтошимиз ҳам бор, усти кумушдан... ўз сепимдан, раҳматлиқ отанг Табриздан юборганди... хаёлимга келган фақат шулар...

Воқиф бирор сўз айтмасдан уйдан чиқди. Нок дараҳтининг тагига бир шолча ва унинг устига кўрпача солинганди. Воқиф бўш пайтларида шу ерда ўтириб шеър ёзарди. Қаламдонни ва қоғозни ҳам ҳамиша шу кўрпача остидан оларди. Тез келиб ўтириди, тайёрланди ва тиззасини кўтариб, қоғозни унинг устига қўйди. Қамишқалам довотнинг учига ботирилиб, мовий қоғоз сатрига қинғир-қийшиқ мисралар тўқиларди. Шеър тайёр эди. Буклаб, шафтоли ликопчасига қўйди ва боладан бериб юборди.

Санам хоним боланинг қайтиб келишини сабрсизлик билан кутарди. Нихоят, бола қайтди. У Воқифнинг мактуб ёзил ликопчага қўйганини хон қизига айтди. Санам тезда тугунчани ечиб, ликопчани олди, ёпинчиини кўтари – шоирнинг хати йўқ эди. Хоним ғазабланди, хизматкор болани урушиб, орқасига қайтарди: “Бор, топиб кел” – деди.

Ҳамма жой изланди, йўллар, сарой атрофи қараб чиқилди – мактуб хеч қаердан топилмади. Шу аснода хос хизматчилардан бири мактубни пилла-поядан топиб хонга берган, хон ғазаб билан хатни ўқиётганди:

*Роса ажаб қилиб Ҳусрави шоҳим,  
Бир жуфт бизга лаби ширин юбормии.  
Гўзаллар боғида мева етилган*

Унинг бизга хуши нубарин<sup>1</sup> юбормиши.  
 Мендан салом бўлсин, етказ Яманга,  
 Сийнаси билтурга, садри жсаҳонга,  
 Бисайдинг, хуши келди нақадар манга,  
 Ер юзининг сийму зарин юбормиши.  
 Ё Раб, ахир ул жононга ким демии:  
 Фалончи бетободир, мева тиламиши,  
 Улки, бизга емиши инъом айламиши,  
 Воқиф унга совға сарин<sup>2</sup> юбормиши.

Хон Воқиф сўзига кўзи тушиши билан титрай бошлади, қўлини чўзиб мўйловларини оғзига солди, чайнади. Бу яхши аломат эмасди.

Бундай холларда, албатта, қон тўқиларди. Хоннинг тўнгич хотини Бика оға буни кўриб имо қилди, хоннинг бошқа аёллари ва болалар хонани тарк этишди. Бика хоним эрининг ғазаб-ла йиртиб ерга очган қоғоз парчаларини эҳтиётлаб ийғиштириди, тизиб чиқиб ўқиди. Зоҳиран юзига бир жаҳл қўнсада, аслида жуда севинди. Чунки Санам бўйи етганди, аммо хоҳлагани йўқ эди.

Бика хоним етишган қиз онаси сифатида бу одат ва коидани назарда тутиб хоннинг ғазабини совутишга ва қалбига йўл топишга ҳаракат қилди. Совға юбориб, хат олишнинг қабиҳлигини қайд этиб, ёшларнинг “миясига қон урганини” ҳам эҳтиёт-ла тушунтириб, кейин секин гапирди:

– Ота-боболар айтишган: қизни ўз бошига қўйиб берсанг, сурнайчига ҳам эрга тегаверади, – деди ва эҳтиётлик билан давом этди. – Аммо бу Воқиф дегани афтидан бошида ақли бор йигитга ўхшайди. Ўзи ҳам саводхон. Ёзуви ҳам чиройли... Чиниқкан.

Хон бироз юмшади:

– Хати бошидан қолсин! Хати бор деб одам бошидан баланд сакрайдими?  
 Хоним бу сафар яна дадиллашибди:

– Хон, нега бундай деяпсиз? Билими бўлгандан кейин ўзингизга ҳам кепрак бўлади-ку. Яхши мирза керак ҳамиша. Бунинг устига қиз дарахти – қоз<sup>3</sup> дарахти, деган нақл бор, ҳар ўтган бир тош отади. Ёзиб-ёзиб узоқдан нима ҳам ёзарди, ел қоядан нима ҳам оларди? Ёшлардан ақл кутиб бўладими? Ҳозир уларнинг ўт-олов пайтлари...

Хон чуқур ўйга толганди. Етти-саккиз хотинининг ичидаги энг кўп хурмат қилгани Бика хонимнинг сўzlари унга маъқулдай кўринарди.

Бика хоним кўзларини унинг юзидан узмай аста-секин мулоҳазаларини эрининг фикрига жо қиласади:

– Яъни, бу таниганимиз хонларнинг ҳаммасининг ота-буваси хон ўтганми? Нодир шоҳ оддий бир чўпон эмасмиди? Чингиз авлоди борки, асир бўлади, завол кетади, хизматкор борки, мардлик кўрсатади, оғасининг тахтига ўтиради... Бошида ақли бўлса, майдонга чиқишига лаёқати бўлса, қолгани тўғри бўлиб кетади...

Хон хотинининг сўzlарини бўлиб, ожиз бир овозда сўради:

– Яъни, айтаяпсанки, Санамни Воқифга берайликми?

Бика хоним асл мақсадини яшириб:

– Маслаҳат ўзингиздан, – деди, – лекин унга бир мирзалик берсангиз, бирор қоғоз ёзdirсангиз, яъни кимдан кам жойи бор?

<sup>1</sup> Нубар – ҳадя, совға.

<sup>2</sup> Сар – бош.

<sup>3</sup> Қоз – ёнғок.

Хон хотинининг гаплари ҳақли эканини англади, лекин қатъий бир жавоб бермай яна ўйланиб қолди. Воқифнинг девонхонадаги жавобларини эслади, унинг хушрафтор, мулойим, ўрни келганда гапларига эътиroz билдирамай, ён босиши ёдига тушиб, Воқифга гина-кудурат эмас, балки қизикиш билан қарай бошлиди. Ниҳоят, ҳали масалани ошкор қилмай, Воқифни чакириб, уни ўзига мириза этиб тайинлади. Қисқа бир муддат давомида Воқиф давлат ишларида катта маҳорат кўрсатиб, бутун саройда хурмат қозонди ва хоннинг энг яқин дўстига айланди. Шу аснода Санам хоним қизлар хонасида ўйнаб-кулиб юрганда бирдан юрак оғриғига учраб, бир неча дақиқа ичида оламдан кўз юмди. Воқифнинг жўшқин ишқи билан қовуша олмаса-да, бу ишқ туфайли унга янги ҳаёт эшиклари очилди.

Воқифнинг доимо исён кўтариб типиричилаган юраги жароҳатли қолди.

## 6

Қоидага кўра, жидирдаги тантаналардан сўнг байрам тугар ва саройдан давлат арбобларига, саркардаларга ва бошқа мўътабар зотларга мукофот – тўн жўнатиларди. Иброҳим хондан ташқари валиаҳд Маммадҳасан оға ҳам баъзи одамларга ҳадялар юборарди, шу жумладан, Воқиф ҳам рағбатланарди.

Байрамнинг иккинчи куни одат бўйича валиаҳдни зиёрат қиласидилар. Воқиф яна Мирза Алимаммад билан йўлга тушиб. Тор бир йўлак билан майдонга чиқиб раставозор бўйлаб пастга туша бошлидилар. Чукур маҳаллага кираверишда арманилар калисосининг рўпарасида Ўхон кашишга дуч келдилар.

Воқиф кулимсираганича оломонни ёриб, аста-секин олға силжириди. Ҳамма унга салом берар, байрам билан қутларди. Воқиф ҳам хинали бармоқларини лабига, кейин пешонасига теккизиб саломларга жавоб берарди. Майдондан чиқиб раставозор бўйлаб пастга туша бошлидилар. Чукур маҳаллага кираверишда арманилар калисосининг рўпарасида Ўхон кашишга дуч келдилар.

Воқиф ҳазиломуз мулойим ва шириң овоз билан:

– Мирза Ўхон, қартайиб колибсан-у, ҳалиям Исонинг этагидан қўл тортмайсан-а, – деди.

Ўхон оқарган соқолини силаб туриб:

– Исонинг этагида каромат бўлсайди, аввал ўзини дордан қутқаарди, – деди.

Кулишди. Воқифнинг кўзлари тошдан тикланган ихчамгина калисога тушди: афт-башарасини турклардан сира ажратиб бўлмайдиган арманилар бошмоқларини эшикнинг олдида ечиб калисога кирадилар. Калисо биносининг ўнг томонида турган кичик мартабали рухоний ўз тилида ўқир, армани ҳалқини ибодатга чорларди. Оқ чодрали, қизил чоловорли армани аёллари бошқа бир эшикдан калисонинг хотинларига маҳсус ажратилган айвонига киришарди. Эшикка олиб борувчи йўлнинг у томони ҳам, бу томони ҳам майиб-мажруҳлар, касаллар билан тўла эди.

Воқиф:

– Афтидан Маммадҳасан оғанинг хизматига ташриф буюрадиганга ўхшайсан? – дея отини никтади.

– Иншооллоҳ! Иншооллоҳ, – дея Ўхон итоаткорона жилмайиши билан отликларни йўлга бошлиди.

Мехмонлар ичкари кирганда Маммадҳасан оға ишора билан мусиқани тўхтаттириди.

Воқиф вазиятни тушуниб деди:

– Оға, дастурхонингиз очиқ, илтифотингиз ва саховатингиз оламга маъ-

лум, дўстлардан хеч нарсани аямайсиз, аммо завқни... кўриниб турибди, ёлғиз олиш истагидасиз...

Маммадҳасан оға кулимсиради:

- Бош оғриғи бўлмасин, дедим-да.
- Афлотун мусиқани рух озиги, деган экан<sup>1</sup>.

Мусиқа ва аёл майсиз, бодасиз ҳам одамни мастиларди...

## 7

Пешин азонида меҳмонлар тарқалди. Маммадҳасан оға Воқифни, Мирза Алимаммад ва Ўхон кашишни тушликка олиб қолди. Овқатланиш хонасига ўтишди.

Хонанинг ўртасида гилам устида гулли дастурхон ёзилган, атрофига ипак кўрпачалар тўшалганди. Меҳмонлар ўтиришлари билан хизматчи кўлида офтоба-лаган билан кириб келди, кўллар ювилиб ва хизматчининг енгидаги сочиқ билан артилди. Бошқа хизматкорлар патнисларни келтириб дастурхонга тизиши. Ҳар кишига бир патнис берилди ва ҳар патнисга ҳам бир ликопчада қизилмияли палов, устида яхна қўзи гўшти, ёнида саримсоқли қатиқ ва жигар-илик қўйилганди. Кўк рангли хумчаларда ичига райхон уруғи қўшилган шарбатлар ҳам бор эди. Тўрда ўтирган Маммадҳасан оға патниснинг чеккасига қўйилган оқ, юпқа лавашдан<sup>2</sup> озгина кесиб олиб меҳмонларга қаради ва “Бисмиллоҳ!” дей овқатлана бошладилар. Бир муддат жимлик ҳукм сурди. Кўриниб турибдики, овқат меҳмонларга жуда маъқул келганди, фақат ликопчалар яримлаганда Воқиф бармоқларидағи нўхат донларни бир ерга тўпларкан:

– Ростдан ҳам, – деди, – ҳар фаслнинг ўз неъмати бор; йилнинг бу пайтида нўхатли палов жуда лазиз таомдир. Бизларда нўхат хали эндиғина ниш урайпти.

Маммадҳасан оға:

– Нўхатни Ағдамдан юборишганди. Аммо, афсуски, ярми куйиб кетибди, – деди.

Ўхон кашиш:

– Ҳали барра-да, шунинг учун куйган, – дея қўшиб қўйди.

Яна овқатланишга тутиндилар. Баъзан бошланиб, узилиб қолган ҳангомаларни истисно қилганда, тушлик охиригача жимлиқда ўтди. Ниҳоят, эшик оғзида қўлларини кўксига қўйиб турган хизматкорларга ишора қилинди. Дастурхон йиғиширилди. Яна офтоба ва лаган келди, илиқ сув ва совун билан қўллар, оғизлар ювиб, артилди.

Чилим келтирилди. Ҳаммага қаҳва, фақат Маммадҳасан оғага долчин чойи келди: совуқликни йўқотишда даво эмиш...

Чилим чекиши анча чўзилди ва сухбат қизигандан қизиб борарди. Бир неча йил бурун Лондондан келиб Қорабоққа чиқкан бир армани қаердандир эсга тушди.

Воқиф таассуф-ла:

– Афсуски, уни кўра олмадим, айтишларича, жасур одам экан, – деди.

Мирза Алимаммад кинояли бир ифода билан луқма ташлади:

– Жасур эди, аммо бандангизнинг бир иллати бор эди. Ҳар бир сўзи ифво эди. Хон унга нисбатан жуда мардлик кўрсатди. Гуноҳларини кечирди.

Ўхон кашиш Мирза Алимаммаднинг сўзларини тасдиқлаб:

<sup>1</sup> Кўллётманинг шу жойида Воқиф номининг ёнида арабча ёзувда “шебъ” сўзи ёзилган. Афтидан, Воқиф Маммадҳасан оғага шеър билан жавоб бермоқчи бўлган ёки жавоб бергандан сўнг бир шеър хам айтмоқчи бўлган, лекин муаллиф назарда тутган шеърни матнга туширмаган.

<sup>2</sup> Лаваш – юпқа ёйилип пиширилган нон.

– Хон жуда катта олийжаноблик қилди, – деди, – Юсуф Амин, биласизлар, ҳамадонлик эди, бориб Лондонда ўқиганди, кейин Фитилбургга<sup>1</sup> келади, мубошиб<sup>2</sup> кўлига тушади, ўргатиб, йўлдан урадилар. Бор, арманиларни тўпла, гаплаш, дейдилар. Бизлар ёрдам бергани борамиз. У ҳам келди. Догистонда, Тифлисда ва бу ерда бироз айланди, армани тожирларидан<sup>3</sup> пул ийфмоқчи бўлди. Уч калисога борди, бизнинг товуқмия патриархдан фатво – дуо олди... охири қараса, бирор иш чиқмайдиган, Ҳиндистонга жўнаб қолди...

Мирза Алимаммад яна мулойим овозда бошлади.

– Юсуф Аминнинг бу ерда шайтанат уруғини сочишга келганини билардик. Ираклий хоннинг ҳузурига ҳам борганди, қабул қилинмаганди. Хон бу масалани менга ҳавола қилгандилар. Ўзи билан учрашдим. Унга айтдим, бутун Озарбайжонда арманиларнинг сони ўн минг уйдан ошмайди. Шу бир ҳовуч ҳалқдан подшолик чиқармиди. Ўзлари ҳам ҳунарманд, савдо-сотик ва деҳқончилик билан шуғулланади. Туркманлар каби от белида қилич ўйната олмайдилар... Яна ўз билганидан қолмади. Менинг орқамда инглиз подшоси турибди, дерди у, замбараклари зарбидан ер ларзага келади... Хуллас, йўлдан ургандилар.

Ўхон асабий бир ҳолда:

– Бу хомкаллалар шуни ўйламайдиларки, инглиз ва рус подшоҳининг ўз-хотири деб Нуҳ замонидан бўён бир ерда яшаганимиз – жон кўшнимизга ёмонлик қила олмаймиз. У бориб подшоҳларга ахволни баён қилгач, улар келиб бизни кирғинбарот қилдилар: ўрмонга ўт кетса ҳўлу қуруқ баробар ёнади дегандай...

Ўхон яна ҳидлаш учун бурнига тамаки тиқиб жим қолди.

Мирза Алимаммад:

– Бизнинг хон муросай мадорани истайди. Юсуф Аминнинг бизга ёғий эканини биламиз. Лекин у қальяга келди. Хон билан учрашди. Хон уни ўлдиради деб ўйлашди. Аммо ўлдирмади: элчига ўлим йўқ, – деди. Ўзига ҳам битта от тухфа қилди...

– Уларни нон-тузимиз кўр қилсин! – дея Ўхоннинг лаблари титрай бошлади.

## 8

Кунлардан бир кун Шуша оиласаридан бири Ҳалфали дарёси бўйига тушиб, кийим ювиш тадоригини кўраётган эди. Шу оиласага мансуб ўн олти-ўн етти ёшлардаги бир қиз дарё бўйлаб пастга тушганча шоҳ-шабба тераётган эди.

Бирдан дарё соҳили бўйлаб келаётган қорамағиз, келишган отликка дуч келди. Суворий унга яқинлашиб, отини тўхтатди ва қўлининг орқаси билан нозик мўйловини силаб:

– Каерликсан, ҳой қиз? – дея сўради.

Қиз қип-қизариб турган жойида қотиб қолди. Кўзларини юқори кўтаришга журъат қилолмай, йигитнинг узангига тиралиб турган чангли бошмоқлари ва моҳирона ўралган қора пайтавасини томоша қиларди.

– Кимлардансан?

Қиз зўрга эшитилар овозда:

– Заруқачи Козимнинг қизиман, – деди.

Йигит қизга харидор кўзи билан каради: катта бош рўмоли тагидан чиқиб турган қора соchlари гул баргидай қизариб турган ёноқларига ёйилганди:

<sup>1</sup> Фитилбург – Петербург.

<sup>2</sup> Мубошиб – миссионер.

<sup>3</sup> Тожир – савдогар.

шох-шабба ушлаб турган кўлларини мушт холида кўксига йиққанча бечора қуш мисоли хуркиб турарди... Қора пайтавали йигит аргумонини ҳайдаб, қизнинг оиласига яқинлашди, салом-алик қилди:

– Оллоҳ меҳмони керакмасми?

Ўт устида чордона қуриб ўтирган Козим киши ўрнидан туриб:

– Оллоҳга ҳам жоним садақа, меҳмонига ҳам! – деди ва отнинг тизгинини ушлади.

Йигит отдан тушди, юганини отнинг бошидан чиқариб, жабдуғини бўшатди, ўтлагани қўйиб юборди. Сўнгра келиб дастурхон чеккасига ўтиреди. Иягини рўмол билан ўраган аёл овқат олиб келди. Йигит овқатланаркан, секин гапириарди.

Гап орасида:

– Қалъада нима гап? – деб сўради.

– Омон бўл, бирор янги гап йўқ. Ҳамма жойда қочоқ Сафар ҳақида гапиришяпти.

– Нима дейишяпти?

– Мардлигини, жасурлигини, инсофли эканини. Шахарда бир етимнинг молини амакиси бермаётган экан, буни эшитибди, одам юбориб, адабини берибди. Ўша куни етимнинг моли ўзига етиб борибди.

Йигит овқатланаркан, гапга қулоқ солар, ичдан кувонар, севинарди. Козим ашё бўяганидан сўнг кўлида колган қизил рангта қараганича сўзида давом этди.

– Айтишларича, бир қишлоқда амримаъруф<sup>1</sup> бир чолни рўзани бузиб овқат егани учун калтаклатибди. Кекса одам менга рўза тутиш мумкин эмас деб онт ичибди. Амримаъруфга қулоқ солмабди. Дарра урилаётган пайтда чолнинг жони узилибди. Бу хабар Сафарга етиб борибди. У келибди. Қишлоқда кенгаш қурибди ва ҳукм чиқарибди. Амримаъруфни чолнинг қабри устида осдирибди...

Йигит зимдан Козимга қарайди: Козимнинг кўзлари чакнаб турар, юзида баҳт ифодаси акс этарди.

Йигит тамадди қилиб бўлгач:

– Тоғажон, Тангри нонингизни мўл қилсин, дастурхонингиз ҳамиша тўқис бўлсин!

– Узр, яхши хизмат қилолмадим, дарвешнинг топгани нима бўларди...

– Жуда ҳам розиман, раҳмат сизга, Оллоҳ бу болаларни умри билан берган бўлсин!.. Тоғажон, биласиз... мен Сафарнинг одамиман, у сизни танийди... Ўзи ҳам сиз билан қариндош бўлишни истайди.

Козим ўрнида бир депсинди, диккат-ла йигитга қаради. Уятчан табассум юзига ёйилди.

– Очиқ гаплашайлик, тоға, қизингизни Сафарга берасизми? Мен ҳузурингизга совчиликка келганман.

Козим яна ўрнида қимирлаб кўйди, хотинининг юзига қаради, аёл бироз юзини беркитди.

– Нима дейман, мен ундан яхшисини топишим гумон, аммо... ахир у қочокку... уйи-эшиги... Козимнинг тили айланмай қолди.

Йигит унинг фикрини тушунди.

– Биламан, нима демоқчи эканингизни; йигитнинг уй-жойи бўлиши керак, демоқчисиз... Қўрқманг, асло қўрқманг! Буларнинг ҳаммаси бўладиган нарсалар...

Шу билан сухбат тугади. Йигит сакраб отига минди-ю, ўрмонда ғойиб бўлди.

<sup>1</sup> Амримаъруф – шариат татбиғига масъул маъмур, муҳтасиб.

Бир куни кечкурун ёмғир ёғиб турганда эшик тақиллади. Козим ташқари чиқди. Чақмок чақар, кўк гумбурларди.

– Кимсан?

– Оллоҳ меҳмони.

Козим эшикни очди, меҳмонни уйга киритди. Қорамой чироғи ёруғида йигитни таниди. Кўришишди. Уни совчи сифатида қабул қилиб, роса сийлашди.

Козим жасоратсиз бир товушда:

– Яхши, менинг гапим йўқ, аммо қизнинг онаси бироз ғинг-пинг қиласяпти..

Унинг ҳам ҳаққи бор: меҳнати синган, қиз ўстирган...

– Бергиси йўқми?

– Йўқ, бир нарса демаяпти. Лекин, айтавибдики, қочоқлигини ийғиштирсан... Бирор хунар бошини тутсин!..

– Хой тоға, – деди меҳмон, – Сиз нима десантиз Сафар шунни қилишга тайёр. Лекин... Неча одам ўлдирган қочоқ юзага чиқа оладими? Хон бунга нима дейди?

Козим бироз ўйлаб туриб, деди:

– У сўз берса, тинч турса... юзага чиқиши осон...

## 9

Воқиф юртдошлари билан алоқасини узмасди. Шундай қилиб, Козим ҳам Сафар масаласида Воқифнинг хузурига борди. Мулозим лала<sup>1</sup> хабар бериш билан ичкари чақирилди. Козим бошмокларини айвонда ечди-да, тортина-тортина ичкари кирди. Воқиф дераза ёнида ўтириб шеър ёзарди. Козимни кўриши билан қаламни қаламдонга кўйди, меҳрли бир овозда:

– Ваҳо, хуш кўрдик, ҳамشاҳар! – деда унга дераза ёнида жой кўрсатди. Козим қўлларини яна кўксига қўйиб, бош эгди, кейин тиззалаб кўрпачалардан бирининг устига ўтирди.

Воқиф меҳрибон бир қарашиб билан кузатиб чиқди:

– Аҳволларинг яхшими? – деди ва жавоб кутиб ундан кўз узмай турди.

– Кам бўлманг, Охунд! Ростини айтганда, бир иш билан келгандим...

– Қанақа иш? – деда сўради Воқиф.

– Қиз масаласи... айтадилар-ку: Ӯлмадик, кўрдан даракчи келди. Қочоқ Сафар қизимга совчи юбориби...

Воқиф ҳайратланди:

– Қочоқ Сафар? – деда сўради.

– Охунд, ўзим ҳам билмайман. Совчи юбориби, қизимни сўраяпти. Берай десам, қандай бераман, бермай десам, бошимга бало бўлади... Эшакка миниш бир айб, эшакдан йиқилиш эса икки айб.

– Яхши, лекин у буни билмайди-ку, уй-жойи бўлмаган одамга хотин ярашадими?

– Ҳамма бало шунда-да; хўқизнинг инграганига қорни куруллайди. Айбдор айини билсайди, дунёда айб бўлармиди?

Воқиф ўйга толди, бирордан сўнг:

– Майли, мендан қандай ёрдам бўлиши мумкин? – деб сўради.

– Хон гуноҳимдан ўтсин, мен ҳам юзага чиқиб, бирор иш билан шуғулланай, деяётганмиш.

Воқиф яна ўйланиб қолди:

– Айтайлик, шундай бўлди ҳам, у дала-даштларда, тоғу тошларда тентираб юришдан воз кечадими? Ахир, хон билан хонлик даъво қиласяпти, девон тузиб, осаяпти, кесаяпти.

– Қасам ичаётган эмиш, хоннинг содик мулозими бўлай деб.

<sup>1</sup> Лала – амаки.

Воқиф ўйчан кўзларини бармоғидаги ақиқ кўзли узугига тикиб:

– Бунинг бир иложи бор, – деди ва ўнг қўли бармоғидаги узугини силади:  
– биргина илож. Техрон беклар беги совчи юборибди, хон қизи Кичикбай-  
имни ўзига сўрайпти. Хон рози, яқинда тўй бўлиб, қиз узатилади.

Кичикбайимга арз қилиш керак, у ҳам отасининг хизматидан баҳраманд  
бўлсин, бирор нарса сўрасин. Айрилиқ пайти хоннинг юраги юмшайди,  
кўнгли эрийди, нима истаса бажо келтиради. Ёки Шоҳниса хонимдан ил-  
тимос қилиш жоиздир. Бу яна-да мақбул кўринади. Ҳа, шу бугун Шоҳниса  
хонимнинг хизматига бораман: шу хайрли иш учун мени маслаҳатга  
чақирган. Бугун кулоғига шипшиштаман, қани нима деркан. Бошини бир то-  
монга қийшайтириб, Воқифни диққат билан тинглаётган Козим рози бўлди:

– Жоним тасаддуқ, Охунд, мени дордан кутқарасан. Аммо хоннинг  
ғазабига рўпара бўлмай тағин. Биласан-ку, илон чаққан одам ола арқондан  
ҳам чўчийди, неча бор тўзиб, бузилиб хонавайрон бўлғанман. Энди  
Оллоҳнинг марҳамати ва хоннинг паноҳида янгидан қовушиб болаларим-  
нинг ризқини териб юрибман. Билмайман, тақдир бу Сафарни қайданам  
менга рўпара қилди. Айтадилар-ку: эчки жон қайғусида, қассоб қон  
қайғусида, деб.

Воқиф:

– Эчки нега жон қайғусида экан? – дея қулди.

Козим қўлларини уқалаб деди:

– Охунд, биласан-ку тилга тушишдан қўрқаман. Бу замонда тилга туш-  
динг, балога қолдинг дегани.

Энг яхшиси:

*Йўл билан юрки, сенга эътиroz айлашимасин,  
Халқ ила шундай рафтор эт, сенга таъна сўйлашимасин.  
Гар масжидга борар бўлсанг, шундай борки, сени  
Бир четга суриб, сени имом сайлашимасин.*

Воқиф Козимнинг эҳтиёткорлигига ва тавозесига ҳайрон қоларкан, чин  
юракдан қулди, кейин уни хотиржам қилиб, кузатиб қўйди.

\* \* \*

Шоҳниса хонимнинг Дабталаб ва Халфали ўрмонига қараган бир қўрғон  
– ҳовлиси бор эди. Деворлари ва шифти нақшинкор эди. Деразанинг ички де-  
ворларига “Лайли ва Мажнун”, “Фарҳод ва Ширин” достонларидан алоҳида  
воқеаларга оид манзаралар чизилганди. Шоҳниса хонимнинг тўшаги устида  
Фарҳод теша билан тоғ йўнарди.

Воқиф ичкари кирганида Шоҳниса хонимни ўз ўрнида қўрди: каниз-  
ларидан бири тиззалаб ўтирганича қурама бўхчанинг бир учидан ушлаб,  
ниманидир хонимга кўрсатарди. Хоним Воқифни қўрган заҳоти канизга  
ишора қилди, у ҳам бўхчани кўтарганича чиқиб кетди. Воқифнинг саломига  
жавоб оларкан, Шоҳниса хоним шикоятона овозда деди:

– Ошиқ (Шоҳниса хоним Воқифни ҳазиллашиб “oshiq” деб чақираради)  
чақирсангина келасиз-а? Ахир, Кичикбайим менинг қизим бўлса, сизнинг  
шогирдингиз-ку! Уста шогирдини кўргани шундай келадими?.. Марҳамат,  
ўтиринг!

Воқиф хонимнинг каршисидаги кўрпачага ўтирди.

– Ҳаққинг бор, Шоҳниса хоним! – деди. – Бироқ тўс-тўполонли бир ва-  
зиятни ҳам ҳисобга олмасдан бўлмайди. Ганжада Маммад хон бош кўтариб

хуруж қиласяпти, Фатали хон яна бир икки қишлоғимизни вайрон қилибди. Хуллас, кеча-кундуз бу хонларнинг бир-бири билан ўчакишишларидан бошимиз чиқмай қолди... – Шу аснода Воқифнинг нигоҳи Шоҳниса хонимнинг боши узра тоғ қазиётган Фарҳодга тушди. Воқиф бунга ишора сифатида:

– Қара, ўша сен ўтирган кўрпачада мен ўтиришим керак эди, – деди.

Хоним масалани тушунмай:

– Нега? – дея ўйланиб қолди.

– Чунки Фарҳоднинг тошкесар тешаси бошимиздан аrimайди.

Хоним орқага, Фарҳоднинг тасвирига қараб кулди:

– Ошиқ яна бир сўз топиб тўғрилади, – деди. – Сен қиз онасининг аҳволи сизларницидан яхши деб ўйлайсанми? Худо ҳаққи, йўқ! Қара, Кичикбайим каби бир гулни олиб бориб Техронга ташлайман. Гурбатда, бегона юртда қизимнинг ҳоли не кечади, бошига қандай кунлар тушади... Ким билади?

Шоҳниса хоним йиғламсиради.

Воқиф тасалли берди:

– Бу бўлмайди, хоним! Сен Шоҳсевар мардларидансан, от белида улғайдинг, савашларда чиникқан, эркак мисоли бир аёлсан...

Шоҳниса хоним кўз ёшларини гулдор қўлрўмоли билан арта туриб:

– Йўқ, Охунд. Бизнинг дардимиз еру кўкка сиғмайди, – деди. – Кошки қўли қадоқ аҳолидан биттаси бўлсайдим, болаларим кўз ўнгимда бўларди. Техронга қиз бериш Азроилга жон бериш деган гап. Кетдими, тамом, юзини бошқа кўролмайман... Күёвимни кўрмаганман, ким билади хеч кўраманми?

Хоним яна йиғламсиради ва кўзларини арта-арта деди: – Ичига қон қусишим учун тилла жомнинг нима кераги бор?!

Шу аснода Кичикбайим ичкари кирди ва Воқифни кўриб уялди, ўзини йўқотиб қўйди. Қип-қизариб кетиб, салом берди ва орқага бурилганда Воқиф:

– Қора қиз! Қаёққа? – дея чақирди.

Қўлини Воқифга чўзганида қаҳрабо билакузуги шоирнинг қўлига тегиб кетди. Воқиф Кичикбайимнинг қўлини қўлидан чиқармай:

– Катта қиз бўлиб қолганингдан бери муршиди устозингни эсдан чиқариб қўйдинг! – деди.

Кичикбайим қизариб жилмайди:

– Унутганим йўқ! – деди.

Шоҳниса хоним ҳам кулимсиради:

– Бирор ашъорингиз бормикин, баёзига ёзмаган! Ҳар куни овози боққа таралади, сенинг сўзларингни куйлади.

Кичикбайим уятдан яна-да қизариб кетди ва қўлини Воқифнинг қўлидан тортиб олиб, эшик томон югарди; орқасидан елкаси тўла қора соchlари тўлғаниб борарди.

Шоҳниса хоним ғурур билан қизининг орқасидан қараб қолди:

– Тоғ эчкиси бу! Тоғ эчкиси! – деди кулиб.

\* \* \*

Воқиф келганда ҳаво қорайганди, энди осмон бирдан гурлади, чақмоқ чақиб, эгри-буғри ёрқин чизиқлар булатни кесиб ўтди, гумбурлашдан тоғлар ларзага келди. Шоҳниса хоним калимаи шаҳодат айта-айта чўрини чақирди.

Чўри дарров тайёр бўлди, деразанинг пардаларини туширди. Хона яна-да қоронғилашди. Энди ёмғир ёға бошлаганди, даҳшатли бир гумбурлаш билан деразани қамчиларди, суви ичкари сачаради. Чўри шамни ёндириб олиб келди. Осмон яна шиддат-ла гумбурлади, хоним ўрнидан дик этиб турди:

– Ла илоҳа иллоллоҳ!.. – деди ва қўрқа-қўрқа деразага қаради.

Бир-икки дақиқадан сўнг ёмғир тинди, ҳаво очила бошлади.

Оқ булут парчалари орасидан офтоб мўралади. Шамдон олиб кетилди, дераза пардалари яна қўтарилиди, баҳор ҳавоси билан бирга булбулларнинг чакчаклари ичкарига ёпирилди. Шоҳниса хоним фараҳли бир чехра билан ташқаридаги чинорларнинг янги оч яшил баргларига қаради:

– Тангрининг кудратига шукур! Бояги тўфонга, ҳозирги гўзалликка қара!

Воқиф кувноқ ва мағрур бир тарзда бошини қимиirlатди, хонимнинг гапларини тасдиқлади.

Нихоят, масалага ўтишди. Хоним Техрон беклар бегига қиз бериш ҳақида Воқифнинг фикрини билишни истарди:

– Ахир, юрагим исимайди! – деди. – Бегона юрт, узоқ жой...

Воқиф мулоийм овозда:

– Хон мен билан маслаҳатлашди, айтганларига мен ҳам қўшилдим. Биласан, бир қиз бир йигитники... қисмат ўнчандайга ўхшайди. Қизни ҳар қандай одамга ҳам бериб бўлмайди. Техрон олисда бўлса ҳам Техрон... Айриликка келганда, бунинг ҳам чораси бор: бир-икки ойдан кейин борасан ёнига, бир неча ой қоласан. Кейин у ҳам айлангани келади... Теккан одами яхши бўлсин, бу ёғи осон кечади.

Шоҳниса хоним тинглаганича ўйлаб ўтиради, бирор сўз айтмасди. Бу ишга сиёsat аралашганини биларди. Карим хон Занд билан дўст бўлиш керак; ё қариндош бўлиш ёки баҳтсизликка учраш. Паноҳ хон Шерозда ўлганидан кейин Қорабонгнинг у ерда ташвиши қолмаганди. Икки орада эътибор бўлиш учун Кичикбайим Техронга келин бўлиб тушиши лозим эди. Беклар бегининг совчиларига рад жавоби бериши хонлик билан шаҳаншоҳлик орасида совуқлик ва ишончсизлик туғдириш мумкин эди... Лекин аёл қалби бунга рози бўла олармиди?

Шоҳниса хоним чиқиб бўлмас бир вазиятга тушиб қолганди, на “ҳа”, на-да “йўқ” дея олар, истаса-истамаса оқимга қўшилиб тобе бўларди:

– Майли, ёлғиз юборамизми ёки хонзодалардан бирортасини қўшиб жўнатсакми? Қандай маслаҳат берасан?

Воқиф ўйлади:

– Менингча, – деди у, – хонзодани қўшиб юбориш керакмас, нима бўлишини ким билади. Эртага Карим хон таркидунё қилса, мамлакат яна алғов-далғов бўлади, ҳар шаҳарда битта хон бош қўтаради. Хонзодани Техронда хавф остида қолдириш мумкин. Шундай бўлган тақдирда, Эрондан қандай буйруқ келса бўйин эгишимиз... хонликка фойдалими ёки кони зарарми, барибир бўйсунишимиз керак бўлади.

Шоҳниса хоним қўрқув билан:

– Бас, қиз-чи? – деди.

– Кизга зарар қилишмайди. Бундан кўркма!..

Сухбат чўзилди. Никоҳ, тўй, сеп сингари бир қатор масалалар келишиб олинди. Кейин Воқиф савоб ишлар ҳақида гап очди. Бир неча қул ва чўрининг озод қилинишини таклиф этди:

– Жавоб бер, кетишин – Кичикбайимни дуо этишин, – деди. Нихоят, Сафар масаласи қўтарилиди. – Козимнинг қизи Телли бечора бир ожиза. У ҳам баҳтли бўлса, Кичикбайимни дуо қиласди. Хондан илтижо қил, Кичикбайим узатилишдан олдин Сафарга руҳсат берсин, юзага чиқсин: йўлдан озиш айб эмас, йўлга кирмаслик айб.

Шоҳниса хоним Кичикбайимни шундай яхши кўрардики, Воқифнинг барча таклифларини қабул қилди.

## 10

Саройда тўй тайёргарлиги борарди; бичилар, тикилар, қишлоқлардан тўй ҳадялари келарди, ташриф буюрадиган меҳмонларнинг рўйхати тузиларди. Кичикбайим эса ўзини қўярга жой тополмас, дард-алам билан саройни айланар, боғ ичра кезиб, ғамгин баётилар куйларди. Қорабоғнинг гўзал тоғларини, муздек булоқларини, кўркам ўрмонларини эслаб, бағрини тигларди. Буларни яна қайтадан кўриш насиб этармикан?

Аргумоқ белида эркин бир қизча каби дардсиз, қайғусиз яна истаган жойларида айланана олармикан?..

Зиндан мисоли қалин деворлар билан ўралган Техрон саройини кўз олдига келтирди: Ҳарам, золим, қизғанчиқ ходимлар, қаттиққўл қизлар оғаси... Фурбат... Кичикбайимнинг юраги сиқилади... нима ҳам қила олади, тақдир шу экан! У қисматни ўзгартириб бўлмаслигига ишонади... Тақдирга тан беришдан бошқа иложи йўқ эди...

Кичикбайим ўйларди. Ўйлаган сари ўз хаёлларининг ечилмаслигидан чалкашиб кетарди. Бирдан унга бир фикр келиб қолди, юраги ҳаприқиб кетди, қалбида жасорат ўйғонганди. Лалани чақиртириб, деди:

— Лалажон, отларни тайёрлашсин, Маммад бекни ҳам чақиртириб. Сайрга, айлангани чиқмоқчиман.

— Хўп бўлади, Байим!

Бобо лала бош эгиб, чиқиб кетди. Бундай пайтларда лала бегойимга сўз қайтармасди, савол ҳам бермасди. Аммо Кичикбайимнинг амрини Шоҳниса хонимга айтар ва у билан маслаҳатлашарди. Бу сафар ҳам масалани Шоҳнисага тушунтириди. Шоҳниса хоним рози бўлмаса ҳам, қаршилик кўрсатмади:

— Майли, айлансин. Айрилик оғир дард...

\* \* \*

Отлиқлар шаҳарнинг Халфали дарвазасидан чиқиши: олдинда Кичикбайим билан Маммад бек, орқада эса Бобо амаки, Гулли энага ва бир неча куролли қарол борарди. Тик қиялиқдан ошиб, текислика чиқиши: Олис яланғоч тоғлар орасида, дарёнинг нариги томонида ўрмон ва мовий туман ичра тоғлар кўринди. У томондан салқин шабада келди. Иссиқдан қизарган Байим яраб, фараҳ-ла:

— Маммад, — деди, — отга қамчи бос, кўрай.

Олар олға интилди, улар туёғидан кўтарилиган чанг ёшларни кўздан яшириди. Йўлнинг ўртасида бир тақа синифи тушганди. Кичикбайим буни узоқдан кўрди. Елиб бориб унга етганида, йиртқич қуш тарзида отдан тушиб, синиқ тақани кўтарди ва эгарга ўтириди. Буни кўрган Маммадбек эгар узра тикка туриб осмонга қаратга бир ўқ узди. Кичикбайим ён томондан бу мард ўсмири таъкиб этиб, отини унга ёндоштириди. Маммад бекнинг ёноклари қизарган, манглайнин тер коплаганди... Кичикбайимнинг кўли тағин айни йиртқич шиддати билан Маммад бекнинг бўйнига чирмашди. Юопқа лабларидан уч марта ҳасрат-ла ўпиб, четланди. Энди отларни секин ҳайдаб ёнма-ён борардилар. Ҳеч қайси бири миқ этмасди. Кичикбайим йигитни яна ён томондан кузатиб борарди. Маммад бекнинг кўзи отининг ёлига тикиларкан сирли бир баҳтиёрлик ифода этарди.

Орқадаги отлиқлар эллик қадамлик масофага келгандилар, Бобо лала ширин ҳангома бошлади.

Кичикбайим ўгирилиб орқага нигоҳ ташлагач:

— Маммад, — деди, — икки кундан кейин амакингнинг қизидан айрилиб қоласан, иффатимга тега оласанми?

Маммад бек индамади, юзини буриб, Байимнинг кўзларига қаради ва яна уялиб, бошини эгди: киприклари орасида йирик бир томчи ялтиради. Буни кўрган бегойим отига бир уриб илдамлатди. Маммад бек отининг юришини ўзгартирмади; орқадан Кичикбайимни томоша қиласди: қанотланган дурраси қора сочлари билан бирга ҳилпиради. Бегойим осмон узра учётган фариштага ўхшарди. Бу манзара Маммад бекни эркалар, севинтиради ва айни пайтда юрагида ҳозиргача хис этилмаган ғамгин ва ширин бир дард уйғотди.

Бегойим довонни ошиб, кўздан ғойиб бўлганди, фақат аламли, ошиқона баётилари эшитиларди:

*Бу тоғлар бўлмасайди,  
Саргайиб сўлмасайди.  
Бир айрилиқ, бир ўлим,  
Хеч бири бўлмасайди...*

Бегойимнинг дарди бордай кўринарди.

## 11

Кичикбайимнинг тўйи муносабати билан Сафарнинг афв этилиши хонга арз қилинди. Хон ўйлаб кўрди. Сафарни кечириш афкор оммага нисбатан ожизлик кўрсатишни билдиради, кечирмаслик эса Шоҳниса хоним ва Кичикбайимнинг сўзини ерга уриш эди. Бу икки йўл ҳам маъкул келмагач, хон ўзга чора топди. Бу билан у Сафарни афв этиши, узок сафарга жўнатиб, ундан қутулиши ҳам мумкин эди.

Ўша пайтда Куба хони Фаталининг бир жуфт машхур оти бор эди: бирининг номи Қамар, бошқасинники Шоҳбоз эди. Фатали хон бу аргумоқлари билан фаҳрланар ва уларни Қорабоғнинг барча отларига алмашмайман деб Иброҳим хонга мақтанарди. Иброҳим хон бусиз ҳам Фатали хон билан душман эди. Аммо от масаласи Иброҳим хонга эски душманчиликдан ҳам катта бир доғ бўлганди. Энди Иброҳим хоннинг кўлига қулай имконият тушди: у Сафар ёрдамида Қамар билан Шоҳбозни ўғирлашни истаб қолди. Сафар бу таклифни муваффакиятли адо қилса, хон уни афв этишга тайёр эди.

Хоннинг хоҳиши Вокиф орқали Козим кишига билдирилди. Козим киши ўйланиб қолди ва ўз-ўзига “дарёда балиқ савдоси экан-да”, дея маъюсланди. Лекин бу маъюслигини бировга билдирамади. “Тақдирда не бўлса, шу бўлади-да!” – деб индамай кўя қолди.

Жума куни эди. Козим киши истироҳат кунидан фойдаланиб, ҳовлидаги гуллар билан овора эди. Бирдан ҳовли эшиги очилди ва қора пайтавали йигит ичкари кирди. Бу ораста кийиниб олган Сафар эди. Афтидан бу ташрифга кечадан боз тайёрланган эди. Козим киши уни мамнун кутиб олди. Тут дарахти тагига шолча тўшалди, Сафарнинг элчиси ўтиради. Меҳмон кулиб:

– Хўш, қандай янгиликлар бор? – деди. – Эшиздим, хон зиндонидан маҳбуслар озод қилинибди.

Козим маъюслигини билдирамади.

– Сафарни ҳам кечирибди, хабар берарсан.

Йигитнинг юзида табассум кўринди.

– Лекин... Хоннинг Сафарда бир иши бор экан.

– Қанақа иши? – дея йигит жиддийлашди.

– Куба хонининг икки айғири бор, уларни келтириб беришни истаяпти.

Козим масалани атрофлича тушунтириб жим бўлди ва йигитга кўз остидан қараб кўйди. Йигит кўп ўйлаб ҳам ўтирай:

– Шу ҳам юмуш бўптими! Кошкийди хоннинг бундай хизмати кўпроқ бўлса, – деди. – Бу – Сафар учун ҳеч гап эмас. Боради ҳам, олиб ҳам келади.

Козимнинг кўзлари каттароқ очилди:

– Яъни, боради, деяпсанми?.. Олиб кела оладими?

– Ҳа, жонини ҳам олади.

Козим меҳмони билан ширин сухбат қуарarkan, қизи Телли шиша ўрнига ёғли қофоз ёпиштирилган деразага яқинлашиб, меҳмонини томоша қилди. Қалбининг қаъридан: “Кошки, шу менинг қалтиғим бўлсайди!” – деган ички товушдан титраб кетди. Ёноқлари олов бўлиб ёнаётганини ҳис этганча деворга суюниб қолди. Шу аснода Гулноз ичкари кирди. Бу уларнинг қўшни бўлиб яшаётган армани Оллоҳқулининг қизи эди. Гулноз Теллини бу ахволда кўриб ҳайрон қолди:

– Теллижон, нима бўлди? – дея шошиб сўради. Уни тортиб, ёнига ўтириди:

– Ҳой қиз, нима гап?

Телли кулимсираб, Гулнознинг қулоғига ниманидир пичирлади. Гулноз шаҳодат бармоғини лабларига босди:

– Шунақа дегин! – дея деразадан ҳовлига қаради. Қора пайтавали йигит одоб билан тиззалаб ўтириб қаҳва ичарди. Бошига қия қўндирилган бўз телпагининг тагидан чиқиб турган кокили ялтиради. Ингичка мўйловининг учлари бироз буралганди.

Гулноз Теллига юзини ўғирди:

– Ҳой қиз, бунақа қаллиғи бўлғаннинг дарди бўлади. Худо ҳаққи, келишган йигит экан.

Телли бу сўзлардан қувонар, деразадан ҳалиги йигиттага қараб-қараб кўярди. Бироздан кейин йигит нима деган бўлса, Козим киши боши билан тасдиқлади. Яна гаплашишди, кейин йигит ўрнидан турди, ҳайрлашиб кетди.

Ховли эшиги ёпилганда гўё куёш ботгандай бўлди. Теллининг севинчи сўнди. Гулноз унинг иягини силаб:

– Ҳой қиз, ҳолингни хароб қилма! Яна келади, яна кўрасан, – деди.

Телли жилмайди, лекин бу жилмайиш ортида ҳасрат бўй бериб турарди.

Шу паллада кўчадан бақир-чақир эшитилди. Ҳамма кўчага қараб югурди. Маҳаллада яшовчи кўмук кўшнилар орасида жанжал чиқибди.

Қўлларида ханжар ва қилич ушлаган кўмуклар қарама-қарши икки сафда туриб, бир-бирига ҳужум қилардилар. Бир одам эса ерда қонга беланиб типирчилаб ётарди. Телли бундай кўмук можароларни кўп кўрганди. У яхши биларди, жанжаллашетганлар орасига бир аёл кириб, рўмолини ўрталарига ташласа, эрқаклар аёл туфайли ҳаё қилиб, одат ва анъаналарига кўра жанжални тўхтатардилар. Телли ўзини йўқотмади, чаққон югурди ва бир-бирига қарши ҳужумга шай турган элликтacha қуролли кўмук орасига суқилиб кириб, бошидаги гулдор рўмолини ерга ташлади. Бир паста бир-бирининг қонига ташна турган икки томон ҳам ортга чекинди; қилич ва ханжарлар кинларига солинди.

### 13

Девонхона майдонидан бошлиб хон саройига қадар чўзилган кенг хиёбон одамлар билан тўлганди. Сарой дарвозаси рўпарасида қароллар кўриқлаб турган ярим доирада алвон ёпинчикли ранг-баранг укпарлар, кўзмунчоқлар ва чиганоқлар билан безатилган, бўйнига қўнгироқчалар осилган туялар турарди. Тўрт-беш туяning устида Кашимир жун матоларига тўла кажава бор эди. Орқадаги туяларга чойшабларга ўралган сеплар ортилганди. Ҳар

бир түяning тизгини чўққи қалпоқ кийган, белига ханжар қистирган бир сарбоннинг қўлида эди. Теваракка йифилган халойик бир-бирини итариб-туртиб туяларни, шунингдек, уларга ортилган сепларни янада яқинроқдан кўришга интиларди. Отлик сарбозлар арғумоқларини елдириб, ора-сира саройга қараб талпинаётган халойикни қамчилаб орқага қайтарарди. Атроф-теваракдаги уй томлари, болохона айвонлари, кўча эшиклари аёллар, қизлар ва болалар билан тўлиб кетганди.

Сарой деворининг тагида Телли ва Гулноз ҳам бор эди. Уларнинг иккаласи ҳам чит чодра ёпинган ва лабларига қадар иякларини беркитиб олгандилар.

Телли тирсаги билан дугонасини тутиб:

– Ҳой Гулноз, – деди, – Кичикбайим оғанинг аҳволини қарагин! Афтидан, унинг ҳам дарди борга ўхшайди?!

Гулноз елкасини қисди.

– Ким билади дейсан, дардсиз одам ҳам бўладими?

Хотин-халажларнинг шовқин-сурони уларнинг овозини босиб кетди. Аёллар тўлқини уларни ҳам судраб сарой ҳовлисига олиб кирди. Ёнларидағи болали ва боласиз аёллар тош зиналардан сарой айвонига кўтариладилар. Телли ва Гулноз ҳам чиқишиди. Айвон олдига тўпланган аёллар орасини ёриб ичкари кирдилар. Тўрдаги хонимлар орасида оппоқ кийимли, иякларини оқ шойи мато билан беркиттган нозикбадан Кичикбайим кўзга ташланиб турарди. Унинг икки томонида биттадан юзи дувоқли<sup>1</sup> янга бор эди.

Ниҳоят, ташқаридан ноғора товуши эшитилди. Бу карвон тайёрлиги билдиради. Соқчилар аёлларни айвондан чиқара бошлашди. Айвон чет одамлардан тозалангандан кейин қўшни хоналардан бирининг эшиги очилди, Иброҳим хон, Воқиф, Маммадҳасан оға, Ӯҳон кашиш, Малик Шоҳназарнинг ёш ўғли Жамшид, хонзодалар, шу жумладан, Маммад бек ичкари киришиди. Хон қизи билан ўпишиб кўришибди. Воқиф Кичикбайимнинг пешонасидан ўпди, бошқалар ҳам кўришиб, четга чиқишиди. Келиннинг ва янгаларнинг дувоқлари пастга туширилди, юзларига устидан жигжига тортилди. Бекларбегининг биродари келин ёнига келиб, телпагини ечди ва унинг бошига кийдирди, ўз камари билан келин белини боғлаб, деди:

*Қизим, сени қиз истайман,  
Қошу кўзинг дуз<sup>2</sup> истайман,  
Етти ўғил онаси бўл,  
Ҳамда битта қиз истайман.*

Бел боғлаш ижросидан сўнг Кичикбайимнинг бир қўлидан Иброҳим хон, иккинчисидан Воқиф етаклаб айвоннинг ўртасига олиб келдилар. Тўрт-беш чўрини Кичикбайим айлантиридилар, кейин уларнинг юзларини эшикка қаратдилар.

Кимдир:

– Озодсиз! – дея қичқирди.

Саройга ўрганиб қолган чўрилар кетишни истамай хўнграб юборишиди. Шу одат бажарилгач, Иброҳим хон билан Воқиф Кичикбайимни эшик томонга етакладилар. Сурнайчилар олдинга тушиб олиб, “Келин отланди” куйини чалишарди. Эшик бўсағасига тўнкариб бир тақсимча қўйилганди. Келин уни босиб синдириши ва ҳаётда юз бериши мумкин бўлган барча бало-қазоларни енгиши керак эди. Кичикбайим тақсимчани босиб синдирди.

<sup>1</sup> Дувоқ – парда.

<sup>2</sup> Дуз – тўғри, тўла-тўқис.

Келиннинг айвонда кўриниши атрофга тўплангандай аҳоли орасида хаяжон уйғотди. Оломон устидан бир қалқима тўлқини ўтиб тинчилини билди.

Кажавали туялар олға тортилиб чўқтирилди. Кичикбайимни кажаванинг бир кўзига, янгалардан биттасини иккинчи кўзига миндиришди. Кетадиган бошқа одамлар ва иккинчи янга бошқа кажаваларга жойлашдилар. Туялар ўринларидан туришди, ғамгин кўнғироқ овозлари атрофга тараалди. Кичикбайим юз пардасини кўтариб, сўнгги бор она юртига, яқин одамларига бир назар солди. Ҳамма нарса табиийдек кўринарди. Фақат Маммад бекнинг пажмурда туриши бир ҳанжар бўлиб унинг қалбига санчилди.

## 14

Кичикбайим узатилганидан кейин гўё Шуша яна аввалгидек тинчгина яшашда давом этар ва унинг осойишталигини бузадиган ҳеч қандай ҳодиса кўринмасди. Лекин бир неча кун кейин кўчаларда қоқилган ноғора ва чалингандай бурғу овозлари бирор янги воқеа юз берганини билдириди. Ҳамма кўча эшиклари олдига тўпланиб, кўшин ўтиб боришини кузатарди. Козимнинг оиласи ҳам ташқари чикқанди. Телли билан Гулноз яшмағланишиб<sup>1</sup> лазги ва қўмуқларнинг йўлга отланишларини, буюмларини от ва хачирларга юклашларини томоша қилишарди. Кўшин ичидаги турли ёшдаги одамлар бор эди.

Гулноз Теллининг кулоғига шивирлаб:

– Ҳой, қиз, – деди, – анави мўйлови оқарган кишига қарагин, ёнидаги бола ўғли бўлса керак-а?

– Ҳа, ўғли, мен танийман, кўрмаяпсанми, жудаям ўхшайди-ку?!

Козим ҳам Гулнознинг отаси Оллоҳқули билан ишни қўйиб, кўчага чиққандилар.

– Эҳ, Оллоҳқули, яхшиямки бошимизни бу урҳо-урдан кутқардик. Бўлмаса, ҳозир биз ҳам кетаётган бўлардик.

Оллоҳқули истеҳзо билан:

– Кутқарганингни қаердан биласан? – деди. – Ганжа хонининг қўшини кўп бўлгандайди, бизларнинг оёғимизни ерга текизмай олиб кетишарди.

– Ахир, Ганжа хони Маммад хон ёлғиз эмас-ку? Унинг Иброҳим хон итоатидан чиқишига қандай ҳадди сиғади! Бир бўри йўлдан ўтиб бораётган экан, тоғ устида ёлғиз кўзичоқ турганини кўрибди, кўзичоқ бўрини кўргач, уни ҳақоратглай бошлабди. Бўри кўзичоққа қарабди-қарабди, кейин депти: “Ҳой, кўзичоқ, бу журъат сенини эмас, орқангдан суяб турган тоғники”. Энди, уста Оллоҳқули, Маммад хон шундай. Орқасида Қуба хони Фатали турибди. Фатали турмаганида бу фалвани бошламасди. Маммад хон бир тош, уни Иброҳим хоннинг оёғи остига юмалатиб юборганлар бор...

Кўшин гуруҳ-гуруҳ бўлиб, пароканда бир ҳолда ўтиб бораарди. Кимнинг дир пилтали, бошқасининг чақмоқли милтифи бор эди. Кўплари қадимий либосда; қалкон, қилич ва зирҳли эдилар. Найза, чўқмор, дубулғалар куёшда ялтиради. Белига замбарак боғланган бир неча тую тутди...

Оллоҳқули бошини секин тебратиб, астагина:

– Ҳой, уста Козим, – деди, – гап орамизда қолсин-у, бу хонлар йил бўйи бир-бири билан уруш қиласидар, касб-хунардан кўр кетаяпти.

Урушларнинг қанчасини кўрган Козим истеҳзоли жилмайди:

– Уста, булар ювинди даъвосидир. Мулла Насриддин ётган эди, даҳлизда қандайдир шовқинни эшитди. Мулла кўрпасига ўраниб, даҳлизга чиқкан заҳоти шовқин тинди. У орқасига қайтди. Кўрпаси йўқ эди. Хотини: “Ҳой мулла, нима шовқин экан?” – деб сўради. “Э, хотин, – деди Насриддин, –

<sup>1</sup> Яшмағланиш – оғиз ва даҳланларини маҳсус парда билан тўсиш.

барча шовқин менинг кўрпам устида экан: олишди, тинчиди кўя қолишиди...” Энди бўлса уста, дунёнинг тўс-тўполони кўрпа учун бўлаётир. Ҳозиргача Ганжа Ираклий хон билан Иброҳим хонни бир ёқлик қилган бўларди. Энди Маммад хон шоболидга<sup>1</sup> айланган, ёғ бермаяпти...

Кўшин ўтиб кетди, орқасидан кўча чангитганча бир тўда бола ва кўзида ёш билан аёллар югуриб борарди...

Козим билан Оллоҳқули устахонанинг ҳовлисига киришиди. У ер-бу ерларга алвон рангли матолар осиб куритилаётганди. Улардан томчилаетган рангли сувдан кўлмакчалар вужудга келганди. Бир томонда товук-хўroz ер титарди. Дарвозага яқин бир дараҳт ўсарди. Усталар қўлларини ювиб дараҳт остига солинган бўйра устига ўтирадилар. Ҳаво иссиқ эди. Саҳар ели ҳам эсмаётганди. Осмонда сузаётган оқ булут парчаси кумушдек ялтиради.

Козим булууга қараб, нохуш овозда:

– Ёмон курғоқчилик бўляяпти, – деди. – Шундай бўлаверса, буғдои куйиб кетади. Оллоҳ раҳм қилсин-да!

– Муллалар Тавоб тошига бориб, тошга дуо ўқиб, уни сувга солишсиди... Эсимда, бир марта боришганди. Шундай ёмғир ёғиб бергандики, сувга тушган жўжадай шумшайиб қайтиб келишганди.

Шогирдлардан патнисда темир ўчоқда пиширилган иккита юпқа нон, кўй терисидан тикилган мешкобда асралган қуруқ пишлок, икки финжон чой олиб келди, усталарнинг олдига кўйди. “Бисмиллоҳ” дея тамадди қила бошладилар. У ёқ-бу ёқдан гаплашиб ўтирадилар. Бироз ашёларини сотиб олган тожирнинг бадҳоҳлиги ҳакида гапирдилар, кейин тижоратнинг тўхтаб қолганидан шикоятландилар. Охирида яна уруш масаласига ўтдилар.

– Ахир олди-сотди ишларига нима ҳалақит беради, мол деганинг сувдай оқиб турсагина фойда кўрасан-да. Карвон йўлга чиқди дегунча қочоқ қул олдидан чиқади – йўлини тўсади; қайси хоннинг мулкидан ўтса, “ербости” солиги оладилар... Савдогарларни тавбасига таянтирадилар. Қаранг, бизнинг арманилар ўрис ерларига қочиб боришибди. Ўтган кун биттаси Қизлар шаҳридан келишибди. Ҳаммаси давлатли бўлиб кетибди, дейди. Эҳ-хе, чоғирчиларни айтмайсизми? Тиллани курак билан йиғиб олишашапти... Бу ерда шундай қилиб кўр-чи, ўша заҳоти қўлингдан тортиб оладилар...

Оллоҳқулининг кошлари чимирилган, юзида чуқур норозилик ифодаси бор эди.

Козим зўр эътиқод-ла:

– Эҳ, Оллоҳқули, – деди, – дунё моли ҳақида кўп гапирайсан, нима қиласан, гўрингга олиб борасанми?.. Сармойейи ту дар ин жаҳон йак қафн аст – уро ки, гумон нист, бори ё на бори.<sup>2</sup> Ҳой, уста, давлатнинг ҳам дарди давлат, дунёда дардсиз инсон йўқ! Озгина ошим, оғримас бошим – ҳаммасидан яхшироқ. Беш кунлик дунёни бир амаллаб ўтказиб юр... Шоиримиз яхши айтган:

*Кимники бор эса бир бурда нони,  
Ўзига ишиора уй-ошиёни.  
На бирор унга қул, на у бирорвга,  
Айт, шод яшайверсин, хушидир замони<sup>3</sup>.*

Козим фалсафасига мафтун бўлган бу шеърни Оллоҳқулига таржима қилиб берди, жуда тўғри эканига шунча уринса ҳам Оллоҳқулини ишонтира олмади. Чунки Оллоҳқулининг ўз муайян ҳаёт режаси бор. У бир кун

<sup>1</sup> Шоболид – каштан дараҳти.

<sup>2</sup> Сенинг бу дунёда қозонганинг биргина кафандирки, уни ҳам олиб бориши-бормаслигингга ишонч йўқ.

<sup>3</sup> Хайёмнинг бу рубоийсини форсчадан Ш. Шомуҳамедов таржима қилган.

имкон топиб, давлат мол сохиби бўлишига ишонарди. Унинг ибтидоий ҳолда, минг азоблар билан ясаган маҳсулотини рус тупроғида мошина ясади, ўзи ҳам униқидан арzon, униқидан анча яхши бўлишини биларди. Шундай мошина ясаган маҳсулотни олиб келиб бу ерларга сотиш, эвазига бу ернинг матосини рус ерларига олиб бориб пуллаш Оллоҳқулининг азалий орзуладидан бири эди.

Бу пайтда Шушанинг Ганжа дарвозасидан чиқиб бораётган қўшин аста-секин тоғ йўллари ва дараларни тўлдирмоқда эди. Қўшиннинг олдида Иброҳим хон, чап томонида Воқиф ва атрофларида хонзодаларнинг баъзиси ҳамда саркардалар борарди. Кўпдан бери сафарга чикмаган отлар чиганиб юганини чайнар эди.

## 15

Сафар хоннинг қарорини билган заҳоти йўлга чиқди. Корабоғ худуди саналган Кура дарёсини кечиб ўтиб, Ширвон еридаги бир қишлоқда тунади. Ўша жойда тасодифан Фатали хоннинг зулмидан қочиб келган бир қишлоқлик кишига дуч келди. У билан дўстлашди ва Куба хонлиги чегарасигача унга йўл кўрсатувчи бўлишини илтимос қилди. Қишлоқлик рози бўлди, икковлон отларга миниб йўлга чикишди; йўлда тунаб қолган жойларда янги-янги одамларга учраб, ҳабар олиб боришиди.

Нихоят, Куба худудига етишди. Йўл бошловчи олдиндаги йўлларни ва қишлоқларни тушунтириб, қайтиб кетди. Сафар эса яқин бир огулда тушиб қолди. У бу ерда хон йилқисини тоғ яйловига олиб келганидан хабар топди. Яхшигина маълумот тўплаганидан сўнг, яна йўлида давом этди. Охири бир оқшом чоғи Мироҳурнинг<sup>1</sup> яйлов қўнағасига етиб олди.

– Худойи кўноқ керакми? – деди.

– Оллоҳга ҳам жоним тасаддуқ, меҳмонга ҳам! – дея Сафарни кутиб олишиди.

Одатга кўра, қарол келиб меҳмоннинг оёқларини ювди, чайланинг рўпарасига тўшак солди, нон-қатиқ олиб келди. Мироҳур ҳам унинг ёнига ўтириб сухбат бошлади. Ҳангома аста-секин қовуша борди. Атрофга чўккан сукунатни фақат дарёning жозибали шовуллаши бузарди. Уйқу ҳам қоронғилик мисол ҳаракат билан кўзларига жойлашар, уларнинг ёруғини синдиришга ҳаракат қиласди. Жойлар солинди, ҳар ким кўрпага кириб, бошини ёстиққа қўйди. Мироҳур ҳам чайлага, хотинининг ёнига ўтди. Тун зулмат сари чопар, самодан осилган минглаб қандиллар гўё унга йўл кўрсатгандай бўларди. Ҳамма ухлаб қолганди, фақат Сафарнинг кўзларига уйқу қўнмасди: Қамар билан Шоҳбоз ҳақидаги ўй унга тинчлик бермасди. Чалқанча ётиб осмонга тикилар, само қаъридан Қамбар билан Шоҳбознинг кўзлари порлаб қараб тургандай кўринарди. Баъзан бу кўзларнинг орасида Теллининг ҷаросдай кора кўзлари уятчан бир ҳолатда қараб тураг, соғинганини сездирмоқчидай бўларди. Сафар ўрнида тўлғанар, яна кўзларини юлдузларга қадар, қалбининг нолаларини, фарёдларини тинглай бошларди. Шу аснода оёқ товушлари эшитилди. Хаёлга чўмган Сафар бу товушларга аҳамият бермади. Уйғоқ кўзлари милтираб турган юлдузлар орасида тентирарди.

Лекин яқинлашиб келаётган тапир-тупур қулоғига чалинди – кимdir чайлага яқинлашиб келарди. Сафар кўзларини кисиб, қоронғиликни кузатди. Бир одам келиб, чайла ёнида тўхтади. Атрофни дикқат билан кўздан кечириб, энгашди, ерда ниманидир ахтариб, ўзига қараб торта бошлади. Ичка-

<sup>1</sup> Мироҳур – хонликларда сарой отхоналарига бошчиллик қилган мансабдор шахс.

ридан бўғиқ, аччиқ бир фарёд тарапалди. Сафар қўлини болиши тагига тиқиб ханжарини олди ва ётган ўрнидан қоплондай сакради, унинг ҳайқирифи чақмоқдай шарақлади. Чайла ёнидаги одам чангдай эриб, қоронғиликда ғойиб бўлди. Сафар уни таъқиб қилмади. Қулоқларини чайла тўсиқларига қўйиб тинглади. Ичкаридан ғазабли овозлар эшитиларди. Мироҳўрнинг бўғиқ овози аста-секин ойдинлашди. Ингичка, кўнғирокдай жаранглаган аёл овози эса унга ўшқириб, маломат қиларди...

Сафар қайтиб келиб ўрнига чўзилди. Бир неча дақиқадан сўнг Мироҳўр чайласидан чиқиб келди, болишга ёнбошлаган Сафар томон энгашиб, оҳиста:

– Мехмон, кўрдингми? – деди. – Ухлаётганимда томоғимга сиртмоқ солиб, мени бўғмоқчи бўлишди. Яхшиямки, сен уйғоқ экансан.

Мироҳўр ғазабидан гапини давом эттира олмади. Сафарнинг қўлидан тортиб четга етаклади. Ўтиришди. Мироҳўр муштугини ёндириб, дардини очди. Ёш хотинининг ўйнаши бор экан. Сезиб юраркан-у, ҳеч қўлга туширолмаскан. Бир сафар хотинини ўлдирмоқчи ҳам бўлибди. Хотин тавбалар қилиб, шубҳалари бекор эканлигига ишонтирибди. Нихоят, Мироҳўрни ўлдириш пайига тушишибди.

– Мехмон! – деди Мироҳўр. – Тангри сени аёл макридан узоқ айласин! “Эгри дўстдан дўст чиқмайди. Унинг бир илдизи эгри бўлади...” Аёлнинг бир илдизи ҳамиша қийшиқ бўлади!..

Мироҳўр ўзини босиб олиш учун тамакидан тортди. Уфқда тўпланган кора булутларга каради, кўкрагини керди. Сафар қотиб қолганди.

Мироҳўр гапида давом этди:

– Сен менинг жонимга ора кирдинг, меҳмон. Энди айт, билай, нима иш билан юрибсан? Ўзинг кимсан? Биз беш оға-ини эдик, тўрттамиз урушларда ҳалок бўлдик. Энди мен ёлғиз қолдим. Сен менинг қиёматлик биродарим бўл. Айт, ўзингнинг дардинг нима? Боримни, жон-танимни сендан аямайман!

Сафар Мироҳўрнинг овозида самимият, мардликни ҳис этди, қалбини очди, дардини айтди. Бошидан ўтказганларини бирма-бир гапириб берди, мақсадини ҳам яширамади.

Мироҳўр бироз жим қолди, кейин афсусланган бир овозда:

– Буларнинг ҳаммаси яхши. Бироқ... Афсуски, сен ҳам аёл сиртмоғига банди бўлибсан... Кел, қўй, энди бу тошларни этагингдан тўкиб ташла! Охири бефойда бунинг. Отларни сендан аямайман. Миниб кетамиз. Аразнинг у томонига ўтиб кетамиз. Карбало ерларига бориб, умримизни дуо-ниёз-ла ўтказамиз, мол-дунёга алданмайлик...

Сафар индамади. Уфқда чеккалари қизарган қора булутларни томоша қиласкан, у ерда майсум қарашли Теллининг ол ёнофини, тарқоқ қора сочларини кўрди. Юрагини ғам босди.

Мироҳўр бироз ғазабли, бироз меҳрибон ва миннатдор овоз билан:

– Мехмон, – деди, – хаёлинга ёмон фикр келмасин, аргумоқлар ҳам, жоним ҳам сендан айлансин, садағанг кетай, сендай мард йигитга жоним тасаддуқ. Аммо сенга раҳмим келаяпти. Ёшсан, ишқилиб, менга ўхшаб қариган чоғингда бошинга ташвиш тушмасин-да.

Сафар индамади. Теллининг ёноклари тонг отар пайтининг қизаришидан ҳам порлок эди. Унинг кўзлари сўниб бораётган юлдузларга зиё берарди.

Мироҳўр ғазабли бир ҳаракат билан туриб кетди. Кўп ўтмай Қамар билан Шоҳбозни эгар-жабдуқлаб олиб келди.

– Мехмон, – деди, – ҳозир кутиш вақти эмас, мин, кетдик!

Чаққон отланиб, йўлга тушишди. Яқиндаги дарёни кечиб ўтиб, бир толзор жойда тўхтадилар.

Мироҳўр деди:

– Милтиғим эсимдан чиқибди. Сен шу ерда тура-тур, ҳозир бориб олиб келаман.

Мироҳўр ўзининг отини ҳам Сафарга қолдириб кетди. У ўн дақиқаларда қайтиб келди. Сафар Қамарнинг тўлқинли ёлини силаркан, тулпорнинг нимқоронғида Дамашқ қиличи сингари яrim доира ҳосил қилган бўйнига, ғурур-ла қайрилган бошига қараб ҳайрон қолганди. У энди ўзини ерни ларзага соловучи олтин хўқиз белида ҳис қиласарди: Қамар унга завқли ва енгилмас қудрат берганди.

Ютурган оёқларнинг тапиллаши унинг диққатини тортди. Мироҳўр ён томондан чопиб келаркан, жаҳл билан ерга бир нарсани улоқтириди:

– Бевафо аёлнинг оқибати шундай бўлади, – деди ва сакраб отга минди. – Ҳайда!

Қамар ерга улоқтирилган нарсага қараб ҳуркар, пишқиради. Сафар ҳам диққат билан ўша ерга қаради: ўтлар орасида соchlари тўзғиган аёл боши ётарди.

## 16

Сафар билан Мироҳўр Кура дарёси бўйигача бирга боришиди, шу ерда ҳайр-хўшлашиб, ажралишди. Сафар Шушага қараб, Мироҳўр эса Аразга томон кетди.

Йўлда Сафар тасодифан Ганжадан зафар билан қайтаётган Иброҳим хон қўшинига дуч келди. Кўзлари ўйилган Маммад хонни юзтубан эшакка боғлаган ҳолда олиб кетишарди. Оиласи ва укаси Раҳим бек ҳам шу ерда эди. Юқ ортилган уловлар, хачирлар, отлар оғир-оғир одимлар эди. Ганжани ва барча қишлоқларни талаб кетишарди.

Сафарнинг остидаги тулпор ҳамманинг эътиборини тортди. Ҳали қўшин кетаётган йўлга етмай туриб, чопар юборилиб, отнинг кимники эканини суринтиришиди.

Бир зумда Сафарнинг номи оғиздан-оғизга ўтиб, мингларча кўз унга қадалди.

Сафарни хоннинг ёнига олиб келишди. У отдан тушиб, бош эгди:

– Мен буюрганларини бажардим. Энди ихтиёр хонда! – деди бошини кўтартмай.

Воқиф андишали бир тарзда хонга қаради; хоннинг ғазаб уфуриб турган юзида марҳамат аксини кўриб, севинди.

Хон амрона овозда:

– Бўлиб ўтганларни мардлигинг учун кечирдим, – деди, кулимсираб Воқифнинг юзига қаради. Унда розилик аломатини кўриб, янада марҳаматли бир товушда: – Қамарни мин, эҳтиёт бўл, уни сенга топшираман, – деди.

Сафар отининг жиловидан етаклаб, хон ва унинг аъёнларидан узоқлашибди, саркардаларни ҳам олдинга ўтказиб, кейин отга минди. Энди у ўзини дунёнинг энг баҳтиёр одами ҳисобларди, кечирилганди, ўзи ҳам Қамарнинг белида, Шушага, Теллининг ёнига бораётганди. Яна севги тўлкини уни чулғаб олди – унинг факат қаноти йўқ эди. Лекин сўнгсиз йўл тугамасди, дақиқалар йиллар каби чўзиларди, соғинч олови водийнинг ёз қуёшидан ҳам даҳшатли эди. Аммо ҳасрат сароб сингари алдоқчи бўлсада, интиҳосиз эмасди – соатлар оғир бўлса-да, ўтиб борарди.

Ёндиргувчи қуёш ғарбга қараб силжириди. Ниҳоят, тоғларнинг салқин эпкини эса бошлади, шаҳаргача бир-икки чақирим қолган.

Чопарлар хоннинг келаётганини олдиндан хабар берганди. Эр-как-аёл, ёш-қари оломон қалъа дарвозасининг кираверишидаги қир ёнбағирларини тўлдирганди.

Бизнинг дўстларимиз Козим, Оллоҳқули, Гулноз ва Телли ҳам шу ерда эди. Шуша дарасидан чанг кўтарилди. Бир-икки чопар хабар бериш учун от чоптириб келишди. Халқ кўзғалди, чуқурроқ жойда тургандар оёққа турмоқчи бўлишди.

Ҳаяжонли овозлар: “Ўтиранглар-чи!” деб уларни чўккалашга мажбур қилди.

Гулноз шошиб:

– Ҳой, қиз, – деди, – Телли, бошингни сал четга ол, мен ҳеч нарса кўролмаяпман:

Телли кулиб:

– Ҳазил қилмаяпсанми? – деди. Қўлини чўзиб, Гулнознинг иягидан ушлади.

Ҳазиллаша бошлаган Телли бошини эгиб, Гулноз майна қиларди. Гулноз бўлса унинг боши устидан чўзилиб пастга, қабристон томон қаради.

Бирдан кимдир бақири:

– Келишаяпти, Худо ҳаққи, келишаяпти!

Телли шарт бурилди. Хон аъёнлари билан қиялиқдан чиқиб келарди. Атрофга жимлик чўкди. Ҳамманинг дикқати ўша ёққа қаратилди. Қўшин ҳам кўрина бошлади.

Энди хон аъёнлари билан қизлар олдидан ўтиб борарди: офтобда қорайган юзларига қалин чанг кўнганди. Воқиф ўгирилиб, аёллар ўтирган қиялиқка қаради, унинг кўзи Теллига дуч келиб тўхтади.

Телли қизариб бошини ҳам қилди. Хон билан аъёнлари қалъа дарвозасидан ичкари кириб кўздан ғойиб бўлгач, Телли яна бошқаларни томоша қила бошлади.

Бир маҳал унинг кўзлари бир нуқтага тикилиб қолди: юзига қон югурди. Қўли билан Гулнозни туртди:

– Ҳой, қиз! Ҳой, қиз! – деди. – Қара, бизникига келган йигит ҳам шу ерда экан. Оти муンча чиройли унинг!..

Қамарнинг хушқаду хушрўйлиги оғиздан-оғизга ўтиб, ҳаммаёққа тарқалди. Ҳар тарафда: “Қани? Ким? Нима?” деган саволлар, сўраб-сuriширишлар бошланди. Ниҳоят, саволлардан унинг ким экани аниқланиб, теваракка ёйилди. Телли қулоқларига ишонмасди:

– Ҳой қиз! Гулноз! У қаёқдан Сафар бўлиб қолди? У Сафарнинг одами, Сафар эмас!

– Нима деяпсан, ҳой, қиз, демак, ҳамма ёлғон гапираётган экан-да. Кочоқ Сафар сизникига келиб, мен Сафарман, демайди-ку, ахир...

Телли кўзларини Сафардан узмай, у билан Қалъа дарвозаси орасидаги масофанинг яқинлигига афсусланди... Қамарнинг наҳалларидан учган товушлар Қалъа дарвозасининг тоқига урилиб акс садо берди... Телли орқадан келаётган асирлар тўдаларини, алвон рангли кийимли аскарларни, найза учларидаги қорайган одам каллаларини томоша қилишдан ожиз эди. Унинг хаёли, кора кўзлари ва типирчилаётган қалби Сафар томонда эди.

Ганжага қилинган юриш Иброҳим хоннинг нуфузини Озарбайжон хонликлари орасида анча ошириб юборди. Саройда катта шодиёна бўлиб ўтди. Тўн-мукофотлар улашилди. Шаҳарда чироқлар ёқилди, тўплар отилиди. Лекин бу шодиёнани ўттиз йилдан бери вакил номи билан бошқариб келаётган Карим хон Занднинг вафоти ҳақидаги хабар бузди.

Саройни яна андишалар қоплади. Иброҳим хон бу хабарни олиши билан Воқифни ёнига чорлади. Саройнинг хоналаридан бирига кириб олишди. Бу ерда Шарқда тарқалган овоза тафсилоти хусусида гап борди. Воқиф ўзига хос совуққонлик-ла деди:

— Эрон ҳар йигирма-йигирма беш йилда бир тўс-тўполонни бошидан кечиради. Демак, Нодиршоҳнинг зуҳуридан аввалги вазият такрорланаяпти. Ҳар шаҳардан бир хон бош кўтаргуси, мусулмон қони сув бўлиб оққай...

Хон алам билан:

— Бунинг оқибати бизга ёмон бўлади-а? — деди ва диққат билан Воқифнинг юзига қаради.

Воқиф тасбехини ўгирапкан:

— Албатта, — деди, — ўша харобанинг ғалваси қачон бизни оғир аҳволга солмаган ўзи? Нодир ўлкада талафот кўрмаган ер қолдирмади, ҳамма жой харобага айланди. Қорабоғ ва Ширвон аҳолисини ҳайдаб Хуросонга олиб бормадими? Қанча одам ҳалок бўлди...

Орага жимлик чўқди. Иккаласи ҳам яқин ўтмишдаги аччиқ воқеаларни ўйлаб қолишди. Уруш, қон, ёнғин, очлик, вабо... Фалокатнинг чек-чегараси йўқ эди...

Иброҳим хон турди, яна ўтирди, чордана қурди, ипак болишни чап тирсаги остига олиб суюнди:

— Жаҳаннам, — деди, — ҳеч бўлмаса қандай ўйинлари бор бўлса, Аразнинг нариги томонида қилишавермайдими, хавф-хатари бизга тегмасди!

— Шундай бўлиши мумкинми? Биздан итоат этиш талаб қилинади; итоат қилсанк — бир бало, қилмасак — икки бало.

Хон яна изтиробларини ифодалаш учун баъзи ҳаракатлар қилди, соқолини силаб, Воқифнинг юзига қаради. Воқиф кулимсираб:

— Ҳозирча эҳтиёт чорасининг кераги йўқ, — деди, — вазиятга қараб ҳаракат қиласиз. Техрон билан қўшинчилигимиз бор, бекларбеки билан хат-хабар, алоқаларимизни кучайтирайлик, аҳволотдан хабардор бўлиб, тадбир кўрамиз.

Воқифнинг оҳиста, салмоқли гапириши хонга ҳам таъсир қилди, у бироз ўйлаб, қатъий оҳангда:

— Вакилнинг маслаҳат ҳамда таъсири туфайли Фатали хон бироз ҳаё қиласарди, энди қўрқаманки, у ҳам исён кўтармаса.

Воқиф юзида жирканиш ифодаси билан таъкидлади:

— Фатали хон ҳамёнидан бошқа нарсани ўйламайди. У ким кўпроқ ашрафий<sup>1</sup> берса, ўшанинг ноғорасига ўйнайди. Бундан тўрт йил бурун рус қўшинини Дарбандга чакирмадими? Тобосарон ва Қозиқулуқ томонларда руслар билан бирга босқинчилик қилмадими? Бу малъун дини исломнинг душманидир. Гап бор-ку, Дарбандга коғир қадам босса, исломнинг бели синади. Бу малъун исломнинг умуртқасини ўз қўли билан синдириди.

— Бир марта синдирган бошқа синдиrmайдими?

Воқиф бироз юмшади:

— Фатали хондан беш вақт номоздан бўлак нима десанг топилади, — деди,

<sup>1</sup> Ашрафий – тилла пул.

— аммо рус қўшинининг ҳозирги пайтда кела олишига гумоним бор. Келган эди, чидай олмади. Демак, бирор тўсиқ борки, қололмади, қайтиб кетди. Усмонли давлати билан Екатерина орасида сулҳнома бор, яқин ораларда русларнинг бу ерга келишига ҳақлари йўқ. Агар бўлсайди, гумонимча, Дарбанддек бир кальадан тўп-замбаракларини олиб кетмасди...

Хон билан Воқиф узоқ ўйлаб кўриб баъзи тадбирлар белгилашни лозим топишиди. Маммадхасан оға билан Алимаммадни Араз соҳилига юбориб, хон билан Воқифнинг ҳам Куба бўйига бориши, кўшин ва бошқа юмушлар тадоригини бошлишга қарор қилинди.

Хон осуда нафас олиб, сирланган чилимдаги сувни қуруллатаркан, яна Воқифга қаради, чехрасида миннатдорлик ифодаси бор эди. Дастурхончини чакириди:

— Чилимни олиб кет!

Дастурхончи чикқан эшикда Шоҳниса хоним кўринди.

— Ҳой, ошиқ, хон билан яна нималар устида бош қотиряпсизлар? — деда ичкари кирди.

Воқиф ўрнидан турди, хонимга жой бўшатди. Шоҳниса хоним оҳиста ўтириди:

— Карим хонга, афтидан, таъзия билдиromoқчига ўхшайпсизлар, — деда кинояли кулди ва ўзини қўлга олиб, андиша билан сўради: — Охунд, белкларбегига ҳеч нарса бўлмас?

Воқиф жиддий оҳангда:

— Бекларбеги таҳт-салтанат даъвоси қилмаса, нима ҳам бўларди, — деда.

Шоҳниса хоним оҳ тортди ва дуррасининг учини ўйнай туриб:

— Қаёқдан билай, афтидан, Тангрининг қисмати шундай экан-да, — деда ва йифламсиради.

Иброҳим хон очиқ деразадан ташқарига, шаҳарнинг кун ботар томонига қаради ва ниманидир ўйлаб қолди. Кўчарли маҳалласининг қаламчадан тўқилган уйлари, мўриларидан буркситиб тутун чиқараётган қора томлари, таппи ёқаётган аёллар, нишон қўйиб, унга теккизиш учун ўқ отаётган болалар, дарахтлар остида чуғурлашаётган калта шимли ўйинқароқ жулдуровқилар бир-бир кўз ўнгидан ўтди. Ўнг томондаги текис минора ёнида Жавоншир ва Ўттиз икки улусига мансуб аскарларнинг замбарак атрофида машқ ўтказаётганлари унинг диққатини тортди: тунд юзи бироз юмшади. Юкорида паст-баланд чўққили қоялар, уларнинг устидаги қора булувлар чулғаган осмон қўринарди... Хон бу манзарадан миясига бир ўй келди чоғи, орқага ўгирилиб:

— Охунд, — деда, — Йраклий хонга хабар бериш керак, тайёр турсин. Бир нома ёз!

— Хўп бўлади, хон, кечқурун ёзиб таҳт қиласман. Чопар қачон жўнайди?

— Эртагаёқ, — деда хон. — Вакт кутиб турмайди... Нима десанг, де, аммо Фатали хонга ишонч йўқ. — Хон ўйлаб туриб, кўшимча қилди: — Умар хонга ҳам битта нома ёз, майли, тайёр турсин.

— Хўп бўлади! — деб хоннинг юзига қаради ва яна нималар айтишини кутиб, сергакланди.

Воқиф соколининг хинасини юваб қуритди. Уйга чакирилган сарта-рош уни кутарди. Ўтириб, юзи ўйма нақшли кўзгуни тақдим этди. Воқиф кўзгуга қараб:

— Қани, бошли-чи, уста, — деда, — олиб ташланадиган жойим борми, ўзи?

Сартарош қизил матони Воқифнинг кўкрагига тортиб, учларини елкала-ридан оширди, бошини сув билан хўллади. Сартарошлар кўп гапирадиган бўлганидай, бу уста ҳам оғзи бўш эди, лекин сўз халтасини очиш учун баҳона қидирарди.

Хина масаласи бир баҳона бўлди.

– Охунд, хина жуда кимматлашиб кетиби. Бунга хон нега бирор тадбир кўрмайди? – деди-да, Воқифнинг бошини хўллаб, эгилиб унинг юзига қаради.

Воқиф индамади. Сартарош жавоб олмагач, бироз гапни олиб қочмоқчи бўлди:

– Аммо, – деди, – одам ўлиши тайин экан, ростини айтган маъқул, қиммат бўлса ҳам, кўлга хина-да, ахир.

Воқиф яна индамади. Сартарош чўнтак бандидан энли устарасини чиқариб сочни ола бошлади. Бир-икки жойни кўли қалтираб кесиб олди, матонинг учи билан қонни артаркан, Воқифнинг эти жунжикиди. Лекин яна индамади. Сартарош қонга бир мақол айтди:

– Кесилган жойдан қон чиқади, дейдилар. Оталаримиз жуда топиб айтишган-да.

Воқиф сартарошнинг бемаъни гапларига чидаб, бирор калима сўз айтмади, жавоб бермади. Сартарош унинг сочини қириб тугаллади, соколи ва мўйловини тўғрилаб кўйди. Кейин матони ечиб, қирқилган соч, соқол, мўйловни тўкиб келишга турганда яна бир-икки мақол айтмоқчи бўлди. Лекин Воқиф оёққа турди, чўнтағидан бир нечта йигирма тийинлик танга чиқариб, сартарошга берди ва:

– Уста, – деди, – хинанинг нархи ошган, биламан, аълолиги ҳам билиниб турибди; кесилган жойдан қон чиқади, бу ҳам ўрнида айтилган. Фақат битта айтилган нарса ҳам бор, ўшани эсдан чиқардинг:

*Кўлингда бор кучинг, уста,  
Қоним бўлсин тўйчинг<sup>1</sup>, уста,  
Бошимни кесганинг жойда  
Синсайди улгучинг<sup>2</sup>, уста!*

Воқиф сўзини тамомлаб, қўшни хонага ўтди. Қизхоним кичкинагина кўзгуни деразага қўйиб соchlарини тўғрилади. Гулоб иси хонани тўлдириб юборганди.

– Қизхоним, чухамни олиб бер! – деди Воқиф қатъий оҳангда.

Қизхоним ҳам хайрон бир овозда:

– Чухани нима қиласиз, яна сафарми? – деди.

– Ишим бор. Мирза Алимаммадни кўришим керак.

– Сизнинг ҳаммада ишингиз бор... Кайф-сафодан сира тушмайсиз...

Воқиф сўз оҳангини тушунди. Кайфияти яна бузилди:

– Эҳ, Қизхоним, – деди. – Худо ҳаққи, бусиз ҳам паришон қалбимни яна ғаш қилма! Чуха сўрадим, жанжал деганим йўқ-ку. Сен келинсалому юз очарингга бораяпсан, мен ҳеч нарса деганим йўқ-ку; сен менинг ишларимга аралашма. Сен хушрафтордан ўзга бир сўз талаб қилмайман.

Қизхоним айланиб ўрнидан турди, токчадаги ипак бўйчани ечиб, ичидан чухани олиб берди.

Воқиф кийиниб хонадан чиқди ва яна кўз қири билан хотинига қаради: қоп-қора оҳу кўзларда томчилар ялтиради.

<sup>1</sup> Тўйчинг – пул ёки маҳсулот тарзида олинадиган солик.

<sup>2</sup> Улгуч – устара.

\* \* \*

Теллига уч кун бурун тўй бўлганди, бугун юз очар маросими эди. Қизхоним келганида Телли дугоналари билан чимилдиқ оркасида эди. Чимилдиқнинг бу ёғида хотин меҳмонлари ўтиришарди. Қизхонимни хурмат билан тўрга ўтказдилар. Ўтиришарди. Юзида ҳамон паришонлик акс этарди.

\* \* \*

Қизхоним дугоналари билан келин юзочарида ширин сухбатлар қуриб ўтиаркан, Воқиф ҳам Мадинанинг сухбатидан маст эди. Мадина саркардалардан бирининг хотини эди. Бу саркарда Иброҳим хоннинг Эронга юриши пайтида ўлдирилганди. Мадина эса бошқа эрга тегишини хоҳламай, бева яшарди, мўъжазгина мулкидан келадиган даромад билан кун кўради. Боласи бўлмагани учун бутун фикр-зикрини ўз оройишига қаратганди, ҳамиша кўркам кийиниб юрар, хушчақчақ ҳаёт кечирарди.

Ўттиз-ўттиз беш ёшларда бўлишига қарамай ёш ва завқли эди. Унинг меҳрибонлиги, дилкашлиги, меҳмоннавозлиги Воқифни мафтун этарди. Чехраси ҳам шоир қалбини маст қиласар даражада гўзал эди. Тўладан келган, қирмиз лаблари, садаф тишлари, калта ва равон қошлари, тиник ва зийрак кўзлари, оқ ва тўлин юзи жуда ёқимли ва жозибали эди.

Мадина ҳамишадагидек Воқифни тўпхонага қараган безакли дераза олдига ўтказди. Воқиф Мадинанинг табассум қилган юзига соғинч билан қараб:

– Нетай, сендан айрилиқ мени яна ўтга солди, севгилим... – деди, кўзларидан ўт чақнади. Деразанинг Мадинага томон очиқ табақасидан сариқ-яшилга, қизилга бурканган тўпхона ўрмонига қаради. Мовий ўрмон туман орасида ловуллаб тургандай кўринди.

Нашъали бир ғам Воқифнинг юзини қоплай бошлади.

– Мадина, – деди, – билсанг, бу рангин куз ўрмони менда қанчалик дард уйғотади, ҳар нарса ўчади ва ўча туриб табиатнинг ёрқин бир ифодасини намойиш қиласади, сўнгги бор уни бутун оламга кўз-кўз қиласади. Инсон табиатининг ҳар сўнгги ифодаси севгиидир... Кел, гўзалим, бу дам ғаниматдир.

Воқифнинг ширин сухбатларидан завқланган Мадина жингалак сочлар орасида жилваланаётган оппоқ гарданини бироз елкаси томон энгаштириб тинглар, асал лабларига қўнган қаймоқ табассуми билан шоирга илҳом бағишиларди:

– Нима учун сўнгги ифодаси? – дея хуш бир адo билан сўради.

Воқиф ўзини йўқотди. Кўзларини ўрмон сайдидан олиб, Мадинага қаратди.

Бахмал болишга ғурур билан суянган Мадина сарой гўзалларини лол қолдирадиган бир ҳусн-таровати-ла Воқифга қарап, киприкларининг учлари билан унинг қалбини ҳар он, ҳар дақиқа яраларди.

– Мадина, – деди шоир қулимсираб, – сўнгги ифода янада жўшқин, янада оташин бўлади. Ёшликтин тароватини унугланман деб ўйлама. Йўқ! Ёшлик билан баҳор унutilмайди! Лекин инсон табиатининг сўнгги ифодаси куз сингари мевали, идрокли ва айни замонда ғам-ғуссали бўлади. Бу ранг-барангликнинг, дабдабанинг кейини оқ сочли қишидир, шафқатсиз ажалдир...

Мадина шарақлаб қулиб, шоирнинг сўзларини бўлди:

– Афв эт, бундай мудҳиш гапларни айтма! Сен шу ерда, Мадина шу ерда, умр ҳам шу ерда!..

Воқиф Мадинанинг гаплари қаршисида шошиб қолди. Сўз ахтаргандай атрофга қаради. Мадина эса нозик қўлларини бир-бирига уриб, ҳамон куларди.

Воқиф ҳам кулимсираб деди:

– Сўз чаҳ-чаҳлаган мисоли булбул, хуркитиб юборсанг, у сайрамай қўяди.

Мадина теран бир товуш-ла:

– Мен нимаманки, сенинг нутқ булбулинг мендан хуркса? – деди.

– Сен ўжар бир парисан, шоир боғини айланиб, оҳангини бузасан.

– Фақат бузаманми?

Воқиф Мадинанинг нозу адосидан завқланиб:

– Йўқ, – деди, – сен ўша илҳом боғига ора-сира паришон оҳанг, ширин бир қайғу, соғинч ҳам олиб келасан. Шоирга ҳам шу керак: оғриқли бир дард, қон сирқиратувчи бир қалб, самоларда чарх урувчи бир севги париси...

– Бу сени баҳтиёр қиласидими?

– Баҳтиёрлик нима дегани? Хуш бир дақиқа, тугамас бир табассум, балоғатга етган ўсмирнинг ишқ туйғуси.

Мадина ҳайрат билан Воқифни тинглар, лекин хушнуд эмасди:

– Шоир, – деди, – бу гапларинг ҳақиқатга ўхшамайди: хонликнинг маслаҳатгўйи, давлатнинг устуни бўлган бир одамдан бу гапларни эшитиш...

Воқиф жиддий бир оҳангда унинг гапини бўлди:

– Мадина, давлат ишларининг бари бир вазифа. Қалб эса булардан чеккадаги оламдир. Унинг ҳам ўз талаблари бор; севгиси бор – номи севги эмас; шуҳрати бор – номи шуҳрат эмас; завқи бор ва бу завқ унинг моҳиятидир.

Мадина яна кулимсиради:

– Вазифа ким учун, қалб кимники?

– Вазифа давлат, оила, хотин, бола-чақа учун, қалб эса ёр учун.

Мадина мамнун бир табассум-ла ҳазиллашди:

– Эркакларга ишониб бўладими? Қалблари бир шарбат пиёласи сингари кўлма-кўл айланади, ҳеч ким тўйгунча ичмайди.

Воқиф изза бўлгандай:

– Мадина, тўйгунча нима дегани? – деди. – Ҳар нарса тўйгунча бўлса, завқ бўладими, ҳасрат соғинч бўладими, шеър бўладими?

Мадина яна қаҳ-қаҳ урди:

– Шоир, қишлоқдан менга олма, нок юборишганди, сенинг улушингни асраб қўйгандим. Бундек қарасам, буларнинг сенга кераги йўқ: тўйсанг, соғинчинг ҳам, завқинг ҳам ўлади.

Мадинанинг ҳазили Воқифга жуда маъқул келди, ғууруланиб:

– Йўқ, ширинликдан кечиб бўлмайди! – деди ва ўрнидан туриб, хонадан чиқиб кетаётган Мадинанинг орқасидан сирли бир қарааш билан термилиб қолди.

Ол-яшилга бурканган Мадина алвон гиламлар, пардалар, токчалардаги ранг-баранг ашёлар орасида тонгги шабадада титраб турган чўл лоласини эслатарди.

*(Давоми келгуси сонда)*



**DRAMA**

Jahon  
ADABIYOTI

## **МЕНАНДР**

### **ОДАМОВИ**

Пьеса<sup>1</sup>

*Рус тилидан  
Зоҳир АЪЛАМ таржимаси*

#### **Иккинчи кўриниш**

*Дав Горгий билан бирга қайтмоқда.*

Г о р г и й

Бефарқлик оғатдир, хушёрлик паноҳ,  
Танбаллик этибсан бу ишда, э, воҳ.

Д а в

Нега энди?

Г о р г и й

О, Зевс! У ким бўлмасин, магар,  
Уймалашса, жигар-бағрим ўртанар.  
Кизнинг атрофида унга нима бор?  
Кўчасига оёқ босмасин зинхор.  
Четда, бегонадек тургансан бефарқ.  
Унга ҳам қўл келган бепарволик нақ.  
Қон-қардошлиқдан бўлмайди тониб,  
Паноҳи бўламан, хифзимга олиб.  
Синглимнинг шаънига доғ тушса агар,  
Номусим топталар, орим қўзғалар.  
Отам бегонадек тутсин ўзини,  
Аямасин яхши-ёмон сўзини.  
Майли, баттоллигин қўймасин кадар,  
Дунёда қўрсликдан нима орттирас?  
Барчасига етар сабр-бардошим,  
Ғам-қайғу қўрмасин синглим, қондошим.  
Кейин фойдаси йўқ, дўппи келар тор,  
Фариштага айланади айбдор.

Д а в

Хой, жигарим, рости ичимда ҳадик,  
Кўрқувдан найзадек ҳар бир туким тик.

JAHON ADABIYOTI 2015/8

<sup>1</sup> Давоми. Боши ўтган сонда.

Эшикнинг олдида чол ушлаб олса,  
Не этаман бўғиб, дарахтга осса!  
Даҳанаки жангдан бирор фойда йўқ,  
Нотавонлар иши беҳуда, ур-дўқ!  
Бу йўл билан унинг баттоллигини  
Синдириб бўлмайди, манфурлигини.  
Калтакласанг, қонун ҳимояси бор,  
Ўз бошига аҳмоқ кимса тикар дор.  
Ўжарлик заҳрини тинч сухбат кесар,  
Оқилик умрлар биносин безар.

*Далага кетмоқчи бўлар.*

Д а в

Тўхта-чи, Горгий, худа-беҳуда  
Тулки жон бермайди бўри инида.  
Билишимча, йигит келмоқда яна,  
Қораси кўринди, шу ерда, ана.

*Сострат киради.*

Г о р г и й

(Давга)

Нафис жундан мурсак кийган шу йигит?

Д а в

Худди ўзи, ўралашар bemavrid.

*Горгий ва Дав ўзларини четга олади.*

С о с т р а т

Гетани уйидан топмадим, аттанг,  
Онам маросимга жўнатган экан.  
Онам маъбулларни йўқлаб хар куни  
Худойи беради, садақа жони.  
Мен қайтдим, маърака татирми ҳозир?  
Ғулу солар калбга ланжлик, хавотир.  
Пайсалга согланим энди бас, етар,  
Совчилик менинг ҳам қўлимдан келар,  
Ҳозироқ қоқаман чолнинг эшигин,  
Чўрт кесиб айтаман гапнинг бўларин.

Г о р г и й

(Состратга яқинлашиб)

Рухсат берсанг, икки оғиз гапим бор.

С о с т р а т

Марҳамат, қулоғим сенда. Не даркор?

Г о р г и й

Ҳар одам ҳаёти мобайнода юз  
Ўзгаришлар билан келар юзма-юз.  
Чегара, бурилиш, депсинишлар бор,  
Омад, омадсизлик бундай пайт бекор.  
Бой одамни тақдир сийлайди аксар,  
Қалби эзгуликлар истаса агар.  
Феълида бўлмаса яхшилик оти,  
Ҳаловат топмайди умрлар токи.  
Ёмонликдан агар изласа нажот  
Давлати охири бўлади барбод.  
Ишлари жўнашмай, тескари кетиб,

Тирик мурда бўлар, тилини ютиб.  
Фақирлар ҳам шундай. Аямас тақдир,  
Бу дунё нотўкис азалдан ахир.  
Қаноатда мудом ишларнинг боши,  
Журъатли йигитнинг омад йўлдоши.  
Хуллас, бойлигингга кўпам суюнма,  
Қашшоқ деб бизларни, кулма, талтайма.  
Бойлигингга лойик сиёқинг эмин  
Қиёғанғдан маъно ёғилиб турсин.

Сострат

Хўш, нима айбим бор? Очикроқ гапир!

Горгий

Сен эркин фуқаро, бокира қизни  
Аврамоқчи бўлиб, солдинг хавотир.  
Пайт пойлаганга ўхшайсан зимдан,  
Кўзингда жиноят шарпаси ётириш.

Сострат

О, Аполлон!

Горгий

Кўнгилхушлигингнинг қурбони бўлиб,  
Азият чекмасак бўлгани бир кун.  
Меҳнатдан қўлимиз бўшамас бизнинг,  
Аммо ғазабимиз куйдирап бутун.  
Хўрланган қашшоқнинг аччиқланиши  
Ярадор арслон каби даҳшатли.  
Унинг қасоскорга осон дўниши  
Кўчкидек бир зумда, бўлар шиддатли.  
Йўлида дехқонни куч тўхтатолмас,  
Ўқ кўчгач, фарёднинг фойдаси бўлмас.

Сострат

Қандингни ур, йигит. Энди мендан эшиш!

Дав  
(Горгийга)

Қойилман. Қолипдан ахир кўчди ғишт.

Сострат  
(Давга)

Жим бўл, эзма. Ҳадеб вайсама.

(Горгийга)

Чўғ ташлади бир қиз ўксик кўксима.  
Севишни жиноят десанг агарда,  
Талашмайман ортиқ. Жиноятчиман.  
Бироқ ҳозир менинг ишим йўқ унда,  
Шу тобда отасини кўрмоқчиман.  
Озод фуқароман туғилганимдан,  
Камбағал эмасман. Ўзимга тўқман.  
Уни муҳаббатга кўмиб бир йўла,  
Куним битгунича яшамоқ дардим.  
Юрак орзуларга лиммо-лим тўла,  
Ичимда хийла йўқ, тирноқдек гардим.  
Бир нима яширсам илоҳлар урсин,  
Қўл-оёғимни Пан акашак этсин.

Ишонмасанг йигит, хафа бўламан,  
Ўзим озорлардан хумдек тўламан.

Горгий

Жаҳл устида ортиқ гап айтдим, кечир,  
Барига ишондим, Яратган ҳозир.  
Тўғрисини айтсам, ўзинг ҳам ёқдинг,  
Ахири кўнглимга кирап йўл топдинг.  
Қиз бегона эмас, ака-сингилмиз,  
Бир она фарзанди бизлар иккимиз.

Сострат

ОНт ичаман менга кераги сенсан.

Горгий

Не учун керакман? Тушунмадим? Хўп!

Сострат

Тўғриси, инсофли касга ўхшайсан.

Горгий

Мард мудом топилар. Бунга сабаб кўп,  
Юз ўтирганчалик эмасдир, аммо.  
Тўғри сўз айтиш ҳам оғир муаммо,  
Кизнинг отаси – чол, топилмас мато.  
Каззобликда, рости, оламда танҳо.

Сострат

Кўргани кўзи йўқ, отгани ўқи,  
Биламан, ханжардек ботади сўзи.

Горгий

Ярамаснинг ярамаси у.  
Бир парча ери бор, нархи фалон пул,  
На одам ёллайди, на сақлайди қул.  
Ёлғиз ўзи яшар, мисоли бойқуш,  
Бирорга буюрмас, ўлса ҳам юмуш.  
Одам иси ёқмас, қизи иккови,  
Суҳбат қуриб бўлмас, жа одамови.  
Кизи билан ишлаб суҳбат қурари,  
Ўзгани кўрганда бўйин буради.  
Такрор айтар, икки жумла сўзи бор:  
Маъкул бўлса қуёв феъли-атвори,  
Ўшаники эмиш қизи, йўқ-бори.

Сострат

Хеч ким ёқмас... Яъни, хеч қачон дегин?

Горгий

Бехуда ўзингни қийнама ортиқ.  
Унинг яқинлари, яъни бизларга  
Кўйиб бер, чеккадан кузатгин интиқ.

Сострат

Наҳотки ҳеч кимни сен севмагансан?  
Ҳижрон ўртамаган юрагингни ҳеч?

Горгий

Эҳ, биродар, нечун мени қийнайсан?  
Дардлар карвонидан узокроқдан кеч.

Сострат

Нега? Ҳайратдаман, очикроқ гапир.

Г о р г и й

Эсласам юрагим бўлар бехузур,  
Аччиқ қисматимни эслатма, оғир.

С о с т р а т

Чекинишни бераркансан маслаҳат,  
Модомики, ғўрсан, тортмабсан меҳнат.  
Худо буюргани – мен учун роҳат.

Г о р г и й

Демак, туташ экан тақдир йўллари,  
Безараардир чин ошиқнинг ўйлари.

С о с т р а т

Қай йўл билан севганимга етаман?

Г о р г и й

Сени авраб, йигит, рости нетаман?  
Уйланишинг гумон, борар йўл тикан.  
Биз билан юр, ўзинг шохид бўласан,  
Даласи узоқмас, кўриб оласан.

С о с т р а т

Нимадан бошлайман борганда гапни?

Г о р г и й

Мен сўзлаб бошида, бераман кўмак,  
Далда туйгач, руҳинг, етади эрмак.  
Эрга тегиш хусусида гап очиб,  
Синглимни созлайман, дарёдек тошиб.  
Аммо иш охири аввалдан маълум,  
Одамзод турмуши азал шундайким,  
Олифта қиёфанг уйғотгач нафрат,  
Лаънатлай бошлайди, сени у муртад.  
Кутуртиар ичидаги бир йиртқич,  
Сокинликлар ичра бермас у тутқич.

С о с т р а т

(Кнемоннинг уйига ишора қилиб)

Хозир шу ердами у?

Г о р г и й

Йўқ, боргунимизча қайтиб келар у.

С о с т р а т

Кизи билан қурғур, биргами мудом?

Г о р г и й

Баъзида биргалар, баъзида қайдам!

С о с т р а т

Розиман. Борурман, ёрдам бер бироқ.

Г о р г и й

Сени англамадим. Гапир очиқроқ.

С о с т р а т

Хаяллашдан не наф? Борайлик тезроқ.  
Шаҳдни синдиради сусткашлик чатоқ.

Д а в

Етиб боргач, бизлар билан ёнма-ён,  
Биз ишлаймиз, сен зодагон, бир аъён.  
Агар шундай бўлса ўйлаган режанг,  
Хит этади, феълин айлайди тажанг.

С о с т р а т

Нима бўпти?

Д а в

“Дангаса, бадбахт бу” деган сўзлар-ла,  
 Маҳв этади сени, чукурроқ ўила.  
 Кесакпаррон этиб, хақоратлар боз,  
 Бахорлар кузакка, қишига дўнар ёз.  
 Яхиси, қўшилиб, тер тўкиб, ер чоп,  
 Мехнатинг ҳосилин кўргайсан шу тоб.  
 Эҳтимол, ўшанда гапингни тинглар,  
 Камбағал деб ўйлаб, юрагинг англар.  
 Мехнати-ла емак топгувчи дехқон,  
 Захмат билан идрок этади чандон.

С о с т р а т

Розиман барига, топилса имкон!

Г о р г и й

Жонингни қийнама, ниятингдан қайт.  
 Куруқ жонбозликдан аримайди дард.  
 Сабот, матонатдан тикланада таҳт,  
 Фаҳм-фаросатдан қурилади баҳт.

Д а в  
(четга)

Уззукун ишласак бўлмасди ёмон,  
 Кучини сарфласа, бўлар бедармон.  
 Чираниб, чурраси тушганда, зора,  
 Қайтиб бу жойларда кўрсатмас қора.

С о с т р а т

Менга кетмон келтир. Сўйлама нақл.

Д а в

Ишлатмоқлик учун берилган ақл.  
 Фикр оқиллардан ажралмас қурол,  
 Менинг кетмонимни ушла, ола қол.  
 Мен кўра тортаман, ўтирмайман тек,  
 Четанин тиклайман, мисли қалъадек.

С о с т р а т

Минг бир вайсақидан бу кетмон аъло,  
 Буни ишлатолган сўзламас, илло.  
 Зарбида мужассам роҳат, фароғат,  
 Сирлашган топади қадр ва қиймат.

Д а в

Мен кетдим, хўжайин, ортимдан олға,  
 Бемаврид сайраса булбул ҳам карға.

С о с т р а т

Ё ҳаёт, ё момот. Тақдир насиба,  
 Худога таваккал этибда телба.

Г о р г и й

Чин кўнгилдан бўлса, айтганларинг гар,  
 Азмингда чўққилар, тоғлар бош эгар.  
 Бу йўлда матонат келтирас нажот,  
 Бўлмаса, юз тутмас ҳеч кимга ҳаёт.

*Кетади.*

## С о с т р а т

(Кетаётган Горгийга қаратат)

Кўнглим розларига Худолар гувоҳ,  
Чекинишга дуо беряпсанми? Оҳ!  
Аксинча, тобландим, ишқнинг ўтида,  
Бўридек собитман, азмим йўлида.  
Анъянадан хориж қиз тарбияси,  
Уни ўргатмаган амма, холаси.  
Қаттиққўл, талабчан отаси билан  
Биргаликда яшаб, шу жойга етган.  
Қалбида тиклаган покиза хилқат,  
Баҳоси йўқлиги, бу чин ҳақиқат!

*Кетмонни олади.*

Аммо кетмон, савил зилгина экан,  
Урганда, залвори қора ер экан.  
Аҳдга вафо азал мардларнинг иши,  
Мени чўчитолмас бунинг ташвиши.

*Кетади.*

*Шаҳар тарафдан елкасида кўза кўтарган ошпаз Сикон киради.*

С и к о н

Кўй бўлмай ў!  
Кўрмагандим бунақасини.  
Ортмоқласанг кифтга, барг емоқ учун  
Новдани тишлайди, кўтариб бошин.  
Орқага оғасан кутилмаганда,  
Ерга кўйсанг, юрмас – кўзи елкангда.  
Гирт даҳмаза, ўлгудек пишиқ,  
У мени пиширас, мулоим писмиқ.  
Ниҳоят етдик биз, шу манзил-макон,  
Гўрсўхтани энди этамиз қурбон.  
Панга мендан қуюқ саломлар бўлсин,  
Гета, қайда қолдинг, қурбонлик ўлсин.

*Гета киради.*

Г е т а

Нима қилай? Тўртта эшак юкини  
Хотинлар ортишди, шолни, ўтинни.  
Кутулиб бўлмас экан лаънатилардан,  
Бошингни чангллаб қочганинг билан.

С и к о н

Кўзим чиқай деди юкингни қўриб,  
Кувватинг зўр экан, ўйловдим: ғарив.

Г е т а

Хартугул, тан олдинг. Билдингми, охир?

С и к о н

Мана бу ерга қўй, бунчалар оғир!

Г е т а

Уйкуда пеанлик Панни туш қўрса,  
Уйғонгач, қўй сўйиб қурбонлик берса.

С и к о н

Ким кўради бундай тушларни?

Г е т а	Э, бор-э!
С и к о н	Йүк, йүк, айт, ким у?
Г е т а	Хотин хўжамиз.
С и к о н	Нима кирибди тушига?
Г е т а	Жонга тегдинг-да! Тушида гўёки Пан...
С и к о н (Паннинг ҳайкалига ишора қилиб)	Анавими?
Г е т а	Ха, ўша.
С и к о н	Хўш, хўш?
Г е т а	Гўёки Состратни...
С и к о н	Ана у кўркам йигитни-я
Г е т а	Ха. Кишанлаб...
С и к о н	Ё, Аполлон!
Г е т а	Пўстин ёпиб устига, Кетмон бериб қўлига, Чопик қил, деб бир жой Жўнатибди ёш бойни.
С и к о н	Бемаънилик бу!
Г е т а	Тушни яхшиликка бурм Қурбонлик берамиз бу е
С и к о н	Барини англадим, юкин Бир йўла эхромга киргиз Бўйра, шолчаларни ёзги Ҳар нарса ҳаддидга бўлсан Худойи ҳам қойилмақом Кўнгил тўлса, мудом қори
Г е т а	Зўр ошпазлигингга ишон Ўғрилигинг гумон, йўқ Агар қўлинг эгри бўлмас Қабул бўлар, албат, бери Симон билан Гета эхромга киришиади.

## Хор сахнаси

## Учинчи кўриниш

*Кнемон ўз уйидан чиқади. Эҳром олдига Состратнинг онаси бошчилигидага бир тўёда одам яқинлашиб келмоқда.*

**К н е м о н**

*(Ичкарида қолган Симихага қаратма)*

Эшикни қулфлаб ол, эшит, ҳой, кампир,  
Қайтгунимча ҳаргиз ҳеч кимга очма.  
Коронғи тушгунча бўламан ҳозир.

**С о с т р а т н и н г о н а с и**

Хой, Планго, чаққон-чаққон қимирила,  
Бошлишимиз керак эди бу палла.

**К н е м о н**

*(четга қараб)*

Бу худойими? Бўлди бир офат!  
Келмоқдадир гала-гала касофат.

**С о с т р а т н и н г о н а с и**

Парфенида! Қамишсурнайингни чал,  
Панга атаб созла, нафаси амал.  
Қошига яқинлаб қолганинг маҳал,  
Барчаси бир “пуф”да, топмасин завол.

*Эҳромдан Гета чиқади.*

**Г е т а**

Ана, келишди.

**К н е м о н**

*(четга қараб)*

Песлар келди, моховлар келди.

**Г е т а**

Кўзларимиз йўлларда толди.

**С о с т р а т н и н г о н а с и**

Тайёргарлик тўқис бўлдими, Гета?

**Г е т а**

Албатта! Кўйни базўр тирик сақладик.

**С о с т р а т н и н г о н а с и**

Жониворни адо айлабди ҳадик.

**Г е т а**

Кўзлари тўрт бўлиб кутмоқда шўрлик.

**С о с т р а т н и н г о н а с и**

Сувни, саватларни, қани, олинглар,  
Эгасига тегсин, назри-ниёзлар.

*Келганларнинг ҳаммаси эҳром томон кетишиади.*

**Г е т а**

*(қулларнинг бирига)*

Тураверма оғзингни очиб, аҳмок?

**К н е м о н**

Сенларнинг турган-битганларинг тузоқ.  
Ишларимдан қолдирдиларинг бугун,  
Бекорлик томирга солади тутун.  
Ташлаб кетолмайман, шунчаки уйни,  
Илоҳларга қўшни бўлиш ҳам бало.  
Уй-жойимни бузиб, кўчирсан кўчни,

Шунда кайфиятим бўлади аъло.  
 Бу муттаҳамларнинг ишини қара,  
 Қадаҳ кўтаришда бошланди марра.  
 Номига барчаси худолар учун.  
 Хом-хатала гўштни ютарлар бутун.  
 Худоларга қолар гўштсиз устихон,  
 Неъматларни ямлаб ютарлар чандон.  
 Ҳой, кампир, эшикни очсанг-чи шу кез,  
 Қақир-қуқурларни йиғиширий тез.  
 Илиб кетмасин-да, деган бир ҳадик,  
 Юрагим остида ётар бўридек.

*Уйга кириб кетади.**Зиёратгоҳдан Гета чиқади.***Г е т а**

Эсларингдан қозон чиқибди тагин,  
 Тузалиш ўрнига бебошлиқ тайин.  
 Кўшни худолардан сўраймиз қозон,  
 Аммо бу иш битмас ҳеч қачон осон.

*(Кнемоннинг эшигини тақиллатади.)*

Бирор кимса борми,тирик жон ақал,  
 Қасамлар ичаман, сизлар бу маҳал  
 Тўшакда ётибсиз, сўйлаб галма-гал.  
 Дунёда сизлардан ярамас кимса,  
 Шодмон бўлар эдим, бирор топилса.  
 Қулвачча, жимликнинг боиси нима?  
 Орқасига қайтиб кетади, дема.  
 Бу қандай бадбаҳтиқ, қул ҳам одамми?  
 Аламдан юрагим ёниб бормоқда,  
 Ниҳоят қадамлар саси, кимдир келмоқда?

*Кнемон чиқади***К н е м о н**

Эшигим олдига не учун келдинг,  
 Англамадим, галварс, нималар дединг?

**Г е т а**

Важоҳатинг ёмон, қопмагин, суллоҳ.

**К н е м о н**

Тириклай ютаман, худолар гувоҳ.

**Г е т а**

О, Зевс, ўзингдан тилайман паноҳ.

**К н е м о н**

Қани, айт, фирибгар, бизнинг муштарак  
 Бирон-бир ишимиз бўлмаса керак?

**Г е т а**

Умумий ишимиз йўқлиги аниқ,  
 Қарз ундиromoққа ҳам эмасман интиқ.  
 Мени бир азобдан айлагин халос,  
 Муддаом чоғроқ бир қозонча, холос.

**К н е м о н**

Нима? Қозонча?

**Г е т а**

Ха, қозонча!

## К н е м о н

Хой, мараз! Кимларга ўхшатдинг мени?  
 Кўрдингми сиймомда ёки ўзингни?  
 Сенлардек буқани кундага қўйиб,  
 Пичок ҳам тортарман ҳалқуминг ўиб.

## Г е т а

Кундага чиғаноқ қўрмайсан рано,  
 Буқадан сўйлашинг ғалати аммо.  
 Бир аёл қозонни йўқлатганди бас,  
 Йўқ бўлса, машмаша, ортиқ гап абас.  
 Ҳовлида мўйсафид эмас, бир илон  
 Яшаркан деб айтмоқ қийинмас, ионон!

*Ибодатхонага кириб кетади.*

## К н е м о н

Одамхўр йиртқичлар!  
 Эшикни худди ота уйидек қоқар.  
 Яна биттасини ушламас, илло,  
 Пўстагин қоқмасдан қўймайман асло!  
 Үрнак бўлсин учун шундай қилмасам,  
 Ушаларга ўхшаб қоламан мен ҳам.  
 Бунисини нечук омон қолдирдим,  
 Нокасга оғзимдан луқма олдирдим.

*Уйга кириб кетади.*

*Зиёратгоҳдан Сикон чиқиб, ичкаридаги Гетага гапиради.*

## С и к о н

Ҳақоратга ўзинг мойилсан обдан,  
 Сўролмагансан-да, аслида, нодон.  
 Ҳамманинг қўлидан келмас илтимос,  
 Ҳар ишда ҳам жоиз бўлади ихлос.  
 Куруқ гап-сўз тафтсиз оловдир, аммо  
 Орттиради бошга турли муаммо.  
 Мен боплайман бундай ишларни, ростим,  
 Ҳамма жойга етиб боради дастим.  
 Ҳожатбарорликни этганман пеша,  
 Довруғим ёйилган шаҳарлар оша.  
 Сўрасам бирор бир буюмни аввал,  
 Қуёндек мулойим тортаман хиёл.  
 Эшикни чол очса, “отахон”, дейман,  
 Кампир очса, “она”, дея ияман.  
 Онажоним, дея пахта қўяман.  
 Чикса, кулваччага ширин жон курбон,  
 Юракдан чиқмоғи керак-да ёлғон.  
 Сендақа қўполни арқонга тортиб,  
 Ўлдирган шоҳ бўлар, савоби ортиб.

*Бақиради.*

Отахон, илтимос, бу ёққа чиққин!

*Кнемон чиқади.*

## К н е м о н

*(Сиконга қарамай)*

Яна келдингми?

С и к о н

Ие, қанақасига яна?

К н е м о н

Мазах қиляпсанми мени, энагар?  
Эшилдингми, кампир, қамчинни чикар!  
Остонамга қадам қўйма, деб эдим,  
Куюшқондан чиқдим, ғазабга етдим!

*Сиконни уилаб олади.*

С и к о н

Йўқ, йўқ. Қўйвор!

К н е м о н

Қўйвор! Қўйвориб бўпман!

С и к о н

Ўтинаман сендан!..

К н е м о н

(уни қўйвориб)

Яна келгин-чи!

С и к о н

Посейдон ҳаққи...

К н е м о н

Ўчир овозингни!

С и к о н

Кўвача сўрамоқчийдим.

К н е м о н

Овора бўлибсан, лақма эмасман,  
Болта, сирка, туз ҳам сўрама мендан.  
Уймалашиб юрган ҳар битта нодон  
Сўрайвераркан-да, истагани он.  
Хеч вақом йўқ менда, тинч қўйинг, етар,  
Яқинлашманг бошқа, қалб ором истар!

С и к о н

Бундай демагансан, тан ол, муқаддам.

К н е м о н

Бўлмаса, айтяпман. Эшил, дамо-дам.

С и к о н

Юмшокроқ гапирсанг, кетмас асаканг,  
Кимдан олиш мумкинлигини айтсанг?

Йўқ!

Энди овозингни ўчирасанми?

С и к о н

Хўп, соғ бўл.

К н е м о н

Барига тупурдим, ҳикилламай ўл.  
Тилагинг не бўлар, ўзинг бўлсанг гўл.

С и к о н

Ха, майли, соғ бўлма унда.

К н е м о н

Оҳ, кулфат, кулфат, кулфат!

*Үйга киради.*

### С и к о н

Боплади бу занғар, тузлади лекин.  
Мулойим гапларим кетди сувтекин.  
Бекорга шунча гап айтганим қолди,  
Баҳоримни қишининг шамоли олди.  
Бошқа бир эшикни жоиздир қоқмоқ,  
Бу ер одамлари бадфөъл, урушқок.  
Балога қоласан, билмай бош тиқиб,  
Бўралатадилар, итдек тутақиб.  
Ундан кўра гўштни оловга тоблаб,  
Пиширсам бўлмасми шошмасдан, боплаб.  
Тузуги шу энди, коса, товоқ бор,  
Филаликлар оёқ узатмас бекор.

*Сикон билан Гета зиёратгоҳга кириб кетади. Дала томондан Сострат киради.*

### С о с т р а т

Филага келганлар, мени тингланглар,  
Сўзимнинг замирин тубдан англанглар.  
Балога учрайди бу ерга келган,  
Тилини тишламай, ростини деган.  
Биқинларим, белим, бўйним ва энсам,  
Менга бош бермайди майлига кирсам.  
Аниқроғи, бутун вужудим айри,  
Бари тиш қайрайди, жонимга ғайри.  
Бунчалар хомушсан, ох, ҳушиңг қани?  
Суягинг қолибdir, ёғ-гўштинг қани?  
Демак-ла, ох-воҳлар тортаман афсус,  
Муродга етмадим, мен алалхусус.  
Гўрковдек зарб билан урдим чўкични,  
Ўзи ҳам берди-да, ёғдириб кучни.  
Бироқ иштиёқим сўнди кўп ўтмай,  
Кўнгилнинг шайдоси, қулман, ҳар қалай.  
Орқамга қарайман, ўнгга ва сўлга,  
Ёрим хаёлимда, менгзайди гулга.  
Кора кўрсатмагач, чол билан қизи,  
Сийнамга ўrnади айрилиқ изи.  
Биқиним силадим, жигарим санчиб,  
Вақт жаллодга дўнди, қонимни ичиб.  
Хуллас, охирида қаддим буқчайди,  
Баданим қақшади, оғриқ кучайди.  
Яхшиямки, Горгий мен томон боқиб,  
Қаддимни тиклади камондек тортиб.  
Дардимнинг дармонин сўрадим шу чок,  
У деди: “Тикланиб, кўзларимга бок!  
Изласанг, ҳар ишга топилар чора,  
Йўлини пойлаймиз, чол келса, зора.  
Бугунликча, ишни тўхтатамиз, бас,

Бизга сабоқ бўлди, етарли шу дарс!”  
 Шундай якун топди биринчи хужум,  
 Толдайин буқчайдим, мен эдим гужум.  
 Ҳар айтган сўзимга худолар шохид,  
 Тиг кўтариб севгим этади таҳдид.

*Зиёратгоҳдан Гета чиқиб келади.*

Г е т а

*(Ичкарида қолган Сиконга)*

Юзта кўлим борми? Бу қандай зулм!  
 Сикон янглиш ўйлаб, қувлик қилма, шум.  
 Гоҳ кўумирни пуфла, гоҳ гўшт юв, дейсан.  
 Кўзларимни тутун еб қўйди, ахир,  
 Яна байрам эмиш, яхши бир тадбир.  
 Бунақанги байрам қароматидан  
 Оғзингга туз солмай, тўясан жондан.

С о с т р а т

Хой, Гета, сенмисан ўзи?

Г е т а

*(атрофга аланглаб)*

Ким у мени чақираётган?

С о с т р а т

Мен.

*Гета устига пўстак ташланган, буқчайиб қолган Состратни кўради.*

Г е т а

Кимсан ўзи?

С о с т р а т

Кўрмаяпсанми?

Г е т а

Ие! Хўжайин!

С о с т р а т

Бу ерда нима қилиб юрибсизлар?

Г е т а

Э, нима қилиб, деганинг нимаси?  
 Бизлар яхши тилакларнинг адоси.  
 Ҳозир қурбонликка қўй сўйдик. Энди  
 Овқат тайёrlашнинг навбати етди.

С о с т р а т

Онам шу ердами?

Г е т а

Анчадан бери шу ерда.

С о с т р а т

Отам-чи?

Г е т а

Келиб қоладилар. Форга кир.

С о с т р а т

Бир ишим бор, кейин кираман.

*(Овоз чиқариб ўйлайди)*

Шундай бўлганлиги балким яхшидир,

Оғзи бирлик мудом ишнинг бошидир.  
У йигитни тезда чақириб келай,  
Қўлига ҳам ҳиммат камарин тутай.  
Дастурхон тўрида бўлсинлар меҳмон,  
Совчилик ишида турарлар чаққон.

## Г е т а

Меҳмон чақирмоққа қулай бу палла,  
Майлига уч минглаб одамни чорла.  
Каминага тегмас тадбирда урвоқ,  
Аввалдан сезгандим тортмагач оёқ.  
Таомдан кўзингни узолмайсан, нақд,  
Хил-хил гўштнинг таъми, гўё асал-қанд.  
Аммо хотинлар бор, берадилар панд,  
Манзиратни боплаб, қўядилар банд.  
Чимдим тузни раво кўрмайдилар, рост,  
Деметра номи-ла, соламан уввос.

## С о с т р а т

Бу кун  
Гета, бугун бизга омадли келар.  
Муборак пайғомни юрагим сезар.  
О, Пан, эшит, тилимда ҳамд-санолар,  
Нигоҳимда сўзсиз илтижолар.

*Дала томон кетади.**Кнемоннинг уйидан Симиха кампир югуриб чиқади.*

## С и м и х а

Вой, шўргинам курсин, балога қолдим.

## Г е т а

Туф-э, лаънати!  
Чолнинг ҳовлисидан бир кампир чиқди.

## С и м и х а

Пешонам шўр экан балога қолдим,  
Хўжамга билдиримай олмоқчи эдим.  
Челак курсин, ташвишимни орттириди,  
Кунимни қудуққа кетмон ботирди.  
Курғурга ип боғлаб, ташлаган эдим,  
Сабил тушиб кетди, таъзирим едим.  
Челакнинг тушгани етмаганидек,  
Кетмон ҳам ёнига чўккалади мук.  
Шўримга шўрвалар тўкилди, нетай?

## Г е т а

Челагу кетмонга бош қўй, лаънати,  
Килмаганинг фақат шу иш қолипти.

## С и м и х а

Аксига олади шундай пайт аксар,  
Кетмонни қидириб хўжам дардисар,  
Гўнгни ҳовлисидан чиқармоқ учун,  
Кетмон изламоққа сарф этар кучин.

*(Уйга қулоқ солиб)*

Тарақлатиб ёпти эшикни, алҳол,



Ҳақиқий чопиқчи қизгина шўрлик,  
Бахтни танимаган умрлар ўлиқ.  
Ие, хўжайин-ку. Ёнида меҳмон,  
Танишишга улар улгурган қачон?  
Дехқонга ўхшайди меҳмонлар ҳамин  
Қадам ташлашлари маъноли, вазмин.

*Зиёратгоҳга кириб кетади.*

*Дала тарафдан Сострат, Горгий, Дав кириб келадилар.*

С о с т р а т  
(Горгийга)

Ундей қилма, баҳонага ўрин ийӯқ,  
Тўкин-сочин дастурхондан кўнглим тўқ.  
Яхшироқ танишиш учун чақирдим,  
Бундай пайт бош тортар, айт-чи, дўстим, ким?  
Яқинда танишган эски дўстлармиз,  
Танишмасдан аввал, таниш бўлганмиз.  
Хар ҳолда юрагим шундай деб урар,  
Мехр-муҳаббатни яратган берар.

*(Кетмон билан пўстинга шора қилиб)*

Дав, мана буларни уйингга ташлаб,  
Ортингга қайт дарров. Қолма ҳаяллаб.

Г о р г и й

Боргин, Дав, онамни ёлғиз қолдирма,  
Хизматида бўлгин, асло толдирма.  
Бирор нарса сўрса, дарров этгил жам,  
Бирпас туриб бунда, қайтаман мен ҳам.

*Сострат билан Горгий зиёратгоҳга, Дав Горгийнинг уйига кириб кетади.*

### Хор сахнаси.

*(Охири келгуси сонда)*



## Жорж САНД

(1804–1876)

### ИНДИАНА

Роман<sup>1</sup>

*Француз тилидан  
Юсуф ХУШВАҚТОВ  
таржимаси*

12-боб

Раймон меҳмонхонага соат иккиларда қайтди. Қўшни хонадан Дельмар хонимнинг майин ва хаста овози келарди. Ёзувчи ўз сюжети устида бош қотираётгандек ёки адвокат кўрилаётган ишни қандай ҳимоя қилишни ўйлаётгандек, у ўз режаларини обдан ўйлаб чиқди. Раймон Индиананинг олдида ролга кираётган ва бор маҳоратини намойиш этиш учун тайёргарлик кўраётгандек ҳаяжонда эди.

Дельмар хоним руҳий азобдан жуда қаттиқ ўзгариб кетганди. Раймон унга чин кўнгилдан ачинди. Фам ва дард жувоннинг юзида чукур из қолдирган, бурунги латофати сўлгандек эди. Раймон бу аёлга баҳтини қайтариш ўзининг бурчи эканлигини тушуниб етди.

Ундаги ғам ва дилхираликни кўриб, энди қаршилик қилмаса керак, деб ўйлади: бундай кўнгли нозик аёл кучли иродага бардош бера олмаслигини англади.

Аввало аёлга оғир бетоблигини, аҳволи ёмонлигини айтиб қўрқитиш, сўнг қалбида келажакка умид ва ишонч уйғотиш лозим деб ҳисоблади.

– Жуда қаттиқ ўзгарибсиз, Индиана! – деди у чин кўнгилдан ачинаётгандай қилиб. – Сизни ушбу дақиқагача кутиб яшадим, лекин охири бунақа аянчли аҳволда кўраман деб ўйламагандим!

Дельмар хоним бундай илтифотни кутмаганди. У Раймон айбини бўйнига олиб, довдираб, ўзини йўқотиб кўяди, деб ўйловди, бунинг ўрнига эса ҳамдардлик билдириб, ачиняпти. Шунчалик эзилиб, адойи тамом бўлган эканман, келиб мендан кечирим сўраши керак эди-ку?

Олий табақали француз аёли бундай чигал аҳволга тушиб қолганида ўзини йўқотиб кўймаган бўларди, аммо Индиана ожиз эди, унга тажриба етишмас, дардларини мудом ичига ютиб келгани учун ҳозиржавоб эмасди. Раймоннинг сўзлари қайтанга чеккан азобларини ёдига солиб юборди, киприклари намланди.

– Ростдан ҳам тобим йўқ, – деди у Раймон сурган ўриндиққа ўзини ҳолсиз ташлар экан, – ўзимни жуда ёмон ҳис этаяпман, муҳтарам афандим, ташвишингиз ўринли.

<sup>1</sup> Давоми. Боши ўтган сонда.

Раймон бунчалик тез омади келишини кутмаганди. Энди вазиятдан унумлироқ фойдаланиб қолиш керак. У аёлнинг совуқ ва озғин қўлидан тутиб, деди:

– Индиана, азобларингизга мени сабабчи деб билманг, зинҳор бундай ўйламанг, йўқса, ғам ва қувончдан телба бўламан.

– Қувончдан дейсизми?! – такрорлади хоним ҳайрат тўла маъюс кўзларини катта-катта очиб.

– Йўқ-йўқ, умиддан демоқчи эдим, умидим оқланса, кўнглим қувончга тўларди, борди-ю, азобларингиз сабабчиси мен бўлсанм, дардингизга малҳамниям мендан қидиrint, буюрсангиз кифоя, – давом этди Раймон хонимнинг тиззалири узра бош эгиб, – сизга қонимниям, жонимниям беришга тайёрман!

– Ох, жим бўлинг! – Индиана тутакиб ундан қўлини тортиб олди.

– Сиз виждонсизларча ваъдангизни буздингиз, энди бу гуноҳингизни юволмайсиз!

– Лекин мен уни ювмоқчиман, юваман ҳам! – хитоб қилди Раймон Индиананинг қўлини қайта тутишга уриниб.

– Жуда кеч бўлди, – деди Индиана. – Менинг дугонамни топиб беринг, сингилжонимни, менинг ёлғиз дугонам Нунни топиб беринг!

Раймоннинг томирларидағи қон қотиб қолди гўё. Ҳозир ўзини ҳаяжонланаётгандек қилиб кўрсатмасаям бўлаверарди. Ваҳимали ҳиссиётлар кўнгилга қутқу солганда, уларни сунъий ифодалашга уриниш на даркор?

“Индиана ҳаммасидан хабардор, – ўйлади у, – устимдан хукм чиқараляпти”.

Энг ёмони, беихтиёр Раймонга шерик бўлган Индиананинг ўзи энди уни жиноятда айбламоқда эди. Ундан-да ёмони, Нуннинг рақиби уни йўқлашиб йигламоқда эди.

– Ҳа, – давом этди Индиана ёш тўла кўзлари билан унга боқиб, – сиз айбдорсиз...

Раймоннинг қути ўчганини кўриб, хоним гапиришдан тўхтади. Мурда-дек оқариб кетган Раймон ҳеч қачон бундай аросатда қолмаганди.

Бироқ бу одамнинг ўзига чин юракдан қилаётган меҳрибончилиги, самимий муносабати Дельмар хонимнинг кўнглини юмшатди.

– Кечирасиз, – деди Индиана унинг ахволини кўриб, – сизни қийнаб кўйдим, шекилли. Мен куя-куя адойи тамом бўлдим. Ўтиринг, яхшиси, бошқа нарсалардан гаплашайлик.

Энди Индиана кўрсатган илтифот ва олийжаноблик Раймонни ҳангманг қилиб кўйди. У Индиананинг қўлларини лабларига босди, уларни кўз ёшлари билан ювди. Шунгача у йиглаш нималигини билмасди, Нуннинг ўлимидан сўнг бу унинг илк бор кўз ёш тўкиши эди. Такдир тақозоси билан Индиана Раймоннинг қалбини кемираётган виждон азобидан уни халос этмоқда эди.

– Ох, Нунни деб шунча кўз ёши тўқаяпсиз, – деди Индиана, – уни яхши билмасангиз-да, менинг қалбимни яралаганингизга ачинаяпсиз, сизга бошқа таъна қилмайман. Ўтириб бирга йиглайлик, майли, у бизни осмондан кўриб турсин ва кечирсан.

Раймоннинг пешонасидан совуқ тер чиқиб кетди. “Уни яхши билмасангиз-да...” деган сўзлар йигитни қийнаётган шубҳаларни тарқатиб юборган эса-да, аммо Индиана у туфайли нобуд бўлган қиз хотирасини ёд этаётгани Раймонни ваҳимага солди. Раймон оёклари шалвираб, дераза

ёнига базёр ўтди-ю, салқинроқ ҳаводан нафас олиш илинжида дераза рахига бориб ўтириди. Индиана жимиб қолди, у қаттиқ ҳаяжонга берилганди. Раймоннинг ёш боладек йиғлаб, ўзини йўқотиб қўйганини кўриб, ожиза аёл ич-ичидан суюнди.

“У жуда раҳмдил йигит, – ўйлади Индиана, – Раймон мени севади. Унинг қалби тоза ва чўғли. У гуноҳкор, лекин гуноҳини кечиришга арзирли иш қиласяпти, уни аввалроқ кечиришим лозим эди”.

Индиана Раймонга самимият ва ишонч билан боқди, ўз севгилисини ранжитганидан виждони қийнала бошлади.

– Йиғламанг! – деди Индиана ўрнидан туриб, унга яқин келаркан. – Нунни мен ўлдирдим, бунда ёлғиз ўзим айборман. Умр бўйи виждон азобидан қийналиб ўтаман энди, шайтонга ҳай бермай, уни ҳақорат қилдим, юрагини яраладим. Сизга бўлган араз ўчини ундан олдим. Сиз мени ҳақоратлаганингиздан сўнг, бечора дугонамни мен жазоладим. Мен ҳаддимдан ошиб кетдим!

– Менга ҳам қўпол муомала қилгандингиз, – деди Раймон дарров ўтмишдан бугунга қайтиб.

Индиана қизариб кетди.

– Ўша тундаги оғир жудоликда сизни айблаганим ноҳақлиқдир балки, – деди у. – Аммо беҳаё қилиқларингизни ҳам унута олмайман. Ҳавои ва ноўрин шўхлигингиз мени қаттиқ хафа қилди. Ўшанда мени севасиз деб юрардим, сиз эса лоақал хурматимни жойига қўёлмадингиз!

Раймоннинг юраги куч, ирода, севги ва умидга тўлди. Дилхиралиги босинқирашдек бир зумда тарқалди. У эс-хушини йиғиб, ўзини ҳар доимгидек жўшқин эҳтирос ва орзу-умидлар кучоғида ҳис этди.

– Агар мени кўрарга кўзингиз йўқ бўлса ҳам ўзимни айбдор санамайман, – деди Раймон жувоннинг оёқларига бош уриб, – мени севсангизда айбдор эмасман, сира айбдор эмасман. Индиана, айтинг-чи, мени севасизми?

– Сиз менинг севгимга лойиқмисиз? – сўради Индиана ҳам.

– Севгингизга лойиқ бўлишими учун сизга сажда қилмоғим лозим.

– Менга қаранг, – Индиана Раймонга ёшланган маъюс шаҳло кўзларини қадади-ю, бу сафар қўлини тортиб олмади, – менга ўхшаган аёлни севиш қандай маъно англатишини биласизми?.. Йўқ, билмайсиз! Сиз бир-икки дақиқалик лаззатингизни деб, қисқа ташрифингиз чоғида менинг қалбимни мажруҳга, толиқканга чиқардингиз ва севги даъво қилдингиз. Биласизми, мен ҳеч қачон, ҳеч кимни севмаганман ва шу сабабли ўзимнинг бокира юрагимни тўғри келган совуқ, муз юракларга, бокира муҳаббатимни бир кунлик ўткинчи ҳою ҳавасга алмашолмайман.

– Индиана, мен сизни чин дилдан севаман! Балки содда ва оташин қалбим сизнинг қалбинингизга муносиб эмасдир, аммо кимнингдир қалби кўнглинингизга мос тушиши керак-ку. Сизни қандай севишни биламан. Буни энди англаб турганим йўқ. Илк бора сиз билан балда сухбатлашганимизда ҳаётингиз тарихини ўзингизга сўзлаб бермаганмидим? Бир бора боққанингиздаёқ менга ташлаган нигоҳингиздан юрагингиз тарихини ўқиб олмаганмидим? Фақат ҳуснингиз шайдосиманми? Ҳа, шубҳасиз, сиз ҳар қандай кишининг кўнглини ўғирлаб, ҳаётини остинустун қиласиган даражада гўзалсиз. Лекин мен бу бетакрор малоҳат ортида гард юқмаган, пок юрак борлигини яхши биламан, шу юракка сажда қиласман.

## 13-боб

Эртаси куни эрталаб ов сафарига жўнашдан аввал Ральф Раймоннинг хонасига кирди. Ўзини одатдагидан ҳам кўра расмиятчи қилиб кўрсатдики, Раймоннинг юраги тарс ёрилаёди. У қандайдир таҳдидни кутганди. Бироқ гап факат Раймон Бель rivега миниб келган ва сотишни режалаштирган от хусусида кетди. Савдо атиги беш дақика вактни олди. Сэр Ральф нарх устида тортишиб ўтирумадиям, чўнтағидан бир халта тилла танга чиқариб, Раймонни лол қолдирганча совуқонлик билан санаб берди.

Софгани қабул қилгач, Индиана сэр Ральфнинг кучогига ўзини отиб, миннатдорлик билдириди, сўнгра отга миниб, уни бемалол гижинглатиб ўйнатди.

Бу оиласий саҳна Раймоннинг кўз олдида, ҳовлида рўй берди. Бу одамларнинг бир-бирига беғараз ва чин қалб ила боғланганини кўриш унга оғир ботди, қизгин эҳтиросларга тўлиб-тошар экан, Индиана билан ёлғиз қола олмаётганидан хўрсинар эди.

– Қанчалар баҳтиёрман! – деди Индиана Раймон иккови йўлакка ўтишганда. – Қадрдоним Ральф менга ажойиб совға ўйлаб топганини қаранг. Раймон, сиз-чи, энг суюкли тулпорингиз менини бўлганидан хурсанд эмасмисиз? У энди менинг суюкли отим бўлади. Номи нимайди? Айта қолинг, сиз қўйган ном билан аташни истайман.

– Бу ерда энг баҳтиёр одам – холаваччангиз. У сизга совға берди, бунга жавобан сиз уни мириқиб ўпдингиз, – деди Раймон.

– Наҳотки бизнинг дўстлигимиз рашикингизни келтирган бўлса? – сўради Индиана жилмайиб.

– Рашикми? Эҳтимол шундайдир, Индиана, тағин ҳам билмадим. Сизнинг ёш ва қизил юзли қариндошингиз мендан сотиб олган отини сизга совға қилаётгандан, бўса олаётгандан ва сизни бағрига босаётгандан азобимнинг чеки йўқ эди. Йўқ, суюкли тулпоримнинг эгаси бўлганингиздан шодланаётганим йўқ. Уни сизга совға қилиш баҳт эканини яхши тушуниб турибман. Аммо сотувчи бўлиб, ўзгага имкон яратганимдан юрагим ўтдай ёнаяпти.

– Рашик сизга ярашмайди! Наҳотки бизнинг қариндош эканимизни тушунмасангиз? Ҳозир сиз билан иккимиз тушунарсиз ахволдамиз. Сиз мен учун баҳтга тўла янги сехрли оламга йўл очмоғингиз лозим ахир. Сиздан ранжиридим, Раймон. Холаваччамдан бекорга хафа бўляяпсиз, менинг унга дўстона муносабатимни сиз нотўғри тушундингиз.

– Мени кечир. Мени кечир, Индиана, мен ноҳақман, сенга лойиқ эмасман, беозор, меҳрибон фариштам, аммо бу одам сенинг эркингни ўз кўлига олаётганидан ич-этимни еяпман.

– Ўзиники қилиб оляяптими? Ральф-а? Раймон, сиз билмайсиз, мен ундан қарздорман. У онамнинг туғишган опасининг ўғли, биз бир юртда туғилганмиз, у мени опичлаб катта қилган, Бурбон оролида ягона суюнчим, устозим ва дўстим бўлганидан бехабарсиз. У қаерга йўл олмайин, ортимдан боради. Мен ватанни тарқ этганимда, у ҳам шундай қилди, қаерда кўним топсан ҳам соядай эргашиб юраверади. Бу дунёда менинг ягона ҳимоячим ва таянчим факат у.

– Худойим! Бу гапларингиз билан ярамга туз сепаяпсиз, Индиана. Демак, ўша инглиз сизни қаттиқ севар экан. Аммо мен сизни қанчалик севишимни биласизми?

– Вой, таққосламай қўя қолайлик. Агар ҳар иккингиз мени бирдек сев-

сангиз, бир-бирингизга рақиб бўлиб қоласизлар – у холда мен Ральфни танлаган бўлардим. Бирок, сиз хавотирланманг, мени Ральфдек яхши кўришни сиздан ҳеч қачон илтимос қилмайман.

– У қандай одамлигини менга таърифлаб беринг, ўтиниб сўрайман, бу тош қотган кимсани тушуниш қийин бўлаяпти.

– Сиз холаваччамнинг хислатларини таърифлашимни истайсизми?! – жилмайиб сўради Индиана. – Очигини айтай, у ҳақида лоқайд гапиролмайман, чунки Ральфни жуда яхши кўраман ва у билан фахрланаман. Ральфни мақтасам, сизга ёқмайди деб қўрқаман. Ўзингизнинг таърифингизни эшитмоқчи эдим. У сизда қандай таассурот қолдираяпти?

– Ташки кўринишидан бориб турган тўнка. Хафа қилиб қўйган бўлсам узр, тўғри гапларидан фикри кенглиги, тарбия кўргани, ўқимишлилиги сезилиб турибди. Лекин қариндошингиз лоқайд ва эринчоқ, шу боис билими ҳеч кимга наф келтирмаса керак, деб ўйлайман. Унинг сўлғин ҳаракатлари кишини толиқтириб қўяди. Бундан ташқари, фикрларини ноаниқ, тўмтоқ қилиб ифодалайди. Оксуяклар бундайларни негадир сермулоҳаза кишилар тоифасига қўшади. Тўғри, у оғир-босиқ, сабр-бардошли, аммо мен ақлли демаган бўлардим. Яна ўзингиздан қолар гап йўқ.

– Сизнинг таърифингизда оз бўлса-да ҳакиқат бор, – деди Индиана, – аммо нохолис фикрлар ҳам йўқ эмас. Сиз барча гумону тахминларингизни изҳор этдингиз, мен эса Ральфни туғилганимдан бери биламан, унга юзаки баҳо бера олмайман. Тўғри, у қўп нарсага лоқайд қарайди, бунда сиз ҳақсиз, бу унинг нуқсони. Аммо лоқайдлигига сабаб унинг бир қолипда қотиб қолганида эмас, ҳамма гап тарбиясида. Сиз агар Ральф тарбия кўрмаганида фирт тўнка бўларди, демоқчисиз. Мен эса айнан тарбия уни тепса тебранмас қилиб қўйган деб ўйлайман. Ральфнинг ҳаётидан бир тафсилотни айтсам, балки унинг феълини тушунишингизга ёрдам берар. Ральфнинг бир акаси бўлиб, ота-онаси уни Ральфдан устун қўйишарди, чунки акасининг Худо берган қўп яхши фазилатлари бор эди. У хотираси ўткир, барча санъат турларига қобилиятли, жудаям зукко эди. Қиёфаси Ральфга қараганда жозибалироқ, истараси иссиқ, хушмуомала, хуллас, дилбар йигит эди. Ральф эса, аксинча, қўпол, маъюс, одамови бўлиб ўсди. У ёлғизликни ёқтирап, ўзининг билимини ҳеч намоён қилмасди. Ака-укани таққослаган ота-она, албатта, Ральфнинг шаънига аччиқ гаплар айтишар, энг ёмони, уни ерга уришарди. Ӯқибатда ўсиб-улғаяётган бола ўзига қилинган қулларча муомала туфайли бефарқликка гирифтор бўлиб, ҳаётдан кўнгли совиди. Ӯн беш ёшида Бурбон оролида гулдай очилиб юрган бола Англияning туманли осмонида бирдан сўлди. Кейинчалик ўзининг менга ҳикоя қилиб беришича, уйдан қочиб кетиб, денгизда чўкиб ўлмоқчи бўлган, аммо қумлоқ соҳилда ҳабаш энага мени қўлида кўтариб унга яқин боради. Ральф мени кўриб қолади. Ўшанда мен беш яшар эканман. Биз бир-биримизга икки томчи сувдек ўхшар эдик. У менга меҳрибончилик қиласарди, дилкаш эди, ўз уйимда бундай муомалани кўрмагандим. Ҳар иккимиз баҳтсиз эдик, шу боис бир-биримизни яхши тушунардик. У мени ўз она тилига ўргатди, мен испан ва инглиз тилларини қоришишиб юборардим. Ральфнинг феъл-атвори ўзгаришига асосан мен сабабчи бўлгандим. Унинг йиғлаганини кўрсам, сабабини билмай бўйнига осилиб олиб, мен ҳам йиғлардим. У мени бағрига қаттиқ босар, ҳеч ким қайғурмайдиган мендек кизалоқни деб яшашга онт иcharди. Шундан бери биз бир-биримизга суюниб келамиз. Унинг ғамгин ҳаётига эш бўлганим – ўша кундан буён биз ажралмаймиз. Болалигимиз ҳакида сўзлаб, сизни

зерикитириб кўймадимми? Отларни елдириб, овчиларни қувиб етамизми?

– Бўлмаса-чи! – деди Раймон Дельмар хонимнинг оти жиловидан тортар экан.

– Унда ҳикоямни давом эттираман, – деди Индиана. – Эдмон Браун –Ральфнинг акаси йигирма ёшида оламдан ўтди. Онаси ўғлининг эрта нобуд бўлганига чидолмай вафот этиб кетди. Отасининг кўнглини билиб бўлмас эди. Ральф унинг қайғусини енгиллаштиришга, уни бирор нарса билан овутишга уриниб кўрди, бироқ сэр Браун ўзининг совуқконлиги туфайли ўғли билан муносабатларини тиклашга уринмади. Ральф азадор қариянинг хузурида соатлаб тиз чўкиб турди. У эса ўғлига бирор марта одамдай муомала қилмади. Уни юпатиб бўлмаслигига ўғилнинг кўзи етди. Ота эса уни қаҳри қаттиқликда айблади. Эдмоннинг ўлимидан сўнг Ральф ўзини аввалгидан ҳам бахтсиз ҳис қила бошлади. У ёлғизланиб қолди. Фақат менгина унинг суюнчиғи эдим.

– Ральфнинг кўнглини ол деганингизда ҳам, мен бундай қила олмасдим, – Индиананинг сўзини бўлди Раймон, – икковингизнинг ҳаётингиз қандай кечганини билмадим-у, аммо нега у сизга уйланмади?

– Ҳозир тушунтираман. Мен турмуш куриш ёшига етганимда, Ральф мендан ўн ёш катта эди, у уйланганди.

– Сэр Ральф бевами? Унинг хотини борлигини эшитмаган эканман.

– Ўзидан бу ҳақда сўраманг. Ральфнинг хотини аслида Эдмоннинг қайлиғи эди, у ёш, гўзал ва бой аёл бўлган. Тақдир тақозосини қарангки, Эдмон вафот этгач, оиланинг урф-одатларига кўра, уни Ральфга зўрлаб унаштиришган. Улар Англияга кўчиб кетишиди. Хотини ўша ерда вафот этиб, Ральф Бурбон оролига қайтиб келганида мен жаноб Дельмарга турмушга чиққандим, биз Европага жўнаб кетдик. Ральф бир қанча вақт ёлғизланиб қолди. У ўша давр ҳақида гапирмаган эса-да, болалигидаги каби бахтсиз эди дейишга асосим бор, чунки у яна ҳам маъюс тортиб қолганди. Ана ўшандан сўнг у қаҳва плантациясини сотиб, Францияга кўчиб ўтди. Кейин эрим билан учрашиб, очиқласига бундай деди: “Тақсир, сизнинг хотинингизни яхши кўраман. Уни тарбияладим, уни ўз синглимдек, тўғрироғи, қизимдек кўраман. У бу дунёда менинг ёлғиз қариндошим, ёлғиз суюнчигим. Агар мен сиз билан қўшни бўлиб яшасам, розимисиз? Сизни рашикчи, лекин мард ва виждонли одам дейишади. Хотинингизни бегона аёлни севгандек севмаслигимга сўз берсан, ишонасизми? Унинг тувишгандай акасидай бўламан, бу ёғидан кўнглингиз тўқ бўлсин.

– Сэр Ральф ўзини ўзи алдаганига ва сизни бир аёлни севгандек севманига ишонасизми, Индиана? – сўради Раймон.

– Қаллиғи билан Англияга кетганида ўн икки ёшда эдим. Англиядан қайтиб келганида ўн олтига тўлиб, турмушга чиққанимдан хафалигини сезмадим, аксинча, хурсанд эканини айтганди. Ҳозир Ральфни қария деса ҳам бўлади.

– Йигирма тўққиз ёшида-я?

– Кулманг, унинг кўриниши ёш, қалбини эса азоб қаритган. У энди ҳеч кимни севмайди ва ҳеч кимни деб куймайди.

– Ҳатто сизни ҳамми?

– Ҳатто мени ҳам. Унинг дўстлиги одатий тус олган, авваллари болалигимда у мени тарбиялаган, ўз паноҳига олганди, унинг дўстлиги фидойиликдан иборат эди. Ўшанда ҳам уни ҳозиргидек яхши кўрардим, бунга эҳтиёж бор эди. Ҳозир эса ўз бурчимни бажарайман. Унинг хаётини ёрқинроқ ва тўлароқ қилишга ҳаракат қиласайман. Ёшлигимда уни

болаларча беғубор қалб билан севганман. Ҳозир ҳам уни ўшандай яхши кўраман. Унга керакман, чунки уни эъзозлайдиган бошқа киши йўқ. Дельмар жаноблари ҳам унга боғланиб қолган, у ҳам Ральфни мендек яхши кўради. Бир пайтлар Ральф отамнинг зуғумидан мени химоя қиласди, лекин эрим билан муносабатимизга эҳтиёткорлик билан аралашади. Аслида менинг қийналгандаримни кўрса ҳам, Ральф унча қайғурмайди. Мухими, унинг ёнида бўлсан, бас. Баҳтлимани, йўқми, у мендан буни сўрамайди. Менинг бу дунёда ҳаёт эканлигим унга кифоя. Оилавий жанжалларда менинг ёнимни олмайди, чунки Дельмар жаноблари билан жанжаллашиб қолишни, унинг тинчини бузишни истамайди. Эримнинг бағритошлигини билган ҳолда ўзи ҳам бунга кўнишиб кетган, ростдан ҳам кўнишиб, локайд бўлиб қолган. Атрофагиларнинг қувончини баҳам кўриб, кўнглини шодлаб юра олмайди, бундан ҳам бенасиб. Ральфга беташвиш осуда ҳаёт бўлса, бас. У ҳеч кимдан ғамхўрлик кутмайди, бирорга ҳам ғамхўрлик қилмайди. Ральф – худбин.

– Қандай соз, – деди Раймон. – Ундан қўрқмасам ҳам бўларкан. Хоҳласангиз, ҳатто, уни хурмат қилишим ҳам мумкин.

– Ҳа, Ральф билан дўстлашинг, Раймон, – жилмайди Индиана. – Унинг боши кўкка етади: энг мухими, кўнгилдаги туйғунинг самимийлигида. Бир-бiriни чин кўнгилдан ҳурмат қилган инсонлар – баҳтли инсонлар.

– Сизнинг сўзларингиз қалбнинг нидосидан бошқа нарса эмас, – деди Раймон эътироz билдириб ва қўлларини Индиананинг хипча белидан ўтказиб. – Лекин мен сизни нега севишимни билишингизни истайман.

– Хўш, нега? Сезишимча, сиз менга баҳт ато қилмоқчисиз, шундай эмасми? – деди Индиана унга ғамгин ва эҳтирос тўла кўзлари билан бўқиб.

– Чунки сенга ҳаётимни қурбон қилмоқчиман! – деди Раймон аёлнинг силкиниб турган соchlарига лабларини теккизар экан.

Яқин орадан тараляётган мугуз садоси уларни эҳтиёткорроқ бўлишга чақиради. Мугузни сэр Ральф адашганлар уларни топиб олишлари учун чалаётган эди.

## 14-боб

Итлар бўшатилиб, ов бошланганда Раймон Индиананинг бирдан ўзгарганини кўриб, лол қолди. Чехраси гулгун ёниб, кўзлари чакнаб, ёнокларига қон югуриб қизарди. Аёл хузурланиб, бир текис нафас оларди. Кейин зумда отга қамчи босиб Ральфнинг ортидан елиб кетди. Раймон Ральф ва Индиананинг бир нарсага – овга қаттиқ қизиқишини билмасди. У бундай нозик, хипчабел аёлда эркакларга хос файрат-шижоат борлигига ҳам ишонмаганди. Бу руҳий қўтаринкилиқдан сўнг энг заиф одамларда пайдо бўладиган шижоат эди. Аёллар азоб ва хатарларга чидамсиз бўлишади, лекин баъзан улар ҳам ажабтовор матонат қўрсатиб қўядилар. Кўнгилчан Индиана атрофидаги қичқириқларга, от қўйишларга, овга бутун вужуди билан киришиб кетди. Унинг бугунги от суришини кўрган киши чинакам жанг майдонини беихтиёр тасаввур қиласди. Жувон бир хил зерикарли ҳаёт гирдобига тушиб қолиб, бу каби ҳиссиётлардан бегоналашиб кетганди. Узок уйқудан сўнг йиғилиб қолган қувватини бирваракайига сарфлаётгандек эди.

Раймон унинг биринчи марта отга миниб, қамчи босиб, баҳодирларча от суришига анграйиб қараб қолди. Индиана ўрмоннинг энг қуюқ қисмига эгилиб, шоҳ-шаббаларга моҳирона чап бериб, дадил кириб борди, ариқлардан сакраганда отдан мункиб тушиб қолишидан ҳам кўркмаётганди. Қобоннинг ҳозиргина қолдирган изини топиш иштиёқида олға интиларди. Раймоннинг

эса бундай жасорат намунасини кўрсатишга журъати етмаётганди. Эрка-клар одатда ўзлари севган заиф аёлни химоя қилишга мойил, аёллардаги жасурлик уларни чўчитади.

Бу қадар кўркмас жувоннинг муҳаббати ҳақида ўйларкан, Раймон ҳатто бироз саросималаниб қолди. У бечора Нуннинг вафодорлигини эслади – шўрлик баҳтсизлик билан курашиш ўрнига сувга чўкишни афзал билганди.

“Агар унинг ҳозирги машғулоти каби севгиси ҳам қизгин ва эҳтиросга тўла бўлса, – ўйлади Раймон, – агар у ҳозир қобонни таъқиб қилаётгандек мени ишонч билан севса, ҳеч қандай қонун, ҳеч қандай жамият уни тўхтатиб қололмайди, унинг севгисини деб ўз келажагимни унга қурбон қилишимга тўғри келади”.

Вахимали қийқириклар орасида Дельмар хонимнинг ҳам овози қулоққа чалинди-ю, Раймонни хушига келтириди, у безовталик билан отини елдириб кетди, йўлда унга сэр Ральф келиб қўшилди ва:

– Ёрдам сўраб қичқирганларни эшитдингизми? – деб сўради.

Ушбу дақиқаларда кўркиб кетган боғбонларнинг огоҳлантирувчи овозлари келаётганди. Улар Дельмар хонимга қобон ҳужум қилиб, уни отидан ағдариб юборгани ҳакидаги хабарни етказишаётганди. Юраклари така-пуга овчилар ҳам сэр Ральфни қидириб от елдиришарди.

– Умид йўқ, – деди бир чавандоз етиб келиб, – ёрдамингиз бефойда.

Раймон Браун жанобларига қаради. Ральфнинг юзи докадек оқариб кетганди. У қичқириб ҳам ўтирамади, бирорни айбламади ҳам, талvasага ҳам тушмади, факат инглизча совуқконлик билан ёнидан ов пичноғини чиқариб ўз бўғзига пичоқ тортишга шайланди. Раймон унинг қўлидан пичноқни тортиб олди ва ёрдам сўраётганлар томонга етаклаб кетди.

Ральф Дельмар хонимни кўриб, қаттиқ уйқудан уйғонгандек бўлди, Ральфни кўрган ҳамонок Дельмар хоним югуриб келиб ўзини унинг қучоғига отди. Ерда бехуш ётган эрига ёрдам беришларини сўраб ёлвораётган эди у. Полковникда ҳали ҳаёт нишоналарининг борлигини сезган Ральф унга дарҳол ёрдам бера бошлади. Аммо Дельмар жанобларининг сон суюги шишиб кетган, уни тезлик билан уйга элтиш лозим эди.

Шу воқеа сабаб, полковник аста-секин Раймон билан дўстлаша борди. Соддадил жаноб Дельмар кўшним менинг соғлигимга қайғураяпти деб ўйларди ва унга меҳри ортмоқда эди. Де Рамьер хоним ҳам баъзан улардан ҳол-ахвол сўраб келиб қоларди, Индиана Раймоннинг онасиға яқин дўстлардек боғланиб бораётганди. Ниҳоят, унинг эри ва севгилиси ўртасида дўстлик қарор топди.

Доимий учрашувлар туфайли Раймон ва Ральф ўртасида ҳам дўстлик ришталари кўрина бошлади, улар энди бир-бирига “қадрдон дўстим” деб мурожаат эта бошлашди. Эрталаб ва кечқурунлари қўл сиқишиб кўришишар, агар иккаласи ўртасида арзимаган хизмат чиқиб қолгудек бўлса, “дўстлигимиз хурмати” деган ибора билан мурожаат қилишга жазм этишарди, бир-бирининг ҳузурида эса “дўстим” ёки кўзи паноҳ пайтларида “ӯша менинг дўстим” деб гап бошлашарди.

Бирок уларнинг дўстлиги ҳар қанча қалин бўлса-да, ўзига хос хусусиятга эга эди. Ҳар иккисининг дунёқараши ва диди бошқа-бошқа, ҳатто Дельмар хонимга бўлған туйғулари ҳам икки хил бўлиб, бу ҳиссиёт уларни яқинлаштириш ўрнига, аксинча, йироклаштиради. Натижада уларда икки хил кайфият пайдо бўлардики, бир-бирлари билан тез-тез аразлашиб қолар, ўпка-гина авж олар, баҳс-мунозаралар юзага келарди.

## 15-боб

Бу орада кутилмаган воқеа рўй берди, бу ҳодиса полковник ва унинг хотини келажагига тааллуқли эди. Дельмарларнинг корхонаси таъминоти Бельгия савдо уйига боғлиқ бўлиб, бу ташкилот тўсатдан ёпилгач, полковник ҳали соғлигини тўла тиклаб улгурмай, Антверпенга шошилинч жўнаб кетди.

Хотини касалманд, ҳолсиз эри билан бирга бормоқчи эди, аммо Дельмар жаноблари корхонаси синиб, хонавайрон бўлишдан хавфсираб, зиммасидаги қарзлардан тезроқ кутулмоқчи бўлди ва элу юрт олдидаги қочоқ деган ном чиқаришдан қўрқиб, хотинини гаровга қўйгандек Ланьида қолдириб, Антверпенга ёлғиз кетди. Дельмар хонимга қарашиб туриши ва баъзи талабчан қарз берувчилардан ҳимоя қилиши учун сэр Ральфни ҳам шу ерда қолишга кўндириди.

Ана шу оғир дамда Индианани кутилмагандага Ланьидан жўнаб кетиб, Раймондан ажралиб қолиш хавфи чўчитар, у полковникнинг ҳар қандай ҳолатда Парижга кўчиб ўтишини айтиб, севгилисини тинчлантиради. Раймон қаерда бўлмасин, унинг ортидан етиб боришга сўз берганда, содда хоним оиласининг бошига тушаётган кулфатлардан ҳатто қувонди ҳам: энди севги-муҳаббатга имкон яралар эди-да!

Бу хабарни эшитибоқ Раймоннинг юраги ҳаприқиб кетди, ўтган ярим йил ичидаги Индиана билан ниҳоят илк бор ёлғиз қолишини тушунди. Индиана ундан ўзини олиб қочмаса-да, ҳали Дельмар хоним билан севги лаззатини тотиб қўрмаган Раймон бошлаган ишини охирига етказишини ўзининг эркаклик бурчи деб ҳисобларди. У доимо таниш-билишларини хоним билан ўрталаридағи яқинлик ўзаро хурматга асосланган дўстлик эканига зўр бериб ишонтираси, ҳатто энг яқин дўстига ҳам ишқ-муҳаббат ҳақида лом-мим демасди.

Сэр Ральфнинг Дельмар жанобларининг ўрнида бўлиб туришини билгач, Раймоннинг нияти амалга ошмайдигандек туюлди. Ральф Ланьига эрталаблари келар, уйи Бель rivега қош қорайганда қайтарди. Бундан ташқари улар уйларига битта йўлдан ва бирга қайтишарди. Ральф атайлаб Индиана билан ёлғиз қолишига тўскинлик қилаётганидан Раймоннинг юраги тарс ёрилай дерди. Дельмар хоним ҳам холаваччам эркимга тажовуз қилаёттир, деб ҳисобларди.

Раймон аёлни пинҳона учрашувга ундей олмаётганди, ҳар сафар бу ҳақда гап очса, Индиана ўрталаридағи аҳдни эслатарди. Бироқ полковникнинг жўнаб кетганига бир ҳафта бўлган, у қайтгунча имкониятни кўлдан бермаслик керак эди. Ральфнинг тантана қилишига йўл қўйиб бериш Раймон учун шармандалил эди.

Раймон бир куни Дельмар хонимнинг қўлига қўйидаги мазмундаги хатни қистирди:

“Индиана! Демак сиз мени, мен сизни севганчалик севмас экансиз. Фарыштам, менинг баҳтсиз эканимга эътибор ҳам бермайсиз. Ўзимнинг эмас, сизнинг келажагингиз учун қайғураяпман. Ортингиздан соядек эргашиб юрибман, сиз қаерда дунёдан ўтсангиз, мен ҳам ўша ерда ўламан. Мен келажакда шип-шийдам бўлиб қолишингиздан чўчийман, бечорагинам, сиз жуда заиф ва нотавонсиз! Олдинда турган ночорликка қандай чидайсиз? Сизнинг бой-бадавлат ва очиққўл холаваччангиз бор. Эрингиз мендан сўрашга ийманган қарзни Ральфдан олиб туришга рози бўлади. Ральф сизни моддий жиҳатдан қўллаб-қувватлаши турган гап, мен эса – йўқ.

Азиз дўстим, кўнгилни ғашлайдиган бундай гапларни нима сабабдан ёзётганимни яхши биласиз. Сиз мард аёлсиз, ҳеч нимадан қўрқмайсиз, сизни деб изтироб чекишимни истамайсиз. Ох, эркаловчи сўзларингизга, менга куч-кувват берувчи нигоҳларингизга қанчалик муштоқлигимни билсангиз эди! Шу кунларда қандайдир бўлмагур сабаблар боис оғир азобларга дош беришимга тўғри келаяпти, чунки хузурингизда бўлиб, оёғингизга бош кўйиш баҳтидан бенасибман.

Индиана, атиги бир соатгина сиз билан ёлғиз қолишимга рухсат берасизми? Оппоқ қўлларингизни кўз ёшим билан ювсам, дардимни изхор қилганимда оғзингиздан юпанч сўзларини эшитсан дейман. Кўнгилни ҳижрон азоби кул қилмоқда. Индиана, ошиқнинг кўнгли – боланинг кўнгли, хобгоҳингизга киришимга рухсат берсангиз. О, қўрқманг, бир гал лақмалигимдан панд еганман, ҳозир сизни нафақат хурмат қиласман, ҳатто қўрқаман ҳам. Хобгоҳингизга кирсам, сизнинг ғазабнок ҳолингизда тиззаларингизга бош урсам. Дадил бўлишимга қарамай, сизга қараашга ҳам журъат қила олмасман. Пойингизга бош уриб, сурурли сукут ичидага ўзимни баҳтиёр хис этсан. Мурувватингизни мендан дариф тутманг, Индиана, кўлингизни кўксимга кўйиб, юрагимни ғам-аламдан тозаланг, agar уриши тезлашган бўлса, тинчлантиринг, agar сизга муносиб бўлсан, ишончингизни менга қайтаринг. Ох, сизнинг ишончингизни оқлашга тайёр эканлигимни қандай исботласам экан? Сизни тушунаман, олдингизда тиз чўкиб, Биби Марямни қандай улуғласалар, сизни шундай улуғлайман! Ишончим комилки, сиз мендан энди қўрқмайсиз, сизга сажда қилганим учун мени хурмат қиласиз. Бир соат юрагингизга юрагимни босиб, фаришталар умрини яшасам, Индиана, айтинг, шунга розимисиз? Фақат бир соат – биринчи ва балки сўнгги соат!

Индиана, менга ишонч билдиришингизнинг айни вақти. Раҳмингиз келсин менга, гуноҳим бўлса кечиринг, ё менга ишонмайсизми? Сизни деб уйингизда ярим йилдан бери юрибман, сиз иш билан машғул бўлганингизда қоп-кора зулфингиз, чўғдек дудоқларингизни деб умримни ҳазон қиласман. Дераза қархисига келиб ўтирганингизда енгил шабада олиб келаётган атир-анбар хидларингиздан маст бўламан. Наҳотки шунчалик вафодорлигим бир соатлик висолингизга арзимаса? Илк ўпичингизни мендан дариф тутманг, сингиллик ўпичингизни, пешонангиздан бўлса ҳам майли! Аҳдимизни унутмасликка қасам ичаман! Бошқа ҳеч нима сўрамайман... Аммо, сиз бағритошсиз, менга ҳеч нарса инъом қилмайсиз! Ёки қўрқаётисизми?"

Дельмар хоним хатни ўқиши учун хобгоҳига чиқиб кетди. Ўша заҳотиёқ жавоб мактубини ёзи ва чорбоғга элтувчи орқа эшик калитига кўшиб, ҳеч кимга сездирмай унга тутқазди. Хатда шундай сўзлар битилганди:

"Йўқ, Раймон, сиздан энди қўрқмайман. Мени қанчалик севишингизни биламан ва номаълум сабабларга кўра сизга ишонаман. Майли, кела қолинг! Сизни нечун бу қадар севганимни, тинчимнинг бузилишига йўл кўйганимни ўзим ҳам тушунмайман... Ральф шубҳаланмаслиги учун барвактрок уйингизга кетиб, ярим тунда қайтинг, чорбоғ ва уйни яхши биласиз, мана эшикнинг калити, ортингиздан қулфлаб келинг!"

Соддадиллик билан мардларча билдирилган бу ишончни Раймон аввалдан тахмин қилган бўлса-да, ўйланиб колди. У тунги зулмат пардасидан қандай фойдаланишни мушоҳада қиласарди. Агарда Индиана ваҳимага тушса, ўзини нобуд қилиши ҳам мумкин, аммо жувон хотиржам эди. Индиананинг бир сўзлигини Раймон биларди, аёл уни ноумид қилмасликка сўз

берганди. Энг муҳими, у тунни севганининг тўшагида ўтказиши, алданиб қолмаслиги, Ральфга чап бериб, унинг устидан боплаб қулиши керак эди. Раймоннинг аввалдан ўйлаб қўйган режаси шу эди.

## 16-боб

Ўша куни кечқурун сэр Ральф ўзига ўхшамай қолди. У ҳеч қачон бу қадар жizzаки, беҳафсала бўлмаган. Гаплари қовушмас, сўзлари пойинтар-сойинтар, ҳаммасидан ёмони – вақт алламаҳал бўлсаям у уйига кетишга сира шошилмасди. Дельмар хоним игна устида ўтиради гўё. У гоҳ девордаги соатга карап (соат ўн бир бўлганди), гоҳ шамолда ғичирлаётган эшикка нигоҳ ташлар, гоҳ жўрттага холаваччасининг ёнига келиб, қўзини унга қадарди.

Бироқ Ральфнинг тош қотиб ўтириши замирида серғалва, азобли ва кучли ғалаён яширинганди. У совуққонлик билан барчасини кузатиб турар, ҳеч нимани эътиборидан четда қолдирмасди. Ральф Раймоннинг уйига эрта жўнаб кетиши тагида бир гап борлигини билиб турарди. Дельмар хонимнинг нотинч экани ҳам унга кундай равshan эди. Аслида унинг ўзи Индианадан-да кўпроқ безовталанаар, ич-этини еб, жойида илондай тўлғониб ўтиради. Нихоят, Ральф фикрини бир жойга жамлаб, сукутни бузди:

– Бир йил муқаддам ҳаммамиз шу оташ ўчоқ олдида ўтирганимизни эслайсанми? Ўшанда ҳам бугунгидай изгиринли оқшом эди. Сен бетоб эдинг, оғир ўйлардан эзилаётгандинг, ўша кунни эслаб, инсонда олдиндан сезиш қобилияти бўлишига энди ишондим.

“Нимага шама қилаяпти?” – ўйлади Дельмар хоним ажабланиб холавачрасига қараб қўяркан.

– Эсингдами, Индиана, – давом этди холаваччаси, – сен ўзингни ҳар доимидан ҳам ёмон хис қилгандинг. Сўзларинг хозиргача қулоғимда қолган: “Мени ақлдан озибди, деб ўйлашинглар мумкин, – деган эдинг, – лекин бизни қандайдир баҳтсизлик таъқиб этмоқда, бу хавф кимнингдир бошига тушиши тайин. Балки, менинг бошимга тушар. Шунчалар ҳаяжондаманки, тақдиримда қандайдир ўзгариш бўладигандек қўрқиб кетаяпман...” Бу сенинг сўзларинг, Индиана.

– Ҳозир ахволим тузук, – жавоб берди Индиана худди сэр Ральф эслатган ўша оқшомдагидек ранги бўзарип, – энди бунақа ваҳималарга ишонмайман.

– Мен эса ишонаман, – эътиroz билдириди холаваччаси, – ўша башоратинг тўғри чиқди, бизни ростдан ҳам хавф таъқиб қилаётган эди, тинч ҳаётимиз бошида ваҳимали шарпалар айланадиганди.

– Эй, Худойим, сизни тушунмаяпман!..

– Ҳозир тушуниб оласан, шўрлик дўстим. Ўша оқшом уйимизда тўсатдан Раймон де Рамьер пайдо бўлганди... Унинг қай ахволдалиги эсингдами?

Ральф кўзини бошқа ёққа тикканча бир зум жавоб кутди, Индиана ҳеч нима демагач, давом этди:

– Мен уни ҳушига келтирдим, бир томондан, сенинг истагинг туфайли, иккинчи томондан, одамгарчилик юзасидан унга ёрдам бердим. Индиана, тўғрисини айтсам, бу одамнинг ҳаётини сақлаб қолиб катта хатоликка йўл қўйганман, оиласизга келган мусибатнинг сабабчиси ўзимман.

– Қандай мусибат ҳақида гапираётганингизни биламан, – деди Индиана куруққина қилиб.

– Бечора Нуннинг ўлими тўғрисида гапираётибман, – деди Ральф. – Агар

Раймон бу ерда бўлмаганида, Нун ҳозир ёнимизда ўтиарди. У қандай гўзал ва беғубор инсон эди, сени жуда яхши кўрарди.

Дельмар хоним ҳалиям холаваччаси нимага шама қилаётганини яхши тушунмади ва де Рамъер жаноблари билан муносабатимни маломат қиласяпти, деб ўйлади.

– Бас! – деди хоним ўрнидан шартта туриб.

Аммо Ральф унинг хитобига сира эътибор бермади.

– Мени бир нарса мудом ўйлантиради, – гапида давом этди у, – ўшанда де Рамъер жанобларининг нега девор ошиб келгани ҳақида ҳеч ўйлаб кўрганмисан?

Миясига келиб урилган шубҳадан Индиананинг боши айланиб, жойига ўтириб қолди.

Ральфнинг бу гаплари унинг қоқ юрагига санчилган эди. Айни пайтда Ральф таънани ҳаддан ошириб юбормадимми, дея кўрқиб кетди. Бу дунёда энг севган кишиси қалбини ярадор қилганидан афсусланди, кўкси оғридан ёрилиб кетаёзди. У йиғлашни билганида, аччиқ-аччиқ йиғлаган бўларди. Бечора Ральф бундай қобилиятдан маҳрум эди, ўз ҳиссиётларини хаспўшлашни билмасди. Унинг совуқ тус олган башараси Индиананинг кўзига азроилдай кўриниб кетди.

– Де Рамъер жаноблари билан чиқишомаслигингизни бунақа гаплар билан изҳор этасиз деб ҳеч ўйламагандим, – деди у қизишиб. – Мен учун азиз мархум синглимнинг номини маломатларингизга нега қўшаяпсиз, ҳайронман. Сизга ўша мусибатни эслатинг демагандим, шекилли, сэр Ральф? Нимага шама қилаётганингизни тушунмадим.

Индиана ўрнидан турди ва сэр Брауннинг юрагини ғашлаб, чиқиб кетди.

Ральф Дельмар хоним билан бўлган мунозаралари уларни ўзаро низога олиб келишини тушуниб турарди. Виждан овози эса нима бўлганда ҳам Индианани огоҳ этишни буюраётган эди, у бу овозга уқувсизлик билан қулоқ тутди-ю, аммо ҳақиқатнинг аста-секин таъсир қилувчи кучини хисобга олмади.

Ральф юраги сиқилиб, Ланьини ноилож тарқ этди, лекин узокқа кетолмай, ўрмон ичидаги тентираб юрди.

## Учинчи қисм

### 17-боб

Хонасида Раймонни кутаётган Индиананинг хаёлига ғалати бир фикр келди. Раймонни кутилмаган бир усул билан синаб кўришга қарор қилди. Фикрларини миясида пишишиб, тайёрланиб улгурмасдан хуфия пиллапоядан юриб келаётган Раймоннинг қадам товушини эшилди. Эшикни дарров очди-да, жойига қайтишга шошилди, Индиана ҳаяжонланганидан оёқлари қалтиради, аммо ҳал қилувчи дақикаларда у сира ўзини йўқотиб қўймас, ҳар доим равшан фикрлар, руҳан тетик бўларди.

Раймон ёруғликка интилиб, ичкарига шошиб кириб келди, у баттар оқариб кетган ва зўрға нафас оларди. Индиана чарм пўстинига ўраниб унга орқа қилиб ўтириб олганди. Ажабланарлиси, бир пайтлар Раймонни чорбоғда кутиб олган Нун ҳам айнан шу пўстинни кийганди. Ҳозир ҳам чироқ ёруғида худди ўша хонада ўша кийимдаги аёл қоматига йигитнинг кўзи тушди. Раймон бу ерга ўша машъум тундан буён оёқ босмаганди. Хонадаги барча ашёлар унга ўтмишни эслатиб турар, уларни кўриб, алла-

нечук бўлиб кетди, беихтиёр орқага тисарилди ва остоңада тўхтаб қолди. У қимир этмай ўтирган аёлдан кўзини узомасди, ашаддий гуноҳкор каби титраб, гўё чўкаётган Нунга рўпара келгандек довдираб қолди.

Дельмар хоним Раймонда қолдираётган таассуротларини кўриб шубҳалари рост эканига амин бўлди. У бошига ҳинд бўйинбоғини ўраб олганди. Нун ҳам доим уни шундай ўраб юарди. Юраги тарс ёрилаёзган Раймон ақлдан озишига сал қолди. Ниҳоят, у ўтирган аёлни таниди ва Нунни зумда унутиб, Индиананинг ёнига келди. У эса Раймоннинг юзига жиддий ва ўйчан тикилиб турар, унга қучоғини очишга сира шошилмасди.

Бу тахлит кутиб олишдан ажабланган Раймон унинг юзида акс этиб турган ифодани ёш жувоннинг иккиланишига йўйди. Кейин Индиананинг тиззаларига йиқилиб, хитоб қилди:

— Севиклигим, наҳотки мендан кўрқаётган бўлсангиз?

Бироқ Дельмар хоним қўлида ниманидир тантанавор тутиб турарди. Раймон энгашиб, бу шошиб кесиб олинган бир тутам қоп-кора соч эканини пайқади. Индиана тинмай уни силарди.

— Бу соchlарни танимаяпсизми? — деди Индиана оловдек ёнаётган ўткир кўзларини унга қадаб.

Раймон унинг бошидаги шойи бўйинбокқа қаради-да, довдираб, ҳадеганда жавоб бера олмади.

— Нега бундай қиласиз? — деди йигит ниҳоят сочни қўлига олар экан.

— Нега сочингизни қирқдингиз? У сизга жуда ярашарди. Уни ҳидлашни ёқтиришимни биласиз-ку.

— Кеча, сочингизни мен учун қурбон қила оласизми, деб сўрамаганмидингиз? — Индиана жилмайишга уриниб жавоб қайтарди.

— Оҳ, Индиана! — хитоб қилди Раймон. — Ҳозирдан эътиборан кўзимга янада гўзалпроқ кўринаяпсиз! Уларни менга беринг; сочингизни кирқкан бўлсангиз ҳам ачинмайман. Аттанг, бу кокиллар бошингизга қандай ярашиб турарди, уларга қараб завқланардим, энди хоҳлаган пайтимда соchlарингизни хидлашим мумкин, уларни менга беринг, доим ёнимда олиб юраман...

Бироқ у соchlарни қўлига олиши биланоқ бу зулфлар қуруқ ва қаттиқ эканини пайқади. Раймон Индиананинг соchlарини бундай ўлик ва ёқимсиз тасаввур қиломасди. У асабийлаша бошлади. Анча олдин кирқилган кокиллар ўз майнлигини йўқотган, ҳидсиз ва ҳароратсиз эди. Шунда у ўрнидан турди-да, сочга диққат билан разм солиб, бу қарғанинг пати каби қоп-кора, аллақандай оғир, ўлик толалар эканига эътибор қаратди.

Индиана ҳали ҳам Раймондан ўткир нигоҳини узмасди. Йигит беихтиёр кўзларини четга бурди-ю, кора ёғочдан ясалган очик ғаладонга худди шундай соч тутамлари солинганини пайқади.

— Бу сизнинг сочингиз эмас, — деди у Дельмар хонимнинг бошидан шойи бўйинбоғни юлқиб оларкан.

Индиананинг сочи бутун мафтункорлиги билан унинг нозик елкала-рига ёйилиб тушди. Аммо Индиана уни ўзидан нари итариб, яна қирқиб олинган ўша соч тутамига ишора қилди:

— Бу соchlарни танияпсизми? — сўради у. — Ундан бир вақтлар завқланмаган ёки уни силамаганмидингиз? Ёки тун унинг хидларини ўғирладимикан? Наҳотки барчасини унутган бўлсангиз, наҳотки, кўз ёшларингиз қуриб битган бўлса? Мана бу узукнинг ҳам кимга тегишли эканини билмайсизми?

Раймон ўзини ўриндиққа ташлади, қалтираётган қўлидан Нуннинг сочи

тушиб кетди. У бунчалик оғир имтиҳонга дош беролмасди. Раймон жуда таъсирчан одам эди, томирларидағи қон шиддат билан оқар, асаби тез жунбишга келарди. Унинг бутун вужуди қалт-қалт титраб, полга хушсиз йиқилди.

Раймон ўзига келганида Дельмар хоним унинг ёнида тиз чўкиб, йиғлаб, севгилисидан кечирим сўрарди. Лекин Раймон энди уни севолмаслигини тушунди.

– Мени қийин ахволга солиб қўйдингиз, – деди у, – бу ситамларнинг ўрнини тўлдиришга қодир эмассиз. Ҳеч қачон чин қалб билан севмагансиз мени. Ҳозиргина менга кўрсатган ҳунарингиз беаёв қасосдан ўзга нарса эмас. Бечора Нун! Шўрлик, баҳтиқаро қиз! Ҳа, унинг олдида гуноҳкорман, факат сизнинг олдингизда эмас. У мендан ўч олиши керак эди, лекин иложисиз ўлди. У менинг келажагим учун ўз жонига қасд қилди, менинг тинчимни ўйлаб шундай қилди. Сиз, маликам, бундай қиломаган бўлардингиз. Унинг сочини менга беринг, улар менга тегишли, мени жондили билан севган ягона аёлдан қолган бирдан-бир хотира бу. Шўрлик Нун, сен бундан минг чандон кучлироқ севигига муносибсан! Сиз, хоним, унинг ўлимида мени айблаяпсиз! Сизни севиб, уни унугиб, виждан азобида қийналишдан қўрқмадим, сизнинг висолингизга етиш учун дарё қирғоғида, зулмат қўйнида ўзини курбон қилган шўрлик аёлнинг арвоҳи билан юзмайоз келдим. Сиз эса имтиҳонингиз билан мени қаттиқ сиқувга олаётпиз. Юрагимни тирнаб, сиз учун тўкишга қоним қолган-қолмаганини текширайпсиз, сизни қанчалик севишимга ишонч ҳосил қилмоқчи бўлайпсиз. Ох, унинг севгисини сизнинг қаҳри қаттиқ муҳаббатингизга алмаштириб, ақлдан оздим, жиноятчи бўлдим!

Дельмар хоним чурқ этмас, елкаларига ёйилган соchlарини йиғмай, бир нуктага қараб қолган эди. Раймон унинг қўлларидан тутди.

– Лекин барибири, – давом этди у, – сизга бўлган севгимнинг кўзи кўр, мен барини унугиб юбораман, бунга қодирман, ўтганларини ҳам, ҳозиргисини ҳам, жиноятимни ҳам, юрагимни парчалаган бугунги ёвузлигингизни ҳам. Мени севинг, шунда ҳаммасини унутаман!

Чорасиз қолган Дельмар хонимни кўриб, Раймоннинг қалбida эҳтирос ва ҳирс қайтадан туғён урди. Аёл севгилисидан айрилиб қолишидан қўрқаётганини сезиб, уни бўйсундира олишига, устунлик ўз томонида эканига ишонч ҳосил қилди. Аввалига у ўзини қаттиқ азият чеккан ва ғамгин қилиб қўрсатди. Индиананинг кўз ёшларига ва эркалашларига аранг жавоб қайтарди. У Индиананинг юраги меҳрга тўлишини пойлади. Индиана Раймоннинг оёқлари остига келиб қолганини ўзи ҳам билмай қолди. Шунда йигит ўлимга маҳкум этилган маҳбусни исканжасига олаётган ажалдек, уни жон-жаҳди билан бағрига босди. Жувон гўдак каби заиф бўлганидан унинг ўпичларига ихтиёр берди. У деярли хушсиз эди.

Бирок Индиана тўсатдан уйқудан уйғонгандек, йигитнинг эҳтиросли қучоғидан ситилиб чиқди-да, хонанинг нариги бурчагига қочиб борди. У ерга осиғлик суратда Ральф Браун гўё жувонни ҳимоя қилмоқка шайдек лабларини қимтиб турарди. Гангид қолган Индиана деворгага ёпишиб олди. Раймон буни қаттиқ хаяжонга йўйиб, уни тўла ўз ҳукми остида деб билди. Жувон томон югуриб бориб, уни девордан нари сурди-да, қўлларидан тутди.

– Энди шунчаки қулингиз ёки иттифоқчингиз бўлолмайман, – деди Раймон. – Мен сизни эҳтирос ила севувчи, сиздек баттол, инжиқ, бераҳм, шу билан бирга гўзал, юракни ўртагувчи дилбар аёлни жонимдан ортиқ кўрувчи йигитман, сизни бир карра қучоғимга олдим, энди ҳеч ҳам қўйиб

юбормайман. Кечагидай хотиржам, меҳрибон бўлганингизда эди, мен ҳам сизга содиқ ва итоатли бўлардим. Аммо сиз менинг эҳтиросимни қўзғатдингиз, фикримничувалатиб юбордингиз, мени қутуриш дара жасига олиб келдингиз, баҳтдан, ақлдан жудо этдингиз. Энди эса мени баҳтли қилишингиз керак, акс ҳолда сизга ишончим йўқолади, бундан кейин сизни эъзозлашга қодир бўлмай қоламан. Кечиринг мени, Индиана, кечиринг! Агар сизни қўрқитаётган бўлсан, бунга ўзингиз айбдорсиз, азоб чекиб, ақлдан озишимга ўзингиз мажбур қилдингиз.

Индиананинг бутун вужуди титрап эди. Аёл тажрибасизликдан қаршилик қўрсатиш бефойда деб ўйлар, севганидан эмас, қўрқанидан ўз ихтиёрини унга топширишга мажбур бўлаётганди. У Раймоннинг қучоғидан юлқиниб чиқишига сўнгти бор уриниб кўрди-ю, харакати бефойдалигини тушуниб:

– Наҳотки зўравонлик қилишга ҳам қодир бўлсангиз? – деди.

Индиананинг жисман заифлигига қарамай, ҳали ҳам руҳан тетик эканини тушуниб, ҳафсаласи пир бўлган Раймон уни бир силтаб, ўзидан нари итарди.

– Зинҳор! – деди у мағрур оҳангда. – Сизнинг розилигингизсиз зўрлаб оғушимга олмайман, бундан кўра ўлганим яхши.

У хушини бир жойга жамлаб, жувоннинг оёғига йиқилди, эҳтироси қайта жўш уриб, юрагидаги барча дардларни тўкиб солди, оташин, васвасали илтижолар қилди. Хонимнинг изн бермаслигини кўриб, дили ранжиди. Ўзича бу сийқаси чиққан дийдиёдан энди фойда йўқ, деб ўйлаб, соддадил деб билган аёлга гапини ўтказиш қийинлигидан ҳам кулгиси, ҳам йиғлагиси келиб кетди. Унинг оташин сўзларидан Индиана юмша什 ўрнига баттар оёқ тираб туриб олди.

Кейин тўсатдан бир нарса эсига тушгандай сўради:

– Раймон, ўша аёл... иккимиз ҳозиргина муҳокама қилган бечора аёл... сизни азбаройи қаттиқ севганидан ҳеч нарсани аямасмиди?

– Ҳеч нарсани аямасди, – жавоб берди Раймон бу ноўрин саволдан тутақиб, – аммо нуқул ўшани менга эслатиб, оловга ёғ сепиш ўрнига унинг қайноқ севгисини унутишимга ёрдам беринг!

– Менга қаранг, – деди Индиана жиддий оҳангда, – сабр қилинг, сиздан бир нимани аниқ билиб олишим керак. Аввал ўйлаганимдек, балки менинг олдимда гуноҳкор эмасдирсиз, агар мени ҳақоратламаган бўлсангиз, сизни кечиришим ҳам мумкиндири... Айтинг-чи... Сизни ўшанда... Шу ерда кўриб қолганимда... Бу ерга уни деб келганимдингиз ёки мени дебми?

Бир дақиқалик иккиланишдан сўнг Раймон энди Индианани ишонтира олмасам керак, у барчасидан хабардор деб ўйлаб, жавоб берди:

– Уни деб.

– Шундай дeng, жуда соз, – деди Индиана маъюс тортиб, – бу хиёнатни ҳақорат деб биламан. Раймон, келинг энди очиқчасига гаплашайлик, ўшанда мен келгунимга қадар хобгоҳимда қанча вақт бўлдингиз? Билиб қўйинг, Ральф барчасидан хабардор, хоҳласам, ундан сўраб билишим мумкин...

– Ральфнинг чақимчилигига зормисиз, хоним? Хобгоҳингизга бир кун аввал ярим тунда келгандим.

– Демак, шу ерда тунагансиз, шундайми?.. Сукутингиз тахминимни тасдиқлаяпти.

Бир неча дақиқа ҳар иккиси жим бўлиб қолишли. Индиана ўрнидан

туриб бир нима демоқчи эди, эшикнинг қисқа тақиллашидан қоқкан қозикдай қотиб қолди.

Кимdir эшик тагидан бир энли хат узатиб юборди. Ён дафтарчадан йиртиб олинган вараққа қалам билан қинғир-қийшиқ қилиб: “Эрингиз келди. Ральф”, деб ёзилганди.

## 18-боб

– Бу хабар фирт ёлғон! – деди тутақиб Раймон, Ральфнинг қадам товушлари узоқлашгандан сўнг. – Сэр Ральфнинг суробини тўғрилаб қўйиш керак, унинг суробини тўғрилайман ҳам...

– Сизга бундай қилишни қатъян тақиқлайман, – деди Индиана совуқ ва кескин оҳангда. – Эрим келган, Ральф ёлғон хабар бермайди. Иккимизнинг ҳам кунимиз битди. Лекин менга энди барибир.

– Модомики, ўлимга маҳкум эканмиз, – хитоб қилди Раймон зорланиб уни қучоғига оларкан, – менини бўла қолинг! Барчасини кечиринг, ушбу ҳал қилувчи дақиқада сизнинг охирги сўзингиз севги сўзи бўлсин, менинг сўнгги нафасим баҳт нафасим бўлсин.

– Шу қўрқинчли дамлар ҳаётимнинг энг лаззатли онлари бўлган бўларди. Лекин сиз барчасини барбод қилдингиз!

Қўрғон ҳовлисида извош ғилдиракларининг ғичирлаши эшитилди, сўнгра кимdir катта эшикнинг қўнғироғини жаранглатиб чалди.

– Унинг қўнғироқ чалиш усули менга маълум, – деди Индиана товушга қулоқ тутар экан. – Ральф алдагани йўқ, ҳа, сизнинг қочиб қолишингизга ҳали вакт бор, кетинг!

– Йўқ, кетмайман, – деди Раймон шахт билан. – Мен сотқинликдан шубҳаланаяпман. Сизнинг ёлғиз ўзингизни гуноҳкор қила олмайман. Колиб, кўкрагимни қалқон қилиб сизни ҳимоялайман.

– Ҳеч қандай сотқинлик содир бўлгани йўқ. Эшитаяпсизми, хизматкорлар уйғонишиди, ҳозир дарвозаниям очишиади. Чопинг, чорбоғ дарахтлари сизни ўз қучоғига олади, ой йўлингизни ёритади. Гапни кўп чўзмасдан, кетинг!

Раймоннинг итоат этишдан ўзга чораси қолмаганди. Индиана уни зинапоянинг охиригача кузатиб қўйди-да, нигоҳини дарахтзор ва гулхонага қадади. Атроф жимжит ва осойишта эди. У эрининг келганини ҳам ұнутиб, Раймоннинг күмлоқдаги қадам товушларига қулоқ тутиб турди. Ўзига нима бўлса бўлар, Раймон хавфдан нари юрса, бас!

Раймон кўприкдан илдам қадамлар билан ўтиб, чорбоғ эшиги остонасига етиб олди, лекин ҳаяжонланганидан уни дарров очолмади. Полиз ортига ўтган эди ҳамки, каршисида сэр Ральф пайдо бўлди ва гўё иккови тантанали зиёфатда учрашиб қолгандек, бамайлихотир сўз қотди:

– Худо хайрингизни берсин, калитни ташлаб кетинг. Калит менда бўлса – ҳеч ким шубҳаланмайди.

Бу киноя Раймоннинг иззат-нафсиға тегиб кетди.

– Мен беминнат ёрдам берганларга доим ташаккур айтаман. Сотқинлик ва ҳақорат қилганлардан эса ўч оламан.

Сэр Ральфнинг юзида ўзгариш сезилмади ва унинг овози аввалгидек хотиржам янгради:

– Сизнинг ташаккурингизга зор эмасман ва ўч олишингиздан ҳам қўрқмайман, – деб жавоб қайтарди у. – Аммо ҳозир гап сотадиган вакт эмас, йўлингиздан қолманг. Дельмар хонимни ўйланг.

Шундай деб, у кўздан ғойиб бўлди.

Ушбу тун Раймонга шунчалик кўп ташвиш келтириди, Ральфнинг бир зумда даф бўлганини сехр-жодуга йўйишга ҳам тайёр эди. У тонгда Серсига бир амаллаб етиб борди ва безгак теккандек қалтираб, тўшакка кириб ётди.

Дельмар хоним эса ўзини ҳар доимгидек хотиржам тутиб, эри ва холавачасига пешвоз чиқди. Полковникнинг қовоғи уюқ ва кайфияти тушкун эди. Унинг ишлари юришмагани, хаёли бандлигидан хотинини рашик қилишга ҳам вақти йўқ эди.

Раймон кечга бориб ўзига келди ва саргузашти ҳақида ўйларкан, кўнглидаги муҳаббат сўлиб бораёғанини ҳис этди. У тўсиқлардан чўчимас, аммо кўнгилсизликлардан ҳайиқарди. Индиананинг олдида гуноҳкор экан, энди жувон уни тъяна-дашномларга кўмиб ташлайди. Раймон Ланьида нималар бўлаётганини билиб келиш учун хизматкорини айфоқчиликка юборди. Чопар Дельмар хонимдан қўйидаги мазмундаги мактубни келтириди:

“Ушбу кеча жонимдан ёхуд эс-хушимдан айрилсан керак деб ўйловдим. Бахтимга иккиси ҳам жойида, аммо арз-дод қилмоқчи эмасман, ҳар бало бўлса ўзимдан. Бу бетайн йўлга ўзим қадам босдим, энди чекинишга кеч бўлди. Сиз айбормисиз, йўқми, билмайман, билишнамя истамайман, бу мавзуда қайтиб сираям гап очмайлик, хўпми? Ҳар иккимизга ҳам бу жуда оғирлик қиласди. Сўнгги бор бу мавзуга қайтаяпман.

Сиз менга қувонч баҳш этган бир гапни тилга олдингиз... Бечора Нун! Энди сен самодасан, мени кечир, сен энди азобдан қутулдинг, сен севишни унутдинг, балки менга раҳминг келаётгандир!.. Раймон, менга Нундан кўра сизни кўпроқ севаман, деб айтдингиз. Ҳа, тонманг, сиз шундай дедингиз. Менинг бу гапга ишонишим муҳим, ишонаман ҳам. Кечаги хулқингизни ва куракда турмайдиган гапларингизни кўриб-эшитиб, менда шубҳа уйғонсаям ишонавераман. Сиз ўша дақиқада ҳар ҳолда ҳаяжонда эдингиз, сизни кечираман. Энди эса, ўйлаб кўришга вақтингиз етарли, ўйлаб жавоб беринг: бундай севгидан воз кеча оласизми, йўқми? Мен шу пайтгача охири нима бўлишини ўйламай бутун қалбим билан сизни севдим. Аммо энди Нуннинг тақдирига ўхшаш қисмат мени даҳшатга солаяпти. Оҳ, агар мени ундан-да, ортиқ севсангиз эди... Ҳатто ўйлашга қўрқаман! Нун мендан гўзалпроқ ва мафтункорроқ эди! Нега мени афзал кўрдингиз? Демак, мени бошқача кўз билан кўрган, бошқача туйғу билан севгансиз. Айтмоқчиманки, сиз унинг хуштори бўлгансиз. Хўш, менга хуштор бўлишдан воз кеча оласизми? Агар воз кечишга сўз берсангиз, сизни ҳали ҳам хурмат қиласман, афсус-надоматларингиз ва севгингизнинг самимийлигига ишонаман. Акси бўлса, мени унунинг, биз бошқа кўришмайлик, сизга ўйнаш бўлгандан кўра, надомат чекиб ўлганим яхши”.

Раймон саросимада колди, нима деб жавоб ёзишиниям билмасди. Индиананинг улуғворлиги олдида у ерпарчин бўлганди, аёлнинг ўзи келиб қучоғига отилганидан тониб ва қаршилигига важ топиб тургани алам қилаётганди.

“У мени севмайди, – деган қарорга келди Раймон, – у тошбагир ва такаббур”.

Ушбу дақиқадан бошлиб Индианадан кўнгли совиди. Индиана унинг иззат-нафсини поймол қилди, ғолиб бўламан деган ниятини пучга чиқарди, у кутган ҳаловатдан маҳрум этди. Демак, энди бир вақтлар Нунга бўлган эътибор ҳам бир пул бўлди. Шўрлик Индиана! У бутун вужуди билан Раймонники бўлишни орзу қиласди. У эса Индиананинг эҳтиросли севгиси

қадрига етмади, унинг пок муҳаббатга ишончини тўғри баҳолай олмади. Раймон уни узоқ сева олмасди, шунинг учун уни тушунишни истамади.

Аммо азбаройи ранжиганидан Раймон қай йўл билан бўлсаям Индиананинг васлига етаман, деб онт ичди. Иззат-нафси ни қондиришга, қасос олишга шайланди. Энди у жувоннинг юрагини забт этишни эмас, озор бергани учун уни жазолашни ният қилиб кўйди. У бир кун бўлсаям Индианага хушторлик қилиб, сўнгра уни ташлаб кетиб, ерга урганидан хузур қилмоқчи эди.

Раймон жавоб мактубини дастлаб шундай сўзлар билан бошлади:

“Сизга сўз беришимни истабсиз... Тентаккинам, нега буни мендан сўрадингиз? Сизга нима лозим бўлса, барчасига ваъда бераман. Агар онтимни бузсан, Худонинг ва сизинг олдингда гуноҳкорман. Лекин агар сиз мени чин кўнгилдан севганингизда эди, бундай шафқатсиз синовга гирифтот қилмасдингиз. Индиана, қасамхўр жиноятчидек таваккал ботқоғига итармасдингиз ёки обрўйимни ерга урмоқчимисиз?”

Гина-кудурат уфуриб турган бу сўзлар Раймонга ёқмади ва у хатни йиритиб ташлаб, қайтадан ёзишга кириши:

“Бугун тунда эс-хушимдан айрилай дедим, деб ёзибсиз. Мен ҳам худди шундай ахволга тушдим. Айбор эдим, ақлдан озай дедим. Бу аламли ва рутубатли даққикаларни унугинг. Ҳозир хотиржамман, ҳар томонини ўйлаб кўрдим ва сизга ҳалиям муносибман, деб айта оламан. Ҳудога минг қатла шукур, у менга фариштасини ўйлаб, тўғри ўйлга солди, сизни қандай севиш кераклигини ўргатди. Индиана, буюринг, мен сизнинг қулингизман, биласиз. Ёнингизда бўлиш учун бутун ҳаётимни қурбон қилишга тайёрман, биргина табассумингиз учун умр бўйи қийналсан ҳам майли. Сизнинг дўстингиз, акангиз бўлмоқчиман, бундан ортиғига даъвойим йўқ! Агар ғам чексам, сиз буни сезмайсиз. Ёнингизда турсам, томирларимда қоним жўшса, кўкрагим эҳтиросларга тўлса, қўлларингизни тутганимда кўз олдим қоронғилашса, сизнинг майин ўпичларингизга пешонамни тутсам, албатта, бу сингиллик ўпичлари бўлади, эҳтиросларимни жиловлаб, севгини ақлим-ла тия олардим. Майли, лабларимни теккизишга асло йўл қўйманг. Агарда баҳтингиз учун азобланишим даркор бўлса, ҳар қандай азоб-уқубатга тайёрман. Фақат яна бир бора сизни кўрсан, севаман, деган сўзингизни эшилсан, бас. Ох, шу сўзни айтиб, мени баҳтиёр айланг ва ишончингизни менга қайтаринг, Индиана! Хўш, қачон қўришамиз? Ўша тунги воқеалар нима билан тугаганини билмайман. Нега бу ҳақида ҳеч нарса ёзмаяпсиз, фафлатда қолдириб нега мени қийнайсиз? Карл учалангизни боғда сайр қилиб юрганингизни қўрибди. Демак, Ральф бизни сотмабди! Галати одам, бизнинг тақдиримиз унинг қўлида экан, энди Ланьида қўринаверсам бўлар экан-да, унинг камтарлигига ишониш мумкин экан-да? Мен барибир Ланьига бораман. Пасткашлик қилсан ҳам, обрўйим тўкилса ҳам, зўравонлик қилсан ҳам, сизни йўқотмасам бўлгани, барчасига тайёрман. Сизнинг биргина сўзингизни деб ўзимни ҳар қандай виждан азобига гирифтот этишга розиман. Сиз учун онамдан айрилсан ҳам майли, сиз учун тўғри келган жиноятга қўл уришим мумкин. Ох, Индиана, сизни қанчалик буюк муҳаббат билан севишимни тушунсангиз эди!”

Патқалам Раймоннинг қўлидан тушиб кетди, у ҳаддан ташқари толиқиб, мудраб қолди. Лекин барибири фикрлари тўлиқ ифодаланганидан кўнгли тўлиши учун хатни қайтадан ўқиб чиқди, толиққанидан хаёллари чалкашиб, мияси ғовлаб кетди. У хизматкорини чақириб, қоронғи тушмасдан Ланьига йўл олишни буюрди ва уйкуга кетди.

Дельмар хоним ётмади, у толиқиши нималигини билмай, тун бўйи ёзиб чиқди. Раймондан хат олиши биланоқ шу заҳоти жавоб мактубини ёзди:

“Ташаккур сизга, Раймон, ташаккур! Мени ҳаётга ва кучга қайтардингиз. Энди мен барчасига розиман ва дош бераман, чунки сиз мени севасиз, хеч бир жиддий синов сизни чўчита олмайди. Ҳа, биз яна учрашамиз, хеч нарса бизларни тўхтата олмайди. Майли, Ральф бизнинг сиримиздан вокиф бўлсин, ўзига ҳавола – энди хеч нимадан қўрқмайман. Токи сиз мени севар экансиз, ҳатто эримнинг дағдағалари менга писанд эмас.

Биздаги ахволни сўрабсиз. Кеча бу ҳақда ёзишни унудибман. Ишларимиз чатоқ. Биз синибмиз, Ланьини сотиш ҳақида гап бораюпти, мустамлакага кўчиш ҳавфи бор, ҳозир юрагимга қил ҳам сиғмайди. Шуни биламанки, сиз билан иккимиз сира ҳам ажралмаймиз – сиз шунга онт ичгансиз, мен сизга ишонаман. Раймон, сиз ҳам жасоратимга ишонинг! Ҳеч нарса мени қўрқита олмайди, тўхтата олмайди ҳам. Тақдир сиз билан менинг ёнма-ён туришимизни буюраяпти ва фақат ўлим бизни ажратиши мумкин”.

– Аёлларча баландпарвозлик, – деди Раймон хатни ғижимлай туриб, – хаёлий режалар, ҳавфли табассумлар бемаъни оқибатларга етаклади. Булар худди нордон емак беморнинг иштаҳасини очгандек гап. Мен мақсадимга эришдим, у яна қўлимга қўнди. Унинг менга қилаётган дағдағаси-чи? Ҳали бу ҳақда ўйлаб қўрамиз!.. Уларнинг бари бир гўр, алдоқчи ожизалар, хеч иложсиз нарсаларга ташналар, ўзларини саховат-пеша ҳисоблаб, ошкораликни талаб қиласидилар! Бўса ва эркалашларни писанд қилмайдиган аёл ҳам шунака хат ёзадими?

Раймон эртаси куни ёк Ланьига етиб келди. Ўшанда Ральф йўқ эди. Полковник уни қулоқ очиб кутиб олди ва у билан очиқласига гаплашди. Эркинроқ ҳангомалашиб учун уни чорбокقا бошлиди. У ерга бориб батамом синганини, эртага фабриканинг сотилиши ҳақида эълон қилинишини билдириди. Раймон ёрдам бермоқчи бўлди, лекин полковник рад этди.

– Йўқ, азиз дўстим, шундоқ ҳам Ральфнинг олдида хижолатдаман, у менинг мулкимга сармоя киритган. У билан ҳисоб-китоб қилишини ҳар доим ўйлаб юраман. Ер мулкимни сотсан, барча қарзларимдан кутуларканман. Ростини айтсан, менга ҳеч вақо қолмас экан, аммо менда ирова ва жасорат, ишбилармонлик бор. Келажак қўлимда. Шу пайтгача бироз мулк орттира олдимми, демак, яна бир бора уриниб кўрсан, зарар қиласиди. Бурбон оролида хотинимнинг чоғроқ уйи бор, ўша ерга бориб, барини қайтадан бошлийман. Бир неча йилдан сўнг, камида ўн йил ўтиб, яна кўришармиз.

Раймон полковникка қўл узатди ва жаноб Дельмарнинг келажакка умиди, ўн йилни худди бир йилдай тасаввур қилишини ўйлаб ичиди кулиб қўйди, бошини қашлаётган полковникка қараб, унинг соғлиги путурдан кетганини, ҳеч ким бу дунёга устун бўла олмаслигини ҳам қўнглидан ўтказди. Шундай бўлса-да, Раймон унинг руҳини кўтариб, далда берган бўлди.

– Муваффақиятсизлик қўнглингизни чўқтирганидан хурсандман, бу сизнинг жасоратли ва мард инсон эканингиздан далолат беради. Дельмар хоним ҳам сизга ўхшаб мард аёлми? Сиз Францияни тарк этар бўлсангиз, у рози бўлармикан, нима деб ўйлайсиз?

– Қаршилик қиласиди, деган умиддаман, – деб жавоб берди полковник, – аёллар маслаҳат бериш учун эмас, шукур қилиш учун яратилганлар. Ҳозирча Индианага режаларимни билдирганимча йўқ. Қадрдан дўстим, у сиздан бошқа кимга ҳам дардини ёради. Олдиндан сезиб турибман, кўз ёшлар, дийдиёлар бошланади. Барча аёллар бир гўр! Нима бўлганда ҳам

сиз жонимга оро киарсиз, азизим Раймон? Хотинимга насиҳат қилсангиз, у сизга ишонади. Уни бир бало қилиб кўндириинг, ишқилиб кўз ёши тўкиб ўтирмаса бўлгани!

Раймон эртагаёқ келиб, Дельмар жанобларига берган ваъдасининг устидан чиқишини айтди.

– Чин дўстнинг ишини қиласяпсиз, – деди полковник. – Мен Ральфни фермага олиб кетаман, Индиана билан бемалол гаплашиб олинг.

– Бу ёгини менга қўйиб беринг, – деди Раймон йўлга отланаркан.

## 19-боб

Дельмар жанобларининг режалари Раймоннинг кўнглидаги ўйларни тасдиқлагандек эди. Раймон учун бу севги ўз маъносини ва қадр-қимматини йўқотди, хисоб. Келажакда у фақат ортиқча ташвиш ва бесаранжомлик туғдириши мумкин, холос. Совиган севги саргузаштларидан не наф? Энди сўнгги дамларда у Дельмар хонимнинг ҳиссиётларини кўзгаш билан овунади. Ниятига етгач, аёлнинг таъна ва кўз ёшларига парво қилмай, ўз йўлидан кетади.

Шундай қилиб, эртаси куни у Ланьига қайтди. Бу бечора аёлни қойилмақом қилиб лақиљатишни кўнглига туғиб қўйди.

– Биласизми, Индиана, эрингиз менга кандай хизматни юклиди? – деди у эшикдан кириб келар экан. – Ўзига хос топшириқ! Сизни Бурбон оролига жўнашга кўндириш, мен эса бу ерда қолиб, қалбим ва ҳаётимни емиришим лозим бўлади. Нима деб ўйлайсиз, бегингиз адвокатнинг зўрини топибдими?

Дельмар хоним жиддий тортганини пайқаган Раймон унинг нима дейишини кутди.

– Нега энди менга шуни айтиб ўтирибсиз? – деди Индиана дабдурустдан. – Эрининг айтганига ишониб, кетишга кўнади деб ўйлайпсизми? Хотиржам бўлинг, қарорим қатъий. Икки кечадан бери ҳамма томондан обдон ўйлаб кўрдим, нима қилишни, нимага қарши курашишни, нимадан воз кечиш ва нимадан эҳтиёт бўлишни энди билиб олдим, бу қийин синовдан ўтишга тайёрман. Шундай оғир дамда менга суянчиқ ва маслакдош бўлишга тайёрмисиз?

Раймон унинг совуқконлигидан хушёр тортди. Аёлнинг телбанамо гапларига ишонган тақдирда ҳам, Индиана барибир уни энди севмайди. Раймон Дельмар хоним ҳозир айтган баландпарвоз сўзларини китобларда ўқиган деб ўзига-ўзи тасалли берди. Кейин хаёлпараст маъшуқасининг дидига мос оташин нутқлари билан уни чалғитди. Бу саҳнанинг воқеаларини аввалдан кузатиб келаётган томошибинга маълумки, саҳнада хиёнат ва вафо тўқнаш келаяпти. Ҳиссиётларини бўрттириб, шоироналикини дўйнираётган Раймоннинг сўзлари сунъий жарангласа, Индиананинг айтганлари самимий эди. Индиана чин юракдан куйиб-пишиб гапирса, у тил учида куйларди. Бири айёрлик билан, иккинчиси юрак билан иш туваётганди.

Раймон Индианага улар Ланьини тарқ этмагунча эрининг режасига қаршилик қилмай туришни тайинлади. Чунки хизматкорларнинг шовшув кўтариши ёки Ральфнинг бу ишга аралашиб қолиши мумкинлигини назарда тутганди. Чиндан ҳам Ральф дўстларини оғир кунларда танҳо ташлаб қўя олмасди. У ўзининг Англиядан олиб турадиган фойдасини, Бельгиведаги қасрини ёки мустамлака ерларидаги плантацияларини со-

тиб, пулини полковникка беришни таклиф қилганда, жаноб Дельмар рад этди. Ўнинг Ральфга муносабати совуқлашган, инглиздан қарздор бўлиб қолишни истамасди. Ральф Раймоннинг сўзамоллигини ишга солиб ҳам полковникни кўндира олмасди. Полковник айтган сўзида туриб олди, нима бўлса, пешонамга ёзилганини кўраман, фикрим қатъий, деб унамади. Ральф Бельреведаги қасрни ижарага бериб, Дельмар ва унинг хотинини Бурбон оролига кузатиб қўйиш учун улар билан бирга Парижга кетди.

Ланьидаги ер-мулк ва фабрика сотилишга мўлжаллаб қўйилди. Дельмар хоним учун қиши зерикарли ва ғамгин ўтаётганди. Раймон ҳам Парижга келганди, улар ҳар куни кўришиб туришарди. Раймон унга эътибор берар, эркалатар эди-ю, аммо аёлнинг ёнида бир соатдан ортиқ қола олмас эди. У тушликнинг охирида, полковник иш билан чиқиб кетганда келарди, сўнгра қандайдир зиёфатларга даф бўларди. Сизга маълум оксуяклар давраси Раймоннинг жони-дили эди. Оломон, ғала-ғовур, борди-келдилар унинг учун ҳаводек зарур эди. Гурунгларда очилиб-сочилиб, булбулиг ёё бўлиб кетарди. У дўстлари даврасида суюкли, ёқимтой бўлса, казо-казолар даврасида ёрқин инсонга айланарди. Ҳуллас, қизғин ҳаёт нафаси уфуриб турган жамият Раймон учун бир ватан, қадрдон гўша эди.

Бундан ташқари Раймоннинг ўз тамойиллари бор эди. Полковник унга ишониб дўст бўляяптими, уни интизомли ва садоқатли инсон сифатида намуна қилиб кўрсатаяптими, хотини билан ўзи ўртасида воситачи қиласяптими, демак, бундай ишончни оқлаш керак, шунинг учун у эрхотинни муросага келтиришга ҳаракат қилас, жон куйдиради. У яна улуғ фазилат эгаси, саховатли бўла бошлади, ҳамма нарсага фалсафий назар билан қарайдиган бўлди. Бу қачонгача давом этганини ўзингиз кўрасиз.

Индиана Раймондаги ўзгаришларни тушунмас, ўзини назарга илмаётганидан қаттиқ ранжиб, умидлари батамом пучга чиққанига фаҳми етмасди. Уни алдаш осон эди, бунга ўзи дарров йўл қўйиб берарди. Бутун ҳаёти унинг учун оғир ва мунгли кечаетганди. Эри тоқат қилиб бўлмайдиган даражага келиб қолганди. У одамларнинг кўзига ўзини мард, руҳи тетик, беғам қилиб кўрсатишга уринар, оилавий ҳаётда эса ёш болага айланиб қолганди, жizzаки, бачканга ва қаттиқкўл. Эри аламини Индианадан олар, бунинг учун қисман аёлнинг ўзи ҳам айбдор эди.

Ральф ақлли одам эди, оилавий мажароларга аралашмасди. Дельмар хоним дастлаб эрини ўзига қарши қайраётгандикда ёки Раймонни уйларидан қувишга ҳаракат қилаётгандикда ундан шубҳаланиб юрди. Аммо хоним тез орада ўз шубҳаларининг асоссиз эканига ишонч ҳосил қилди. Полковник де Рамьер жанобларига нисбатан дўстона ва самимий муносабатда эди. Бу эса Ральф Индиана ва Раймон ўртасидаги муҳаббат ҳақида унга оғиз очмаганидан далолат берарди. Индиана холаваччасига ўзининг миннатдорчилигини билдиримоқчи бўлар, аммо у гап бошлиши биланок Ральф ўзини тушунмаганга олар ёки мавзуни бошқа ёққа бурарди. Бу Дельмар хоним учун қалтис масала бўлиб, Ральфга ортиқча савол беришга ботинолмасди. Баъзан унинг бепарво юриши Индианани камситаётгандек туюлар, гунохкор аёл ролига тушиб қолганидан хавфсираётган Индиана оғзига талқон солиб олган Ральф олдида иложисиз ўксиб қолаверарди. Окибатда аёл холавваччасини худбин ҳисоблаб, унга яна совуқ муносабатда бўла бошлади. Пировардида, эрим ва виждоним олдида гунохкорманми, йўқми, Ральфга баривир, деган хуносага келди.

“Унинг аёлларга нафрати шунчаликки, назарида аёлларнинг ҳайвондан заррача фарқи йўқ, – деб ўйларди Дельмар хоним. – Улар ҳақида қайғуриш

ҳатто ҳаёлига ҳам келмайди. Юрагимдаги дарднинг Ральфга нима қизиғи бор? Пишириб берган овқатимни еса-ю, нозик бармоқларим ила чалиб берадиган куйларимни тинглаб маза қилса. Мен бирортасини севаяпманми, пинҳона ишқ оловида ўртана пманми, ўлаяпманми, қолаяпманми, бу ёғи билан иши йўқ”.

## 20-боб

Индиана Раймондан аввалгидек ёзғиришни бас қилди. Йигит ўзини оклаётганда у шубҳа-гумонларининг ортишидан қўрқарди. Индиана Раймон ваъда қилган келажақдан умидини уза олмаётган эди. Жаноб Дельмар ва Ральфлар аёлнинг тоқ қилиб юборди, бу иккала эркакнинг ситамидан яқин орада најжот йўқ ва улардан қутулиш учун хоним ҳатто ўзини сувга ташлашга ҳам тайёр эди. Бошқа томондан, агарда Раймон унинг бошига Нуннинг кунини солса, Индиана оқсочига ўхшаб ўз жонига қасд қилишдан бошқа чораси қолмасди. Бу мудхиш ўйлар уни зимдан таъқиб қилас, юрагининг бир чети доимо хижил эди.

Шу билан бирга уларнинг жўнаш кунлари яқинлашиб келарди. Полковник хотинининг кетишига қаршилигини сезмаётганди. У кун бўйи ўз ишлари билан банд бўлар, қарзларининг баридан қутулиб оларди. Дельмар хоним унинг тайёргарлигини хотиржам кузатиб борар, ўзидан, ўз кароридан кўнгли тўқ, олдинда кутаётган ташвишларга тайёр эди. Авваламбор, Индиана аммаси Карваҳал хонимнинг қўллаб-қувватлашига эътибор қаратиши лозим эди. Унинг кетиб қолишидан аммаси норози эди, чунки кекса маркиза канда қилмай бориб турадиган зиёфатларда Индиананинг ҳусн-жамолини кўз-кўз қилишини ёқтиради. У полковникка хотинини Францияда қолдириб кетишини маслаҳат бераётганди. Унга кўра, Индианани узоқ, толиктирувчи денгиз сафари хавфига дучор этиш золимликка киравмиш, шундок ҳам унинг соғлиғи энди-энди тиклана бошлади, ахир. Карваҳал хоним полковник ёлғиз кетиб ўзига мулк йиғиши лозим деб ҳисобларди. Индиана эса аммаси ҳузурида қолса, уни ўз қаноти остига олиб, унга кўз-кулок бўлиб туради. Аввалига Дельмар жаноблари бу фикрни қари аёлнинг алжираши деб эътиroz билдириди, бироқ кейин Карваҳал хонимнинг таклифига чуқурроқ эътибор бериб, шу йўл билан Индиана унинг меросхўри бўлиб қолиши мумкинлигини тушуниб етди. Жаноб Дельмар пулни яхши кўрар, уни йиғиши учун умр бўйи тер тўкканди, шу билан бирга у мағрут инсон эди. Охир-оқибат у хотинимни ўзим билан бирга олиб кетаман, деб туриб олди. Маркиза ақли расо одам учун пул ҳаётда энг муҳим нарса бўлиб қолмаслиги керак, дея ўйлар ва жаноб Дельмарнинг бу қарорини якуний қарор деб ҳисобламасди. У Индианани оёқ тираб туриб олишга кўндириди, сафардан воз кечса, уни қаноти остига олиб, хулқи билан ўзи шуғулланишга сўз берди. Фақат энг андишасиз ва маккор аёлгина Индиананинг қолишидан асл мақсади эрига хиёнат қилиш эканини била туриб, ундан ўз манфаати йўлида фойдаланиши мумкин. Индиананинг Раймонга кўнгил қўйганини эридан бошқа ҳамма биларди. Дельмар хоним буни сездирмасликка ҳаракат қилаётган бўлса-да, барibir таниш-билишларнинг миш-мишлари онда-сонда Карваҳал хонимнинг қулоғига ҳам етиб бораётганди. Ичи қора, такаббур кампир буни эштиб димоғи чоф бўлди. Унга фақат шу керак эди. Раймоннинг севгиси ҳақидаги гап-сўзлар Индианани ҳамманинг оғзига тушишига ёрдам беради. Бир пайтлар, ёшлигига Карваҳал хонимнинг ўзиям шон-шуҳрат йўлида хеч

нимадан тап тортмасди. Аммо кейинчалик аёллар хулқи тартибга солинди, саройда пок ном қадрлана бошланди. Шу боис Карвахал хоним обрўсини тўкувчи можаролардан нарироқ юрадиган бўлди.

Аммо маркиза учун “ор-номус” деган сўзлар жуда расмий жарангларди. У муҳаббат можароси ҳакида бирор миши-миши эшишиб қолса, қани, охири нима билан тугаркан, дея сабр билан охиригача тинглар, эр-хотиннинг бир-бирига хиёнатини ҳеч ким билмаса, кечираверарди. Борди-ю, ишқий саргузаштлар бошланиб, бу ошиқ-маъшуқлик эл оғзига тушса, завқи келиб, шодланарди. Индиана эҳтиросли маҳбуба, шу билан бирга босик, вазмин аёл эди. Бу ҳол Карвахал хонимда катта қизиқиш уйготиб, у билан жиддий шуғулланишга бел боғлади. Индианага ўхшаган аёлдан мунофиқ жамиятнинг ҳар қандай нуфузли вакилини қўлга олишда, ҳар қандай нозик топширикни бажаришда фойдаланиш мумкин эди. Маркиза унинг соғ қалби ва оташин эҳтиросини ўз манфаати йўлида кўллашни кўнглига туғиб кўйганди. Шўрлик Индианани тақдир аммасидан айириб, уқубатли йўлга бошламаганида, у Карвахал хонимнинг хавфли ҳомийлигидан кўп азият чекарди.

Индиананинг келгуси тақдири Раймонни қизиқтирумай қўйди. Бу каби узок севги уни толиктириб, хафсаласи пир бўлди. Қолган кўнгил – чиқсан жон, кўнгил совигач, ҳар қандай қизиқиш ҳам сўнади-да. Аммо Индиана ҳамон ўзининг хаёлий осмонида сузар, ҳали ҳеч нимадан хабари йўқ эди.

Бир куни тонгда Раймон балдан қайтиб келиб, ўз хобгоҳида Дельмар хонимни кўриб қолди. Аёл бу ерга ярим тунда келган бўлиб, нак беш соатдан бери унинг йўлига нигорон эди. Йилнинг энг совуқ кунлари эди. Индиана ўчиб қолган оташ ўчоқ олдида бошини ушлаганча, сабр билан ўтиради. Раймоннинг келганини кўриб, бошини кўтарди, Раймон унинг рангпар юзида на ўқинч, на таънани ўқиди.

– Мен сизни кутаётгандим, – деди у мулойим оҳангда. – Сизни кўрмаганимга уч кун бўлди. Бу орада сизга айтишим лозим бўлган баъзи воқеалар рўй берди. Сизга уларни тезроқ етказиш учун кечадан бери шу ердаман.

– Бепарволик қилибсизми, дейман! – деди Раймон эшикни шошилмасдан ёпар экан. – Хизматкорларим сизнинг бу ерда эканингизни билишар экан, улар бу хақда менга ҳозир хабар беришди.

– Яширинча келмоқчи эмасдим, – жавоб берди Индиана совуқконлик билан. – Ҳушёр бўлиш мени қизиқтирумай қўйган.

– Аслида “бепарволик” эмас, “тентаклик” дейишим керак эди!

– Мен эса “жасорат” деган бўлардим. Аҳамияти йўқ, бу ёгини эшийтинг. Уч кундан сўнг Дельмар жаноблари Бордога отланаяти. Ўша ёқдан мустамлакага жўнашга келишиб олдик. Менга хавф туғилса, ҳимоя қилишга ваъда берганингиз ёдингиздами? Кеча ўз қарорим ҳакида эримга айтганимда, у мени уйга қамаб кетди. Мен деразадан ошиб қочдим, қаранг, кўлларим қон, мени қидиришаётган бўлишса, ажаб эмас. Ҳозир Ральф Бельреведа, менинг қаердалигимни у билмайди. Дельмар жаноблари мени ўз ҳолимга қўймагунича, яшириниб турмоқчиман. Яшириниш ва бирга қочиш учун жой топиб қўйганмисиз? Сиз билан юзма-юз кўришмаганимизга анча бўлди. Билмадим, балки ниятингиз ўзгаргандир. Бир сафар ишончсиз севги бўлиши мумкин эмас, деб, сизга ноҳақлик килганинга урғу бергандингиз, менинг ноҳақлигимни исбот қилишга урингандингиз. Ўшанда сизга муносиб бўлмай қолищдан қўрқиб, барча ҳадикларимни итқитиб ташломмадим. Севги талабларига жавоб берадиган чин аёллик вазифамни

бажаролмадим. Менга назар солмай қўйганингиздан зорланаётганим йўқ, фақат юзма-юз гаплашиб олишга имкон топмадик, менга бирон-бир изоҳ беришдан бош тортдингиз, мен эса сизга ишониб қолавердим. Худонинг ўзи гувоҳ, жимжитлик ва қўрқувдан юрагим ҳапқираяпти, бемаъни фикрларни миямдан қувиш билан овораман. Энди эсим кирди, ишончим учун мукофот олмоқчиман, ўзимни қурбон қилсам, қабул қиласизми?

Ҳал қилувчи дакиқалар ўтиб бораради. Раймон икки ўт орасида қолган, ўзи ташлаган тузоққа ўзи илинганди. Ниҳоят, у ҳушини йиғиб, ғазаб отига минди ва қош-кўзига қарамай, Дельмар хонимга ўшқира кетди:

– Ақлдан озмадингизми? – деди у ўзини ўриндиққа ташлар экан. – Қандай севгини орзу қилиб юрибсиз? Аллақаёқдаги чўрилар учун ёзилган романлардаги севгиними? Жамият ахлоқини ўрганмаганмисиз?

У ҳаддан ошириб юборганини англади ва хаёлини бир жойга жамлаш учун тўхтади. Индианани ҳақорат қилиб қўйишдан қўрқиб, ўзини босишига ҳаракат қилди.

Бирок Индиана хотиржам эди, охиригача қулоқ осишга шай турарди.

– Давом этинг, – деди у қўлларини кўкраги устида чалиштирганча, юраги муздай бўлиб. – Қулоғим сизда. Ҳали менга кўп насиҳат қилсангиз керак?

“Яна бир севги саҳнасини ўйнаш учун тер тўкишга тўғри келади”, ўйлади Раймон ва гапира кетди:

– Ҳеч қачон! Сира ҳам бундай инъомни қабул қилолмайман! Ўшанда мен бунга қодир эдим, сизга ишонгандим, чирангандим, тўғрироғи, ўзимни ўзим шарманда қилгандим. Зеро, фақат муноғиқ одамгина бундай ишга кўл уради, севган аёлини шармисор қилади. Сиз ўшанда ҳаётни енгил ўйлаб, бирга қочиш режасини тузгансиз, мен эса сизни йўқотиб қўйишдан қўрқиб, рад этолмаганман…

– Энди барчасини обдон ўйлаб қўргандирсиз? – деди Индиана қўлини тутмокчи бўлган Раймонга рўйхушлик бермай..

– Индиана, – эътиroz билдириди у, – наҳотки жасоратингиз билан мени ноҳақ ишга ундаётган бўлсангиз? Сизнинг соғ муҳаббатингизга шу йўл билан содиқ қолишимни истаяпсизми? Менга жавоб беринг, инжиқ ва қалтабин аёл, ҳаловатимни деб ўзингизни менга қурбон қилсангиз ва мен ҳамманинг кўз олдида сизни шармисор қилсам, шунда мени кучлироқ сева оласизми?

– Ўз фикрингизга ўзингиз қарши чиқаяпсиз, – деди Индиана, – сиз билан бўлиш, сизни баҳтли қилиш ниятида эканман, атрофдагилар билан нима ишингиз бор? Ёки мендан кўра сизга уларнинг фикри афзалроқми?

– Оҳ, мен учун афзал эмас, Индиана...

– Унда мен учунми? Иккиланаётганингизни айтмасангиз ҳам сезиб турбман. Сиздаги барча масъулиятни ўз зиммамга олмоқчиман, ташабbusни қўлга оляпман. Ўзингиз келиб мени эримдан тортиб олишингизни кутиб ўтирамадим, бу ерга келишдан аввал ҳатто сиз билан маслаҳатлашмаганмиз, энди барчаси ҳал бўлди, сиздан ўпка-гинам йўқ, номимга иснод келтириб бўлдим, Раймон. Кеча сизнинг йўқлигингизда, хобгоҳингизга келиб ўзимни шарманда қилганимга неча соат бўлганини санаб ўтказдим. Аслида айбезиз ва бегуноҳ бўлишимга қарамай оқсуяклар назарида энди ёмон йўлга кирган аёлман. Кеча одамлар орасида рисоладагидек яшаган бўлсам, бугун энди менга улар шубҳа билан қарайдилар. “Билмайин босдим тиконни, торта-дурман жабрини”, дейдилар-ку...

“Тоқат қилиб бўлмайдиган айёрлик!” ўйлади Раймон ва шу заҳоти гўё унинг мол-мулкини рўйхатга олиш учун келган суд ижроқисини ишонтиришга урингандек, сўз бошлади:

– Жуда ошириб юбораяпсиз, йўқ, дўстим, бу ишга ўйламасдан қўл урган бўлсангиз ҳам бутунлай топталганингиз йўқ. Хизматкорларимни менга қўйиб беринг, ўзим уларнинг оғзини ёпаман...

– Аммо менинг хизматкорларимнинг оғзини ёпа олмайсиз. Улар ҳам ташвишга тушишган, ҳамма жойда мени қидиришайти. Эрим-чи? Наҳотки, у менинг сиримни яширади, дея ўйласангиз? Балки унинг ҳузурига қайтишимни, гунохимни кечиринг, деб унинг оёқлари остига ийқилишимни маслаҳат берарсиз? Яна қайтадан кишанга олинишимни, ҳаётимни, ёшлигимни барбод қилишимни истарсиз? Наҳотки, ўзингиз севган аёлни бошқа бир киши ўз тасарруфига олганда ачинмайсиз? Наҳотки, ўз ихтиёри билан келиб қучоғингизга кирган, сиздан ажралгиси келмаган аёлни бир умр ўзингиз билан олиб қола олмайсиз? Наҳотки, эри уни олиб кетиб ўлдирса-ю, сиз ачинмасангиз, пинагингизни бузмасангиз?

Тўсатдан Раймоннинг миясига бир фикр келиб қолди. Бу аёлни еттинчи осмондан тушириш фурсати етиб келганди. Модомики, ўзини қурбон қилиш учун унинг олдига келган экан, Раймонга эса қурбон керак эмас экан, у Индиананинг бу бемаврид жафокашлигидан фойдаланиш ўйлини ўйлаб топгандек бўлди. Раймон Дельмар жаноблари билан дўст, унинг хотинини яшириб ишончини йўқотолмайди. Шундай экан, у Индианадан кўнгилхушлик учун бироз фойдаланади, вассалом. Йигит мақсадига етиш йўлида яна гап оҳангини ўзгартириди:

– Сиз ҳақсиз, Индиана, мени қайтадан мафтун этаяпсиз, сизга зиён етказмай дея ва олдинда турган тўсиқлардан кўркиб, кўнглим совиган эди. Ҳаддан зиёд эҳтиёткорлигим учун мени кечиринг, ўша эҳтиёткорлиқда масъулият ва чин муҳаббат яширинганига ишонинг. Кўнғироқдай овозингизга жоним садқа, оташин сўзларингиз нақ жонимни олади. Кечиринг, мени кечиринг, ҳозир сиз менини бўлиб турганингизда, мен учун ҳузурбахш дақиқаларда, бошимда бошқа бир ўй ҷарх урайти. Таъқиб қилаётган хавф бартараф бўлгунча сабр қилинг. Менга муҳлат беринг, хавф бартараф бўлсин ва сўнгра инъомингизни оёқларингизга бош уриб қабул қиласай. Бутун ҳаётимда қўрмаган сизнинг сийловингиздан лаззатланай. Қани, ўша аҳмоқ эрингиз сизни қучоғимдан тортиб олиб кетсин-чи? Менинг хазинам! Энди уники эмассиз, меникисиз, дўстимсиз, менинг маҳбубамсиз!..

Раймон бирорвларни ишонтириш учун эҳтиросга берилиб кетганида ҳар доим шу қўйга тушарди, ҳозир ҳам ўз сўзларидан ўзи илҳомланиб кетаётганди. Ахвол тобора оғирлашиб, мавҳум ва тушунарсиз тус олаётганди. Мард валломатлар авлодидан бўлган Раймон қалтис дақиқаларни ёқтирап, кўчадан келаётган ҳар бир товуш хотинини қидириб, қасос учун рақибининг қонини тўkkани келаётган жаноб Дельмарнинг овозидек туюларди. Бу алғов-далғов дақиқаларда севги мазасини тотиш Раймонга хос эди. Чорак соат давомида у Дельмар хонимга эҳтиросларини изҳор этди. Унинг олдида барча нотиқлик маҳоратини ишга солди. Унинг нутқи ишонарли бўлиб, ролни астойдил ижро этажтган эди. Оташин ҳиссиётли бу одам ҳаёт безаги бўлмиш севги санъатини қунт билан эгаллаганди. Ролни азбаройи берилиб ўйнаётганидан, ҳатто ўзи ҳам ҳайратда қолаётганди. Аёл дегани ҳам шунчалик аҳмоқ бўладими? Бир эркакнинг ёлғон севги изхорига лаққа тушиб, ўзини баҳтли ҳис этаяпти, кувончдан ва умиддан баҳридили очилаяпти. Уни кечиришга ва ўзини унга баҳшида этишга тайёр бўлиб турипти.

Бироқ Раймоннинг ўзи шошма-шошарлик билан ҳаммасини барбод

қилди. Индиана ўз оёғи билан келган экан, уни яна бир кеча-кундуз шу ҳолатда олиб ўтирганида, муродига етган бўларди. Лекин кун ёришиб бормоқда эди, қуёшнинг чароғон нури хонани тўлдирди. Кўчадаги шовқин-сурон дақиқа сайин кучайиб борарди. Раймон соатига қараб, етти бўлганини билди.

“Бу машмашани тезроқ тугатиш лозим, – деди у ўзига-ўзи, – ҳадемай Дельмар ҳам келиб қолса керак. Ўшангача Индианани бир амаллаб уйига жўнатиб юбориш керак”.

У мулойимликни йиғишириб, Индиананинг қучоғига тобора дадилроқ талпина бошлади. Лаблари эҳтирос ва сабрсизликдан қақраб кетганди. Шиддат ва ўкинч билан Индианага ёпишганда жувон қўрқиб кетди. Аллақандай эзгу бир рух унинг қалбини қанотлари билан елпиб уйғотгандек бўлди. Индиана кўзини очиб, фаҳш ва ҳаёсизликка қарши курашиш учун ўзида куч топди.

– Мени қўйиб юборинг, ожизлигимдан сизга ён бермоқчи эмасман. Мен сизга севги ва миннатдорчилик изҳори сифатида ихтиёrimни бермоқчи эдим. Токи бу ерда эканман, эҳтиросларимни синашингизга ҳожат йўқ. Ҳали бизни олдинда бутун бир ҳаёт кутмоқда. Виждоним олдида пок бўлиб қолай, аввал олдиндаги тўсиқларни бартараф этай. Нима бўлганда ҳам ҳозир иккимиз қўшилишдан кўра ажралишга яқинмиз.

– Нималар деяпсиз ўзи? – ғазаб билан деди Раймон Индиананинг қаршилигидан эсанкираб.

Раймон қалт-қалт титраб, ўзини бутунлай йўқотиб қўйди ва жувонни зарб билан итариб юбориб, хонада у ёқдан-бу ёққа асабий юра бошлади. Оғир нафас олганидан кўкраги қисилар, боши ғувилларди. Графиндан бир стакан сув олиб охиригача сипкоргачгина у ҳовуридан тушиб, эҳтиросларини жиловлай олди ва Индианага истеҳзоли боқиб, деди:

– Ҳой, хоним, кетар чоғингиз бўлди!

Бу сўзлар ниҳоят Индиананинг кўзини очди ва у Раймоннинг асл ба-шарасини қўрди.

– Рост айтасиз, – деди жувон ва эшик томон йўналди.

– Пальто ва бўйинбонгингизни олишни унутманг, – деди Раймон.

– Ҳа, тўғри, бу далилий ашёлар сизнинг сирингизни фош қилиб қўяди, – жавоб берди Индиана.

– Ҳалиям болага ўҳшайсиз-а, – деди Раймон мулойим, силлиқ оҳангда, ғамхўрлик билан уни ўраб қўяркан. – Ўзингиз яхши биласиз, сизни севаман, сизга хизмат қилиш мен учун шараф. Шошмай туринг, извошни чақираман. Агар иложи бўлганда сизни уйингизгача кузатиб қўярдим. Аммо бу сиз учун ҳалокат дегани.

– Шундай деб ўйлайсизми? Ҳали нажотдан умид бор, демоқчимисиз? – деди Индиана қизиксиниб.

– Албатта, азизам, – жавоб берди Раймон жувондан тезроқ қутулиш илинжида. – Сизнинг йўқлигингизни ҳеч ким пайқамаган. Йўқса, сизни қидириб ёки суришириб бу ерга келишлари, мендан шубҳаланишлари мумкин эди. Аммангизникида ҳимоя топишингиз ҳам мумкин, менимча, бу энг тўғри йўл, аммангиз барчасини текислайди, униқида тунаганингизга ишонишади.

Унинг гаплари Индиананинг қулоғига кирмаётганди. Индиана ялтиллаган том устидан кўтарилиб келаётган қуёшнинг қизғиши, ёрқин нурларига ихтиёrsиз боқиб турарди.

Раймон унинг диққатини чалғитмоқчи бўлди. Индиана у томон бурилиб

қараганида Раймон уни таниёлмай қолди. Жувоннинг ёноқлари мурданикидек оқариб кетган, қовжираган лаблари қимтилиб турарди.

Раймоннинг юраги орқага тортиб кетди. У Нуннинг ўлими ҳақида ўйлаб, Индианага ҳам бирор нима бўлса, иккинчи бор жиноятчи бўламанми, деб довдираб қолди. Ижодкорлиги бу ерда қўл келмаслигини, Индианани энди алдаёлмаслигини англади. Уни авайлабгина ўриндиққа ўтқазди-да, эшикни ёпиб, онасининг хонасига чиқди.

## 21-боб

Де Рамьеर хоним муҳожирлик пайтида оғир ҳаётга кўникиб кетганди, шу боис эрта туриш унга одат бўлиб қолган ва бу одатини ҳозир ҳам канда қилмасди. Фрак кийган ўғли эрталабдан энтикиб, ранги бўзариб кирганида, у фарзанди яна қийин аҳволга тушиб қолганини тушунди. Бундай ҳолатлар Раймоннинг серғалва ҳаётида тез-тез содир бўлиб турарди. Шунда онаси унинг жонига оро киради. Раймоннинг муваффакиятлари ва омади онасиға арzonга тушмас, аёлнинг соғлиғига таъсир қилиб, акс садо берарди. Ўғлининг феълини тушуниш қийин, бир қарасанг совуқ, сиркаси сув кўтармайди, бир қарасанг юмшок, хушмуомала, эс-хушли бир одам. Раймон онасини жонидан ортиқ кўярар, волидаси ҳам доим унга балогардон, ҳар ишда маслаҳатчи ва тиргак эди. Она ҳаммага ўғил муваффакиятларини кўз-кўз қиласи, боласи дуч келган барча хавф-хатарларга қалқон бўлиб, ундан жонини ҳам аямасди, ҳамма ишни ўзи ўйлагандек бекаму кўст бајаришга ўргатарди. Ўзининг фавқулодда бағрикенглиги билан она фақат бир нарсага эришди – ўғли бағритош, худбин одам бўлиб етишди.

Шўрлик она Раймоннинг ташвишли юзига қараб, ўзининг ҳам ранги кув ўчди. Онанинг нигоҳида: “Сен учун тағин нима қиласи, қаёққа чопай?” деган маънони уқиш мумкин эди.

– Ойижон, – деди Раймон де Рамьеर хонимнинг куруқшаган қўлларидан тутиб, – мен ёмон аҳволга тушиб қолдим, сизнинг ёрдамингизга муҳтоҷман. Жонимга оро кириңг. Дельмар хонимни севишимни биласиз...

– Йўқ, бундан хабарим йўқ, – деди Рамьеर хоним таънали оҳангда.

– Билмасликка олманг ўзингизни, онажон, – деди ўғил титраб-қақшаб, – сиз буни билгансиз, фақат менга биринчи бўлиб айтишга тортингансиз. Ўша аёл мени қийин аҳволга солиб қўйди, бошим қотиб қолди.

– Нима бўлди? Гапир, – деди де Рамьеर хоним оналиқ меҳри жўшиб.

– Очигини айтсан, бунда менинг айбим йўқ. Бир неча ойдан бери Индиананинг боши қотган, унга тўғри йўлни кўрсатиб, тинчлантиришга уриндим. Бироқ ҳаракатларим наф бермади. Қайтанга жазаваси қўзиб, хавф-хатарга, саргузаштга майли ортиб кетди. Индиана ҳозир шу ерда, бизницида, хобгоҳимда, у менинг таклифимсиз келган, уни уйдан қандай чиқариб юборишни билмай бошим қотган.

– Бечорагина болам! – деди де Рамьеर хоним, шошилиб кийинар экан.

– Уни тортинчоқ, камсуқум жувон, деб юардим. Ҳозироқ олдига бориб, Дельмар хоним билан гаплашаман. Сен шунга келгансан, тўғрими?

– Ҳа, ҳа! – деди Раймон онасининг меҳрибончилигидан ҳаяжонланиб.

– Уни эс-хушини йиғиб олишга кўндиринг. Албатта, у меҳрибон одамларнинг гапига киради. Балки насиҳатларингиз кор қиласи, ўзини қўлга олар. Шўрлик жувон қаттиқ изтиробда!..

Раймон ўзини ўриндиққа ташлаб, кўзлари ёшланди. Каллайи сахардан рўй берган ноҳушликлар уни гангитиб қўйганди. Онаси у билан бирга

ўтириб йиғлади, унга тинчлантирувчи томчи дори берди-да, ўғлини ёлғиз қолдириб чиқиб кетди.

Де Рамъер хоним Индиананинг олдига кирганида, жувон уни хотиржам ва хурмат билан қарши олди. Унинг қўзларида ёш кўринмасди. Бундай дадилликни кутмаган де Рамъер хоним ўғлининг хобгоҳига bemavrid киргандек тараддуланиб қолди.

Ниҳоят, унга меҳр билан қўл узатганда, Индиана ўзини хонимнинг кучоғига отиб, хўнграб йиғлаб юборди. Иккала аёл бир-бирини қучоқлаб, узоқ кўз ёш тўкишди.

Де Рамъер хоним унга бир нима демоқчи эди, Индиана уни тўхтатиб қолди.

– Ҳеч нарсани гапирманг, хоним, – деди у кўз ёшини артиб, – сиз менинг ярамга малҳам бўладиган сўз топишингиз амри маҳол. Ҳамдардлигингииз ва меҳрибончилигингииз оз бўлса ҳам дардимни енгиллаштираяпти. Энди кетаман. Мени ҳеч нарсага унданманг, нима қилиш кераклигини ўзим яхши биламан.

– Мен сизни кетинг дейиш учун эмас, юпатгани келдим, – деди де Рамъер хоним.

– Бундай илтифот шарт эмас, – эътиroz билдириди Индиана, уни ўпар экан. – Мени яхши кўрсангиз, бас, шу бироз тафтимни олади, аммо менга ҳеч нарса деманг. Хайр! Худога ишонсангиз, мени дуо қилинг!

– Йўқ, сизни ёлғиз қўйиб юборолмайман, – жиддий оҳангда деди де Рамъер хоним. – Ўзим эрингизнинг олдига олиб бориб, сизни оқлайман ва ҳимоя қиласман.

– Оҳ, қандай меҳри дарё онасиз, – деди Индиана, уни қўксига босар экан. – Сиз Раймоннинг сиридан кеч хабар топдингиз. Бугун оқшом бу ҳақда бутун Париж гапиради. Бу машмашага аралашсангиз сиз ҳам таънадан қуруқ қолмайсиз. Бу ғалвага ёлғиз ўзим балогардон бўлишимга рухсат беринг, узоқ азоб чекмайман.

– Бу билан нима демокчисиз? Наҳотки, жиноятга қўл уриб, жонингизга қасд қилмоқчи бўлсангиз? Болагинам, сиз Худога ишонмайсизми?

– Ишонаман. Шунинг учун уч кундан сўнг Бурбон оролига жўнайман.

– Она ўрнида сизни қучоғимга олай, сизга дуолар ўқий, тасаддуқ! Худонинг ўзи сизни ёрлақасин...

– Ёлғиз умидим – Худодан, – деди Индиана осмонга тикилиб.

Де Рамъер хоним извошга одам юбормоқчи эди, аммо Индиана кўнмади. Уйга яширинча қайтаман деб туриб олди. Раймоннинг онаси унинг ғамдан эзилиб турганини кўриб, шунча ялинса ҳам бўлмади, жувон уйигача яёв кетмоқчи эди.

– Кўрқманг, – жавоб берди Индиана. – Раймоннинг сўзлари менга куч бағишилади, шунинг ўзи кифоя.

Палтогоғ ўраниб, тўқима чимматни юзига тортиб, Индиана де Рамъер хоним кўрсатган хуфия йўлдан ўтди-да, уйдан чиқди. Кўчада бир-икки қадам босиши биланоқ оёклари чалишиб кетаётганини сезди. Бироқ кўча шовқини, йўловчиларнинг бепарво юзлари, эрталабки совук ҳаво унга хотиржамлик ва мадор бағишилади. Аммо бу хотиржамлик – тажрибали денгизчилар хавотирланадиган бўрон олдидағи сокинликни эслатарди. У кирғоқ бўйи кўчасидаги олийгоҳдан Конунчилик корпусигача бўлган йўлни босиб ўтди. Кўприкка етишдан олдин дарё ёқалаб шахдам, шу билан бирга мақсадсиз қадамлар билан одимлаб бораради.

У тўлғаниб оқаётган сув бўйига бориб қолганини сезмади ҳам.

Қирғоқдаги тошлар орасидаги музлар унинг оёклари остида чирсиллаб синар, яшил тусли сув Индианани ўзи томон чорларди. Инсон энг қўрқинчли фикрлар тазибиғига ҳам кўниши мумкин экан. Оғир дамларда Нуннинг ибрати Индианани аввалдан хотиржам қилаётганди. Ўзини нобуд қилиш қандайдир тотли туюлар, бу ишнинг оғир гуноҳ эканигина уни тўхтатиб қолмоқда эди. Бироқ у фикрларини бир жойга жамлаётлас, на Худони, на Раймонни эслар, оёклари гўё ўз-ўзидан дарёга қараб юраётгандек эди.

У оёғини сувга ботириб, унинг муздай совуғидан кўзини очди-да, ойпастларга ўхшаб атрофга разм солиб, қаердалигини тусмоллай бошлади. Индиананинг ортида Париж турар, оёклари остида Сена оқарди. Дарёнинг ялтироқ сатҳида оппоқ бинолар ва намчил осмон акс этарди. Сувнинг тўхтовсиз оқими, қирғоқнинг харакатсиз ҳолати унинг тасаввурини аралаш-куралаш қилиб юборганди, гўё сув тўхтаб тургандек, қирғоқ эса оёклари остида оқиб кетаётганга ўхшарди. Индиананинг боши айланди, деворга суюнди, кейин қаттиқ ер хаёл қилиб, секин сув томон интилди. Шу пайт аллақандай итнинг хуриши унинг диққатини тортди. Ит югуриб келиб, жувоннинг атрофида парвона бўла бошлади ва Индиана тўхтаб қолди. Шундан кейин қандайдир эркак киши унинг кўлидан тутиб, қирғоқ бўйида чайкалиб турган қайиқقا ўтқазди. Индиана эркакнинг юзига қараб, уни танимади. Ҳалиги киши уни қуруқ ерга олиб чиқиб, оёққа турғазди, исисин деб, ёмғирпўшига ўради, сўнг исмини айтди. Бироқ бирор нарсани англашга Индиананинг мажоли етмас, жувон икки кундан бери туз totmagандi.

Индиана бироз вақт ўтиб, илиқлик элитиб, рўпарасида тиз чўккан Ральфни таниди. У жувоннинг қачондир ҳушига келишини кутиб, илтижоли боққанча, унинг кўлларини кафтига олиб турарди.

– Нунни учратдингизми? – деб сўради Индиана ҳали ҳам ўзига келмай. Кейин яна сўради:

– Мен Нунни шу йўлдан ўтиб кетаётганида қўриб қолдим. – Дарёни кўли билан кўрсатиб давом этди. – Унинг ортидан бормокчи эдим, етолмадим, чопишга мадорим қолмаганди. Худди ваҳимали тушга ўхшайди.

Ральф Индианага ич-ичидан ачиниб қараб турар, унинг ҳам боши айланиб, фикрлари чалкашарди.

– Бу ердан кетайлик, – деди у.

– Кетайлик, – рози бўлди Индиана ҳам.

– Аввал оёқларимни топайлик, улар ҳув анави тошлар орасида қолиб кетди.

Ральф унинг оёқларининг жиққа ҳўл бўлиб, қизариб кетганини кўрди. У Индианани опичлаб, яқинроқдаги уйлардан бирига олиб кирди. Мехрибон уй бекаси то Индиана ўзига келгунича ғамхўрлик қилди. Бу пайтда Ральф Дельмар жанобларига Индиананинг топилгани ҳақида шошилинч хабар юборди. Аммо у жўнатган чопар полковникни уйида учратмади. Дарғазаб полковник аллақачон қидирувни бошлаб юборганди. Мулоҳазали Ральф эса ҳатто де Рамьер жаноблариникига ҳам кириб чиқишига улгурди. Уйқуси бузилган Раймон уни кинояли гаплар билан совуқ кутиб олгач, Ральф Нуннинг ўлими ҳақида эслаб, қирғоқ бўйлаб чопиб кетганди. Хизматкорлар ҳам Индианани қирғоқдан қидиришаётганди, аммо улар нариги қирғоқда эдилар. Офелия дарҳол бекасининг изини топиб, Ральфни у кетган томонга бошлади.

Аста-секин Индиана бўлиб ўтган воқеаларни хотирлай бошлади. Лекин дарё бўйида тентирағанларини хотирасида тиклашга бекорга овора

бўлар, холаваччасига бир соат олдин нималар деб алаҳсираганини айтиб бера олмасди. Аммо Ральф ҳам сўрамас, Дельмар хонимнинг қай ахволга тушганига ақли етиб турарди. У Индиананинг қўлидан ушлаб, тантанали оҳангда деди:

– Холаваччажон, менга бир нарсани вაъда берсангиз, ўртамиздаги дўстлик учун шунинг ўзи кифоя. Сиздан бошқа ҳеч нима талаб қилмайман.

– Айтинг, – деди аёл, – сизни рози қилишдан бошқа ниятим қолмади.

– Онт ичинг, – давом этди Ральф, – ҳеч қаҷон мени огоҳлантирмасдан жонингизга қасд қилмасликка онт ичинг. Ўз томонимдан мен ҳам суникасдан ўзга чора йўқ, деб топсам, сизга сира тўсқинлик қилмайман, деб қасам ичаман. Олдиндан мени огоҳлантирсангиз, бас. Аслида ўлимга лоқайд қарашимни биласиз-ку, ўзим ҳам бир неча марта ҳаётимга нукта қўймоқчи бўлиб, кейин фикримдан қайтганман...

– Нега менга ўз жонига қасд қилиш ҳақида гапирайпиз? – сўради Индиана. – Мен ўзимни ўлдирмоқчи эмасман. Мен буни гуноҳ деб биламан...

– Боя қўлингиздан тутиб қолдим, мана бу вафодор ит, – Ральф Офелияни силаб қўиди, – қўйлагингиздан тортиб қолди. Акс ҳолда сиз Ҳудони ҳам, бу дунёдаги ҳамма нарсани, ҳатто холаваччангиз Ральфни ҳам унутиб...

Индиананинг кўзларида ёш қалкиди ва у сэр Ральфнинг кўлларини сикиди.

– Нега мени тўхтатиб қолдингиз? – сўради у маъюс тортиб, – ҳозир самода юрган бўлардим. Ахир мен гуноҳ иш қилганим йўқ – сувга қадам босаётганимда ҳушим жойида эмасди.

– Буни биламан. Аммо ўзини ўзи ўлдириши учун одам аввал обдон ўйлаб кўриши лозим. Мавриди билан бу ҳақда бафуржа гаплашамиз.

Индиана титраб кетди: улар минган извош уйлари олдида тўхтаганди. Энди у эри билан учрашиши лозим. Индиана пиллапоядан кўтарила олмасди, Ральф уни опичлаб, хобгоҳига олиб кириб қўиди. Барча хизматкорлар йўқолган бекаларини қидиргани кетган, Лельевр эса нима қиларини билмай, эрталаб келиб тушган мурдаларни кўздан кечиргани ўликхонага йўл олганди. Ральф ҳали батамом ўзига келмаган Дельмар хонимнинг ёнидан жилгани йўқ. Қўнгироқ чалинди – бу полковникнинг келганидан дарак эди. Индиананинг вужудини кўркув ва нафрат қамраб олди. У холаваччасининг кўлларидан маҳкам ушлади.

– Ральф, қулоқ солинг, – деди Индиана, – мени яхши кўрсангиз, бу одамни олдимга киритманг, ҳозир унинг турқини кўрадиган ахволда эмасман. У келиб менга ачинмасин, унинг заҳрини кўтаролмайман. Эшикни очманг ёки Индианани тополмадим деб қўя қолинг.

Ральфнинг кўлларидан ҳали ҳам тутиб турган Индиананинг лаблари пирпираб учарди. Жаноб Дельмар қўнгироқни шунақангиз зарб билан чалардики, ҳар дақиқада қўнгироқ узилиб тушгудек эди. Безовталиқдан Индиана ҳушини йўқотаётганди.

– Унинг ғазаби билан ишингиз бўлмасин. У ҳам ташвишда ва ўзи билан ўзи овора, – деди нихоят Ральф. – Доим мени кўтарарга кўзи йўқ деб ўйлайсиз... эрталаб унинг қанчалик қайғуга ботганини билганингизда эди.

Индиана истамайгина кўлларини бўшатди. Ральф бориб эшикни очди.

– У шу ердами? – қичқирди полковник кириб келаркан. – Бу қандай бедодлик! Уни қидириб, бутун шаҳарни кезиб чиқдим. Шу маҳалда уни жўнатиб юборганинг отасига раҳмат! Хотинимга эса лаънатлар бўлсин! Уни кўргим йўқ, ўлдириб қўйишим ҳеч гапмас.

– Индиана гапларингизни эшитаяпти, – Ральф жаноб Дельмарга шивир-

лаб гапирди. – Унга хозир тинчлик керак. Ўзингизни қўлга олинг, жаноб.

– Ҳаммасининг падарига лаънат! – ўшқирди полковник. – Ҳеч қачон унинг учун бугунгидек ташвиш тортмаганман! Асабларим таранг тортилиб кетди! Иккимиздан қай биримиз хўрландик, ким кўп толиқди, қайсимиз касал – уми ё менми? Уни қаердан топдингиз, нима қилиб юрган экан? Уни деб мияси айниган Карваҳал кампир билан жанжаллашиб қолдим. У илмоқли гаплар билан жиянининг айбини менга ағдарайпти. Лаънати, жуда овора қилди!

Жаноб Дельмар йўғон ва бўғиқ овозда вайсаганча, стулга келиб ўтириди ва ҳаво совуқлигига қарамай, терлаган пешонасини артди. Сўкиниб бўлгач, у минглаб саволлар ёғдирди, аммо биттасига ҳам жавоб ололмади, бечора Ральф ёлғон гапиришини билмасди. Полковникни нима деб юпатса экан? У бошини эгиб, гўё эр-хотиннинг машмашаси унга тааллуқли эмасдек мум тишлаб ўтиради. Аслида ҳар иккисидан кўпроқ азоб чеккан унинг ўзи эди.

Дельмар хоним эрининг койишларини эшитиб, ҳар ҳолда ўзи ўйлаганидек дармонсизланмаётганини сезди. Индиана кўз ёшларини артиб, охирги кучини тўплаб турди. Эри қатъиятли ва ғазабнок кўринишда унинг ёнига келди, аммо хотинининг ундан-да қатъиятироқ эканини кўриб, шаштидан тушди. Назарида Индиана ўзидан кўра бақувватроқ туюлиб кетди. Полковникнинг гап оҳангига ҳам, юз ифодаси ҳам ўзгарди. Аввалига зуғумини баттар кучайтириб кўрмоқчи ҳам бўлди, аммо бунинг иложи йўклигини тушунди.

– Марҳамат қилиб айтсангиз, хоним, эрталабдан бери қаерларда юрибиз? Балки кечадан бери дейишим керакдир? – сўради у бир хотинига, бир ерга қараб.

Эрининг “балки” деган сўзидан Индиана ўзининг йўклигини аввалроқ пайқашмаганини англади ва дадиллашди.

– Йўқ, жаноб, – жавоб берди у. – Буни сизга маълум қилиш ниятим йўқ.

Дельмар ҳайрат ва ғазабдан кўкариб кетди.

– Мендан яширмоқчимисиз? – деди у овози хиёл титраб.

– Йўқ, асло, – ўша оҳангда жавоб берди Индиана. – Аммо ўз тамойилимдан келиб чиқиб, бу саволингизга жавоб бера олмайман. Менга бундай саволлар беришга ҳаққингиз йўқ.

– Ҳаққим йўқми?! Жин урсин! Ким бу ерда хўжайин – сизми, менми? Юбка кийган хотин соқолли эрига бўйсуниши керак-ку, ахир! Мени майна қилмоқчимисиз? Кўлингиздан келмайди!

– Чўрилигимни биламан, сиз эса хўжайнимсиз. Қонун бўйича сиз менинг эримсиз. Оёқ-қўйлимга киshan уринг, ихтиёр сизда, хоҳлаган қўйингизга солинг. Мамлакат қонунларидан келиб чиқиб, ўз ҳукуқингиздан фойдаланинг. Лекин эркимга қўл теккизишга ҳаққингиз йўқ, жаноб. Қалбим фақат Худонинг иродасига бўйсунади. Юрагимни зиндонга тиқа олмайсиз, занжирбанд қила олмайсиз. Бу бўшлиқни чангallаш ёки ҳавони тирнашга уринишдек беҳуда иш.

– Оғзингизни ёпинг, аҳмок, бефаҳм аёл! Романларда ўқиган сафсаталарингиз ҳамманинг жонига теккан.

– Оғзимга уришингиз мумкин, лекин фикрлашимга тўсиқ қўя олмайсиз.

– Гирт аҳмок экансиз-ку! Гапларингиз билан ўзингизга ўзингиз жабр қиласиз. “Кучли” иродангизни бир лаҳзада синдириш қўлимдан келади.

– Билганингизни қилинг, лекин кейин афсусланиб ўтиранг. Эркаклик ғуруурингиз билан мени таслим қилолмайсиз.

– Шунга аминмисиз? – деди полковник Индиананинг қўлларини қаттиқ сиқиб.

– Аминман, – жувоннинг юзидағи ифода ўзгармади.

Ральф олдинга икки қадам қўйди ва поковникнинг метиндек қўлларидан тутиб:

– Бу аёлнинг бир тола сочи тўкилишига ҳам йўл қўймайман, – деди.

Жаноб Дельмар унга бир мушт туширмоқчи бўлди-ю, оқибатини ўйлаб шайтонга ҳай берди, чунки у қилган ишидан пушаймон бўлиб юришни ёмон кўрарди. Шу боис ўзини тутди ва Ральфни нари итариб, деди:

– Бировларнинг ишига аралашаверманг.

Яна қайтиб хотинига юзланди.

– Шундай қилиб, хоним, – давом этди у қўлларини кўкрагига чалиштириб, бу билан уни уриб юборишдан ўзини тийиб, – менинг ихтиёrimга бўйсунмайсизми? Бурбон оролига боришдан бош тортасизми? Мендан ажralmoқчимисиз? Майли, мен ҳам бунга розиман, жин урсин!..

– Энди ажralишини истамайман, – жавоб берди Индиана. – Кеча шуни истаган эдим, аммо бугун бошқача қарорга келдим. Мени уйга қамаб, зулмга йўл қўйдингиз. Деразадан сакраб, зулмингиз бир пул эканини исботламокчи бўлдим. Аёл зотининг эркини бўғишининг оқибати қанақа бўлишини бир кўриб қўйинг энди. Қамоғингиздан чикиб, сайр қилас эканман, ҳаммасини ўйлаб кўргач, бурч ва виждан амрига қулоқ тутиб, яна хузурингизга қайтишга жазм этдим. Ўз ихтиёrim билан қайтар эканман, холаваччам ҳамроҳ бўлиб келди, у мени бу ерга зўрлаб олиб келгани йўқ. Агар йўқ деганимда, у мени мажбур эта олмасди – буни тушунарсиз деб умид қиласман. Демак, жаноб, вақтингизни йўқотманг, барибир мени ўзgartира олмайсиз. Ишончингиз комил бўлсин, куч ишлатиш бефойда. Жўнашга тайёргарлик кўраверинг. Сизга ёрдам бериб, ҳамроҳлик қилишга тайёрман. Бундан менинг ихтиёrimга бўйсунибди, деб ўйламанг, ўзимнинг хоҳишим шу. Сиз менга хўжайинсиз, лекин ихтиёrim ўзимда.

– Эс-хушингиз бу даражада чалғиганидан афсусдаман, – деб елка қисди полковник.

У ўз хонасига қайтиб, ишларини тартибга солишга киришди. Индиананинг қароридан унинг кўнгли тўлди, энди хеч қандай тўсиқ қолмаганига ишонч хосил қилди. Ҳар ҳолда хотини берган сўзларини ҳавога совурмаслигини полковник яхши биларди.

*(Охири келгуси сонда)*



**Сергей ИВАНОВ**

**АЛИШЕР НАВОЙЙНИНГ  
“ЛИСОН УТ-ТАЙР”  
ДОСТОНИ**

(Таржимоннинг асл нусхани  
шарҳлаши тажрибаси)

Рус тилидан  
Абдулла ШЕР таржимаси

Ўтган асрнинг етмишинчи йиллари бошлари эди, “Гулистан” журналида ишлардим. Кунлардан биринча устозим Файбулла ака Саломов қўнғироқ қилиб: “Абдуллажон, сизга таржима учун иккита мақола юбораман, зудлик билан тайёрлаб беринг, “Таржима санъати”нинг наебатдаги китобига киритамиз”, – дедилар. Орадан бир-икки кун ўтиб, дорулғунумиздаги таржима назарияси ва амалиёти кафедраси домласи, таникли шоир, укахоним Тилак Жўра одатдагидек юзи тўла кулги билан хонамга кириб келиб, кўлумга ўша иккита мақолани тутқазди. Улардан бирни машҳур туркшунос олим ва Навоий асарлари таржимони Сергей Ивановнинг мақоласи эди. Биринчи бўлиб ана шу мақолани таржима қилишга киришдим. У иммий истилоҳларининг кўплиги, мумтоз ўзбек шеърияти назарияси билан ўйғилганлиги ва кўп ўринлари мумтоз ўзбек ҳамда рус шеъриятидаги бадиий воситаларнинг қиёсий таҳлилига бағишиланганлиги туфайли таржима учун “ноқулай”, таржимондан муайян билим ва катта меҳнатни талаб қиласарди. Нихоят, сурункали давом этган таҳрирлар билан таржимани бир наев эпладим. Машинкада икки нусхада кўчириб, Тилакжонга етказдим. Лекин нима учундир у чоп этилмади, мен ҳам суриштирмадим. Ҳар замон-ҳар замон, тўрт-беш йил оралаб тифоғилдларни кавлаштирганимда унинг ўзимда сақланиб қолган кўлэзмасига кўзим тушшиб қоларди, лекин уни эълон қилиш ҳақида ўйламасдим, бунинг устига шуролар даврида ўзбекни, унинг адабиётини кўкка кўтарадиган мақолаларни матбуот хуш кўрмасди. Фақат яқинда, “Жаҳон адабиёти” журналига қайта жон кирганидан кейингина уни эълон қилиш фиқри туғилди ва мен мақолани таҳририятга топширдим.

Энди мақоланинг ўзига келсак, уни шўро даврида яратилган ва ҳозир ҳам заррача аҳамиятини ўйқотмаган ноёб ҳодисалардан бирин дейиш мумкин. Гап шундаки, унда фақат “Лисон ут-тайр” таржимаси тажрибалари эмас, балки Навоий даҳоси яратган бошқа асарларни ва жаҳон маданиятига тенгсиз ҳисса бўлиб қўшилган эски ўзбек тилидаги шеъриятни рус тилига ўғириш масалалари илк марта ўртага ташланади. Сергей Иванов ўзбек адабиётига улуг бир ҳурмат билан қараган. Шу сабабдан унинг рус тилига ўзи таржима қилган Навоийнинг кўлдан-кўл лирик шеърлари, ўзи муҳаррирлар қилган даҳо шоиримиз насррий асарларига ёзган сўнгсўзи ҳам юксак маҳорат ва эҳтиром маҳсули сифатида эътиборга молик. “Лисон ут-тайр” таржимасига муҳаррирлар қилган ва унга сўнгсўз ёзган зукко адабиётшунос, ўзбек мумтоз адабиётининг билим-дони Раҳмат Мажидий шундай дейди: “С.Н.Иванов – эски ўзбек тилини яхши

билидиган, улуг ўзбек шоири ва мутафаккири Алишер Навоий ижодини бутун төранилиги билан тушунадиган шоир ҳамда тилшунос олим. Достон таржимаси муваффақиятли чиққани шубҳасиз, таржимон Навоий асари моҳиятини, улуг шоир шеърияти хуш бўйини китобхонга аниқ етказиб берган".<sup>1</sup> Дарҳақиқат Сергей Иванов ўз таржимаси орқали улуг Навоий шеъриятигининг хуш бўйини рус ўкувчисига етказиб бера олган.

Айни пайтда мақоланинг иккى ўрнида андак янглиши фикрлар ҳам бор. Чунончи, Сергей Иванов Навоийни ўзбек адабий тилининг асосчиси деб атайди. Ваҳоланки, ўзбек адабий тилига буюк мутасаввиғ шоиримиз Ҳожа Аҳмад Яссавий ва унинг шогирди Сулаймон Боқирғонийлар XII асрда асос согланлар. Улар ўз ҳикматларида мураккаб қадимиги туркӣйдан чекиниб, жонли ўзбек тилига устуворлик берганлар. Кейинчалик бу тил муайян даражада интеллектуаллашиб, унинг таъсир доираси кенгайиб, бир неча аср мобайнида умумтуркӣй адабий тил вазифасини бажарди: Насими, Ҳасануғли, Фузулий каби буюк озарбайжон шоирлари, Байрамхон, Андалиб, Залилий сингари улуг туркман шоирлари асосан шу тилда ижод этганлар. Навоий эса бу адабий тилини мислсиз даражада бойитган даҳодир. Иккинчи янглиши фикр бундай: "Навоий даврида, ҳатто ундан кейинги даврларда ҳам бадиий таржима тушунчаси мавжуд эмасди", – дейди С. Иванов. Аслида эса, XIV асрда буюк таржимон-шоиримиз Қутб Хоразмий Низомийнинг "Хусрав ва Ширин" достонини таржима қилар экан, унинг муқаддимасида таржиманинг асосий тамоили "кўнгил иши" эканини таъкидлаб, таржимонлик юмуши моҳиятини қўйидагича таърифлайди:

Қазонтек қайнаб уш савдо пишурдум,  
Низомий болидин ҳалво пишурдум.

Бу "назарий" муқаддимадан кейин яна ўша XIV асрда Сайфи Саройи томонидан амалга оширилган Саъдий "Гулистон" таржимаси муқаддимасида ҳам таржима хусусида сўз боради. Сал кейинроқ Ҳайдар Хоразмий Низомий "Ҳамса"сидан "Махзан ул-асрор" достонини ўзбекчага ўгирди. Хуллас, XIV асрда ёзбек адабиётida бир неча ўйирек бадиий асарлар таржима қилинган ва, шеърий йўлда бўлса-да, таржиманинг назарий томонларига эътибор қаратилган эди.

Умуман, бу нуқсонлар муайян маънода жузъий табиатга эга. Агар мустамлакачилик даврида ўзбек мумтоз адабиётига ноҳолис, шовинистик ёндашув хукмрон бўлганини ва бундай ёндашув давлат сиёсати даражасига кўтарилганини ҳисобга олсан, бу хатолар табиий бир ҳолдек туюлади. Муҳими, Сергей Иванов рус таржимашунослигида ўзбек адабиётига бағишлиланган жиҳдий тадқиқот, ҳар жиҳатдан эътиборга лойик илмий асар яратган. Унинг яна бир аҳамиятли жиҳати шундаки, ҳозирги пайтда шеърий таржимага осон иш деб, худди косибнинг бир қолипдаги юмушига қарагандек муносабатда бўлаётган баъзи бир таржимонларимизга бу илмий тадқиқот қайсиadir маънода ўгит бўлиши мумкин. Мақолани ўқиб, бўнга ўзингиз ишонч ҳосил қиласиз.

### Таржимондан

Туркий тиллардан таржималар ҳақидаги назарий ва танқидий адабиёт бой эмас. Шунингдек, адабиётимизда совет таржимонлари томонидан ўзбек мумтоз адабиётининг даҳо намояндаси ва ўзбек адабий тилининг асосчиси Алишер Навоий (1401–1501) шеърий меросини рус тилида қайтадан яратиш таҳлилига бағишлиланган ишлар ҳам йўқ.

Навоийнинг шеърий мероси улкан: олти эпик достон (50 минг мисра атрофида) ҳамда ўзида 50 минг мисрадан ортикроқ ҳажмдаги (ғазаллар, рубоййлар ва бошқа мумтоз жанрлардаги) лирик шеърларни жамлаган девондан иборат. Навоий шеъриятини рус тилида яратиш тарихи ўттиз йиллик муддатни ўз ичига олади. Шу давр ичидаги бениҳоя бой улуг шоир

<sup>1</sup> Алишер Навои. Сочинения в десяти томах. Т. VII. Издательство "Фан", Т., 1970. С 341.

меросининг ярмидан сал кўпроғи – олти достони ва лирикасидан кичик бир қисмгина таржима қилинган. Шу сабабли Навоийни рус тилида яратишдек мушкул ва мураккаб масала ҳал этилди, деб ҳисоблаш мумкин эмас: ҳали шоир лирикасининг катта қисми таржима қилинмаган, унинг шеъриятидаги лирик жанрларни рус тилида яратиш масалаларига ёндашиш тамойиллари ишлаб чиқилмаган, эпик асарлари таржималари борасидаги тажрибалар умумлаштирилмаган ҳамда ўрганилмаган, эпос таржимаси амалиёти ва услубларига доир кўпгина жиҳатлар танқидий ёндашишга, ҳаттоқи қайта кўриб чиқишга муҳтож. Ушбу мақола Навоий шеърияти таржимони олдida кўндаланг бўладиган муаммоларнинг ижодий муҳокамасига муаллиф томонидан қўлдан келганча қўшиладиган ҳисса сифатида **ўйланган** ва “Лисон ут-тайр”<sup>1</sup> достони таржимаси устида ўзи олиб борган иш тажрибасини умумлаштиришга асосланган.

Навоий эпоси таржимаси устидаги ишнинг қийинчиликлари ниҳоятда ўзига хос ва шу сабабдан ҳам муаллиф изланишларидағи ўйтнамолик эҳтимоли унинг ўз тажрибасини китобхон ҳукмига ҳавола этиши билан “оқланиши” мумкин. Зоро, Навоий шеърий асарларининг таржимони ҳам мазмунан, ҳам шаклан ўзига хос ва кутилмаган улкан шеърият дунёсига киради. У бу дунёни тасаввур қила билиши, матнни тушунмоғи ва унинг оҳангига кулоқ тутмоғи, Навоий шеърий услуби ҳамда тасвирий воситалари силсиласидаги бутун назокатни илғаб олмоғи, ундаги тимсоллар тузилиши, бадиий ўзига хосликни англамоғи, қофиялар табиатини ўрганмоғи ва шундан кейингина асл нусхага яқин бўлган маром (ритм) ва Навоий шеъриятига рус китобхонини қадрдонлаштирадиган тасвирий воситалар эквивалентини топмоғи лозим.

Кўриб чиқилиши мумкин бўлган кўпдан-кўп муаммоларнинг ҳаммаси орасидан мен биттасини – **таржимоннинг матн шарҳчиси** сифатидаги ўрни масаласини алоҳида ажратиб олмоқчиман. Матнни шарҳлаш деган анъанавий тушунча филологик шарҳлаш деб аталадиган, яъни матннинг бадиий ўзига хосликларига алоқасиз ҳолда, айнан, унинг мазмунини берувчи таржима тушунчаси билан ўҳшашдир. Шу боис асарнинг таржимасига матннинг бадиий шарҳи сифатида қараш мумкин: модомики, таржимон матнни тушуниши керак экан, унинг матн шарҳловчиси бўлмаслиги мумкин эмас, модомики, таржимон матнни қайта яратиши лозим экан, унинг матн бадиий тузилиши шарҳловчисига айланмаслиги ҳам мумкин эмас.

### **Навоийнинг “Лисон ут-тайр” достони хақида**

“Лисон ут-тайр” достони 1499 йили – Навоий ҳаётининг сўнгги пайтларида яратилган (Навоий 1501 йил январь ойининг бошларида вафот этган). У фактат Навоий шеърий ижодининг сархисобигина бўлмай, балки айни пайтда шоир ҳаёт йўлининг бадиий умумлашмаси, кўпгина ҳасби ҳол ва лирик ўринларни ўзида мужассам қилган асардир. “Лисон ут-тайр”нинг сўнгги бобларида биз достон ижодий нияти баёнини ва унинг яратилиш тарихини, шунингдек, ўз шеърий ижодига Навоий берган билвосита баҳони учратамиз. Демак, достон Навоий ижодини бутунисича тушунишда ҳам муайян аҳамиятга эга.

“Лисон ут-тайр” достони “назира” жанрида, яъни бошқа муаллиф асарига тақлидий жавоб тарзида битилган. Бу жанр Яқин ва Ўрта Шарқ халқлари адабиётларида кенг тарқалган. Маълумки, кўпдан-кўп “Хамса”лар – беш

<sup>1</sup> Алишер Навои. Сочинения в 10-та томах, Т. VIII. – Ташкент, “Фан”, 1970.

достондан ташкил топган, ўз ичида Лайли ва Мажнун, Хусрав (Фарҳод) ва Ширин сингари асарларни мужассам этган анъанавий туркумлар Низомий достонлари туркумига назиралардан иборатdir. Назира жанри муайян асарнинг ўз прототипига боғлиқлиги даражасининг турлича бўлишига йўл қўяди. Унда фабула деталларини ишлаш, сюжетни қўшимча ҳикоятлар билан бойитиш ва ўзгартириш, бадиий қиёфаларни ижодий янгилаш, янги сюжет ҳамда мотивлар киритиш борасида муаллиф мустақил бўлгани ҳолда, фақат сюжетнинг ташки асоси ҳамда асар вазнигагина риоя қилиши мажбурийдир. Маълумки, ижоднинг бу турига таржима сифатида қарашиб ҳакида гап бўлиши мумкин эмас. Навоий даврида, ҳатто ундан анча кейинги даврларда ҳам бадиий таржима тушунчаси мавжуд эмасди. Назираларнинг баъзи намуналари ўзининг дастлабки манбаидан шу қадар узоқлашиб кетар эдик, бунда муаллиф тобелиги борасида факат, Оврўпада Дон Жуан ҳақидаги сюжетнинг Мольер, Байрон ва Пушкин томонидан ишланишидаги қиёсийлик маъносидагина гапириш мумкин.

“Лисон ут-тайр” достонини яратишида Навоийга назира обьекти бўлиб буюк форс шоири Фаридиддин Атторнинг (XII аср) “Мантиқ ут-тайр” достони хизмат қилган. Навоий ўз достонининг умумий тузилишини яратиш жараёнинда кенг қамровли мустақиллик билан иш кўрган. Профессор Е.Э.Бертельснинг хисоблаб чиқишича, достондаги 63 қўшимча ҳикоятнинг факат 12 тасигина Аттор ҳикоятлари билан мос келади, қолган 51 ҳикоят эса Навоий ижодий хаёлотининг мустақил мевасидир<sup>1</sup>.

“Лисон ут-тайр” достонида сюжет асосини ер юзидаги барча паррандаларнинг афсонавий ҳукмдори Симурғни излаб йўлга тушган қушлар саргузаштлари ҳақидаги ҳикоя ташкил этади. Қушлар жуда кўп, турлитуман мусибат ва мушкултларга учраб, атиги ўттизта қолганларидағина, аслида Симурғнинг йўқлигини, уларнинг ўзлари Симурғ эканликларини англайдилар: “си” форсча “ўттиз”, “мурғ” – “куш” демақдир.

Навоий достонида тасаввуф ғоялари – исломдаги сўфиийлик оқими бадиий шаклда ўз ифодасини топган. Симурғ, бу – бутун коинотда ўзини намоён этувчи Яратган – Худо тимсолидир. Ерда ҳаёт кечираётган одамлар – Худонинг кўланкаси, унинг инъикоси. Худога ҳақиқий етишмоқ – унга бўлган муҳаббатда, ўз “мен”идан кечиш воситасида у билан мулокотга киришишдадир. Бироқ достоннинг сўфиийлик асоси атиги бир фонолос, Навоий унда, аникроғи, достоннинг кўпгина қисмида икки хил – ҳам тариқатнинг муайян томонини таърифлаш билан боғлиқ, ҳам унга алоқаси йўқ оҳанг билан йўғрилган қизиқарли ҳикояни ривожлантириб боради. Барча тасаввуфий ҳикматлар жонли ва ёрқин қўшимча ҳикоятлар билан безалган.

Достон композицияси чукур ўйланган. Худо, пайғамбар, чаҳорёр ҳамда мазкур сюжетни ўзидан аввал ишлаган салафи (Аттор)га бағишлиланган анъанавий киришдан сўнг қушлар йиғини, улар орасидаги “ҳокимлик ва тобелик” борасидаги ҳикоя бошланади. Бу йиғинда тождор Ҳудҳуд Симурғга етишиш йўлида қушларни саёҳатга даъват этган йўлбошли сифатида намоён бўлади. Дастреблий йўл қийинчиликлари тасвиридан сўнг, сафар мушкултларидан чўчиган қушларнинг баҳоналари ва уларга Ҳудхуднинг ҳикоятлар билан берган жавоблари акс этади. Бу қисмлар асарнинг тахминан учдан бир бўлагини ташкил этувчи композицион бошланишдир (икки минг мисрадан ортиқроқ). Композиция занжирининг

<sup>1</sup> Қаранг: Бертельс Е.Э. Избранные труды. Суфизм и суфийская литература. – М., Издательство восточной литературы, 1965. С. 417.

навбатдаги ҳалқаси олий муҳаббатнинг (Худога муҳаббатнинг) моҳияти борасида қушлар саволига Ҳудхуд берган киноявий жавоб – шайх Санъон ҳақидаги машҳур қолипловчи ҳикоядир (минг мисрадан зиёдроқ). Шундан кейин достоннинг энг катта қисми (уч ярим минг мисра атрофида) бошланади. Унда қушлар навбатма-навбат ўз шубҳа ва қўрқувларини билдирадилар, Ҳудхуд эса уларга яна гапининг исботи учун мос тушадиган ҳикоятлар келтирган ҳолда жавоб беради. Достоннинг бу қисми етти водийни (Талаб, Ишқ, Маърифат, Истиғно, Тавҳид, Ҳайрат, Фақр ва Фано водийларини) – киши ўз “мен”ининг “боқий моҳият”га сингиб кетишига оид сўфийликнинг етти босқичи ҳақидаги мажозий ҳикоя билан тугалланади. Кейин сюжет кульминацияси – қушларнинг сафар сўнгига кўзгуда номаълум Симурғнинг кўзни қамаштирувчи қиёфасини эмас, балки ўз аксларини кўрганлари ҳақидаги ҳикоя келади. Достон хотимаси – лирик қисмда (етти юз мисра атрофида) Навоий ўзида болалигидан бошлаб Аттор достонига назира ёзиш орзузи бўлганини, олтмиш ёшга қадам қўйганида эса ана шу ниятини қандай амалга оширганини ҳикоя қиласи. Асар анъанавий “ибтидога қайтиш” – Оллоҳга ҳамд билан тугайди.

Сюжет ривожи ўзининг эпик вазминлиги билан ажralиб кўзга ташланади, у доимий равиша қолипловчи ҳикоятлар билан “бўлинниб” туради, бироқ айни шу усул туфайли бадиий синтезнинг мўъжизасига эришилади: сюжетга бевосита алоқадор бўлмаган, кўпинча жанрий лавҳалардан иборат ҳикоятлар достоннинг алоҳида қисмларини бўлиб эмас, балки бирлаштириб туради ва унинг такрорланмас “контра пункти” ҳамда маромини яратади. Достоннинг бундай композицион ўзига хослиги таржима пайтида маълум вазн ва маром танлаш масаласига алоқадордир.

### Матнни шарҳлаш қийинчилеклари ҳақида

Навоий асарларини асл нусхада ўқийдиган киши матнда мазмун борасида оқилона шарҳ талаб этадиган кўпгина “дақиқ” ўринларга дуч келади. Матнни ўқиш ва тушунишда ҳатто мазкур соҳада ихтисослашган ҳамда кўп асрлик қадимий матнларни ўқиш тажрибасига эга бўлган филолог ҳам қийналиши мумкин. Шеърий матннаги маънони “чикариш” кўпинча филологик тадқиқий табиатга эга бўлган катта иш билан боғлиқ. Достон матнидан<sup>1</sup> асл нусханинг баъзи ўринларини шарҳлашда таржимон учун маълум қарорга келиш зарурати туғилганини кўрсатадиган сон-саноқсиз мисоллар мавжуд. Шулардан фақат бир нечасинигина келтираман.

Достонда араб алифбосидаги уч ундош билан белгиланган ва “соф” (“тоза”, “равшан”, “озодалик”, “шаффофлик”, “равшанлик”, “кувонч”) сўзига қарши қўйилган д – р – д<sup>2</sup> сўзи уч марта (уч хил байтда) учрайди. Ундошлар билан ёзилган д – р – д сўзи “дурд” (“қуюқ”, “куюқлик”, “қуйқа”) тарзида ҳам ва “дард” (“изтироб”, “қайғу”) тарзида ҳам ўқилиши мумкин. Зикр этилган сўзларнинг бир-бирига қарама-қарши қўйилиши дастлаб қуйидаги парчада учрайди (асл нусха ва сўзма-сўз таржимани келтираман):

*Мундин айтибдору набиии раҳбар,  
Ким улуска ҳақ сари бўлса сафар,*

<sup>1</sup> Достон таржимаси Ш.Эшонхўжаев томонидан нашр этилган илмий-танқидий матн бўйича бажарилган: Алишер Навоий. Лисон ут-тайр (“Қуш тили”). – Тошкент, “Ўзбекистон”, 1965.

<sup>2</sup> Араб алифбосида фақат ундошлар ва чўзиқ унлиларгина белгиланади (қисқа унлиларни араб ёзуви кўрсатмайди).

*Истасанг йўл касратига адду ҳад,  
Халқ анфоси била тенг бил адад.*

*Ҳам бари д-р-д эмас, ҳам барча соф,  
Биззарурадур улусқа ихтилоф.*

*Бу маҳалда гар гадодир, гар мулук,  
Ҳар бир ўзга йўл била айлар сулук<sup>1</sup>.*

*Об этом сказал пророк-предводитель:  
Если людям доводится быть путниками к истине,*

*И ты хочешь знать число и предел обилию путей,  
Знай, число это равно количеству человеческих душ.*

*Не все – “д-р-д”, есть и “соф”,  
Различия в людях – необходимость.*

*В этом месте и нищие и властители –  
Каждый следует особой дорогой.*

Бу ўринда “д-р-д” сўзини қандай тушуниш керак – “дурд” тарзидами ёки “дард” тарзидами? Умумий мазмуни ва матнаги ўридан келиб чиқилса, бу парча – матннинг бир бўлагини хulosалайдиган панд, ўзидан аввалги бўлакнинг умумлашмаси. Агар бу байтни “ўзича”, яъни мазкур сўзни достоннинг бошқа ўринларидан ҳамда Навоий ва ўзга муаллифлар томонидан кўлланиш тарзининг умумий табиатидан ажратган тарзда олиб кўрилса, у ҳолда икки хил вариантнинг эҳтимоли бор:

1. *Не все – гуща, бывает и прозрачное...*
2. *Не все – страдание, бывает и радость...*

Мазкур матннинг бўлаги ҳикматли хulosса бўлиши учун униси ҳам, буниси ҳам тўғри келади, лекин таржимон уларнинг биттасини танлаши лозим. Undagi кўп жиҳатлар бир қарашда иккинчи вариант фойдасига овоз берадетгандек кўринади. Биринчидан, ўн уч байтдан сўнг худди шундай “д-р-д” ва “соф” сўзларини (араб ёзувида) ўз ичига олган қуйидаги матн келади:

*Топтилар ҳар кимки чекмии эрди ранж  
Ўз сулуку ранжининг хурдида ганж.*

*Чун сулук ичра кўп эрди ихтилоф,  
Кўпраги д-р-д эрди, лекин ози соф.*

*Все, кто претерпевал мучения, обретали  
В возмещение мучений своего пути сокровища.*

<sup>1</sup> Кўчирма ҳозирги замон ўзбек алифбоси бўйича олинди. Қаранг: Алишер Навоий. Асарлар. 15 томлик. 11-т. – Тошкент, Ўззадабийнашр, 1966.

*Ведь на пути много было различий  
И большинство из них – страдание (“дард”) и лишь  
меньшая часть – радость (“соф”).*

Бу ерда вариантни саралаб олиш аник-равшанликни талаб қиласиди. “Дард” (“изтироб”) сўзига унинг “азоблар” (улар бошқа – “ранж” сўзи билан ифодаланган) ҳакида борадиган аввалги байтга боғлиқлиги туфайли афзаллик берилиши лозим. Иккинчидан, “Соқийнома”лардан биридаги “дард” ва “соф” сўзларининг жуда яққол қарама-қарши қўйилиши ҳам ана шундай шарҳлаш кераклигига ишонтиради:

*Будь то страдание (“дард”) или чистое (“соф”)  
единение,  
По любой причине я становлюсь немощным<sup>1</sup>.*

Мавжуд рус ва Оврўпа луғатларида “д-р-д” ва “соф”га тўғридан-тўғри нисбат бериш мумкин бўлган сўзлар йўқ. Бироқ Е.Э.Бертельс томонидан эълон қилинган номаълум муаллифга тегишли тасаввуф истилоҳлари форсий луғати “Миръоти ушшоқ”да (“Ошиқлар кўзгуси”) бу сўзларнинг алоқадорлигига дастак мавжуд. Унда “дурд” сўзи (ўзгача ўқилиши мумкин эмаслигига таъкид бор) қуидагича тушунтирилади:

“Хиссиётни тасвирлашнинг баъзи бир ҳолатлари ҳакида шундай дейилади”. Сўнг шу ҳолатга мисол тариқасида қуидаги байт келади: “Мен қуйқани (“дурд”ни) нўш этувчиilar билан шунчалик дўстлашиб кетдимки, лаззатнинг тоза (“соф”) майини ичимлик ҳисобламайман”<sup>2</sup>. Май қуйқасини (“дурд”ни) тилга олиш Навоий ғазалларида ҳам учрайди<sup>3</sup>.

Шундай қилиб, бизни қизиқтираётган икки сўзни қўллаш мисоллари га ва уларни шарҳлаш манбаларига мурожаат қилиш таржимонни “д-р-д” сўзи ўқилишининг эслатиб ўтилган икки эҳтимолига қайтаради! Хўш, нима қилиш керак? Қайси вариантни афзал кўрмоқ лозим? Биринчи ҳолатда “дурд” тарзида ўқиш мақсадга мувофиқ кўринади. Бундай тушунтириш, бизнинг назаримизда, жиддий асосга эга. Бу асос – форсийзабон ва туркигўй шоирлар шеърий усусларининг ўзига хослигига. Мазкур ҳолатда “ийхом” (“икки маънолилик”, “ғалатликка киритурвчи”) деб аталадиган шеърий усул назарда тутилмоқда. Бу усулнинг моҳияти шундан иборатки, унда шоир ўз асарининг бир жойида маълум биримани ёки сўзларни зидлаб, бошқа бир ўринда, худди шундай ўқиладиган сўзларга бир қадар ўзгача маъно бергани ҳолда, матннинг мазмунан аввалги парчасига ўхшаш бўлагида ўқувчини “тулади”. Менинг назаримда келтирилган мисоллардаги биринчи ҳолатда “қуйқа” ва “шаффоф”, иккинчи ҳолатда эса – “изтироб” ва “кувонч” сўзларининг таққосланганини кўриш асослидир. Айни мана шу сўнгги парчада Навоий “ийхом” усулини кўллади: аввалги матн бўлагида юқоридаги сўзларни “қуйқа” ва “шаффоф” маъносида қабул қилишга тайёрланган китобхонга у кутилмагандан мазкур таққослашни ўзгача маъно бергани ҳолда тақдим этади.

“Д-р-д” ва “соф” сўзларини бириктириш яна бошқа бир байтда ҳам учрайди:

<sup>1</sup> Алишер Навоий. Хазойин ул-маоний, IV т. – Тошкент, 1960, 720-б.

<sup>2</sup> Бертельс Е.Э. Избранные труды. Суфизм и суфийская литература. С. 148. (Таржима меники – С.И.)

<sup>3</sup> Алишер Навоий. Хазойин ул-маоний. III т. – Тошкент, 1960, 48-б.

*Сизда ҳам гар ишқдин бор эрса лоф,  
Айш этинг гар келса ондин **д-р-ду** соф.*

*Если уж у вас так много балтовни о любви,  
Радуйтесь, даже если от нее достанется “**д-р-д**” и “**соф**”.*

Бу байтдаги бизни қизиқтираётган бирикма мен томонимдан биргина “муки” сўзи билан таржима қилинганки, бу (учинчи!) вариант таржи-моннинг ўзбошимчалиги эмас, балки матнни асосли шарҳлашга уринишидир. Асл нусханинг келтирилган байтида “**д-р-д**” ва “**соф**” сўзлари, уларни қўллаш борасида юқорида кўриб ўтилган икки мисолдан фарқли ўлароқ, бир-биридан ажратилмаган, аксинча, бирикма тарзида – улар орасига бириктирувчи боғловчи кўйилган ҳолда тақдим этилган. Бу хилдаги форс-тожик тилидан ўзлаштириб олинган ёки асл туркий тилдаги мураккаб сўзлар, бир-бирига зид тушунчаларни бириктириш воситаси орқали ташкил топган ҳолда, кўпинча бириктирилган сўзлар йифиндиси билан белгиланадиган аҳамиятга эмас, балки қисмлардан фақат **биттаси-нинггина** семантикасини умумлаштирувчи жамлама тарзидаги аҳамиятга эга. “Бор-йўқ” (туркий) ва “буду-нобуд” (форс-тожик) сингари мураккаб сўзларни “нимаки бор бўлса” маъносида таққослаб кўринг (ҳар икки ҳолда ҳам “бор” ва “йўқ” маъносидаги сўзлар бирикади).

Араб алифбосида ёзилган, ўқилиш эҳтимоли турлича бўлган кўпгина сўзлар таржимон учун анча-мунча қийинчилик туғдиради. Шу маънода ўзбек тилидаги (хозирги ўзбек имлосига асосланган) Навоий асарларининг 15 томлигига эълон қилинган “Лисон ут-тайр” достони матнининг транскрипциясида йўл кўйилган хатолар дикқатни тортади:

“Кун” тарзида босилган, “кавн” бўлиши керак эди; “кимки қилса” тарзида босилган, “ким на қилса” бўлиши керак эди; “уқоб” тарзида босилган, “икоб” бўлиши керак эди; “қавм” тарзида босилган “кум” бўлиши керак эди; “ҳар бири” тарзида босилган, “ҳар пари” бўлиши керак эди ва х.к.

Хаттоки, ҳозирги ўзбек имлосига асосланган нашрлардаги тўғри транскрипцияда ҳам омоним сўзларни нотўғри ўқиш натижасида шунга ўхашаш хатоларга йўл қўйилиш эҳтимоли мавжуд. Чунончи, “сўз” сўзи қўйидаги маъноларни билдиради: 1) “слово”, “речь”; 2) “горение”. Шу сабабли 3347-байтдаги биринчи мисра икки хил ўқилиши мумкин: 1) После него никто не обрёл таких же слов, как я... 2) После него никто не обрёл такого горения, как я... (“Сўнгра ондин кимса топмай менча сўз...”). Таржимон барибир тағин ўзи танлаган вариантини асослаши керак!

Шунга ўхашаш ҳолатлар ва бошқа ғалатликларни ҳал этишда таржи-манинг тайёр матни устида муҳаррир Р.М.Мажидий билан ҳамкорликда ишлашим менга катта ёрдам берди. Таржима маъносини аниқлаш борасида бизнинг ҳамкорлиқда олиб борган ишимиизда турли вазиятлар вужудга келган эди: баъзи ҳолларда мен муҳаррир тақлиф қилган нисбатан тўғри ўқиши вариантига сўзсиз кўнар, бошқа бир ҳолатда ўз вариантимда қаттиқ туриб олар эдим, учинчи ҳолатда эса достон матнининг дақиқ парчаларини англаш имкониятларини биргалашиб излар эдик. Муҳаррир ёрдамининг қанчалик аҳамиятга эга эканини тавсифлаш учун баъзи рақамларни келтираман. Умумий сони 3598 байтдан иборат матннаги икки юздан ортиқроқ ҳолатда ўргамиизда муайян мисрага сингдирилган маъно ҳақида баҳс кўзғалди. Мен етмишга яқин байтни Р.М.Мажидий мулоҳазаларига кўра ўзгартирдим. Саксондан ортиқроқ байтни, муҳарриримни ўзимнинг тўғри

ўқиганимга ишонтириб, аввалги ҳолида қолдирдим. Элликдан ортиқроқ байтнинг маъносини тушунишга эса иккимизнинг ҳамкорлиқдаги изла-нишларимиз, баҳслар ва мулоҳазаларимиз туфайли эришдик.

Келтирилган далиллар, бизнингча, бизни асрлар ажратиб турган давр имлосининг тушунарли эмаслиги, бизнинг кунларда аллақачон хеч ким сўзлашмайдиган тилнинг қийинчиликлари, қадимий қўлёзмаларни кўчирган хаттотларнинг эътиборсизлиги ёки ўзлари нусха қўчираётган матнни тушунмасликлари натижасида (бундай ҳодисалар ҳам рўй берган) матнга кириб қолган ғалатликлар туфайли вужудга келган, достоннинг ҳозирги замон китобхонига “коронғи” бўлган ўринлари маъносини юза-га чиқариш борасида таржимоннинг меҳнати нақадар заҳматли эканини кўрсатиши учун етарлидир. Бошқача қилиб айтганда, таржимон ҳали аслиятни ўз тилида бадиий қайта яратишга киришмасидан аввал ундан матннинг “имзосиз” маъносини англаш учун зўр бериб меҳнат қилишини талаб этади. Мазкур иш бажарилганидан кейин беихтиёр киши хаёли-га шундай фикр келади: аслиятдан эмас, балки сўзма-сўз таржимадан ўгиришда факат маъно борасидагина йўл қўйиладиган хато қанчалик кўп бўлиши мумкин! Сўзма-сўз таржиманинг тузувчиси барча ҳолатларда ҳам аслият матнини етарли даражада омилкорлик билан шарҳлаб бера билиши ва ундан муаллиф томонидан шеърга солинган маънонинг айнан ўзини чиқарип олиши мумкин эканини фараз қилиш қийин.

### **Матннинг бадиий тузилиши**

Бироқ таржимонга асосий иш – асарни бадиий қайта яратиш учун биргина матнни “имзосиз” тушунишнинг ўзигина, ишнинг бу босқичи нечоғли мураккаб ва масъулиятли бўлмасин, етарли эмас. Бунинг учун яна асар бадиий тузилиши барча унсурларининг табиати ва вазифаларини англаб етмоқ зарур.

Шарқ шоирлари шеърлари интонациясини тушуниш билан боғлиқ ма-салалар фавқулодда муҳимдир. Бунда интонацияга унинг шеър оҳангига муносабати томонидан кириб бориш ҳам, интонациянинг ўз асарида сўзланаётган воқеага шоирнинг муайян ҳаяжонли муносабати сифатидаги ўзига хослиги ҳам бир хилда аҳамиятлидир. Интонацияни аниқлашнинг факат биргина йўли бор, бу – “ўзи учун” аввалданоқ тушунарли бўлган, шарҳланган матннинг тил тузилишини, маромини, оҳангини зўр бериб ўрганиш ҳамда мазкур муаллиф шеъриягининг руҳи ва у мансуб бўлган ҳалқ шеърий ижодининг анъаналарини тушунишдир.

Кўпинча таржимон томонидан бутунлай ўзгача интонация берилган ғазаллар ва Шарқ шеъриягининг бошқа анъанавий жанрларидағи асарларни ўқишига тўғри келади. Уларда босик, факат гоҳ-гоҳ жилва бериб қолувчи енгил муғомбирлик билан айтилган гап ўрнига муаллифда бутунлай учра-майдиган жўн шоирона “кўтаринкилик” хукм суради; фуссанамо-хаёлий маъюслик ўрнига таржимада мазкур муаллиф ва асар учун кутилмаган ҳамда ножоиз фожеий зўриқиши каби ҳолатлар юзага келади; маъно тар-киби бўйича мусиқий, аниқ маромга солинган мисра ўрнига ногаҳон интонацияси матндан ҳам, умуман, мазкур жанрга тааллуқли интонаци-яни тушунишдан ҳам келиб чиқмаган, балки гўё, Шарқ шеъриятига хос оҳангдорлик ҳамда эҳтирослилик, деб ҳисобланган, аслида эса қандайдир ташки, кўпчилиги ўйлаб топилган тасаввурдан ёки муайян сўзда қандай интонация “бўлиши керак”лиги ҳақидаги таржимоннинг хомхаёлидан

юзага келган сатр лоп этиб пайдо бўлади; ёркин, эҳтимол, бироз соддароқ шоироналиқ ўрнига қандайдир қуруқ хабар рўёбга чиқади ёки аксинча, шоироналиқ бутунлай “ўзгача қалит билан” бураб юборилади.

Борди-ю, таржимон, бир-бири билан қўшилиб, асар шеърий тўқимасини яратадиган энг кичик шеърий “ҳалка” – байтдаги характерли ўзига хосликнинг охиригача чукур кириб бормас экан, унга юқоридагидан камрок хавф таҳдид қиласди, деб бўлмайди.

Байт табиати борасида таржимон учун ҳаммадан аввал унинг мураккаб уйғунлигини назарда тутмоқлик зарур. Ҳар бир байт, айниқса, ғазалларда ички маҳдудликка, “ўзида” тугалликка, маълум фикрий мустақилликка ва матндан ажralиб туришга интилади. Шу сабабли ҳам қадимдан ғазалнинг марварид-байтлар терилган ип билан тенглаштирилиши бежиз эмас. Бирок шоирнинг омилкорлиги ва маҳорати марваридларни деярли кўзга кўринмайдиган ипга тера билиши билан белгиланади. Менинг наздимда алоҳида байтлар ўзаро боғланган ёки боғланмагани ҳақидаги адабиётшунослар баҳсларининг факат бир хилдаги дефиницияларга ружу қўйилгандагина эҳтимоли бор. Улар ҳам боғланган, ҳам боғланмаган – ҳамма гап мана шунда! Бунинг устига, байтлардаги ўзаро боғлиқлик даражасининг турланиб туришини таъминлай билиш шоирлар ижодида энг муҳим бадий усуллардан бири сифатида хизмат қилиб келган.

Буларни эгаллаш маҳорати **маснавий** жанрида яратилган эпик асарларда алоҳида аҳамият касб этади. Мазкур жанрнинг ўзига хослиги – банднинг қурилишида, унда байтнинг иккала мисраси ўзаро кофияланади. Бу ўринда биз байт – иккилиқ диалектик иккиёқламалигининг намоён бўлишини кўрамиз: факат байт доирасидагина мисраларнинг қофияланиши унда байтлари ўзаро кофияланадиган ғазалдагига нисбатан “маҳдудлик”ни кўпроқ таъминлайди; бирок бошқа томондан **маснавий** (унинг эпик хилма-хиллиги билан олганда), бу – кўламли ҳикоядирки, унда байтлар ўзларининг мумкин бўлган барча ажralиб туришларига қарамай, сюжет мантиқий изчиллиги ва ривожининг ягона занжирига киришиб кетмоғи керак.

Маснавий жанрида ёзилган бошқа асарларда бўлгани сингари “Лисон ут-тайр” достонига ҳам бир-бири билан боғланган оз сонли ёки кўп сонли байтларнинг изчиллиги ўзида мўлжалланган яхлитликни мужассам этувчи байт-ҳикматлар билан кесилиб туриши – шеърий оқимнинг шундай бўлиниб туриши характерлидир. Баъзи ҳолларда, сюжетнинг мазмуний вазифасига кўра, матнда тугалланган байт-ҳикматларнинг бутун бир занжири учраши мумкин. Бундай фикрий парчаларни ажратса билиш ва уларнинг қонуний кетма-кетлигини ўзига хос бадий усул сифатида тушуниш таржимон учун шартдир, зотан, факат таржима тилида уларнинг бадий нусхасини яратиш билангина эпик асардаги мураккаб архитектоникани қайта тиклашга еришиш мумкин.

## Вазн ва маром

Вазн ва маром (ритм) шеърни “бошлаб беради”. Уларни китобхон барча бошқа унсурлардан, маълум маънода ҳатто мазмундан ҳам аввалроқ қабул қиласди, чунки вазн ва маромда равшанлашувчи мазмунни билиш учун кўпинча бир неча мисра ёки бандни кўздан кечиришга тўғри келади. Бундан шеърдаги маромий-мусиқий тузилишнинг қалитмонанд аҳамиятга эга экани тушунарли: вазн сайлашга асосланиши, **тўғри оҳанг** танлани-

ши зарур. Лекин уни қандай топиш керак? Шеърий таржиманинг тўғри оҳангидеб нимани хисоблаш мумкин? Вазн ва маромни тўғри танлашнинг бирор-бир аниқ-ҳаққоний андозаси борми? “Асл нусха вазни билан” ёки аксинча, китобхоннинг она тилига мос вазн билан қилинган таржималар ҳақида аллақачон бир-бирига зид мулоҳазалар бутун-бутун жилдларни ташкил этса ажаб эмас. Таржима борасидаги назарий ишлар аслиятни маромий жиҳатдан қайта яратишнинг турли эҳтимолини таҳлил қиласди, лекин таржимон-амалиётчилар ўзлари томонидан бошқа вазнни эмас, балки айни мана шу вазнни танлаганликларининг сабаблари ҳақида жуда кам гапирадилар. Таржималарнинг бундай йўналишда баҳоланиш қамрови чексиз, тўғри, лекин улар ҳеч нимани ривожлантирумайдиган “ғолибларни суд қилмайдилар”, деган ҳикмат чегарасидан нари ўтолмайди.

Яқин ҳамда Ўрта Шарқ шоирлари эпик асарларини таржима қилишнинг ўттиз йилдан ортиқроқ вақт мобайнидаги амалиётида туркигўй ва форсигўй шоирлар эпик маромининг ўзига хослигини рус просодиялари воситасида бериш учун мумкин бўлган эквивалентларни қатъий жиҳатдан англаб етмоқ борасида факат онда-сонда учрайдиган уринишларгина юзага келди. Бу масалалар Л.М.Пеньковский таржима қилган “Фарҳод ва Ширин” достонига таржимоннинг сўз боши тарзида ёзган мақоласида Навоий эпик ижодига татбиқ этилгани ҳолда кўриб чиқилади<sup>1</sup>. Мазкур мақолада муаллиф ўзи танлаган мажбурий эркакча<sup>2</sup> қофияли беш туроқли ямб вазнининг жоизлигини унинг аслият вазнига функционал мос келишини таъкидлаш билан асослайди. В.С.Соколова эса Фирдавсий вазнини рус тилида қайта яратиш мумкин бўлган тамойиллар ҳақидаги масалага бағишлиланган мақоласида аслият вазнининг русча эквиваленти сифатида амфибрахий негизли тўрт туроқли дольник<sup>3</sup>ни тавсия этади<sup>4</sup>.

Туркий ва форс-тожик тилидаги эпосларни таржима қилишнинг бой амалиёти муаммони ҳал этишга турли эмпирик ёндашув намунасини беради. Низомий “Хамса”си достонлари таржимасида қўйидаги вазнлар қўлланилган: анапестик тўқима ва эркакча қофияли тўрт ҳижоли дольник (Г.Птицин, Н.Лебедь), сўнгги туроғи кесилган ва эркакча қофияли тўрт туроқли амфибрахий (М.Шагинян), эркакча ва аёлча қофиялар тартибсиз келувчи икки дольникли вазнлар – олти туроқли ямб<sup>5</sup> (К.Липскеров), беш туроқли ямб (П.Антокольский), етти туроқли хорей<sup>6</sup> (В.Державин)<sup>7</sup>. Уша туркумдаги Навоийнинг (“Хамса”даги) достонлари таржимасида эса бир хил йўл қўлланилган: эркакча қофияли беш туроқли ямб (Л.Пеньковский, С.Липкин, В.Державин)<sup>8</sup>. Туркумнинг беш достони ҳам турли вазнда ёзилгани учун Навоий эпоси таржимаси вазнининг бундай бир хиллиги шартли табиатга эга.

<sup>1</sup> Алишер Наваи. Фарҳод и Ширин. Перевод Льва Пеньковского. – М., Гослитиздат, 1946. С. 29-33.

<sup>2</sup> Эркакча, аёлча, дактиль – рус шеърий нутқидаги қофиялар турлари. Эркакча қофияда ургу қофия бўлиб келган сўздаги сўнгги ҳижога; аёлча қофияда – сўз охиридан иккичи ҳижога, дактилда эса сўз охиридан учинчи ҳижога тушади. Эркакча қофия – қофия бўлиб келган сўзини эркакча тур (мужской род)да тугаши билан, аёлча қофия аёлча тур (женской род)да тугаши билан белгиланади, дактиль қофия эса рус шеърий нутқида уч бўғинли туроқлар билан ёзилган шеърларда қўлланилади.

<sup>3</sup> Дольник – рус шеърий нутқидаги мисрада ургуларнинг тенг келишини таъминлайдаган вазн. Ургулар оралиғида одатда бир-икки ургусиз ҳижо иштирок этади.

<sup>4</sup> Соколова В.С. Опыт поэтического перевода «Шах-намэ». Вестник Ленинградского университета. 1947. №2. С. 107-120.

<sup>5</sup> Ямб – рус шеърий нутқидаги ургу ҳижолар оралаб қатъий тартибда тақрорланадиган вазн.

<sup>6</sup> Хорей – рус шеърий нутқидаги ургусиз ҳижо, ургули ҳижодан кейин келадиган икки бўғинли туроқлардан иборат вазн.

<sup>7</sup> Низами. Избранные произведения. «Библиотека поэта». Большая серия. – М. – Л., «Советский писатель», 1947.

<sup>8</sup> Алишер Наваи. Сочинения в 10-ти томах. Т. III-VIII.

Навоий эпик вазнини таржимада бериш учун беш туроқли ямб танланишининг кўзда тутиладиган исботи сифатида ёмон ном чиқарган эквиритмиклик тамойили олинган: эркакча қофияли беш туроқли ямб бўғинларининг сони (10) аслият бўғинлари сонига (11) яқин. Аслиятнинг барча беш хил вазнида хижолар сони бир хил, бу ҳолат аруз вазнидаги маълум ходиса – бўғинлар сонини тобе аҳамиятга, узун ва қисқа ҳижоларнинг навбатма-навбат келиш табиати ҳамда руқнлар изчиллиги эса ҳал қилувчи аҳамиятга эга эканлиги билан изоҳланади.

Навоий кўллаган эпик вазнларга беш туроқли ямб функционал мос келади, деган даъво баҳсталаб ва заифдир. Туркий тилдаги шеъриятда эпик асарнинг ҳар бир мисраси катта оҳангдорлик, текис ва кенг “нафас” билан характерланади. Беш туроқли ямбнинг бундай нафас учун кенглик бериши маҳол. Агар рус тилидаги сўзлар туркий тиллардаги сўзларга қараганда, ўртacha олганда, катта экани ҳисобга олинадиган бўлса, бу фикрнинг яна ҳам асосли экани ойдинлашади. Мана шу бир ҳолатнинг ўзиёқ аслият мисрасидагига қараганда русча таржима мисрасида бўғинлар сони кўп бўлиши кераклигини таъкидлайди<sup>1</sup>.

Таржимада сатрнинг “эркинлиги” ва мисранинг кенг “нафас олиши” ҳакидаги масалага қофиянинг табиати масаласи ҳам бевосита алоқадор. Туркий тиллардаги ургунинг сўнгти бўғинга тушиши қонуниятига асосланган ҳолда, русча таржималарда фақат биргина эркакча қофияларнинг танланишини етарлича асосланган, деб ҳисоблаш мумкин эмас. Таржимада нуқул эркакча турловчи қўшимчали беш туроқли қисқа мисра улкан эпик хикоя давомида (Навоий достонлари 7 мингдан то 10 минг мисрагача) Навоий эпосига аслиятда учрамайдиган оҳангдаги бир хиллилик ва “мудратувчилик” хусусиятини бахш этади. Бу факт танқидий адабиётда бир неча бор таъкидланган. Бундан ташқари, мадомики, таржимада аслиятта тахминий маромий яқинлик яратишга уриниш ҳакида сўз кетар экан, у ҳолда айтиш керакки, туркий шеърлар мисрасининг охири ўзининг узун сўнгги бўғини билан рус тингловчисида эркакча – ямб қўшимчасидан кўра, аёлча – хорей қўшимчаси таассуротини қолдиради. Буларнинг ҳаммаси туркий эпик шеъриятни русча таржимада қайта яратиш воситалари ҳакидаги назарий масала нафақат ҳал этилмаганидан, балки ҳатто у барча мавжуд жиҳатлари нуқтаи назаридан қараб ҳам чиқилмаганидан далолат беради.

Бироқ таржима амалиётига қайтайлик. Мазкур мақола муаллифи олдида “рамал” баҳрида ёзилган “Лисон ут-тайр” достони мисраларини рус тилида бериш учун муайян вазнни танлаш масаласи турад эди. Бу ўлчов аслиятда уч руқндан – икки тўрт ҳижоли ҳамда бир уч ҳижоли руқндан иборат бўлиб, узун ва қисқа ҳижоларнинг кетма-кет келиши қўйидаги тартибда: – v – / – v – / v –. Мен тинишсиз эркакча ва аёлча қофиялар билан алмашиниб келувчи тўрт туроқли анапестни танладим (мисрада 12-13 бўғин). Танлаган йўлимнинг маълум маънода шартлилигини ва бошқа нуқтаи назарлар ҳам асосланиши мумкинлигини англаганим ҳолда, мен айни пайтда ўз танлаган вазнимнинг ҳимояси учун баъзи бир далиллар келтираман.

Достон шу пайтгача тўлиқ таржима қилинмаган. Н.Лебедев<sup>2</sup> ва

<sup>1</sup> Шуниси ҳам борки, ғазаллар таржимаси борасида бу тамойилдан чекиниш, афтидан, муқаррар, чунки ғазаллардаги қофиясиз тоқ сатрларнинг узунлиги русча таржимада шеърни деярли вайрон қиласди. Лекин бу – алоҳида мавзу.

<sup>2</sup> Навои. Стихотворения и поэмы. «Библиотека поэта». Малая серия. – М. – Л., «Советский писатель», 1965. С.605-611.

К.Липскеров<sup>1</sup> таржимасида биргина парча бор. Н.Лебедев сўнгги туроғи кесилган (яъни эркакча қофияли) ва тоқ (биринчи, учинчи ва бешинчи туроқларининг биринчи ҳижоси доимий пиррихияли олти туроқли хорейни танлаган (❑ – / - - / ❑ – / - - / ❑ – / -):

*Эта мысль была в мектебе рождена  
В дни, когда твердил я божьи имена,  
  
В дни, когда с детьми другими свой урок  
Я учил, запоминая ходы строк.  
  
Но когда от повторенья слов одних  
Голос детский становился слаб и тих,  
  
Наш учитель, просветляя бедных нас,  
Заставлял читать поэта стройный сказ...*

Худди шу парчанинг ўзи К.Липскеров томонидан ҳам пиррихийлар тақсимоти бошқача ва тинишли (дастлабки икки байтдан ташқари) ўша вазнда таржима қилинган:

*Все это восходит в памяти моей:  
Помню издалека время детских дней.  
  
Громко голосила в школе детвора,  
Свой урок твердила с самого утра.  
  
И когда всех обессиливал урок,  
И в словах аллаха был уж малый прок, –  
  
То учитель, чтоб узнать учеников  
Вызывал ребят на чтение стихов...*

Таржимада вазннинг бундай ўзига хослиги мисраларга вазмин эпик интонация эмас, балки қандайдир “йүйинқароқ” бетиним интонация бергани сабабли бу вазннинг ҳар иккала кўриниши ҳам менга бутунлай номақбул туюлди. Менимча, бу таржималар муаллифларига, агар биргина парчани эмас, балки бутун достонни таржима қилишга тўғри келганида, эҳтимол, улар мазкур ўлчовдан воз кечган бўлур эдилар.

Таржимада вазн танлашнинг ягона асосли йўли, менимча, функционал мослик тамойилидир. Бунда аслият тингловчиларида асл нусханинг вазни қандай таассурот қолдирса, рус тингловчиларида ҳам тахминан худди шундай таассурот қолдирадиган бир неча рус ўлчовларидан жуда бўлмаганда аслиятга маромий жиҳатдан минимал ўхшашлиги борини танлаш лозим. Функционал мослик тамойилига кўра, туркий эпосни рус тилида бериш учун менга икки дольникли вазнлар эмас, балки аслиятнинг вазмин интонацияси осон амалга ошадиган уч дольникли вазнлар кўпроқ мақбул кўринади. Рус уч дольникли вазнларидаги урғули ва урғусиз бўғинларнинг кескин қарама-карши қўйилиши мисранинг равонлигини кўпроқ таъминлайди. Б.В.Томашевский уч ҳижоли ўлчовлардаги урғу икки ҳижоли ўлчовлардагига нисбатан анча равон эканини ҳаққоний

<sup>1</sup> Антология узбекской поэзии. – М., Гослитиздат, 1950. С.156.

таъкидлаган эди<sup>1</sup>. Айни мана шу уч хижоли рус вазнларидан узун ва қиска бўғинлар кетма-кет келувчи туркий шеърнинг маромий эквивалентини изламоқ лозим, чунки бу ўлчовлардаги ургули бўғиннинг ажralиб туриши ва шунга яраша ургули унлининг чўзиқлиги туркий аслият чўзиқлигига самарали ўхшашлик яратади. Уч дольникли вазнлар ичидан "Лисон ут-тайр" достонида учрайдиган турли хил – патетик, жанрга хос, киноявий, лирик интонацион маъно ургуларини беришда кўпроқ қўл келадиган кўрингани учун мен анапестни маъкул кўрдим. Бундан ташқари, афтидан, анапестда эпик бошланишнинг интонацияси ёрқинроқ акс этган, унда ургу мисра бошида эмас – учинчи хижода.

Мен танлаган ўлчовдаги мисранинг узунлиги (12-13 бўғин) достоннинг 11 бўғиндан иборат туркий мисрасига тахминан мос келади (рус ва эски ўзбек тилларидағи сўзлар узунлигининг киёси ҳақида юкорида айтилган фикрни эслайлик). Мисранинг бундай узунлиги, менимча, интонациянинг оҳангдорлигини ҳам, керакли маънони сингдиришни ҳам ва, табиийки, "нафас" эркинлигини ҳам таъминлай олади.

Алоҳида сарлавҳага эга бўлган ҳар бир парча доирасида байтлардаги қофиялар менинг таржимамда қуйидаги тартибида: ҳар бирида мисралар аёлча қофиялар билан боғланган икки байтдан кейин эркакча қофияли байт келади. Қофияланишнинг бундай тартиби маълум даражада шартли табиатга эга ва мисра оқимиға хилма-хиллик киритиш мақсадини назарда тутади. Менга аёлча қофиялар аслиятнинг сўнгги узун унлисига маромий ўхшашлик яратиш учун кўпроқ мос кўринди, бироқ нукул фақатгина аёлча қофияларнинг кетма-кет жойлашуви оҳанг бир хиллигини келтириб чиқариши мумкин эди ва мен шу сабабдан ҳам уларни эркакча қофиялар билан 2:1 нисбатида алмашиниб келадиган қилдим. Мен бу тартибимда бошқа таржималар тажрибасига суюндим<sup>2</sup>.

Вазн танлаш, юкорида айтилган барча холатлардан ташқари, мисра интонациясини қайта яратиш вазифасига бўйсундирилиши лозим. Навоий достонида мисра вазни интонацион "тўлдирилиши"нинг умумий қурилиши ниҳоятда босик. Навоий ҳеч қаерда "юксак" шеърият услубидаги ошириб юборишларга йўл қўймайди (зотан, бу Навоий салафларидан бошлаб давом этиб келаётган энг яхши шеърий анъаналарнинг бузилиши бўлур эди). Навоий шеърининг мисралари ортида доимо донишмандларча фикрни бир жойга тўплаш, ақл билан назорат қилинган туйғу, энг тежалган воситаларни изловчи ўтқир зеҳн кўриниб туради.

Бу борада, умуман шуни айтиш керакки, Яқин Шарқ шеъриятидаги "дабдабалик", "бежамадорлик" ва шунга ўхшаш бошқа аломатлар ҳақидаги кенг тарқалган фикр муболағага асосланган ҳамда моҳиятан нотўғридир. Бу фикрнинг келиб чиқиши – мумтоз форсигўй ва туркигўй шоирлар ижоди устидан эмас, балки Яқин ва Ўрта Шарқ мамлакатлари бадиий сўз санъати тараққиётининг барча даврларида ҳам керагидан ортикроқ бўлган тақлидгўй-назмбозлар асрлари устидан кузатиш оқибатидир. Шарқ муаллифларидағи юксак сўз маданияти (маълум маънода ҳатто сўзга сифиниш) жамиятдаги хилма-хил доираларда шеъриятнинг кенг оммалашгани, мактабларда тилни кўпроқ шеърий нутқ намуналари асосида ўргатиш тартиби, шеър техникасидаги юксак тараққиёт таълимдаги муайян босқични ўтган деярли ҳар бири киши шеъриятнинг ташки

<sup>1</sup> Томашевский Б.В. Стих и язык. Филологические очерки. – М. – Л., Гослитиздат, 1959. С. 57.

<sup>2</sup> "Йўлбарс терисини ёпинган паҳлавон"нинг Н.Заболоцкий таржимасидаги эркакча ва аёлча қофияли бандлар тартибини қиёсланг.

белгилари ва зарур бўлган “ўқишига қулайликлари”ни сақлагани ҳолда, шеър тўқиши мумкинлигини таъминлар эди. Маълумки, шеър билан шаклбозлик қилиш Темурийлар даври (XV аср) форс-тожик шеъриятига бамисоли тўлқиндек тошиб кирган.

Бирор Навоий улкан истеъоддага эга шоир эди ва унинг асарларида, хусусан, эпик ижодида ёрқин дохиёна миқёсийлик белгилари мавжуд: унга шаклбозлик найранглари ва атайнин вужудга келтирилган баландпарвозлик керак эмасди, унинг қудрати қулоқ йирттар жаранг-журунгларга зор бўлмаган ҳақиқий шоироналиқда эди. Мен Навоий шеъриятидаги вазмин интонацияни қайта яратишни ўзимнинг бош вазифаларимдан бири, деб билдим.

### Банд ва тимсол

Юқорида Навоий эпик ижодидаги байтнинг табиатини тушунишга доир масалалар ҳақида гапирилган эди. Энди мана шу масалаларга байт – иккиликтин бандий бирлик сифатида қайта яратиш тамойиллари билан боғлиқ ҳолда, қисқача тўхталиб ўтиш зарур. Таржимон томонидан байтга синчиклаб эътибор берилишининг зарурлиги унинг бадиий вазифалари хилма-хил эканлиги билан белгиланади. Байт – матннаги банд қурилишининг бирлиги ва бадиий тимсол “қобиги”, айни пайтда у ҳикоя қилишдаги фикр бирлиги ҳамдир. Деярли ҳамма вақт байт, бу – тугалланган, маълум маънода ўзи билан чекланган тимсол. Умумлаштириб айтганда, байтни қайта яратиш – тимсолни қайта яратишдир. Навоийда анъанавий тимсоллар (лаблар – ёкут, кўзлар – наргис; ақлдан озган бебахтга тош отаётган болалар; тилсим-хазиналарни қўриқловчи бойкушлар ва ҳ.к.) билан бир қаторда хайратланарли даражада бақувват ва янги тимсоллар бор. Мана, масалан, пайғамбарнинг мъерожга чиқишини ҳикоя қилувчи парча:<sup>1</sup>

*И ещё миновал он два неба сверх мрака,  
И предстал ему купол высот зодиака.*

*И предстал ему Овен в том горнем полёте,  
И настиг он Тельца, словно лев на охоте.*

*И склонились перед ним Близнецы для услуг,  
Даже Рак расправился и двинулся вдруг.*

*Лег к ногам его Лев, как собака, покорно,  
И Колосья, как жемчуг, рассыпали зерна.*

*И Весы равновесье душе его дали,  
И отраву убил Скорпион в своем жале.*

*Полумесяцем лук свой поставил Стрелок,  
Золотою газелью предстал Козерог.*

<sup>1</sup> Бу ерда ва бундан кейин, ўз таржимасидан баязи мисоллар келтирар экан, мақола муаллифи, маълумки, уларни намунали деб ҳисоблашдан йирок: бу – факат мақолада баён қилинган тамойилларни қўллаш асосида таржимага оид вазифаларни ҳал этишга яқинлашиш йўлидаги уринишdir, холос (тарж.).

*Водолей взял в речах его влагу живую,  
И для Рыб в них журчали живящие струи...*

Ҳикматлилик – байтнинг ўзига хос идеали. Бу хусусиятини байт фақат эпик асарда сюжет ривожини тезлаштириш зарурати туфайлигина йўқотиши мумкин. Шунинг учун ҳам байт маъносини очиш қийин бўлган ҳолларда ундан, қонуний тарзда, ҳикматли фикр қидириш лозим, зотан, кўп ҳолатларда ундан айнан ана шундай фикр юзага чиқади:

*Искра к небу взвивается смелым полетом,  
А ничтожную муху влечет к нечистотам...*

*Разве всякий, кто хвалился славою, славен?  
Разве муж похвальбою неправою славен?..*

*Если пастырь не знает, где корм, где вода,  
Значит паства погибнет, погибнут стада...*

Навоий услугбининг соддалиги тасаввуфий мазмундаги тимсоллар учун ҳам характерлидир. Тасаввуф рамзийлигининг бутун ўзига хослигига қарамай, Навоийда бу тимсоллар содда, ҳатто равшан ифодаланган, дейиш мумкин: рамзийликнинг ифодаси эмас, балки унинг ўзи мураккаб.

Сўздан ва уни кашф этиш имкониятларидан завқланиш яна шунда кўринадики, шоир байт доирасида тез-тез сўз ўйини қиласди. Табиийки, матннинг бундай ўзига хослигини қайта яратиш таржимондан ўшанга мос ўриндош талаб этади.

## Қоғия

Эски ўзбек тилидаги шеърият қоғиялари орасида турли сўзларнинг бир хил грамматик кўринишларидан – келишикларнинг ўхшаш шаклларидан, муайян бир замонга тааллукли феъл шаклларидан, равишдошларнинг бир хил кўринишлари ва ҳ.к.лардан иборат қоғиялар каттагина ўрин эгаллади. Бундай қоғияланниш фақат **маснавий** (яъни, икки мисра доирасидаги жуфт қоғияли) жанрида ёзилган асарларгагина эмас, балки бир хил грамматик шакллар 7-11 (баъзан эса бундан ҳам кўпроқ) байт давомида қоғияланган ғазалларга ҳам тааллукли.

Бунга ўхшаш қоғияларни русча таржимада қайта яратиш эстетик мулоҳазалар туфайли мақсадга номувофиқ ва грамматик сабабларга кўра мураккабdir. Маълумки, рус шеъри морфологик жиҳатдан бир хил қоғиялардан кочади, зотан, таржимада қоғияларни бундай тизиши (ходил – просил – вонзил... домами – садами – прудами... сверкая – слагая – считая...) таржиманинг бадиий савиясини ниҳоятда тушириб юборган бўлур эди. Лекин гап фақат бундагина эмас. Ҳатто таржимон, гарчанд, бундай зарурат билан келишса-да, бу хилдаги қоғияларни қайта яратиш тилнинг грамматик қурилишидаги адабий фарқ туфайли ҳам рўёбга чиқмас эди. Зотан, агглютинатив эски ўзбек тилидаги сўзлар кўшимчаларининг табиати флексив тузилишга эга рус тилидаги сўзлар кўшимчалари табиатидан катта фарқ қиласди. Агар, масалан, эски ўзбек тилидаги барча отлар кўплик ҳамда бирликда бир хил турланса, шундан келиб чиқсан ҳолда, келишик биргина мазкур шаклида бир-бири билан қоғияланниши мумкин бўлса,

рус тилида эса, маълумки, турлашнинг бир неча хили мавжуд ва турли сўзларнинг бир хилдаги келишик шакллари уларни қофия тарзида қўллаш имконини истисно қилувчи ҳар хил қўшимчаларга эга.

Бироқ бир хил грамматик шаклларни қофиялаш эски ўзбек тилида қофиялашнинг ягона имконияти эмас. Чунончи, Навоийнинг “Лисон ут-тайр” достонида табиати жиҳатидан рус шеъри учун одатий бўлган мана бундай морфологик фарқланадиган қофиялар ҳам учрайди: сингил – онглагил (сестра – пойми), кичик – жуссалик (маленький – дородность), иттифоқ – яхшироқ (союз – лучше), бил – тил (знай – язык) ва х.к.

Шундай савол туғилади: хўш, Навоий қандай қофияларни қўлламайди? Бу саволга жавоб тамоман қатъий бўлиши мумкин: у просодияларнинг ўзига хосликлари туфайли мумкин бўлмаган (чунончи, узун бўғин билан қисқа бўғинни қофияламайди) ва ноаниқ қофияларни қўлламайди. Бу далиллар, менимча, русча таржимада қофия танлашнинг мумкин бўлган тамоилини асослаш – рус тилидаги тил йўл қўйган доирада аниқ қофиялашнинг барча имкониятларини қўллаш иложини беради.

Навоий шеъри учун, хусусан, ўткир ва равон қофияларда намоён бўладиган юксак даражадаги шаклий мукаммаллик хос. Бу – Навоийдек бениҳоят ёрқин истеъоддга эга шоир ижодидаги бадиийликнинг алоҳида савиясини ташкил этган форсий ва туркий тиллардаги шеърият анъанала-ридир. Навоий аниқ қофиялар орасидан энг аниқларини танлаб оладики, таржимон шоирнинг мисра сўнгига шунчаки қофияланган сўзларни эмас, балки катта аниқлик билан қофияланувчи сўзларни қўйиш техникасидаги ўзига хосликни қайта яратишга интилиши лозим. Менинг назаримда, Навоий шеърияти руҳи ва услубига кўпроқ мос келадигани – бир хилдаги таянч ундошли қофиялардир:

*Знайте: все я сказала, моля о защите,  
Погубите меня или средство сыщите...*

*И сложенью стихов положил я начало,  
И напевность их тюрксою речью звучала...*

Навоий баъзан қофияланишнинг кутилмаган имкониятларига муро-жаат қилади ва шу сабабли ҳам менга рус классик шеърияти учун эмас, балки энг янги замон шеърияти учун характерли бўлган аниқ қофияларни қўллаш (муайян доирада) мумкин кўринади:

*И поведал другой – тот, что голову щупал:  
«Вроде как бы скала, а вершина – что купол»...*

*Зазвучал их рассказ и различие выдал:  
Схоже один с божеством, а другой – словно идол...*

*Как-то, немощным телом к поклоне приладясь,  
В город брел этот муж – высших помыслов кладезь...*

*Будет сердце таким – называй его сердцем,  
А не будет – нет веры подобным зловерцам...*

Навоий анъаналар руҳига риоя қилган ҳолда қофиялар ўйинига асосланган шоирона усулларни кенг қўллаган. Таркибий ва омоним қофиялар ўша давр шеърият ҳаваскорлари томонидан юксак баҳоланар эди. Бундай қофиялар яратиш учун рус шеъри кенг имконият беради:

*Я не мог речь иную постичь и слова,  
Другом сердца мне были лишь птичины слова...*

*Ты скрыть это дело покоишь стремленье,  
Ну и нами владеет такое же стремленье...*

*Жаль трудов, жаль надежд – не далось их сберечь нам,  
Жаль нам помыслов наших о счастии вечном...*

*Лишь в покорности смог бы достичь я его –  
У подножия трона величья его...*

*Шедший люд изdevался отвратно и зло,  
Он же смог бы стерпеть и стократное зло...*

### Радиф

Форсий ва туркий шеъриятдаги шоирона воситалар тизимида **радиф** санъати – қофияланган мисралардаги қофиядан сўнг қандайдир бир сўз ёки сўзлар гурухининг такрорланиши катта ўрин эгаллади. Радиф энг оддий кўринишида синтактик параллелизмга асосланган қофиянинг унсури сифатида намоён бўлади:

*То словами униженней лести он клянчил,  
То слезами обиженней чести он клянчил...*

*То мне любы повадки развратных друзей,  
То мне любы дела благодатных друзей...*

Лекин радифнинг ўрни ва аҳамияти унинг шу вазифаси билангина барҳам топмайди. Агар радифнинг хизматини **маснавий** жанридаги эпик ҳикояга энг умумий тарзда қўллашга уринилар экан, у ҳолда радиф – қофияланишнинг ич-ичидаги фарқлари нуқтаи назаридан матннинг байт қурилишини ўзгартириш имконини берадиган бадиий-тасвирий восита эканини айтиш керак бўлади. Русча таржимада байтнинг қайта яратилишини радифсиз ва радиф теранлигининг турличалиги билан қиёсланг:

*Так приходит на память мне былъ моей доли –  
Времена малолетства, учение в школе...*

*В ней ни умысла злого, ни жалобы нет,  
Ничего, что укор выражало бы, нет... (1 бўгин)*

*И сказали они: «Не созрел он еще,  
Он к древам своим крепко приделан еще...» (2 бўгин)*

*И камнями разбил он кувшинов немало,  
Драгоценных осколков раскинув немало... (3 бўгин)*

*Ведь трудней всех речей винеречет эта повесть:  
Языком бессловесных речет эта повесть... (4 бўгин)*

Шу билан бирга, радиф асарга такрорланмас миллий колорит берадиган байтнинг характерли ўзига хослигини намоён этади. Шунингдек, у фикрий ва экспрессив вазифани ҳам бажаради: диқкатни фикрнинг муайян “парча”ларига тортади ва мисрага алоҳида мусиқийлик баҳш этади. Буларнинг ҳаммаси аслият поэтиказининг бу қадар маънодор во-ситасига таржимоннинг менсимай қараши мумкин эмаслигидан далолат беради, бунинг устига, рус тили жуда кўп ҳолларда радифни қайта яратиш имконига йўл қўяди.

Бироқ шундай ҳоллар борки, унда тиллар қурилишидаги фарқлар туфайли таржимон учун аслиятда радифни ташкил этган сўзлар эквивалентини радифда қайта яратиш мумкин бўлмай қолади. Туркий тилларда баъзан радиф ниҳоятда кенг кўлланиладиган отлар ва “делать” маъносини берадиган кўмакчи феълдан таркиб топган мураккаб феъллар ҳисобига яратилиади. Бундай мураккаб феълларни рус тилига сўзма-сўз таржима қилинса, у ҳолда “сделать улыбку”, “сделать упрёк” ва ҳ.к. сингари сўзлар юзага келар эди. Шунга ўхшаш қийинчиликлар аслиятда рус тилига оид кўшимчаларга вазифаси жихатидан мос, лекин ўзлари бошқараётган сўзлардан **кейин** турадиган кўмакчилар – кўмакчи сўзларнинг радиф сифатида кўлланилишидан келиб чиқади. Демак, кўп ҳолларда радифни ташкил этган сўзларни бошқаси билан алмаштириш шарт бўлиб қолади. Мана, радифни алмаштиришга мисол (сўзма-сўз таржимада аслиятда радиф бўлиб келган сўз ажратиб кўрсатилган):

*1. Кўз очиб бедил тааммул айлади,  
Ўтган аҳволин тахайюл айлади.*

*Открыл глаза, несчастный поразмыслил (= «размышление сделал»),  
Приследшие обстоятельства припомнил (= «припомнение сделал»).*

*И очнулся, подумал несчастный, припомнил,  
Происшедшее памятью ясной припомнил...*

*2. Роҳзанлиқ айламак исён сари,  
Бошламоқ йўл водийл нуқсон сари.*

*«Направлять их **ко** смутам,  
Возглавлять их на пути **к** пустыне порока».*

*Наставлять их ко смутом жестоко, всечасно,  
Направлять их в пустыню порока всечасно...*

Радифни қайта яратиш борасидаги таржимоннинг муҳим вазифалиридан бири – уни ўқувчи томонидан мисрага худди экзотик “кўшимча” тарзида қабул қилинмаслигига эришишдир. Шоирларда радиф санъатини

эгаллаш – унинг мисра фикрий ва вазний тўқимасига юксак даражадаги табиийлик билан чирмашиб кетишини таъминлашдан иборат эди. Радиф бадиийлигининг намунали томони фақат унинг теранлиги эмас, яъни мисраларни қамраш даражасигина эмас, балки ўзидан аввалги сўзлар билан қўшилиб кетиш характери ҳамдир: қофияланган икки мисрада радиф ўзига алоқадор сўзлар билан ҳар хил уйғунлашуви керак. Радиф қўллашнинг зикр этилган ўзига хослиги Навоийнинг русча таржимасида шундай кўриниш касб этади:

*Птичьею речью слагал он созвучия слова –  
О разлуке и счастье певучее слово...*

*Его сердцу любезны цветы и узоры –  
На одежде смиренья пустые узоры!..*

*Жгучим жаром любви дал ты душам огонь,  
Всем, кто счастлив, кто бедствием рушил, – огонь...*

*И за падших, за все их грехи он просил,  
За деянья, что злы и лихи, он просил...*

Радифни русча таржимада қайта яратиш таржимон учун фақат хисоблашиши мажбурий бўлган “ёқимсиз зарурат”гина эмас. Радиф рус шеърига осон чирмашиб кетади ва айни пайтда матннинг байт қурилишига хилма-хиллик бағишлиди. Радифни қўллаш, шунингдек, қофияларни ҳам хилма-хиллаштириш – эркакча ва аёлча қофиялар билан бир қаторда дактилик қофияларни ҳам қўллаш имконини беради. Мисра сўнгида келганида нокулай бўлган дактилик қофиялар радиф олдидан бутунлай табиий жаранглайди:

*Если счастье в судьбе им радетелем будет,  
Если рок вожаком к добродетелям будет...*

*И ему высси неба «подножием стали»,  
Куци рај – деянием божиим стали...*

*А Симург – его имя, известное всюду, –  
На земле и под ширью небесною, – всюду...*

Таржимон томонидан Навоий эпосини шарҳлаш муаммоларининг кўриб чикилиши лозим бўлган жиҳатлари, умуман олганда, мана шулардир. Бу масалаларнинг кўпчилиги муайян даражада аллақачон Навоий достонлари таржимонлари олдида ўзини кўрсатган ва улар томонидан турлича ҳал этилган. Ушбу сатрлар муаллифига ўз тажрибалари асосида Яқин ва Ўрга Шарқ эпик шеърияти таржимаси борасидаги баъзи қийин жиҳатларни англашдаги мумкин бўлган йўлларга ўқувчилар диққатини қаратиш фойдали кўринди, мақоладан мақсад шу.



**Иван ДЗЮБА**

## **БАЖАН ВА НАВОЙИ**

*Рус тилидан  
Амир ФАЙЗУЛЛА таржимаси*

Вақт ҳам турлича бўларкан, бири – қисқа муддатли, “кичик” вақт бўлса, яна бири “тарихий”, “кагта” вақт. Замонавийлик деб аталувчи бизнинг “кичик” вақтимиизда кўплаб шахслар поймол этилди ёки кадр топмади. Кагта тарихий вақтда Николай (Микола) Платонович Бажан оғир тарихий вазиятларда, гарчи у қадар аниқ бўлмаса-да, ошкор этилган украин маданий уйғонишнинг ҳар доим ёрқин мисолларидан бири бўлиб қолажак.

Унинг дўстлари ва ҳамкаслари – XX асрдаги етук украин ёзувчилари каби Николай Бажаннинг катта таржимачилик иши шахсий ижодий таъсирлар доирасидан чиқиб, миллий маданият фаолиятининг тўлақонлилигига эришиш талаби ва зарурияти билан шартланган чуқур анъана аслида Михаил Драгоманов, Иван Франко, Леся Українська, Павел Грабовскийдан бошланган... Уни XX асрнинг 20-йиллари украин маданий уйғониш арбоблари кўллаб-қувватладилар ва бу хайрли ҳаракатни файрат билан давом эттиридилар. “Українлаштириш”нинг фожиаси ниҳоясига қадар фаолият кўрсатган барча йўналишларда – ғарб, шарқ, шимол, жанубда таржималар ва маданий алмашинувларнинг кенг дастурларини амалга ошириш аллақаҷон бошлаб юборилган эди. Украина адиллари шўро ҳокимияти миллий маданиятларни кўллаб-қувватлашни, жумладан, “халқлар дўстлиги” шиорини илгари сурган ўша вақтдаги вазиятдан кўпроқ фойдаланган, “экзотик”, яъни илгари яхши таниш бўлмаган маданиятлар билан, мустамлакачиликдан халос бўлиш жараёнига кирган собиқ мустамлака халқлар ҳаёти билан танишишга зўр бера бошлади. Шўро Украинаси ilk большевистик ҳокимият маъносида алоҳида ўрин тутган эди, Осиё, Яқин ва Узоқ Шарқнинг мустамлака халқлар орасида ўз иттифоқдошларини қидиради: яқингача мустамлака бўлган социалистик Українанинг ҳам хаёл қилинган муваффақиятлари намунаси улар учун, айниқса, жозибадор ва ишончли бўлиши керак эди. Шўролар Ўрга Осиё халқлари ҳақида гап кетганда “українлаштириш” ва ундан ҳам кўпроқ маънода “чуқур илдиз отдириш” сиёсатини ўтказар экан, большевиклар ҳокимияти амал қилган дастурлардан бири шу эди. Шунинг шарофати билан Украина адабиёти ўзи учун Шарқ ва Жанубга “дарча” очиб олган эди. Украинада, айниқса, шарқшунослик тадқиқотлари кенг кўлам касб этди. Агафанел Кримскийнинг йирик илмий ишлари бунинг учун замин яратди. 1916 йилда Українанинг ўша вақтдаги пойтахти Харьковда шарқшуносларнинг Бутун-украина илмий ассоциацияси – БИА (Киев ва Одессада шўйбалари бор эди)

амал қила бошлади. 1927 йилда “Шарқ олами” журнали чиқа бошлади, унинг биринчи сонида шундай гаплар бор эди: “Шўро ва хориж Шарқини билмоқ, Иттифоқ халқларини бутун Шарқ халқлари билан таништирумок – ҳаёт олға сурган ишлардир”. Расман БИАга партия арбоби А.Г.Шлихтер раҳбарлик қилди, аслида эса А.Е.Кримский, А.П.Ковалевский, П.Г.Тичина унинг асосчилари ва фаол аъзолари эди. Ассоциация СССРнинг (шу жумладан, Грузия, Арманистон, Озарбайжон) ва хорижий Шарқнинг кўплаб илмий муассасалари билан алоқа қиласар эди. БИАнинг матбуот нашрлари – “Шарқ олами” (кейин “Қизил Шарқ”) ва “БИА бюллетени” да бу республикалар ҳақидаги ашёлар ва Шарқ адабиётларидан таржималар ҳам олам юзини кўрди (олдинги ўринлардан бирини турк адабиёти эгаллар эди: зеро “Шарқ” геосиёсий тушунчаси ўзида Туркияни ҳам, Ўрта Ер денгизининг Осиё кирғоқларини ҳам мужассам этар эди)...

Шундай қилиб, “юқоридан” қилинган сиёсий ва тарғиботчилик насиҳатларига қарамай, БИА ва унинг матбуот нашрлари Шарқ халқлари меросини илмий ва маданий жиҳатдан ўрганиш учун талай ишлар қилишга муваффақ бўлган эди.

Украина илмий ва маданий муассасалари, миллий зиёли мутахассислари ялпи “тозалаш”га маҳкум этилган 30-йиллардаги қирғиндан кейин маданиятларо алоқалар сифатига сезиларли путур етди. Аммо “халқлар дўстлиги” яқинлашуви ва уларнинг мағкурасини шиор қилиб олган шўро ҳокимияти бўғиб қўйиш маъносида зўр бериб қардошлиқ сафсатасини сотиш ва СССР халқлари маданиятининг машъалаларига бағишиланган кенг миқёсли юбилей тадбирларини ташкил этиш билан жавоб қайтарди. Яна ўша гап: бу тадбирларнинг сиёсий йўналишига қарамай, улар турли миллат одамларининг ўзаро ҳамжиҳатлигини оширишга имкон берди, жамиятнинг маънавий ҳаётини бойитди, адилларга таржима режаларини рўёбга чиқариш имконини туғдирди. Матбуотда арман халқининг “Довуд Сосунли” халқ достонининг 1000 йиллигини, Шота Руставелининг “Йўлбарс терисини ёпинган паҳлавон”ининг 700 йиллиги, қалмиқ халқ достони “Жангар”нинг 500 йиллиги, Илья Чавчавадзе ва Акакий Церетелининг 100 йилликлари, Коста Хетагуровнинг 90 йиллиги ва ҳ.к. юбилейлар ўтказилди. Шота Руставелининг “Йўлбарс терисини ёпинган паҳлавон” достонининг Бажан амалга оширган машҳур таржимаси айни ўша вақтларда икки марта (1937 ва 1940) чоп этилди; П. Тичина таҳрири остида “Довуд Сосунли” (1939) ва “Жангар” (1940)нинг жамоавий таржимаси китоб бўлиб чиқди. Уруш ва урушдан кейинги йилларда Украинада адабий таржималар миқёси анча ошади; СССРнинг, ўз ёзувига эга бўлмаган халқлар, хусусан, қадимги маданиятили халқларнинг кўплаб маданий ёдгорликлари таржимонларда ижодий қизиқиш уйғотади. Кофқозорти халқлари, Яқин Шарқ ва Ўрта Осиё адабиёти дурданаларининг украин тилида нашр этилиши бекиёс аҳамият касб этди. Улар орасида Василий Мисик таржимасидаги Умар Хайём ва Ҳофиз шеърлари, Леонид Первомайский таржимасидаги Низомийнинг “Лайли ва Мажнун” достони, Бажан таржимасидаги Давид Гурамишишининг “Давитиана” ва Алишер Навоийнинг “Фарҳод ва Ширин” достонларини кўриш мумкин.

Украин адабиёти ўз халқи учун башарият тарихининг энг қадимги ўчоқларидан ва башарият маданиятининг энг қадимий манбаларидан бири – Олд Осиё ва Ўрта Осиё маданиятларининг катта бойликлари йўл очди.

Бу ерда жуда қадим замонларда ёзига хос тамаддуллар, шахар-давлатлар пайдо бўлган, гуллаб-яшнаган ва ўйқ бўлиб кетган; бу ердан дунёнинг турли чеккаларидан савдогарлар карвонлари, келгинди босқинчиларнинг

ўрдалари ўтган; бу ерда тиллар ва эл-элатлар аралаш-куралаш бўлиб кетган ва кўринишлари ўзгарган. Бу ерда қадим замонларда араблар, форслар, турклар, арманлар тинч-тотувлиқда яшаганлар, ўзаро ҳамжиҳат бўлғанлар ёки уришганлар; бу ерга римликлар, ҳиндлар, хитойлар келганлар; бу ерда ҳозирги тожиклар, ўзбеклар, туркманлар, кирғизлар, қозоқлар, корақалпокларнинг аждодлари умргузаронлик килган она диёrlари бўлган – асрлар давомида улар фақат истиқомат қилиб қолмаганлар, балки тарихий қисматни бирга баҳам кўрганлар, иқтисодий ва маданий алоқалар ўрнатганлар, ижтимоий фаровонликка эришганлар, ижтимоий зулм ва чет эл босқинчиларига қарши жон олиб-жон бериб курашганлар.

Бу ҳалқларнинг аждодлари Ўрта Осиёning энг қадимги давлатлари – Бақтрия, Сўғдиёна, Хоразмнинг ахолиси бўлган, улар эрамизгача VII–VI асрлардан бўён гуллаб-яшнаган мамлакатлар бўлган. Булар қудратли ва равнак топган тамаддуналар бўлган. Уларнинг моддий ва бадиий маданияти (бизгача етиб келган осори-атиқаларга кўра) ҳақли равишда башарият тарихида энг қимматли мерослардан бири ҳисобланади. Юнон-Бақтрия маданияти тўғрисида ҳам шуни айтиш мумкин. У Александр Македонский Ўрта Осиёning бир қисмини босиб олганидан кейин вужудга келган эди. Кушон салтанати маданияти ҳам шундай – у эрамизнинг дастлабки йилларида мавжуд эди. Аввал эфталитлар, кейин эса турклар томонидан қаттиқ зарбаларга учрагач, бу маданият Турк хоқонлиги чоғида яна гуллаб-яшнади.

VII–VIII асрларда Ўрта Осиёни араблар босиб олади. Кўплаб маданий қадриятлар талон-тарож этилади, аммо туб аҳоли ўз анъаналари, тили, маънавий меросини сақлаб қолди. IX–X асрларда Мовароуннахрда ҳукмронлик қилган Сомонийлар сулоласи араблар таъсирига барҳам бера олди ва маҳаллий маданий анъаналарни сақлаб қолди. Гарчи араб тили яна анчагача илм-фан тили бўлиб қолган бўлса-да, Абу Абдулло Рўдакий (860–941)дан бошланган мумтоз форс-тожик адабиёти қадимги форс (авесто) ва ўрга форс (пахлавий) тилларида ўз ёзма анъанасига эга эди. Рўдакий ислом ақидапарастлигини инкор этган, исломгача бўлган маънавий меросдан баҳраманд эди – инсон-парварлик ва ҳаётни бевосита идрок этиш унинг шиорига айланган. Унинг шеърияти тасаввур ва тафаккурга бой, инсон қалбининг бепоёнлиги манаман деб туради, ўша пайтдаги ўзига хос “хур фикрлилик” руҳи баланд эди. Рўдакий назокатли ишқий лирикага, табиатни идрок этиш лирикасига, ҳаётни севиши лирикасига, ҳаётнинг фонийлиги ва дунёning бир пулга қимматлиги ҳақидаги хаёлотга тўла фалсафий шеърият анъанасига ҳам асос солди.

Самарқанд, Бухоро, Хоразмдан ташқари ўша вактда Марв, Балх, Нишопур ва Ҳирот шаҳарлари ҳам хўжалик, маданий ва илмий ҳаёт марказлари бўлган эди. Бу ерда туркийзабон кўчманчилар тобора ўтроқлаша бошлади, умумий ижтимоий манфаатлар замирида меҳнаткашлар қатлами бир-бирига яқинлашаётгани каби турк олий ҳукмдорининг тожик ер эгалари, зодагонлар билан яқинлашув жараёни кучайди.

Х асрдан бошлаб Ўрта Осиёга қарматийлик (бошқача айтганда – исмоилийчилик) ва сўфийларнинг таъсири кучли бўлади. Бу диний-фалсафий таълимотлар, схизмалар (ажралиб чиқишилар) бутун мусулмон оламида кенг қулоч ёйганди. Пантеизмга яқинлиги ва Худони ақл эмас, юрак илиа ҳис этишига даъвати билан, айниқса, ўрта асрларда мутаассиб, ақидапараст исломга қарши муҳолиф сифатида майдонга чиқди. Етук украин шарқшуноси Агафангел Кримский уни чукур демократик ҳодиса ва диндан кўра дунёвий роҳиблик деб атаганида жон бор эди. Бунинг оқибатида сўфийлик адабиёти вужудга келди, у кўп асрлар давомида бой самаралар берди.

Гарчи диний-тасаввуфий ва жазава ниқоби остида бўлса-да, у инсонни кўкларга кўтариб мақтади, унинг маънавий қадриятини эътироф этди, унинг ботиний хаёт манзарасини ишлаб чиқди ва яхшилади, нафақат диний-тасаввуйфий туйғулар, балки умуман руҳий оламнинг мураккаб мажозийлигини ривожлантириди, айниқса, ишқ моҳиятини чуқурроқ сингдирди, гўзал ерга мурожаат – Олий Парвардигорга мурожаат деб баҳоланди. Абдуллоҳ Анзорий, ал-Ғаззолий, Ибн ал-Куззот Ҳамадон, Ибн ал-Арабийлар XIII асрнинг буюк сўфий мутафаккирлари, Бобо Кўхий, Абулмажид Саноий, Фаридиддин Агтор, Жалолиддин Румий (маснавий жанрига асос солганд), кейинчалик Ҳофиз (XIV аср), Жомий (XV аср) сўфий шоирлар бўлган эди.

Аввалига араблар, кейин эса Чингизхон истилоси вақтларида Ўрта Осиё-нинг хўжалик ва маданий ҳаёти жиддий зарар кўрди, бироқ ҳар гал ўзини тиклаб ола билди. Айниқса, Амир Темурнинг невараси, буюк олим, илм-фан, санъат ва шеърият ҳомийси, жаҳолатпарастлик ва риёкорлик душмани Мирзо Улуғбек (1394–1449; 1409 йилдан Мовароуннаҳр ҳукмдори) замонида у, айниқса, равнақ топди. Қадимий маданий марказлар Бухоро ва Самарқанд яна гуллаб-яшнади. Улуғбек қотиллар қўлида ҳалок бўлганидан кейинги сиёсий ва маданий ҳаёт маркази Ҳиротга кўчди, бу ерда XV асрнинг иккинчи ярмида сulton Ҳусайн Бойқаро ҳукмронлик қилди. Мана шу паллаларда ўзбек ва тожик ҳалқларининг илм-фани, маданияти, адабиёти ва санъати янада гуллаб-яшнади.

Бу янги кўтарилишнинг янги сиймолари тожик шоири Абдураҳмон Жомий (1414–1492) ҳамда унинг ёш маслакдоши ва дўсти Навоий эди (уларнинг дўстлиги Ойбекнинг “Навоий” романида ифода этилган; тожик шўро адабиётининг асосчиси Садриддин Айний бу дўстликка бағишлаб “Навоий ва Жомий” мақоласини ёзган): Жомий олим, адабиётшунос, файласуф, тилшунос, нотик, мантиқшунос, риёзион (математик), табиатшунос, фалакиётшунос, мусиқашунос ҳам бўлган; ўша вақтда маълум барча шеърият йўлларини энг юкори даражага олиб чиқкан, дарий тилида ижод қилганлардан энг кўп адабий мерос қолдирган эди. Унинг энг йирик асари “Ҳафт авранг” (“Етти тахт”) етти достонни ўз ичига олган ва уларни буюк озарбайжон шоири Низомий Ганжавий “Хамса” сидан илҳомлани ёзган эди. Саъдийнинг “Гулистон” ва “Бўистон” достонларига татаббу қилиб ёзган “Баҳористон” достони ҳам Жомий қаламига мансуб бўлиб, у XV аср форс-тожик насрининг ажойиб намунаси саналади.

Жомий ижоди ўрта аср форс-тожик адабиётининг чўққиси ва якуни бўлди. Ундан кейин яна ёрқин сиймолар етишиб чиқди, аммо уларни буюк Рӯдакий, Фирдавсий, Хайём, Ҳофиз, Саъдийга тенглаштириб бўлмас эди.

Айни вақтда шу пайтгача форс-тожик адабиёти соясида қолиб келган ўзбек адабиётида ҳам юксалиш содир бўлди, ҳолбуки, етук шоирлар Юсуф Болосоғуний (XI аср), Лутфий (1367–1465) бу адабиётнинг буюк сиймолари саналса-да, энди Алишер Навоий туфайли у олдинги сафдан ўрин олди.

Алишер Навоий Ўрта Осиёда шаклланган шундай бир маданий мұхитнинг қонуний меросхўри бўлдики (кенгроқ маънода, Ӯзарбайжон ва Арманистондан то Шимолий Ҳиндистонгача), унда Низомийдан Жомий ва Навоийгача бўлган антик маданият ўз ўрнини топган эди, Қоғозорти ҳамда Ўрта Осиё шоирлари, мутафаккирларига Суқрот, Афлотун, Пифагор, Арасту, Фалес ва бошқа йирик антик файласуфлар “ҳамроҳлик” қилган, фалсафий мубоҳасаларда “иштирок” этганлар. Қоғозорти ҳамда Ўрта Осиё ҳалқлари ва маданиятлари тарихининг етук тадқиқотчилари Н.Я.Марр, И.А.Орбели, Н.И.Конрад шу давр бўйича Европа Ренессансига ҳамоҳанг (Н.И.Конрадда – “Ўрта Шарқ Ренессанси”: бу сарҳадни у Эски дунёнинг “Марказий сарҳад” и деб атаган) “Шарқ Ренессанси” концепциясини асослаб бердилар.

Алишер Навоий маданий универсализмнинг шу муҳитида шаклланди, унинг ижоди буюк салафлари – Низомийдан Жомийгача эътироф этган қонунларга мос келади. Зоро, мана шу маданиятда анъаналар юзага келган ва ҳар бир шоир олий ижодиёт намуналарини эъзозлаши, уларга мурожаат қилиши керак, уларнинг ижодкори билан сұхбатлашиш хуқуқини олишга интилғанлар. Назира услуби, аслида эса салафлар билан шеърий мусобака (мушири) қилиш ана шу тариқа юзага келган эди. Жомий, Навоий, Фузулий, Амир Хусрав Дехлавийнинг кўплаб дурдона асарлари шу усулда ёзилган эди...

Бироқ қомусий оламнинг вакили ўлароқ Алишер Навоий ўз заминининг одами, ўз халқининг фарзанди ҳам эди. Ўша замон учун унинг қомусий билимлари нафақат китобий таълимга, балки кўплаб одамлар билан муомала қилишга, кўрганлари ва эшитганлари ҳақидаги мулоҳазаю мушоҳадаларга таянар эди. Унинг диний қарашлари мурувватпешалик ғоялари билан йўғрилганди. Ҳукмдор доираларнинг ғазабига дучор бўлишдан кўрқмай ва дучор бўлган ҳолда давлат хизматида адолатли бўлишга ҳаракат қилди. Таълим, кутубхона ва қўлёзмалар, маданий осори-атиқалар, шоир ва олимларга бекиёс хизмати сингди. Аммо ичи қораларнинг босқинчилклариiga қарши ўлароқ, у энг кўп кучини унга чексиз шону шараф келтирган нарса – ўз шеърий ва илмий ижодига бағишлади.

Бу ижоднинг салмоғи жуда катта, унинг қиммати замондошлари учун хеч бир эътиrozга ўрин қолдирмайди ва айнан Алишер Навоий ўз халқининг тилини унинг адабий тили сифатида узил-кесил белгилаб берди.

Тарихий нуктаи назардан барча мутараққий миллий адабий тиллар халқ оғзаки ижоди асосида вужудга келган ва, асосан, буюк шоирлар ижоди туфайли қарор топган. Буюк миллий шоир пайдо бўлгунга қадар кўпинча бошқа адабий тил хукмронлик ҳолатида она тилини ана шу хукмрон тил воситасида ҳимоя қилишга тўғри келган. Шундайин, турк тилшунос олими Маҳмуд Кошғарий араб тилида “Девону луготит-турк”ни ёзди (1072–1074). Унда сўзлардан ташқари ўзбекча таржималар, халқ қўшиқлари, мақолалар ва ҳоказолардан намуналар берилган, бу – халқ тили асосида адабий тил яратишга ўзига хос илмий тайёргарлик бўлган эди. Кейинчалик бундай ҳол Европада ҳам кузатилди. Илгари назар-писанд қилинмаган итальян тилининг ёзилишида Данте ва Петрапка қандай роль ўйнагани маълум. Шуниси диққатга сазоворки, халқаро лотин тилида эмас, уни итальян тилида ёзиш хуқуқини Данте яна ўша лотин тилида ёзилган назарий рисоласида ҳимоя қилиши керак эди! Тахминан ўша тарихий даврда, бошқа, мутлақо олис диёрда, ўшалардай буюк шоир Алишер Навоий ҳам “Мухокаматул-луғатайн” назарий рисоласини иншо қилади (1499), унда туркий тилни форс тили хукмронлигидан халос қилар экан, она тилига бўлган муносабатини баён этади. У она тилини “гуллаган боғ” деб атайди, у ҳамма учун очик бўлмоғи керак дейди: “Бу ҳазина шу вақтгача одамлар нигоҳидан панада қолиб келар эди, ундаги жавоҳиротларга инсон ҳали қўл урмаган”. Шу тариқа Сервантес испан тили, Де Бюлле француз тили (“Француз тилини ҳимоя қилайлик ва кўкларга кўтарайлик”, 1549), кейинроқ эса украин шоирлари ва назариётчилари украин тили қимматини ҳимоя қилишига тўғри келганди...

Алишер Навоий ўз рисоласида ўзининг воқифлигига ҳам, туркий (эски ўзбек) тилининг ютуқларига ҳам таянган эди; инсоният тиллари тўғрисида (72 рақами тилга олинган) Навоий ҳам олим, ҳам шоир сифатида гапиради. Зоро, тил бу – уммон, унда бешумор дур-гавҳарлар – сўзлар бор, ҳар бир дур, дейди Навоий, тилга ўзининг бетакрор гўзаллиги билан жило беради. Шу боисдан тилларнинг хилма-хиллиги, бу – инсоният ҳазинаси. Тиллар орасида

энг мукаммали араб тили бўлиб, Оллоҳнинг каломлари шу тилда бандаларга етиб келган. Яна кам тарқалган тиллардан учтаси бу – форс, туркий, хиндий тиллари. Давлат араб халифалари ва султонлар ҳокимияти остида бўлар экан, араб тилида ёзганлар учун осмон чараклаб турган, буюк араб шоирлари зумраси пайдо бўлиши сабаби – шунда. Бир канча мамлакатларда мустақил султонлар – сартлар бўлган вактда форс тилида ижод қилган шоирларнинг бутун бир зумраси пайдо бўлган, улар орасида – “фанлар муалими Фирдавсий”, “замоннинг сара шоири Шайх Низомий”, “хинд сеҳргари Амир Хусрав”, “башоратчи Шайх Муслиҳиддин Саъдий”лар кўзга яққол ташланиб туради. (Улар ҳақида Навоий кўп мартараб хурмат ила муфассал ёзган). Ҳокимият араблар ва сарт султонларидан турк хонларига ўтгач, “туркий тилда ёзадиган шоирлар пайдо бўла бошлади”. Тўғри, деб эътироф этади Навоий, улар орасида фақат Лутфийнинг катта араблар ва форслар билан тенгглаштириш мумкин, аммо бу ҳозирча шундай, туркий тилининг оҳангдорлиги, туркий сўзларнинг бойлиги, сўз ўзгартириш ва сўз ясаш усулларининг қулиялиги, унинг сарфу нахви, ифода кудрати ва рамзийлигини кўрсатиб беради; шеърий нафосатидан намуналар келтиради, шу жумладан, мутолаа ва иншода ўз тажрибасига, асарларига таянади...

Афсуски, Навоийнинг бу рисоласини украин китобхонлари билмайди, – улар бу рисолада кўп тажрибага ва ҳиссиётимизга яқин бўлган тилшунослик билимiga эга бўлар эди. Жилла қурмаса икки тиллилик – зуллисонайнликни олайлик. Туркий ва сарт (форс-тожик) тиллари бир-бирини тўлдиради. Бироқ Алишер Навоийни бу зуллисонайнликдаги нотенглик ташвишга солади. “Барча турклар – болалар ва кексалар, бек ва мулоғимлар сарт тилини билгандар. Улар шунчалик яхши биладиларки, айримлари қийин ҳолларда бу тилда бемалол гаплашадилар. Ўта нафосатли ва муҳташам ибораларни кўллайдилар. Туркийтўй шоирлар форс тилида чиройли шеърлар ёзадилар ва чиройли гапирадилар. Аммо сарт эли орасида на ўқимишли ва олижаноб кишилар ҳам, на оддий ва саводсиз одамлар ҳам туркий тилни тушунмайдилар ва унда гапира олмайдилар”.

Албатта, Алишер Навоийнинг ўзи сарт тилини мукаммал билиб, унда ажойиб асарлар ёзар эди. Умуман, XI асрдан бошлаб асрлар мобайнида бу ерда эл-элатлар, тиллар ва маданиятлар баҳамжиҳат яшади ва аралашиб кетди. (Шимолий Хинdistонда Шайх Акбар саройида бадиий адабиёт форс, араб, хиндий, санскрит, кейинроқ урду тилларида ривожланган эди). XII–XIII аср мобайнида форсийдан ўзбек тилига ва ўзбекчадан форс тилига таржима қилиш оддий ҳолга айланганди. Гарчи тожиклар ва ўзбеклар икки мутлақо турли этник гурух – эрон ва турк гурухига мансуб бўлса-да, уларнинг маданияти барча даражаларда муттасил ўзаро ҳамкорликда бўлиб келган. Масалан, ўзбек оғзаки ижодига тожик баҳодири Рустам ҳақидаги ҳикоялар, тожик оғзаки ижодига ўзбек баҳодири Гўрӯғли ҳақидаги ҳикоялар кириб келган. Тожик ва ўзбек адиллари, мисол учун, Махмур, Гулханий ва бошқалар икки тилда ёзганлар (XVIII–XIX асрларда бу оддий ҳол ҳисобланарди), асосий адабиёт оқимлар – бедилчилик, XIX асрдаги маориф, жадидчилик ҳар икқала адабиётни қамраб олган эди, унинг ижоди ҳар икқала адабиётга кирган. Ўзбек шўро адабиётининг асосчиси Ҳамза асли тожик бўлган (гоҳ-гоҳ у тожик тилида ҳам ёзарди), тожик шўро адабиётининг асосчиси Садриддин Айний ҳам ўзбек, ҳам тожик ёзувчиси эди.

Албатта, ҳар доим ҳам ишлар силлиқ кечмаган, номутаносибликлар, баланд-пастликлар ҳам учраб турганки, бу ҳақда Алишер Навоий ҳам вақти-вақти билан эслатиб ўтган.

Одатда, биз инсон шахсининг ҳар тарафлама ёйилиши санъатда Европа Ренессансида содир бўлган деб ҳисоблаймиз. Аммо бу ёйилишнинг айрим аломатларини ҳам Европа, ҳам Ўрта Осиёнинг илк ўрта аср санъатида кўриш мумкин. Жумладан, бу нарса дунёвий муҳаббатни илоҳийлаштиришда на-моён бўлади. Фарбда трубадурлар ижодида ва жавонмардлик романларида гўзал ер ва илоҳий муҳаббат хукм суради, унда қаҳрамон ўз севгилисига вафодорлиги учун қасамёд қилган. Ўрта Осиё ҳалқлари достонларида эса – йигитнинг қизга оташин ишқи муқаддас санаалган, бироқ ҳиссий эмас, балки бокира, диний-тасаввуфий тиллар билан бирга келади: гўзалликни тараннум этиш – Парвардигорга муножот қилиш, уни юракка жо этиш шаклини олган.

Ушбу анъананинг бошларида бадавий чўпон Мажнун (Қайс)нинг шу қабила шайхининг қизи Лайлига бўлган телбаларча муҳаббати ҳақидаги араб афсонасини кўриш мумкин.

Лайлининг ота-онаси бой жойга турмушга бериб, қизларининг баҳтига тўғаноқ бўлади, аммо Мажнун фақат ўзининг севгиси билан яшайди, у саҳрога кетиб қолади, одамлардан юз ўтириб, ёввойи охулар билан бирга яшайди, улар Мажнунга Лайлини эслатар, жониворларни ҳимоя қилиб, касалларини даволар эди... “Мажнун” сўзи телбани билдиради, бу ерда муҳаббатдан адойи тамом бўлган савдойи одам тасвирланган. “Мажнун” лақаби аслида VII асрдаги араб шоири Қайс ибн ал-Муллавоҳ номига мансуб. Лайли ҳақидаги бошқа шоирларнинг шеърлари ҳам шунга бағишлиланган дейилади. Мажнуннинг Лайлига бўлган афсуннамо муҳаббати бадавийлар ичida кенг ёйилган ва араб дунёсидан ташқарига чиқиб кетган. (Шунчаки тасодиф эмас – Тристан ва Изольда қисмати асрлар давомида Европа адабиётида кезиб юрганига нима дейсиз!). Бу мавзунинг энг чуқур шеърий ишланмаларидан бири буюк озарбайжон шоири Низомий Ганжавий қаламига мансуб бўлиб, у инсондаги бидъатчилик ва чекловларга қарши ўлароқ муҳаббат туйғусининг гўзаллиги ва қудратини тараннум этди. Қофқозорти ва Ўрта Осиё шоирлари Низомийнинг “Лайли ва Мажнун” достонига 40 назира (ўхшатма) ижод қилганлар. Лайли ва Мажнун образлари асрлар оша яшаб келмоқда, турли ҳалқларнинг етук шоирларида акс садо берди. XVIII асрга келибօк уларга (Фарҳод ва Ширин севгиси ҳақидаги достонда бўлгани каби) арман, грузин ва озарбайжон тилларида ёзган катта Саят-Нова ҳам мурожаат қиласи.

Ўрта асрда Кофқозорти, Яқин ва Марказий Шарқ ишқий лирикаси, жумладан, ашугларда кўп ҳолларда “жонлантирилган” – шу маънодаки, шоир доимий (ҳақиқий ёки рамзий) маъшуқага (Европада трубадурлар, кейинроқ Данте ёки Петрарка) мурожаат қиласи, бу мавҳум орзу, илоҳийлик рамзига айланади. Аммо ҳиссият кучи унга далда беради. Ёрга вафодорлик ғояси ботиний яккахудолик билан боғлиқ, сўфийлик эса гўзалликни илоҳийлик тажаллийси деб билган. Достонда эса маъшуқага шоирнинг тасаввuriда яшайдиган “монологик” лирикадан фарқли ўлароқ маъшуқага муайян йўналган бу мурожаат севишганларнинг воқеабанд кўришувларига айланниб кетади. (Лайли ва Мажнун, Фарҳод ва Ширин, Юсуф ва Зулайҳо, Гул ва Наврӯз, Наль ва Дамаянти): қиз ва йигит ишқий ҳангомаларда бевосита иштирок этади, уларнинг қиёфаларини бўрттирадилар, воқеага жўшқинлик киритадилар, ҳаётнинг кенгроқ манзараларига ошно қиладилар, янада тарихийроқ ва ижтимоий жиҳатдан аниқроқ тус олади. (Дарвоқе, Низомийдаёқ гўзаллик шеърияти ижтимоий инсонпарварлик билан йўғрилган: у уйланган турк чўриси Офок ёки Оппокни тараннум этади).

Ушбу сюжет Ўрта асрдаги араб, форс, турк шеърий достонларида турлича талқин этилиб, ижтимоий, ахлоқ-одоб, фалсафий ўлчамлар касб этади, вақти-

вақти билан эллин адабиёти ёки хиндларнинг “Маҳобхорат”и мавзулари билан чатишиб кетади.

Низомийга ўхшаб, машхур форсийзабон ҳинд шоири Амир Хусрав Дехлавий (1253–1335) ўзининг “Хамса”сини ёзади.

XVI асрдаги форсийзабон ҳинд шоири (шайх Акбар даврида малик-ушшуаро бўлган) Абул Файзий Файзийнинг достони ҳам Низомий “Лайли ва Мажнун”ига мослаштириб ёзилган. “Наль ва Ҷамаянти” достони адабиётлар алоқасининг ёрқин намунаси бўла олади. Мумтоз қоидаларга кўра, Алишер Навоийнинг шу номдаги достони ҳам Низомий ва Дехлавийга жавобан ёзилган назира эди. Аммо ҳар икки ҳолда ҳам Навоий таникли воқеаларни ҳиссий ва ашёвий жиҳатдан тўлдирган, қаҳрамонлар тимсолларини ўзича талқин қилган эди. Ҳар иккала достон инсонпарварлик нафаси билан йўғрилган, инсоний муносабатларга путур етказадиган ижтимоий ва таомилдаги шартлиликлар инкор этилган; айниқса, “Фарҳод ва Ширин” достонида шоҳ Хусравни қаттиқ қоралайди ва унинг рақиби, ижодий инсоний негиз тимсоли бўлган Фарҳодни улуғлайди.

Алишер Навоийнинг таржимони сифатида Николай Бажаннинг илмий тажрибалари ҳақида маълумотлар йўқ. “Фарҳод ва Ширин” достонининг украин нашрига ёзган сўзбошиси (1968) бизга ҳеч нарсани айтмайди: у бутунлай “сийсий рух”да, шўро Узбекистонининг гуллаб-яшнаёттанини шарафлайди, унинг ҳалқи Навоий замонида мустабидлик зулми остида фарёд чеккан (Навоий шеърлари оҳангларига деярли мос келмайдиган гаплар).

“Достонга изоҳлар” бўлган катта “Сўзбоши” нега тушириб қолдирилгани аниқ эмас (унда Навоий, Низомий, Хусрав Дехлавий ва Жомий сабоқларига мурожаат қилинган, шунингдек, анъянадан бироз чекиниш бўлгани эътироф этилган: унинг достонида Ширинга эмас, кўпроқ Фарҳодга эътибор қаратилган).

Бусиз бундай катта ва мураккаб лойиҳаларни амалга ошириб бўлмайдиган таглама таржималар муаллифи ким бўлган эди? Бу тагламаларга мутахассисларча таҳлилни ким бажарган? Нима учун таржимон айнан беш ҳижоли шеърий ўлчамни танлаган? Бу борада бир оғиз ҳам гап айтилмаган. Модомики шундай экан, буни ўзимизча бир мулоҳаза қилиб кўрайлил.

Афтидан, Николай Бажан Агафанел Кримскийдан бошлаб украин таржимонларининг форсий ва туркийдан таржималари тажрибасидан ва шарқ достонининг россияликлар талқинларидан фойдаланган (“Фарҳод ва Ширин” достонининг биринчи русча таржимаси 1943 йилда пайдо бўлди, унинг муаллифи – таникли рус таржимони Л. Пеньковский машхур шарқшунос Е. Е. Бертельс маслаҳатларидан фойдаланган; достон ёзилган ва рус шеър тузишида бўлмаган казаж вазнини лоакал озгина гавдалантириш учун у беш ҳижоли ямбга мурожаат қилган). Николай Бажан Шарқ шеърияти, жумладан, Шарқ эпик мероси таржимаси соҳасида рус ҳамкасларининг ютуқлари билан яхши таниш бўлганига шубҳа йўқ. Аммо унинг ўзи машхур грузин достони “Йўлбарс терисини ёпинган паҳлавон”нинг таржимони бўлиб (1937), мазкур таржима мутахассисларнинг энг юқори баҳосини олган эди. Бу, эҳтимол, жозибадор воқеликни гавдалантиришга ёрдам берган тасвирий услублар ва тил воситаларига ишонч ва далда берган бўлса, ажаб эмас.

Фараз қилиш мумкинки, узун таржима иши учун айнан Алишер Навоийнинг достонини танлар экан, Николай Бажан нафақат ўткинчи мавзулар (йирик кўламли юбилейни нишонлаш) ва хаттоқи, кардош ҳалқ меросини ўзлаштиришнинг мухимлигини жиддий тушунишга, балки, эҳтимол, бадиий маҳобатга нисбатан ўз “диди” ва олис давр даҳоси, унинг ички дунёси ва унинг қисматига шахсан қандайдир қондошликни ҳис этишга таяниб иш кўрган.

Энди гап бундай: ислом илоҳиётшунослиги доирасидан ташқарига расман чиқмай туриб, Алишер Навоий билимга ва инсон тафаккурига, ўзининг шахсга хурмати билан тўла инсонпарварлик дунёқарашини ифода этди. “Маркесчаленинча” мафкура доирасидан чиқмай туриб, ўшандай йўл тутишга ҳаракат қилган Николай Платонович Бажанга бу нарса жуда ҳам “таниш” эмасмиди? Ҳолбуки, биз унисининг ҳам, бунисининг ҳам шубҳа меъёрини тасаввур қилолмаймиз, таққослай ҳам олмаймиз, албатта.

Ҳар иккаласини ҳам давлатнинг чин мардлари деб аташдек гуноҳни бўйнимга оламан. Азалий “шоир ва шоҳ” муаммосини улар бир-бирига анча ўхшаш тарзда ҳар ким ўзи учун ҳал қилди: эгалик қилиш хизматини ўз ҳалқига хизмат деб қарар эдилар. Шу боисдан ҳам ўз хукмдорларини танимайман деб туриб олдилар. Тўғри, Николай Бажан ошкора зулмга дучор бўлмади, ҳолбуки, Навоийдан фарқли равишда унинг рутбаси ва ваколатлари у қадар баланд бўлмаган эди.

Энди мана бу ўхшашликни кўринг, буни, менимча, эътироф этиш осонрок кўринади. Алишер Навоий таржимаи ҳоли ва асарлари билан танишар экан, Николай Платонович, эҳтимол, унинг “маданийлашган” киёфасини, маърифий ва бадиий васийлиги миқёсини тадқиқ қилгандир. Бизнинг ўзимиз эса Бажаннинг адабиётимиз ва санъатимиздаги замонавий шахснинг шаклланиши томон йўналтирилган сабй-ҳаракатларини, Украина Совет энциклопедияларининг бош муҳаррири сифатидаги унинг жуда катта меҳнатини эслай оламиз. Унинг нуфузисиз кўп нарсага эришиб бўлмасди.

Нихоят, шоир Николай Бажан қалбida тафаккурнинг эпик кўлами ва ифода куввати, шоир Алишер Навоийнинг ифодалари хукмдорлиги, одимларидағи дадиллик, унинг фавқулодда топқирлиги ва хусндорлиги ботиндан акс садо бермаганмикан? Пировард-оқибатда – маҳобатга ташналиқ, тафаккурдаги мунтазамлик ва ҳиссий зўриқиши-чи?

Кўйидагиларни ҳам тусмол қилса бўлади: украин шоирларини ўзбек шоири ўз жамиятига ва унинг эгаларига атаган ўтқир ахлоқий сабоқлар ҳам, ўлим ва ҳаёт, фоний ва бокий, биргалиқда адабиётга боришга тўғри келадиган маънавий мерос ҳақидаги доимий мушоҳадалар ҳам – социалистик давр шоиринида хижолатга солган ҳамма нарса ташвишлантирган эди, аммо булар ҳақида у бор овози билан гапира олмас, замонавийликка боғланиб қолиб, кўпроқ ўтмишдан нолири эди, холос.

Яна бир гап: Николай Бажаннинг бой таржима меросида грузин ва ўзбек достонларида таржималарининг ютуқ дейилишига бир шарт бор: шоир украин тилида номаълум экзотик тушунчалар ва сўз шаклларининг ифодалаш усувларини қидирар экан, сўзнинг “кўпинча” мушкулотларини бартараф этгандек бўлади – бу ерда илҳомбахш шеърий матн гўё ўзи чиройли ва ихчам бирикмалар ҳамда янги сўзлар пайдо қилаётгандек.

Дарвоке, нима бўлганда ҳам жаҳон адабиётининг энг қиммат дурдоналаридан биттаси украин адабиётининг ёмбисига айланган. Украин тилининг тарихий ва жуғрофий жиҳатдан олис, аммо ўзининг адабий умумбашарий қадриятлари билан бизга яқин маданиятларнинг бутун маънавий ўзига хослиги, назокату нафосати, бадиий ва саноий салмоғини қайта гавдалантиришга қодирлиги нечоғли аёнилигига ажойиб исбот мавжуд.

Николай Бажаннинг ижодий жасорати ҳақида эслар эканмиз, бу таржимонларимиз ва шарқшуносларимиз ёш авлодини Алишер Навоийнинг улкан мероси устида олиб бораётган ишларини давом эттиришга илҳомлантиражак.

## Қалдибек СЕЙДАНОВ

### НАВОИЙ ВА АБАЙ

Қозоқ халқининг ардоқли фарзанди, машхур маърифатпарвар шоир Абай Қўнонбоев таваллудининг 170 йиллигини нафақат ватандошлари, балки қардош халқлар ҳам кенг нишонламоқда. Зотан, доимо инсонпарварликни куилаган Абайнинг ижодий мероси барча учун ибрат намунаси дир. Эътиборга молик жиҳати шундаки, Абай Қўнонбоевнинг шоир сифатида шаклланишида Шарқ мумтоз адабиёти намояндалари қаторида ҳазрат Алишер Навоий ижодининг ҳам муносаб ўрни бор. Олим Қалдибек Сейданов икки улуғ шоир ижоди ва шахсиятидаги уйғун жиҳатларни таҳлил қиласи.

Абай Қўнонбоевнинг Абай даражасига кўтарилиб, қозоқ поэзиясининг машъали, ёруғ юлдузига айланишида, айникса, Шарқ шоирлари, жумладан, Алишер Навоий ижод дурданаларининг таъсири бекиёс бўлган. Бу ҳақда Қозоғистон Республикаси Фанлар академиясининг академиги, ёзувчи Ғабит Мусрепов: “Қозоқнинг инқилобдан аввалги адабиётiga Ўрта Осиё классиклари асарларининг таъсири катта бўлган. Ўзбек халқининг донишманд шоири Алишер Навоийнинг асарларини ўқиб, ундан ўрнак олмаган шоир кам. Классик адабиётимизнинг буюк чўққиси – Абай ҳам Навоийни ўзига устоз деб билган, истеъдодига таъзим қилган”, дейди.

Шарқ шеъриятидан таъсириланган ҳолда шеърлар битиш фақат Абайдагина эмас, балки XIX асарда яшаб ижод этган Шангереј, Шуртонбой, Оқон Сери, Шаади тўра Жангиров, Базор жиров, Корасоқол Эримбет, Қулинчоқ, Мали хўја, Кенже хўја каби қозоқ шоирларида ҳам кузатилган. Бироқ Абай Қўнонбоев улардан анча илгари кетади, Низомий, Навоий, Фузулий, Бобур асарларини чуқур ўрганиб, бадиий бақувват асарлар, ажойиб достонлар яратади. Шоирнинг 1858 йили, 14 ёшида ёзган “Фузулий, Шамсий, Сайқалий” номли шеърий асари илҳом ва илмнинг дастлабки ҳосиласи эди.

Алишер Навоий билан Абай Қўнонбоев икки даврда, икки хил тарихий-ижтимоий шароитда – бири Ўрта аср маданиятининг равнақ топган даври (XV аср)да темурий шахзодалар саройида умргузаронлик қилган бўлса, иккинчиси XIX асрнинг иккинчи ярмида сахро халқи орасида – яшаган эса-да, уларнинг ҳаёти ва ижодий фаолиятларида, аҳлоқий-дидактик қарашларида бир-бирига яқинлик, ўхшашикларни пайқаш қийин эмас. Алишер Навоий муайян маънода хукмдор (вазир ва Астробод ҳокими) бўлгани сингари Абай Қўнонбоев ҳам хукмдор (овул бўлиси) эди. Шу боис ҳар иккиси ҳам умрининг сўнгги дамларигача халқ манфаатини кўзлаган. Адолат, ҳаққонийлик, инсоний бурч, илм-маърифатни улуғлаб, ўз асарларида мазкур тушунча-туйғуларга кенг ўрин берганлар.

\* Қалдибек Сейданов – Қозоғистон Гуманитар фанлар академияси академиги, профессор.

Жумладан, Алишер Навоий давлат арбоби сифатида Астрободни обод қилиш, халқнинг турмуш даражасини яхшилаш борасида қатор адолатли фармонлар чиқарган бўлса, Абай Кўнонбоев 1885 йили Семипалатинск ўлкасида яшовчи қозоқлар учун 60 мoddадан иборат қонун лойиҳасини тузиб, халқ орасида жорий қиласди. Ҳатто Абай ўз отаси Кўнонбойнинг олиб борган айрим зўравонлик ишларига ҳам ҳақли эътиroz билдиради.

Икки улуғ шоирнинг ижодий тамойиллари ҳам ўхшашидир. Алишер Навоий шеърият, санъат ва илм-фанга беписанд муносабатда бўлғанларни, баъзи чаламулла ижодкорларни ёқтиргмаганидек, Абай ҳам ўз давридаги қозоқ шоирларининг bemaza битикларини танқид остига олади. Ҳазрат Навоий замондоши Осафийга қаратса: “Демак, сиз ёзган ҳар юз мисра шеърининг баҳоси бир пул экан-да”, деба киноя қилган бўлса, А.Кўнонбоев шеърият бўстонини хашакка тўлдирган қозоқ оқинлари Чўртонбой Қаной ўғли, Дулат Бабатоев ва Бухор жировга атаб қуидаги мисраларни битади:

*Чўртонбой, Дулат билан Бухор жиров,  
Шеърлари бошдан-оёқ алгов-далгов.  
Магзини чақадиган одам бўлса,  
Ҳар мисрада камчилик сезар дарров.*

Ҳар икки шоир ҳам халққа ҳалол хизмат қилиш, инсоний фазилатлар, адолат, пок муҳаббатни ҳар қандай мансаб-амалдан юқори қўяди. Навоий:

*Мансабдан мансабсизликка бургин юз,  
Ҳар мансабдан мансабсизлик дуруст, –*

деган хulosага келса, Абай: “Буюк мансаб баланд қоядир. Унга эринмай ўрмаласа илон ҳам чиқа олур”, – дейди. Ҳатто бири вазирлиқдан, бири бўлислиқдан воз кечишлири ҳам ҳаётдаги маслакларининг бир-бирига монанд эканини кўрсатади.

*Одамий эрсанг демагил одами,  
Ониким йўқ халқ гамидин гами –*

ҳамда “Отанг фарзанди бўлма, одам фарзанди бўл” – ўзбек ва қозоқ миллиатининг шиорига айланиб улгурган ушбу мисраларда комил инсон foysi икки инсонпарвар ижодкорни ўйлантирган абадий мавзу эканини англаймиз.

Улар ижодидаги яна бир ҳамоҳантлик – меҳнатни улуғлаш, меҳнат аҳлини қадрлаш асарларида яққол кўзга ташланади. Масалан Навоий:

*Умрни зое этма, меҳнат қил,  
Меҳнатни саодатнинг калити бил, –*

деса, Абай шундай ёзади: “Меҳнат қилсанг эринмай, қорнинг тўяр тиланмай”.

Кези келганда айтиш лозимки, иккисининг асарларида бадий образларни тасвирлашдагина эмас, балки табиат ҳодисаларини ифодалашда ҳам мавжуд ўхшашиклар яққол кўзга ташланади. Масалан, Алишер Навоий қиши фаслини тасвирлар экан, шундай ёзади:

*Совурди чуп шажар баргини сарсар,  
Су(в)нинг сийобдини дай қилди мармар,  
Ҳаво доги булутдин кийди синжоб,  
Булут доги ҳавога сочди сиймоб,  
Дай устоди нечунким заргари Чин,  
Залол атфоли лавҳин қилди сиймин,  
Булутдин ким томиб ҳар қатраи су(в),  
Бурудатдин ёгиб оламга инжу...<sup>1</sup>*

Яъни шоир, “қаттиқ шамол дараҳт баргларини совурди, қиши симобдек ҳаракатдаги сувни музлатди, ҳаво булутдан синжоб (ҳайвон терсидан тикилган пўстин) кийди, булут ҳавога қор (симоб) сочди. Қиши устози, Чин заргари кумушдан таҳт ясагандек, сув (муз)дан таҳт ясади. Булутдан томган ҳар томчи сув, совуқдан инжу бўлиб оламга ёғилди”, – деса, Абай Кўнонбоевнинг машҳур “Қиши” шеъри шундай бошланади:

*Оқ либосли, гавдали, оқ соқолли,  
Кўzsиз соқов, танимайди тирик жонни.  
Ҳамма ёги оқ қирор, туси совуқ,  
Боссан изи гарчиллаб келиб қолди.  
Нафаси – изгиринли, аёзли қор,  
Қари ошнанг – қиши келиб ташвиши солди<sup>2</sup>.*

(Таржима бизники – К.С.).

Абай Кўнонбоев ўзининг “Искандар” достонини яратар экан, у Алишер Навоий қаламига мансуб “Садди Искандарий” ҳамда Низомийнинг “Искандар” достонига, шунингдек, тарихий ва афсонавий “Искандар”га ҳам ижодий, шу билан бирга танқидий ёндашганини кўрамиз. Абай бошқаларницидан фарқли ўлароқ Искандарни эл-юртни талон-тарож этувчи золим шоҳ, босқинчи сифатида гавдалантириб, ўқувчиларни ундан нафратлантиради. Шу орқали адолатсизлик, шафқатсизлик ва зулмни кескин қоралаб, қаттиқ танқид остига олади. Алишер Навоий яратган “Садди Искандарий” достони билан Абай Кўнонбоевнинг “Искандар” асари ўртасида сюжетдаги тафовут, ўзига хос ифода, индивидуал услугуб, ўзгача тасвир китобхон назаридан четда қолмайди. Абай Шарқ ҳалқлари афсоналари асосида ўз достонини яратар экан, асарни қозоқ ҳалкининг турмушига мослаштириб, қозоқча вариантини яратади. Ижодкор маҳорати ва истеъдодидан дарак берувчи бу достон қозоқ ҳалқи орасида кенг шухрат қозонгган.

Таъкидлаш жоизки, Абай Кўнонбоевнинг ижодий камолотида она юртининг ҳалқ оғзаки дурданалари, рус классикларининг нодир асарлари билан бир қаторда, Шарқ адабиётининг жавоҳиротлари ҳам ижобий роль ўйнаган. Академик Мухтор Авезовнинг қайд этишича, Абай Кўнонбоев ўғли Оқилбойга ҳазрат Алишер Навоийнинг “Сабъаи сайёр” достони сюжети асосида “Жарроқ” номли асар ёзишни топширгани, набираларидан бирининг исмини Бобур кўйгани шоирнинг ўзбек ҳалқига ва унинг буюк фарзандларига бўлган меҳр-муҳаббатининг ёрқин далили десак, муболага бўлмас. Ҳатто Абай Кўнонбоев ўзининг “Қозокнинг келиб чиқиши ҳақида бирмунча сўз” номли мақоласида Бобур шахсига батаф-

<sup>1</sup> Маллаев Н. Ўзбек адабиёти тарихи. –Тошкент: “Ўқитувчи”, 1976. 455-бет.

<sup>2</sup> Құнанбаев А. Шығармаларының екі томдық толъық жинағы. –Алматы, ҚМКӘБ, 1977. 95-бет.

сил тўхталиб: “Бобур шоҳнинг онаси билан туғишган икки қариндоши бўлган. Каттаси Тошкентда хон бўлса, кичиги қозоқларга хукмронлик қилган. Булар Чигатой наслидан бўлган Юнусхоннинг болалари эди. Уша қозоқларга хукмронлик қилганинг номи Аҳмад эди”<sup>1</sup>, – дейди ва унинг қозоқлар орасидан уч юз аскар тўплаб, қалмоқлар билан курашганини қайд этади. Бу курашда Аҳмад хон қалмоқларга қақшатқич зарба берганидан уни қалмоқ хони: “Бу бир ёнолғиш бўлди”, – дейиш ўрнига: “Мана бу бир Алаш бўлди-ку”, – деб юборади. Шундан унинг номи “Алаш” деб номланибди”, – деган фикрни илгари суради ҳамда: “Бобурнома”да ана шундай ёзилган”, – деб, алоҳида уқтириб ўтади.

Буларнинг бари қозоқ шеърияти намояндаси, қозоқ халқининг фахри Абай Кўйонбоевнинг Фирдавсий, Низомий, Навоий, Бобур каби буюк алломалар асарларидан доимо баҳраманд бўлиб, уларни ўзига устоз билиб, алоҳида ҳурмат кўрсатганидан далолат. У ўзининг “Қозоқнинг келиб чиқиши ҳақида бирмунча сўз” номли мақоласида ўзбек халқи ҳақида алоҳида тўхталиб: “...ўзбеклар экмаган экин, улар олмаган ҳосил, савдогарларининг бормаган жойи йўқ... Хуллас, уларнинг қўлидан келмаган иш йўқ. Руслардан фарқли улар қозоқларнинг тиригига ҳам, ўлигига ҳам ярайди, – дейди. – Ўруслар келгандан кейин ҳам ўзбеклар уларнинг илми, урф-одатларини биздан кўра олдинроқ ўрганиб олишди. Зийраклик, моҳирлик, эпчиллик, уддабуронлик ҳам шуларда, сиполик, одоб ҳам шуларда”, – деб, қардош ва ёндош ўзбек халқига юксак баҳо беради.

Буюк мутафаккир шоир Абай Кўйонбоевнинг ўз ватани ҳамда ўзбек халқига туйган муҳаббати унинг ота ўғли эмас, одам ўғли, чинакам инсонпарвар, бағри кенг ижодкор эканидан далолатdir.

<sup>1</sup> Кўрсатилган асар. 158-бет.

## Умарали НОРМАТОВ

### “ТҮЛҚИНЛАР ЎҚИРЛАР ҲАЗИН МАРСИЯ”

(“Даврим жароҳати” достони яратилганинг 50, мудҳии жароҳат содир этилганинг 70 йиллиги муносабати билан)

XX аср янги ўзбек адабиётининг забардаст намояндаларидан бири, кўпқиррали ижодкор Ойбек бисотида достон жанри алоҳида ўрин тутади. Қирқ йиллик ижодий фаолияти давомида шоир тарихий ва замонавий мавзуда йигирмага яқин достон яратди. Аксар достонлари қаҳрамонлари номлари билан аталади: “Дилбар – давр қизи”, “Темирчи Жўра”, “Бахтигул ва Соғиндиқ”, “Гулноз”, “Навоий”, “Ҳамза”, “Зафар ва Захро”, “Маҳмуд Торобий”, “Гули ва Навоий” каби... Шунингдек, “Ўч”, “Қаҳрамон қиз”, “Камончи”, “Қизлар”, “Бобом” ҳамда тугалланмай қолган “Темур” ва “Бобур” достонлари ҳам қаҳрамонлар кисмати талқинига бағишланган лиро-эпик асарлардир.

Улуғ шоирнинг биргина достони “Даврим жароҳати” эса ўзгача, лиро-публицистик йўналишда. Бу ерда асар қаҳрамони бевосита шоирнинг ўзиидир. Муаллиф унда шахсан ўзи шоҳид бўлган XX асрнинг энг мудҳиш ҳодисаларидан бири – иккинчи жаҳон уруши поёнида япон заминида содир этилган – башарият тамаддуни тарихидаги мислсиз оғат – атом қуролини ишга солиш туфайли саноқли дақиқаларда 200 мингдан ортиқ тинч аҳоли ёстиғини қуритган, яна неча минглаб тирик қолганлар танию қалбини бир умрга жароҳатлаган, бутун башарият аҳлини ваҳшатга солган мудҳиш ҳодиса ҳақида қалам тебратади. Шу мислсиз оғат содир этилган дақиқалардан сўнг ўтган йигирма йил давомида қалбидаги аламли туғён шоирга тинчлик бермайди, 1965 йилга келиб ўша – давр жароҳатининг қалбдаги асоратлари сатрларга тизилади ва достон шаклига кириб вулқон каби янграйди.

Ойбек ўша мудҳиш ҳодиса юз берган 1945 йил 6 август соат 8.15 арафасида Япониянинг Хиросима шаҳридаги вазият манзараларини – японларнинг тинч-осойишта ҳаётини, сўнг ваҳшат кўпган дақиқалар, жаҳаннамга айланган, одам боласи тасаввuriга сифмайдиган даҳшатларни кўз олдимиизда гавдалантиради, давр балосининг шум қанотидан қарсиллаб қуйилган ялмоғиз ўти лавҳаларини чизар экан, “Азроил, инсондан, кел, ол сабоқни!”, “Юз мингча одамлар – кул... Бу не оғат?! Одамлар йўқ бўлди, қолди соялар... Миллион даражага ошган ҳарорат! Йиглади соялар, йиглади тошлар...” – дея дил-дилидан

\* Умарали Норматов – филология фанлари доктори, профессор.



ўқинади... Бири биридан мудҳиш манзаралар тасвиридан сўнг, шоирнинг мана бу қалб фарёдига ўқувчи тоқат қилиши қийин:

*Латофат, муҳаббат, ҳаётдан бир из  
Қолмади, бир онда барчаси барбод.  
Қани ёши жувонлар? Қани йигит, қиз?  
Қани хумор кўзлар – изида фарёд...*

Бу мудҳиш ҳодисага одам зоти эмас, она табиат, ҳатто денгиз сувлари ҳам дош беролмайди, унинг қархисида “Тўлқинлар ўқирлар ҳазин марсия” деб ёзади шоир.

Достон поёнида адид ваҳшатли манзаралар таъсирида ларзага тушган қалб титроқларини жиловлаб, кўнглида кечган ўй-мушоҳадаларини сатрларга тиза бошлайди. Янги тарих – XX асрнинг фоят зиддиятли муаммолари устида ўй-хаёлларга толади. Олим-шоир фикрича, мушарраф олимлар кўп жабр тортиб, илм марваридларини доналаб терди, ҳар бири қалбидан – кирмасдан қабр, илм машъалига бир учқун берди, жумладан:

*Олимлар асрлар атомнинг сирин –  
Қидириб, босдилар қадам-бақадам,  
Ақл олмоси-ла атомнинг мағзин  
Чақишига уриниб, етдилар Адам.*

*Олимлар асрлар тош, тикан, чангаль –  
Йўлларни босдилар... Ажойиб сабр!  
Фикр учқуни-ла ёқдилар машъал,  
Хайрли ишини, деб қучдилар қабр.*

Шу ўринда академик – олим, шоир ғуурур-ифтихор билан “Атомнинг қаъридан қудрат булоғин, Ҳаёт сари боғлаш – на гўзал орзу!” дейди. Унингча, аслида бу тубсиз ҳазинага қалит топиш билан баробардир. Шоирни қийнаган жумбоқ шуки: “Ҳайҳотки, бу қалит жаҳаннам очди”.

Инсон даҳоси кашф этган, аслида эзгу мақсадларга йўналтирилган ихтиrolарни “ҳаёт чаманига ўт-олов сочиш”га хизмат эттирган кимсларни шоир “Инсоннинг ифлоси – бир гуруҳ палид”, ёвузлик, “инсон шаънига ҳақорат”, башариятнинг душмани, минг аср ҳам юва олмайдиган тарихда қолган доғ деб атайди.

Шоир шу мудхиш ҳодисадан сўнг достон ёзилгунча ўтган йигирма йиллик ҳаётига назар ташлар экан:

*O, даҳшат, ёвузлик – таърифдан ожиз  
Қаламим тебранмас, қотган сўзларим.  
Ўйласам ҳар дафъа юрагим жиз-жиз –  
Коврилур, ҳасратда ёнур кўзларим,*

дэя ҳайкиради. Йигирма йил бурун қалбида қолган ўша бедаво жароҳат бир умр шоирга тинчлик бермайди. Адиб достон поёнида жабрдийда япон халқига чин дилдан ҳамдардлик билдириб, “Тупроғингга ҳали оёқ босмадим, дардларингни таширман нақ йигирма йил... Бирга ёндиним, бирга чекдим дардингни, Севгимни, дилимни қилганман тортиқ” дэя асарига сўнгги нуқта қўяди. “Даврим жароҳати” шоирнинг бошқа достонлари орасида айни шу – ҳам “ғазабкор вулқон” тарзи, ҳам ўта самимияти билан ажralиб туради.

Ниҳоят, бу нодир асарнинг яна бир муҳим жиҳатига Сиз, азиз ўқувчилар эътиборини қаратишни истар эдим. Сир эмас, шоирнинг 30–50 йиллар давомида яратган деярли барча достонларида ҳодисалар талқинида шўровий мафкура қандайдир даражада ўз асоратини қолдирган. “Даврим жароҳати” мамлакат тарихидаги янгиланиш – “эрувгарчилик” замони маҳсули сифатида бу хил синфий-мафкуравий ёндашувлардан деярли холи. “Инқилоб чақмоғи... ёрди зулматни” сингари бир-икки “шўровий” сатрларни мустасно этганда, асар бошдан оёқ умумбашарий талқин, бекиёс инсоний дард билан йўғрилган.

Достон дунёга келган кундан бошлаб эл оғзига тушди, асар асосида Республика радиоси томонидан яратилган радиоинсценировка узоқ йиллар тингловчиларни ларзага солиб, ўйга толдириб келди, адабий танқидчилик асарни муносиб баҳолади, у дарслик, ўқув қўлланмаларидан ўрин олди... Аммо булар етарли эмасдек туюлади. Бу умумбашарий аҳамиятга молик нодир достоннинг жаҳон миқёсидағи тарғиботи, ўзга тилларга, хусусан, япончага таржимаси устида бош қотирмоғимиз даркор. Достон яратилгандан буён орадан роппа-роса ярим аср ўтган бўлса-да, у ўз қадр-қимматини, умумбашарий ижтимоий пафоси, салобатини асло йўқотгани йўқ, айниқса, бугунги мислсиз фан-техника инқилоби замонида достон башариятни унинг хатарли оқибатларидан огоҳлантирувчи бонг каби янграмоқда. Ўтган аср поёнида Чернобиль атом электростанциясида содир бўлган фалокат, янги аср бошида, айни етмиш йил бурун атом захрини татиб кўрган япон халқи табиат инжиқлиги – цунами зарбаси туфайли ўз ватанидаги атом станцияларида юз берган ҳалокатлар зарбидан қанчалар озор чекканига гувоҳ бўлдик. Атом, водород бомбасига эгалик қилиш иштиёқи ваҳимаси Америка ва Россия, Хитой, Америка ва Ироқ, Шимолий ва Жанубий Корея, Хиндистон ва Покистон, Эрон ва Исроил муносабатларига соя солиб келаётганини кўрдик, кўряпмиз... Шу хил хатарли ҳодисалар устида сўз борганда беихтиёр “Даврим жароҳати”даги оташин шоирнинг башариятни огоҳликка даъват этувчи қалб нидолари бот-бот ёдга тушаверади, қалбларни туғёнга соловеради.

Бугина эмас. “Даврим жароҳати” достони билан Ойбек ўзбек шеъ-

риятида, аникроғи, достончилигіда ўзига хос ижтимоий пафос ифодасы анъанасини бошлаб берди. Агар Ойбек ўз достонида фан-техника мүйжизаси хайрли ишлар эмас, ёвуз мақсадларга хизмат этиши мислсиз фожиаларга олиб келгандыгыдан фарёд чекса, шоира Зулфия “Хотирам синиклари” поэмасыда айни шу, XX асрда содир бўлган бошқа бир мудхиш жиноятнинг оқибати, атом бомбаси зарбасидан-да қолишмайдиган Сталин даври қатағонлари оғатидан фарёд чекади. Аслида униси ҳам, буниси ҳам бир-биридан қолишмайдиган давр жароҳатлари, хотира синиклари, қалб изтиробларидир.

Шоир Эркин Вохидов “Инсон” қасидасыда Ойбекнинг “Даврим жароҳати”га жўровоз бўлиб замондош-инсон зотига қаратса “Машъали фикрат – сенинг, Ҳам чангали ваҳшат сенинг... Миндинг илм нарвонига, Чикдинг фунун осмонига, Бу жаҳон айвонига, Аркон ўзинг, вайрон ўзинг. Заррани ижод этиб, Даҳшат бало бунёд этиб, Оқибатни ёд этиб Ҳайрон ўзинг, ҳайрон ўзинг” дея чексиз ҳасрат тўла ўй-мушоҳадаларга толади.

Ойбек кўнгил лирикасининг тадқиқотчиси, Зулфия, Эркин Вохидовлар шеърияти муҳлиси Улуғбек Ҳамдам эса XXI аср остонасида туриб Ойбек бошлаб берган, Зулфия, Э. Вохидовлар давом эттирган адабий анъана изидан бориб бугунги инсон, башарият қисматининг бошқа бир қалтис жумбоги устидаги ўй-кечинмалари, қалб изтиробларини изҳор этади. “Янги инсон” деб аталган изтеҳзога лойиқ зот ким, у қаердан, қай тариқа пайдо бўлди? Қаёққа қараб кетяпти? Шу каби ҳаёт-мамот аҳамиятига молик масалаларни ўртага қўйиб, оғрикли саволларга ўзича жавоб қидиради; энг ёмони, янги инсон ўз юрагидан отилиб кўчага чиқиб кетди, у комфортга сифиниб шундай аҳволга тушди; унинг таври ўзгарди, эркаги аёлга, аёли эркакка ўхшай бошлади, “бир жинсли никоҳ” одат тусига кира бошлади; бу жараённинг мудхиш оқибати атом ва қатағон фалокатларидан-да кам эмас... Шоир шу ажаб аянчли ҳодиса устидаги аламли ўй-мушоҳадалари орқали башариятни бу хатардан огоҳ этмоқчи бўлади...



**JMS**

JAHON MADANIYATI, SAN'ATI

**Наим КАРИМОВ****РУСТАМ  
ХАМДАМОВ**

1996 йили Москвада рус маданиятининг бир неча таниқли намояндасига “Триумф” (“Тантана”) мукофоти топширилди. Шу куни жюри раиси академик Пиотровский камина учун “мистер X” бўлган Рустам Ҳамдамовни “Миллатнинг маданий бойлиги учун” деб номланган гран-при билан табриклаб, унинг шарафига юксак сўзларни айтади. Камина ўзбек ўғлонининг кино ва тасвирий санъат соҳасида эришган ютуқлари учун рус санъати юлдуzlари қаторида шарафланганидан фоят хурсанд бўлиб, бу кувончли воқеани қайсиdir газета орқали ватандошларим билан баҳам кўрдим. Аммо шундан кейин қарийб ўн йил ўтган бўлса-да, Рустам Ҳамдамов ҳақидаги тасаввуримни кенгайтириш иложи бўлмади. Шунга қарамай, унинг шахси ва ижодига бўлган қизиқишим заррача ҳам сусайганий ўқ. Негаки, у ҳам ўта серқирра истеъоддга эгалиги, ҳам ҳозир кундан-кунга ноёблашиб бораётган яна бир фазилати билан бошқалардан кескин ажralиб турарди. Бу унинг ўта камтарлиги, мол-мулкка ўчмаслиги, шон-шуҳрат бандаси бўлмаганидир.

Рустам Ҳамдамов 1944 йил 24 майда Тошкент шаҳрида туғилган. Афсуски, унинг отаси Усмон Ҳамдамов ҳақида аниқ маълумот йўқ. Р.Ҳамдамовнинг журналистлар билан қилган сухбатидан факат шу нарса маълумки, отаси шеърият шайдоларидан бўлган. “Отам шеър ёзади, – деган у. – Бошқа хеч нарса билан шуғулланмайди. У дунёдаги улуғвор номаълум шоирлардан бири”. Р.Ҳамдамов журналистнинг: “У ёзганларига пул оладими?” деган саволига бундай жавоб берган: “Асло! Ёзганлари учун пул олиш улуғ кишиларга ярашмайди”. Дўст-ёрлари Р.Ҳамдамовнинг бу сўзларини унинг ўзига нисбатан ҳам айтилган сўзлар деб биладилар. Зоро, у қанчадан-қанча бадиий фояларни ўргага ташлаган, ҳамкаслари эса унинг фоялари асосида фильмлар, картиналар, костюмлар, шляпалар, шарфлар, галстуклар... чиқариб, ҳам ном қозонган, ҳам кўша-кўша қасрлар қуриб яшаётган бўлсалар-да, у ҳамон бирор бошпанага эга эмас.

Р.Ҳамдамовнинг онаси Гурьев шаҳридан “қулоқ” қилиниб, Сирдарё бўйларига қочиб келган татарлар қавмидан. У бирмунча вақт Шарқ

\* Наим Каримов – филология фанлари доктори.

халқларининг ракс ансамблида кассир бўлиб ишлаган. Ҳамдамовнинг Парижда нашр этилган “Русская мысль” (“Рус фикри”) газетаси мухбири билан сұхбатидан аён бўлишича, унинг оиласи Тошкентдаги “Керенский уйи” (ҳозир Мўғилистоннинг Ўзбекистондаги элчихонаси биноси)га яқин “яхудийлар маҳалласи”да яшаган. “Менинг энагам рус аёли, Нижегород театри хорида ашула айтган, у ҳатто мени пинҳона чўқинтириб ҳам қўйган. У Тошкент театрининг хўжалик бўлимида ишлаб, ўқтин-ўқтин шоҳона ложада ўтириб, Плисецкаяни кўрган, Даргомижскийнинг “Сув париси”да Пирогов билан Барсовани эшитган”. Ҳамдамов, шу сұхбатдан равshan бўлишича, болалигидан эрка ва қайсар бўлиб ўсган; ҳатто комсомол-ёшлар ташкилотига аъзо бўлмаслик учун кечки мактабда ўқиган.

Ана шу қайсарлик, кўпчилик ортидан эргашмаслик, хаёту санъатда ўз йўлини топиш ва шу топилган йўлдан оғмай бориш истаги Ҳамдамов инсоний сажиисининг устувор белгиси бўлади. Рангтасвир ва кино санъатларига қизиқсан Ҳамдамов ўрга мактабни битирганлик ҳақидаги шаҳодатномани олиши билан Москвага бориб, бутун дунёга машҳур кино институтига кириш учун имтиҳон топширади ва бирорта кишининг ёрдамисиз... қайси факультеттага денг – режиссёрлик факультетига – шу йилларда совет киносининг машҳур арбоблари қаторидан ўрин олган Григорий Чухрайнинг устахонасига ўқишга киради. Институтда қабул қилинган таомилга кўра, талабалар одатда атоқли кинорежиссёrlар, кинорассомлар, кинопраторларнинг ижодий тажрибаларидан сабок олиб, шу тажрибаларни ўзлаштиришлари лозим эди. Лекин Ҳамдамов талабалик йилларининг илк кунларидан бошлаб ўзининг ижодий йўлини топишга интилди. Учинчи курсда таҳсил олаётган чоғида сценарий ёзиб, шу сценарий асосида ҳамкурслари Ирина Киселёва ва оператор Владимир Дьяков билан бирга “Тоғлардадир менинг юрагим” фильмини суратга олади. Фильм нафакат талабалар, балки ВГИКнинг казо-казоларини ҳам ҳайратга солади. Ҳамдамов гарчанд сценарийни Уильям Сароян асарлари таъсирида ёзганига ишора қилган бўлса ҳам, сценарий мутлақо оригиналлиги, фильм эса ўзининг янги, “ҳамдамовча” нафис киноэстетикаси билан совет киносига ўзига хос катта талант соҳибининг кириб келаётганини маълум қилди. Орадан бир неча йил ўтгач, А. Кончаловский “Дворянлар уяси” фильмини, бир томондан, буюк Ф. Феллини, иккинчи томондан, 3-курс талабаси Р. Ҳамдамов таъсирида яратганлигини эътироф этган. Бу, ёш киносценарист, кинорассом ва кинорежиссёр Ҳамдамовнинг кинодаги биринчи ишига берилган катта баҳо эди.

Афсуски, “Тоғлардадир менинг юрагим” фильмининг тақдиди фожиали тугади. Институт партия ташкилоти шу йилларда Хитойда машҳур бўлган “Турли-туман гуллар ўссин!” шиорининг совет мамлакатига кириб келишига сабаб бўлмаслиги учун унинг экран ва телевидение орқали кўрсатилишига рухсат бермади. Фильмнинг ВГИК фильмотекасида сақланаётган негативи эса кутилмаганда “ўғирланди”. “Миш-миш”ларга қараганда, кимdir негативни ўғирлаб, уни бехосдан ювиб ташлаган эмиш. Бу тасодиф эмас: шу даврда партияга фақат соцреализм тувакчаларида ўстирилаётган қизил гулларгина керак эди.

Ҳамдамовдек истеъоддли шахслар мағкуравий яккахонлик шароитида қувилиб-йўқолиб кетиши хеч гап эмас эди. Буни яхши билган А. Кончаловский Ҳамдамовни кино оламида сақлаб қолиш мақсадида ўзи суратга олаётган “Дворянлар уяси” фильмига либослар бўйича рассом сифатида таклиф этади. Ҳамдамов бу фильмдаги қаҳрамонлар (артистлар) учун алламбало костюмларни, шу вактгacha бирорта соҳибжамол киймаган алламбало шляпаларни ўйлаб топади ва ўз қўли билан ясади. Ижодий ҳамкорлик самарали яқун-

лангандан сўнг, Кончаловский Москвадаги қайси бир ертўлада яшаётган, аммо “прописка”си бўлмаган Ҳамдамовнинг “Мосфильм” киностудиясида “Кутилмаган қувончлар” биринчи тўла метражли бадий фильмини суратга олишига рухсат олиб беради. А. Кончаловский ва Ф. Горенштейннинг шу номдаги сценарийси турли чирикклардан омон-эсон ўтгач, Ҳамдамов фильмдаги асосий ролларга биринчи фильмидаги аёл ролини қойилмақом қилиб ўйнаган Елена Соловейдан ташқари, Наталья Лабле, Олег Янковский, Татьяна Самойлова сингари таникли киноартистларни таклиф этади. Лекин киностудия раҳбарияти суратга олинган дастлабки кадрларни кўриб, Ҳамдамовни сценарийга тўла риоя қилмаганликда айблайди ва унинг олдига сценарийдан бир қадам ҳам четта чиқмаслик ҳақида шарт қўяди. Ҳамдамов бундай мафкуравий тазиик шароитида ишламаслигини айтиб, “Мосфильм”дан бош олиб кетади. Кўп ўтмай, суратга олинган кадрларнинг 9 кутидаги негативи ювиб ташла нади, ишчи материаллари эса талон-торож қилинади. Орадан 16 йил ўтгач, Ҳамдамов “Anna Karamazoff” фильмини суратга ола бошлаганида, кимдир цехда “Кутилмаган қувончлар”нинг позитивлари солинган кутиларни кўриб қолади. Рустамнинг дўстлари бу кутилардаги суратларнинг мўъжизакор жозибасини кўриб, кўз ёшлирини тўқадилар: бу нафақат Ҳамдамовнинг, балки совет киносининг тугалланмаган шоҳ асари экан! Таникли кинорежиссер Кира Муратов: “Агар мендан “Ким сизга таъсир кўрсатган? Ким сизга устоз бўлган?” деб сўрасалар, мен бундай жавоб берган бўлардим: “Эҳтимол улар кўпчиликдир, аммо гапнинг сирасини айтганда, Параджанов билан Ҳамдамов”, деган. Москвалик киношунуносларнинг ёзишларича, Н. Михалков Ҳамдамовнинг “Кутилмаган қувончлар” учун тайёрлаган материаллари асосида “Мухаббат бандаси” фильмини суратга олган, аммо бирор интервьюсида на бу фильмнинг бадий-эстетик заминини яратган Ҳамдамовни, на бирламчи манбани тилга олган.

Р.Хамдамов “Кутилмаган қувончлар” суратга олина бошлаган 1974 йилдан 1991 йилгача, яъни кино оламидан четда кечган ҳаёти давомида тасвирий санъатнинг турли жанрларида тинмай ижод қилди. Шу вактдами ёки “Тоғлардадир менинг юрагим” фильмидан кейинми, Пушкиннинг “Дубровский” қиссасини ўқиб, шу асарни экранлаштириш орзузи билан яшаган Витторио де Сика Г. Чухрайга мурожаат этиб, ундан шу фильмга ҳамрежиссрлик қилишни илтимос қиласди. Чухрай эса, картинанинг тасвирий образини ишлаб чиқишига Ҳамдамовни таклиф этади. Ҳамдамов бу ишга завқ билан киришиб, шляпа, шарф, либосларнинг турли-туман шакллари тасвиrlанган 50 варакли жилдни Чухрайга берганида, буюк итальян режиссери навқирон ўзбек йигитининг санъатини кўриб, ҳайратга тушади. “Булар нима, асл нусхаларми?” деб сўрайди де Сика. “Албатта, асл нусхалар”, жавоб беради Чухрай. Аммо у де Сиканинг бу гаплари тагида “Пушкин давридан қолган либосларнинг асл эскизларими?” деган маъно ётганини англамай қолади. Ҳамдамовнинг эскиzlари тарихан шу қадар ишонарли, бадий жиҳатдан шу қадар мукаммал асарлар экан.

Кези келганда айтиш жоизки, Ҳамдамовнинг шу йилларда ва кейин акварель бўёқлар билан ишлаган расмлари нафақат Лукино Висконти, Тонино Гузэрра сингари машҳур итальянларнинг уйларини, балки Москвадаги Третьяков галереяси, АҚШдаги Роткерс университети қошидаги Циммерли музейи, Италиянинг Раванна шаҳридаги Миллий галерея залларини ҳам безаб туради. Ҳамдамов – асари 2003 йилда Эрмитажнинг замонавий коллекциясига қабул қилинган биринчи барҳаёт россиялик рассом хисобланади. Шу воқеа муносабати билан Эрмитаж раҳбарияти Ҳамдамов шарафига расмий қабул маросимини ўтказган. Унинг асарлари кўргазмаси Россиянинг Москва, Санкт-

Петербург сингари йирик шаҳарларидан ташқари, Лондон, Нью-Йорк, Милан, Червия каби шаҳарлардаги нуфузли кўргазмаларда намойиш қилиниб, минглаб тасвирий санъат муҳлисларининг таҳсинаси сазовор бўлган. 1999 йилда Нью-Йоркдаги “Winter Gallery” компанияси Ҳамдамовнинг уч тиражда нашр этган офортлари аллақачонлар сотилиб, хозир, Стадивари скрипкалариdek, ноёб асарларга айланган. Ҳамдамов 2000 йиллардан бошлаб театр рассоми сифатида ҳам фаол ижод қилиб, А. Кончаловский билан ҳамкорликда “Шчелкунчик” ва “Чайка”, В. Кручинина билан ҳамкорликда “Текинхўр”, Ю. Любимов билан ҳамкорликда “Ақллилик балоси” ва бошқа спектаклларнинг саҳналаштирилишида рассом сифатида ўз ҳиссасини кўшган.

Ҳамдамов 1991 йилда “Anna Karamazoff” деган биринчи тўла метражли фильмини яратишга муваффак бўлди. Франциялик продюсер Серж Зильберманнинг бирдан-бир мақсади фильмни Канн кинофестивалида намойиш этиб, нуфузли совринлардан бирини кўлга киритиш эди. Шунинг учун у фильм устидаги иш тугалланмаганига қарамай, Ҳамдамовни шошириб, ҳали сўнгти сайқал беришмаган фильмни Каннга олиб боради. Аммо фестивалнинг энг юксак совринига даъвогар бўлган асар совринсиз қолади. Ширин орзулари биллур қадаҳдек чил-чил синган продюсер фильмнинг Россия экранларида намойиш этилишидан ҳам, фильмнинг бир нусхасини Ҳамдамовга беришдан ҳам бош торгади. Бироқ “Монд” газетасининг 1991 йил 20 май сонида ёзилишича, “Anna Karamazoff” бамисоли фиръавнлар хазинаси ўлароқ, “ўғирланмай қолган, аммо ўнлаб йилларга етадиган бойликлар билан тўла фильмдир”.

Ҳамдамов 1992 йилда Жак Ширакнинг жаҳон маданияти атоқли арбоблари учун таъсис этилган грантини олиб, 1995 йилгача Парижда яшади; шу даврда Милан, Париж, Нью-Йоркдаги “Юксак мода уйлари” учун аноним ҳолда (исмини кўрсатмай) янги модаларнинг эскизларини чизди; Американинг “Russian World Galleri” компанияси учун заргарлик буюмларининг лойиҳаларини яратди.

2005 йилда Ҳамдамовнинг тўққиз йиллик ижодий орзу ва изланишлари натижаси – “Вокал параллеллар” фильмни экран юзини кўрди. Фильм номи машҳур тенорлардан бири Жакомо Лаури-Вольгининг шу номдаги китобидан олинган. Ҳамдамов фильм жанрини гарчанд “фильм-концерт” деб атаган ва унда Пуччини, Шуман, Росини асарлари А. Давтян, Р. Жаманова, Э. Курмангалиев ижроларида янграган, ҳатто уларнинг чиқишилари Р. Литвинова томонидан эълон қилиниб турган бўлса-да, асар вокал санъати эмас, балки Бергман, Антониони, Феллинилар киноэстетикаси муҳлисларига мўлжалланган фильм-метафора эди. Ҳамдамовнинг ўзи ҳам оригинал ассоциатив, метафорик ва визуал кинотилнинг асосчиси сифатида эътироф этилган.

Ҳамдамов асарлари кўргазмаси каталогида чоп этилган “Рустам Ҳамдамовнинг вокал параллеллари” мақоласида Паола Волкова фильмни бундай талқин қилган: “Ҳамдамовнинг вокал параллеллари сонсиз-саноқсиз. Ўнинг “қизиқчи аёллар”и тушларида Репиннинг “Баронесса Икскул”ини кўришади. Шляпа кийган қизлар тушларига Врубель, бир бош узумнинг тушига эса Пуссен киради. Аммо булар ўз қавмидан ажralиб чиқсан, қавми билан алоқасини йўқотган орзу ва тушлардир. Улар пировардида гиперматнга, алоҳида-алоҳида мавжудотларга айланниб кетади. Бу – “овозларнинг само ўйлари”даги ғалати йўқламаси”дир”.

Ҳамдамовнинг бу фильмини томоша қилиш ва уни тўғри талқин қилиш

учун Антониони, Феллини, Бергман сингари янги киноэстетикага асос солған режиссёrlар тажрибасидан хабардор бўлиш, тушуниш ва завқланиш истеъодига эга бўлиш лозим.

Ҳамдамов қанчалик истеъодли ва унинг истеъоди қанчалик серқирра бўлмасин, бу истеъоддинг қадрига етадиган ва ҳатто уни кўкларга кўтарадиган дўстлару муҳлислар кўп бўлганидек, уни тушунмайдиган ва ҳатто тушунишни истамайдиган кишилар ҳам оз эмас. Сўнгги тоифага мансуб кишиларнинг бир қисми унинг ўзига хос истеъодини инкор этади, унинг кинорежиссёр сифатида реаллашишига тўғаноқ бўлади. Ҳамдамовнинг инсоний сажиясида ҳам истеъодининг тўла юзага чиқиши ва шовул мевалар беришига монелик қилувчи хислатлар йўқ эмас. У зиддият ичидя яшовчи, ўзидағи аксилижодий инстинктларни бартараф эта олувчи, ўз фоя ва мақсади йўлида курашувчи шахс эмас. Лекин унинг бадиий фикрлаш тарзи ва шакллари шу қадар нағис ва жозибалики, бу бадиий фикрнинг реал самараларини кўрган киши ҳайратланмай қолмайди. Унинг ҳар бир акварель ёки мойбўёқ билан ишланган ишида фақат Ҳамдамовгагина хос бўлган Үслуб сокин ва майин бир тарзда жилва бериб туради.

Мухбирлардан бири ундан сўраган экан:

– Сизнинг картиналарингизда турли-туман эски-туски туфлилар, ҳар хил ипли, тугмачали, тақинчоқли ботинкалар ҳаддан зиёд кўп. Пойабзалга бўлган бундай эҳтиросингизнинг сабаби нимада?

Ҳамдамов жавоб берган:

– Мен Милан, Париж, Нью-Йоркдаги “Юксак модалар уй”и учун жуда кўп либослар, жумладан, пойабзалларни чизиб берганман. Яна шуниси ҳам борки, эски, ташланган нарса жуда ҳам жозибали бўлади. Набоков шу ҳақда кўп ёзган. Майса устида унтилиб қолган кўлкопнинг ўзи – картина. Анови, биринчи планда тасвирланган дентиз бўйидаги ок туфелча билан бир шингил узумга қаранг. Бир-бири билан мутлақо боғланмаган нарсалар. Улар ёнидаги нима, коптоқми? Йўқ. Бу – шар, бутун ер юзи... Бу ерда ҳеч қандай ҳаракат йўқ – ит югуриб ўтмаган, тўлкинларни тебратиб юбормаган, аммо: “Мен эшиштаган нарса – ҳеч нарсани англатмайди. Фақат бир нарса, мен ўз кўзим билан кўрган нарсагина мавжуд. Ҳатто айтишим мумкин – кўзимни чирт юмиб кўрган нарсам ҳам мавжуд”, деган де Кирико руҳидаги сюрреализмнинг сезгиси бор, холос”.

Ҳамдамов яна бундай фикрни олға сурган: “...Мусулмонларда одамлар ва ҳайвонлар тасвиридан фойдаланиш тақиқлангани учун гилам гулларини сўғий гиламчилар – аскет ва мистиклар ўйлаб топишган. Гилам тўқиган хотин-қизлар эртами ё кечми медитация кила бошлишган. Мавхум бир нақшда, нотаниш дунё тузилиши чизилган чизмада бўлганидек, абадият ҳақидаги, космос ҳақидаги фикр мужассамланган. Бизнинг ўзимиз ҳам шу катта гиламнинг тугунчаларидек унда муҳрланган бўламиз. Ўйлайманки, ҳақиқий абстрактчи рассом ҳам худди шундай ишлайди – реалликдан узоқлашади ёки аксинча, унга чукур кириб боради-да, медитация жараёнида ўзининг тугун ва нақшларини кашф этиб, коинотни қайта яратади. Чинакам абстракцияда донолик мавжуд бўлиши лозим”.

Ҳамдамовнинг интервьюсидан олинган бу сўзлар унинг нафақат катта рассом, сценарист, кинорежиссёр, балки ўз қарашлари, ўз овози, ўз услуби ва ўз фалсафасига эга ижодкор эканидан ҳам шаҳодат беради. Ҳамдамов ижоди тарғиботчиларининг: “Лукино Висконти Ҳамдамов расмлари осиглиқ хонасида вафот этган!” деб ғурур билан айтган сўзлари бежиз эмас.



## ВЕНГРИЯ РЕСПУБЛИКАСИ

Қадимий Дунай дарёси бўйида жойлашган Венгрия мамлакати узоқ тарихга эга. Гоҳ мўғулларнинг; гоҳ усмонли туркларининг хужумларига дуч келган венгерлар кейинчалик Австрияning вилютига айлантирилди.


Нихоят 1918 йил октябрда мамлакат озодликка эришди ва 16 ноябрда Венгрия Республикаси деб эълон қилинди. Бироқ кўп ўтмай Венгрияда аввал советлар ҳокимияти ўрнатилди, кейин Германияга хайриҳоҳ Хорти диктатураси қарор топди, сўнг яна советлар ҳокимияти мамлакат тепасига келди. 1956 йилги халқ исёни ҳам шафқатсизларча бостирилди. 1989 йили Венгрия демократик хукуқий давлат деб эълон қилинди ва 18 октябряда Венгрия Республикаси деб аталди.

Ўзбекистон ва Венгрия ўртасидаги дипломатик муносабатлар 1992 йил 3 марта ўрнатилган.

Венгерлар 20 августни Венгрия давлати асосчиси Авлиё Иштван шарафига миллий байрам сифатида кенг нишонлайдилар. Шу муносабат билан журнализмнинг мазкур сонини Венгрия адабиётига бағишладик.



*Мустақиллик санаси –  
1989 йил 18 октябрь  
Пойтахти – Будапешт  
Майдони – 93 036 км<sup>2</sup>  
Аҳолиси – 9 877 365 киши  
Давлат тили – венгер тили*



## Адабиёт

Венгер маданиятининг бошқа соҳалари каби унинг адабиётида ҳам XIX асргача у қадар мустақил тараққиёт излари кўзга ташланмайди. Бунга биринчи сабаб – туб аҳолининг

камлиги ва тарихан ночорлигидир. Дастребаки венгер қироли 995 йил насронийлик динини қабул қилгач, венгер қабилалари кўчманчи чорвадорликдан дехқончилик ҳаёт тарзига зўрлаб ўтказилган эди. Шундан сўнг Венгрия турли гарб ва қисман шарқ давлатларининг мустамлакасига айланди. Давлат тизгини кимнинг кўлида бўлишидан қатъи назар – улар хоҳ миллий қироллар бўлсин, хоҳ ажнабий ёки габсбург сулоласи вакиллари бўлсин, ҳар бири венгер маданиятини “лотинлаштириш”, кейинчалик эса “германлаштириш”га ҳаракат қилдилар. Қирол саройи ва олий черков муассасалари чет эллик рассомлар, меъморларни таклиф этар, улар немис, француз ва бошқа феодалларга тақлид қиласар эдилар. Венгер адабиёти ривожига энг кўп шу нарса тўғаноқ бўлган эдикি, XIX аср бошигача Венгрияning расмий тили – лотин тили эди. XV асрдаги йилномачи ва ёзувчилар шу тилдан фойдаланиб келганлар. XVI асрдан, яъни “Венгрияning буюк миллий офати”дан (мамлакатнинг турклар томонидан босиб олиниши шундай аталган эди) кейин венгер тили ва адабиётида нисбатан юксалиш содир бўлди. Мамлакат 1538 йилги шартнома асосида уч қисмга бўлиниб кетган эди: бир қисми Габсбург қироли Фердинанд мулки бўлиб қолди, иккинчиси Туркия сultonлиги вилоятига айлантирилди, учинчи қисми эса, яъни Трансильван қисмida миллий герцоглик ташкил этилди. Венгрияning дворянлик габсбурглари қарши бўлган ва ислоҳотга йўл берибина қолмай, балки уни қўллаб-куватлаган бу қисмida биринчи марта венгер адабиёти ривожланиши учун қулай шароит яратилган эди. Адабиётда ҳалқ қўшиқлари ва йилномалар пайдо бўла бошлиди, чет эл муаллифлари асарлари венгер тилига таржима қилинди, ҳалқ қаҳрамонларининг жасоратлари ҳакида лирик ва эпик қўшиқлар яратилди.

XV асрда “венгер шеъриятининг отаси” Б.Балаши (1551–1594) “гул қўшиқлар” деб атальувчи кўплаб сонетлар ёзди. Бу гарб, хусусан, итальян лирикаси негизида юзага келган асарлар эди. Бу даврда Себастиан Тибоди (“Йилнома”, 1554) ва Пётр Илошваи (ҳалқ қаҳрамони Толдининг жасоратлари ҳақидаги достон, 1574) баракали ва тўлаконли ижод намуналарини яратди. Сигетвар қалъасини турклардан ҳимоя қилиш ҳақидаги асар муаллифи Миклош Зрини (1620–1664) ва романтик достон муаллифи Иштван Генгеши (1625–1704) ўз салафлари ижодини янада бойитди. Ушбу эпик ва лирик асарларнинг аҳамияти шундан иборат эдики, уларда ҳали тараққий топиб улгурмаган венгер



Б. Балаши

тилини адабий тилга айлантиришга уринишлар бўлган ва биринчи марта уларга дунёвий мазмун бағишиланган эди. Католик ва протестант черков вакиллари ёзган псалмлар, назарий ва баҳсталаб асарларнинг таржима қилиниши адабий тилнинг ривожланишида муҳим роль ўйнади. Бу борада черков ёзувчиси Пётр Пазман (1570–1637)нинг асарлари алоҳида диққатга сазовор. Бу вақтда илмий рисолалар ва тарихий асарларнинг муаллифлари деярли юз фоиз лотин тилидан фойдаланаар эдилар. Тарихчилар Бел, Колле, Кальдор, Катоналарнинг ишлари айнан шу даврга тўғри келарди. Бу билан Венгрияда биринчи қомус ва мантиқнинг пайдо бўлишига имкон туғилди.

Венгер тилининг бундан кейинги тараққиёти мустақил миллий давлат яратишни мақсад қилиб олган миллий ва аксилгабсбург ҳаракатининг ривожланиши билан баравар кечди.

Озодлик ҳаракати бостирилганидан кейин (1711) Австрия томонидан юргизилган қаттиқ сиёсий ва маданий зулм муттасил равишда миллий маданиятни заифлаштириб борди ва лотин ҳамда немис маданияти тарафдорларини қувватлаб чиқди. Венгер тарихчилари XVIII асрни “Аксилмиллий давр” деб аташди. Дарҳақиқат, тахминан 80-йилларгача маданият соҳасида миллий ҳаракат тўхтатиб кўйилганди. Ф. Ракоци (мустақил Венгрияниң муваққат ҳукумати раҳбари) саройида венгер маданий ҳаёти марказига ҳам таг-туғи билан барҳам берилди. Венгрияга чет эл рассомлари, актёрлари ва ёзувчилари оммавий тарзда ташриф буюра бошлади. Адабий тил ҳамон ўша-ўша лотин тили эди. Шу тариқа 1711 йилда венгер адабиётининг дастлабки тарихи (Давид Цвиттингер), филологик очерклар (Шаянович) ва 1705 йилда биринчи рўзнома юзага келди – барчаси лотин тилида. Айни дамда венгер адабиётининг ягона намояндаси Клемен Микеш (1690–1761) бўлиб, у ҳам Ф. Ракоцининг котиби сифатида муҳожирликда яшар эди. Муттасил исён кўтариб келувчи Венгрияни бутунлай германлаштиришга интилган габсбурглар Мария Тереза (1740–1780) даврида ўз сиёсий йўлини ўзгартирди. Муҳолифатчи вилоятлар ҳаракатини зўравонлик билан босишига жазм этмай, Мария Тереза Вена саройига зодагон венгер ёшлирининг “гул”ини тўплади, мақсад – уларнинг қўнглида сулолага садоқат ва онгида немис маданиятига ҳурмат-эътиқодни пайдо этиш эди. Илгари лотин тилида гаплашган зодагонлар бу даврга келиб, мутлақо немис ва француз тилида ёзар ва гапиради. Венгер тилини эса ҳатто венгерларнинг ўзлари ҳам тўпори дехқон тили деб назар-писанд қилмас эдилар, гўё у маданий одамлар фикр ва туйғуларини ифода этолмас эмиш. Аммо габсбурглар сиёсати миллий онгнинг бундан кейинги тараққиётини вақтинча тўхтата олар эди. Бостирилган миллий ҳаракат миллий ғояларига содик венгер зиёлиларининг бир қисми (Ракоци) ва хусусан чет элга (Туркия ва Франция) муҳожир бўлиб кетган миллатчилар тиши-тирноғигача француз инқилоби ғоялари билан қуролланган эди. Вилоятлардаги ёшлар “миллий тикланиш” шиорини кўтариб чиқдилар. Шу пайтдан эътиборан венгер адабиёти тараққиёти ва юксалишининг иккинчи даври бошланди.

Вақт ўтиши ва омма орасида миллий онгнинг кучайиши баробарида бадиий адабиётда ҳам Ф. Казинцидан ташқари “тиклангандар” оқимининг етук намояндалари: насрнавис Иосиф Кармаи (1769–1795), шоирлар – Георг Бешенъей (1747–1811) (уни “венгер Горацийси” деб атар эдилар) ва Янош Бачани (1763–1845) венгер адабий тилининг кенг майдонга чиқишида жонбозлик кўрсатдилар.

Яна бир авлод вакиллари – шоир Александр Кишфалуди (1772–1844) (Петрарка таъсири остида ёзар эди), Франц Келчай (1790–1833) (Лессинг ва

Шиллер таъсирида ижод қиласарди) ва Михаел Чоконаи (1773–1805) (юон адабиёти таъсирида ёзса ҳам ҳалқ шеъриятини унутмаган эди) мумтоз адабиёт, қисман юон ва рим адабиёти таъсирида асарлар ёзардилар.

Мазкур ёзувчилар фаолиятининг сўнгги даври Австрия тескаричилари-нинг янги босқинига тўғри келарди. Ёзувчилар энди бутунлай романтизм томонга юз тутган эдилар. Улар, бинобарин, “барча ҳалқлар эркинлиги” ҳақида куйламас, Бачани сингари “қуёшга мадхия ёзмас”, келажак ҳақида хомхаёлларга берилмас эди, балки венгер миллатининг “буюк ўтмиши”га, милий ғоялар ва қаҳрамонларни алқашга эътибор қаратишган эди. Тобора катта аҳамият касб этиб бораётган бадиий наср муаллифлари билан бир қаторда Карель Кишфалуди (1788–1830), Иозеф Катона (1792–1830) сингари драматурглар пайдо бўлди. Иозеф Катонанинг “Банк Бан” тарихий драмаси бутунги кунга қадар ҳам саҳнадан тушгани йўқ. Шоир, драматург ва Шекспир таржимони Михаел Вёрёшмарти (1800–1855) шу даврнинг ёрқин намояндадалидан саналади.

Венгер адабиётининг учинчи даври 1848 йилдаги март инқилобидан бошланади. Лирик Шандор Петёфи (1822–1849), достоннавис Янош Арань (1817–1882), романнавис Мор Иокай (1825–1904) ва драматург Имре Мадач (1823–1864) энг кўзга кўринган ижодкорлар сифатида ёш венгер адабиётини жаҳон адабиёти даражасига кўтариш учун фидокорларча меҳнат қилдилар. Арань ўз балладалари, тарбиявий романлари ва йирик достонларида венгер миллий буржуазияси ва шу буржуазиянинг иттифоқчиси – майда боёнларнинг романтик идеалларини тараннум этди. Ш. Петёфи эса буржуа демократиясини кенгрок тушунди; ўз эътиқодига кўра у республикачи-космополит эди ва унинг лирикасида ўша вақтдаги майда буржуазия зиёлиларининг сиёсий идеаллари ўз ифодасини топган эди. Мадач ва Иокай романларида майда буржуазия демократияси ва зодагонларча такаббурлик ўртасида муроса йўлини қидириш ғояси мухим ўрин тутади. Хусусан, Мадачнинг кўплаб романлари деярли барча Европа тилларига таржима қилинган, рус ўқувчиси эса унинг ўттиздан ортиқ романини ўқиши шарафига мұяссар бўлган.

XIX асрнинг сўнгги йиллари ва XX асрнинг бошларида венгер адабиётига реализм кириб келди. Унинг вакиллари З. Амбруш, Фр. Герцег, Г. Круди, Фр. Молькер, В. Ракоши, Ал. Броди, И. Фельдеш ва бошқалар XIX асрдаги француз адабиёти анъаналарининг у ёки бу даражадаги истеъодли ворислари ҳисобланишади.

Венгер адабиётининг навбатдаги тараққиёт босқичи ғарб модернизми белгиси остида бошланди. Бу босқич тараққиёти саноат ва венгер буржуазиясининг тез ўсиши билан боғлиқ. Ш. Петёфидан кейинги дастребки йирик лирик шоир Эндре Ади (1863–1924) модерчилар мактабининг йўлбошчиси бўлиб майдонга чиқди. “Ғарб” журнали атрофида тўпланган бир қатор истеъодли шоирлар венгер шеърияти тилини фақат рамзу истиоралар билан бойитибгина қолмай, “круцлар”ни исёнкорона “тирилтириб”, венгер модернизмига ўзига хос сайқал берди.

Пролетариатнинг синфий кураши билан боғлиқ урушгача бўлган адабиёт ҳақида кўп гапириб бўлмайди. Ш. Чизмадия (насрнавис) ва И. Ванцак ва Ж. Вернаи – улар (шоирлар) соц-демократия манфаатини олға сурган асарлар ёздилар. Модерни Белеревис (1876 йилда туғилган) ва эрта оламдан кўз юмган насрнавис Иштван Темеркень (1866–1917) ўз ижод ва истеъодини бутунлай ишчилар ҳаракатига бағишлидилар. Турли гурухбозликларга кўр-кўрониа эргашишдан ўзларини сақлаб қолган

ёш ёзувчилар Андор Габор, Анатоли Гидаш, Бела Илеш, Янош Гетван, Жозеф Ленгели ва бошқалар 1926 йилда “Венгер инқилобий ёзувчилар уюшмаси”га бирлашди. Уларнинг венгер тилида ёзган асарлари жузъий истиснолар билан ўз она тилларида олам юзини кўрди.

Венгрияда шафқатсиз тескаричилик харакати узоқ давргача хукм сурди ва бу миллий адабиётнинг ривожланишига жиддий салбий таъсир кўрсатди. Оқ террорнинг дастлабки йилларида манаман деган ҳар қандай адабиёт ҳам чурқ этолмай қолди. Фақат модерничилар гурухига мансуб, реалист, тарихий романлар ва ўрта дехқонлар ҳаёти ҳақидаги асарлари билан танилган биргина Жигмонд Мориц (1879–1942) ўз норозилигини ифода эта олди, холос. 1921 йилдан яна модерничилар орасида хиёл жонланиш кўзга ташланди, аммо уларнинг олдинги адабий-ижтимоий радикализми мутлақо сиёсий гоясизлиги билан ажралиб турувчи алоҳида эстетизмга айланиб улгурди. 1926 йилдан “100%” ва “Янги ер” номли журналлар атрофида тўплланган ёш шоир ва ёзувчилар орасида романнавис Гергель бирмунча ажралиб турар эди.

Ўзбек ўқувчилари венгер ёзувчи шоирлари билан илк марта ўтган асрнинг 60-70-йилларида танишган эдилар. Ўшанда Шандор Петёфи, Бела Илешларнинг шеърлари алоҳида китоблар шаклида Fafur Ғулом номидаги Адабиёт ва санъат нашириётида чоп этилганди. Шундан сўнг узоқ вақтгача Европанинг қоқ ўртасида жойлашган бу мамлакатнинг адабий ҳаёти ҳақида деярли ҳеч ким муфассал маълумот олганлигини эслаш қийин. Бундай хайрли ишларга сўнгти вақтларда севимли журналинизм “Жаҳон адабиёти” дастлабкилардан бўлиб кўл урмоқда.

Энди икки оғиз сўз венгер тили ҳақида. Венгрияда, шунингдек Руминия, Чехословакия ва Югославиянинг айрим туманларида тарқалган венгерлар тилида 12 миллиондан ортиқроқ одам гаплашади. У фин-угор тиллар оиласига мансуб угор гурухига киради. Венгер тили саккиз лаҳжага бўлинади: фарбий, шимоли-фарбий, дунайорти, альфёльд, дунай-тисса, шимоли-шаркий, трансильван ва секей лаҳжалари. Венгер тилининг айрим сўзларини яна лотин, шунингдек форс, араб ва асосан Ҳ асрга оид юнон (Византия) матнларида учратиш мумкин. Венгер тилининг дастлабки ёзма ёдгорлиги “Қабр устидаги нутқ” (тахм. 1200 йил) ҳисобланади. Венгер тилидаги дастлабки адабий ёдгорликлар (XII–XV асрлар) тилнинг лаҳжа ҳолатини акс эттиради ва лотин тилида битилган диний мазмундаги матнлар таржимаси ёки ишланмаларидан иборат бўлиб, уларда лотинча унсурлар кўп учрайди. Бироқ ҳалқка тушунарли ва яқин бўлган венгер тилида ижод қилишга жазм этган ёзувчилар Г. Хелтаи, П. Борнемисс ва В. Балашибилар XVI асрнинг иккинчи ярмида тилнинг миллий ўзлигини англашга катта ҳисса қўшдилар. XVIII асрда И.Дъёндъёши ва Ф.Фалуди адабий венгер тилини бойитишда алоҳида жонбозлик кўрсатди. Адабий арбоб Ф.Казинци бошчилигидаги “тилни янгилаш” ҳаракати кейинчалик тараққиёт сифатида баҳоланди. XIX аср венгер тилида Шандор Петёфи, Я.Арань, М.Иокай, К.Миксат ва бошқа ёзувчилар асарларида адабий тил сўзлашув тилига анча яқинлаштирилди, бунга лаҳжа тилдаги қўпгина сўзларнинг кириб келиши омил бўлди.

*Амир ФАЙЗУЛЛА  
тайёрлади*

## Тасвирий санъат ва меъморчилик

Қадим тарихга эга Венгрия тасвирий санъати XI асрга келиб, насронийлик дини таъсири остида ривожланишда давом этди. Ибодатхоналар, черков ва соборлар диний ва мифологик сюжетлардан иборат деворий суратлар ва мозаикалар билан безатила бошланди. XI–XII асрларда венгер тасвирий санъатига ғарб, айниқса, итальян ва француз тасвирий санъатининг таъсири кучайди. XIV аср ёдгорликлари деворларида готика<sup>1</sup> усулида фрескалар пайдо бўлди. Айниқса, қирол Матиас Корвин хукмронлиги даврида (1460 йиллар) тасвирий санъат ва меъморчиликнинг ривожи учун қулай шарт-шароит яратилди. Натижада венгер тасвирий санъати истеъдодли рассомларнинг ранг-баранг ижоди билан бойиб борди. Мисол тариқасида машҳур рассомлардан Яков Богдань (1658–1724) ижодини келтириш мумкин. Унинг асарларида ҳайвонот олами, гуллар, табиат неъматлари тасвири етакчилик қиласиди. “Фламинго ва турфа кушлар”, “Кушлар давраси”, “Гул ёнидаги бола ва тўтиқуш”, “Қовун, олча ва мевалар” каби асарлар шулар жумласидандир.



XIX асрда ижод қилган Карой Марко, Геза Месей, Дьюла Бенцур каби машҳур рассомларнинг бетакрор ижоди венгер тасвирий санъати тараққиётiga сезиларли таъсир кўрсатди. Айни пайтда, хорижий санъат даргоҳлари билан мустаҳкам ҳамкорликни йўлга қўйган рангтасвир мактабларининг ташкил этилиши, малакали рассомларни тайёрлаш ва тажриба алмашиш соҳасида муҳим аҳамият касб этиши билан бирга, турли жанр ва услубларнинг ривожланишига кенг йўл очди. Бу даврда, айниқса, пейзаж ва портрет жанрлари кенг тараққий этди. Пейзаж усталаридан бири Карой Марко (1791–1860)нинг тўзал табиат манзаралари тасвирланган “Альдфелд манзараси” асари, импрессионист рассом Ласло Паал (1846–1879)нинг “Ўрмон чангалзори”, “Дала” каби суратлари диққатга сазовордир.

Миллатнинг ўз-ўзини англашга бўлган интилиши, янгиланаётган жамиятда давлат ва жамоат арбобларининг ўзига хос қиёфаларини тасвирлашга уриниш портрет жанрида салмоқли асарларнинг пайдо бўлишига олиб келди. Бу соҳада мусаввир Миклош Барабаш (1810–1898) ижоди айниқса эътиборлидир. Унинг қаламига мансуб “Ёш аёл”, “Хат ташувчи капитар” асарлари, давлат арбоблари – Лайош Кошут, Ласло Телеки, ёзувчи Янош Арань, бастакор Ференц Лист портретлари, Мор Таннинг “Моҳач жанги” картинаси венгер тасвирий санъати тарихида алоҳида мавқега эга.

Шунингдек, Ласло Меднянский (1852–1919; “Тиланчилар бошлиги”, “Қовоқхонада”, “Қария”), Иштван Рети (1872–1945; “Аскарнинг дафн маросими”), Дьюла Деркович (1894–1934; “Азадорлар”, “Қатл”, “Суд хабари”) сингари рассомлар асарларида озодлик учун кураш, оддий халқнинг адолатсизликларга қарши норозилик ҳаракатлари тасвирланади.

<sup>1</sup> Готика (фр. Gothic, готика) – кенг тарқалган меъморлик услуби.

XIX асрнинг иккинчи ярмида мамлакат тасвирий санъатида реализм йўналиши кенг ёйилди. Ушбу йўналишнинг ёрқин вакилларидан бири Михай Мункачи (1844–1900; “Сахро момақалдироғи”, “Тунги дайдилар”, “Ўлаётган Моцарт”, “Қонли маросим”, “Иш ташлаш”)нинг бетакор ижоди бутун Европа бўйлаб довруқ қозонди.

1896 йилда ташкил этилган Надбанья рассомлик мактаби кўплаб ёш мусавирларни ўзига жалб қилди ва ушбу мактабнинг йирик намояндалари келгусида замонавий венгер рангтасвир санъатининг келажагини белгилаб берди. Ушбу мактабнинг асосчиларидан бири Шимон Холлоши (1857–1918) реализмнинг яна бир машхур намояндаларидан саналади. Кўзга кўринган рассомлар Иштван Рети (1872–1945), Янос Торма (1870–1937)ларнинг ҳам ушбу мактаб фаолиятида хизматлари катта бўлган. Надбанья мактаби намояндалари – мусавирлар ҳар қандай тазииклардан холи, эмин-эркин ижод қилиши, тасвирий санъат ҳам ўз йўлида, табиий ривожланиши керак, деган ғояни илгари сурғанлар. Мактаб ташкил топган дастлабки йилларда рассомлар ўз картиналарида миллий озодлик ҳаракатидан таъсирланган ҳолда, ижтимоий воқеликни ҳаққоний тасвирилашга интилганлар. 1966 йили Венгер Миллий галереясида Надбанья мактаби рассомлари ижодига бағишлиланган катта кўргазма бўлиб ўтган. Шунингдек, мамлакатда фаолият юритган Солнок санъат мактаби ҳам иқтидорли рассомлар камол топишида муҳим роль ўйнаган.

1949 йили тасвирий санъат намояндаларини бирлаштириш мақсадида Венгер рангтасвир уюшмаси ташкил этилди. Уюшма рассомлар ижодини ҳам моддий, ҳам маънавий қўллаб-куватлаб, ранг-баранг санъат намуналарининг яратилишига жуда катта ёрдам берди.

Мамлакатда тасвирий санъатнинг ривожланиши ва ҳалқаро миқёсда эътироф этилиши “Венгер миллий галереяси” музейининг ташкил этилишига (1957) туртки бўлди. Музейда машҳур мусавирларнинг барча жанрлардаги энг ноёб асарлари жамланади ва мунтазам равишда турли кўргазмалар, ижодий кечалар уюштирилиб, миллий санъат намуналари тарғиб қилиб борилади.

Венгрия кўплаб нодир меъморий ёдгорликларга бой ўлка. Мамлакат тарихи, маданияти, ижтимоий-иқтисодий ҳаётини ўзида мужассам қилган ноёб обидалар давлат муҳофазасига олинган. Венгрия меъморчилиги тарихи X асрга бориб тақалади. Меъморчиликни ривожлантириш соҳасида ислоҳотлар олиб борган қирол Иштван I даврида олдинги Моравия давлати ҳамда қадими Рим вайроналари архитектурасидан унумли фойдаланиб, қасрлар, уйлар, турли иншоотлар барпо қилиш ишлари жадал суръатларда жонланиб кетди. Қирол томонидан таклиф қилинган италиялик меъморлар миллий меъморчиликнинг ривожига жиддий таъсир ўtkазdi. XI–XIII асрларда Секешфехервар ва Печ шаҳарларида кўркам диний иншоотлар – базиликалар қурилди. Секешфехерварда жойлашган собор интерьерида залворли безаклар билан бир каторда, заржал ранглар жилосида товланган мозаикалар ниҳоятда дабдабали тус олади. Собордан қиролларга тож кийдириш маросимини ўtkазиш ва қирол хилхонаси сифатида ҳам фойдаланилган. Тўрт тарафдан олтмиш метрли баланд миноралар билан ўралган Печ шаҳридаги маҳобатли Авлиё Пётр ва Авлиё Павел Рим-католик собори (1064) эски шаҳарнинг энг ноёб ёдгорликларидан хисобланади. Соборда асрлар давомида бир неча маҳората қайта қуриш, кенгайтириш ишлари олиб борилгани учун ҳам, унда турли услуг ва йўналишларнинг намуналарини кўрамиз.

XIII–XV асрларда меъморчиликда готика услуби кенг ёйилди. Ўрта

асрларда қад кўтартган Мария Магдалина минораси, Шопрон шаҳридаги Францискан ордени черкови, XV асрда қурилган Диёшдёр қасрини готика услубининг ёрқин намуналари дейиш мумкин. Қасрнинг тўрт бурчагида баланд миноралар қад кўтартган, ташқи томони эса баланд деворлар билан ўралган.

Қирол Сигизмунд I хуқмронлиги даврида ҳам меъморчилик жадал ривожланишда давом этди. Буда (ҳозирги Будапештнинг бир қисми) шаҳрининг ташқи кўриниши янгича тусга кирди. Дунай дарёси бўйидаги тепаликда янги, маҳобатли қирол саройи қад кўтариб, атрофи баланд деворлар билан ўралди. Буда шаҳри худуди ҳам деворлар билан ўралиб, кўча бўйлаб ташқи томони аркатуралар<sup>1</sup> билан безатилган икки қаватли қатор уйлар қурилди. Италия билан яқин алоқа йўлга қўйилгани боис, готика услуби кенг ёйилган даврдаёт, меъморчиликдаги айрим унсурлар Ренессанснинг учқунларидан дарак берарди.

Венгрияда Ренессанс даври XV–XVI асрда бошланади. Қирол Матиаш Корвин ўз саройини янги услубда қайта қуришга қарор қиласди. Аркали устунлар билан ўралган улкан сарой ҳовлиси қирол саройига янада кўркам рух бағишилади. Ренессанс даври ёдгорликларига Ракоци саройи, Эстергом шаҳридаги архиепископ Бакоц ибодатхонаси (1507) ва бошқа иншоотларни мисол келтириш мумкин.

XVII аср охирларига келиб, меъморчиликда барокко услуби кенг русум бўлди. Ушбу услубда ибодатхоналар, қасрлар, уйлар қурила бошланди. Андреас Меергофер, Иоганн Хильдебрандт, Иоганн Эрлах каби чет эллик меъморларнинг ҳам венгер меъморчилигининг тараққиётида хизматлари катта бўлган. Бевосита хорижлик меъморларнинг иштирокида барокко услубида қатор саройлар, черковлар ва бошқа иншоотлар бунёд этилади.

XVIII асрнинг охири – XIX асрнинг биринчи ярмида меъморчиликда классицизм устувор йўналишга айланди. Айнан шу даврда Буда шаҳри қайта қурилади. Михай Поллак, Й.Хильда, Зиттербарт сингари меъморлар Буда шаҳрининг янги кўринишини бунёд этишда жонбозлик қилдилар. Классицизмнинг ёрқин дурдоналаридан бири Эстергомда қад кўтартган архиепископ собори архитекторлар П.Кюнель ва Я.Пакларнинг лойиҳаси асосида бунёд бўлган. Меъмор Михай Поллак томонидан қурилган Венгер миллий музейи, Венгер қироллик ҳарбий академияси меъморчиликнинг классик услубдаги бебаҳо ёдгорликлари қаторидан жой олган. Шунингдек, бу улкан қурилишларда хорижий меъморларнинг ҳам иштироки самарали бўлди. Хусусан, 1838–1849 йилларда Будапештда инглиз меъмори В.Кларк томонидан классик услубида қурилган занжирли кўприкнинг маҳобати барчани хайратга солган.

XIX асрнинг иккинчи ярми Венгрия меъморчилигига ўтмишга берилиш ёки эклектизм<sup>2</sup> даври бўлди. Бу услуг ўтмишда меъморчиликда устувор бўлган турли йўналишлар йиғиндисидан иборат. Ушбу давр Венгрия меъморчилигига эришилган ютуқлардан бири, шубҳасиз, А.Гаусман ва М.Ибль лойиҳаси асосида қурилган қирол саройи ҳисобланади. Сарой қурилишида неоренессанс, готика ва барокко услубларининг турли элементлари сақланиб қолган. 1885–1904 йилда қурилган парламент биносини қуришда неоготика, необарокко ва неовизантия услубларидан фойдаланилган. 1875–1884 йиллар оралиғига Миклош Ибль томонидан қурилган

<sup>1</sup> Аркатура – бино фасади ва деворларга ишланган декоратив аркалар.

<sup>2</sup> Эклектизм (юн. Eklektikos) – танловчи, сайлаб олувчи. Турлича қарашларни, назарияларни бирбираiga ўзбошимчалик билан қориштириб юбориш.

Венгрия давлат опера театрини безатишда барокко усулидаги нақшлардан, ҳайкаллар ва картиналардан фойдаланилган. 1898–1908 йилларда Йгнац Алпар лойиҳаси бўйича эклектик услубда қурилган Вайдахуняд қасри ҳам шаҳарга кўрк бериб турибди.

1890–1914 йилларда Венгрия меъморчилигига модернизм услуби тез суръатларда кириб кела бошлади. Унинг дастлабки намояндадаридан бири Бела Лайта (1875–1920)нинг лойиҳаси асосида кўплаб савдо расталари, майший хизмат ва тураржой бинолари қад кўтарди. Бела ўз лойиҳаларида анъанавий усуллардан чекиниб, янги, замонавий, қулай шаклларни кўллашга интилади. Йгнац Алпарга тегишли Будапешт Озодлик майдонидаги Миллий банк биноси, 1924 йилда Альфред Лайош ва Дежё Лауберлар томонидан яратилган стадион лойиҳаси маҳсус танловнинг кумуш медалини кўлга киритади. Шу билан бирга, Лайош Козм, М.Брейер, Ф.Мольнар каби меъморлар ижоди ҳам мамлакат меъморчилигининг ривожига муносиб ҳисса кўшди.

Бугунги кунда Венгрия – меъморчилик санъатининг барча йўналишларини ўзида мужассам қилган тарихий обидалар ва замонавий шаҳарсозлик намуналари уйғунлашган Европа мамлакатларидан бирига айланган.

*Аборор УМАРОВ  
тайёрлади*



## Рақс

Венгрия рақси ҳам бошка халқлардаги каби қадимий диний маросимлар асосида пайдо бўлган. Унинг илдизлари X асрлардан миллий хусусият касб эта бошлайди. Бунда бевосита венгер мусиқа санъатининг ўрни катта.

Чунки ранг-баранг мавзулар билан боғлик турли хил байрамлар, тарихий воқеалар, ҳаётий саҳналар ва расм-руsumларга бағишиланган қўшиқлар мазмунига қараб ҳар хил рақслар келиб чиқкан. Улар асосан эркак, аёл ва жуфтлик сингари турларга бўлиниб, бир-биридан фарқланган. Масалан, эркак рақслари техник жиҳатдан анчайин мураккаб. Уларда кўплаб қийин ҳаракатлар, тезкор бажариладиган сакрашлар ва қарсак элементлари мавжуд. Гуруҳли эркак рақслари, одатда, айланма, жамоавий тузилишга эга, бироқ ижрочилар ҳаракатланаштиб, ҳеч қачон бир-бирларининг қўлларидан тутишмайди. Шу боисдан мазкур рақслар учун ўзига хос қўл ҳаракатлари, қарсак ва зарбли жиҳатлар муҳим саналади. Хусусан, қадимий эркак рақсларидан бири чўпон рақси лангарчўп, қамчи, болтacha ва ёғочлар билан ижро этилиб, иштирокчилардан эпчиллик, матонат ва техник маҳоратни талаб қилган.

Аёллар рақси эса нисбатан вазмин, сипо, жўшқинлик ҳам яширин, ботиний. Гавданинг чап-ўнг томонга қараб айланиши аёллар рақси учун хос. Ушбу ҳаракатлар венгер аёл либосларига монанд кўплаб юбкалар эвазига

алоҳида аҳамият касб этади. Венгер аёл рақслари асосан жамоавийдир. Улар сирасига хороводлар, ёстиқ ва шиша идишлар, шунингдек, шам билан ижро этилувчи тўй рақслари киради. Мазкур хореографик ўйинлар оғир-вазмин. Айниқса, бошга қўйилган бутилкали рақсни томошабинлар завқ билан кузатишади. Мураккаб жиҳати рақс пайти шиша қизил вино билан тўлдирилиб, аёл рақкоса шу ҳолатда мусиқий композицияга ҳамоҳанг ҳаракатларни сақлаб туриши зарур. Бундай рақс турлари Венгриянинг бошда оғир юқ кўтариш одат тусига кирган худудларида кенг тарқалган. Кўплаб тадқиқотчилар ушбу рақсни венгер аёлининг мағрур ва эркин сажиисини ифодаловчи ўйинга қиёслашади. Бунинг ўзига хос тарихи мавжуд. Айтишларича, қадим венгер даврларида аёллар узокроқда меҳнат қилаётган умр йўлдошига овқат олиб борар экан. Ҳар гал сафарга отланганида кўлига фарзандини олиб, емишни ортмоқлаб, чайқалмаслиги учун сув идишни бошига қўйиб борган. Одамлар олдидан ўтаётуб эса қийналаётганлигини сездирмаслик учун мағрур одим ташлашни канда қилмаган.

Бирок ўзаро қиёслаганда эркаклар рақси анчайин қадимиюроқ. Венгер халқининг турмуш тарзидан келиб чиқиб, улар аёл рақсларига қараганда тезроқ ривожланиб борган. Оммавий-жуфтлик венгер рақслари ҳам гўзал ва мураккаб. Унда йигитларнинг юқори кўтарилиган кўлини тутганча қизлар доира шаклида айланади. Жуфтлик рақсларда таянч элементлар мавжуд: йигитлар қизларни кўтаришиб, бир томондан иккинчи томонга олиб ўтишади.

Венгер халқ хореографиясининг асосий жиҳатларини ифодаловчи ана шундай жуфтлик рақсларидан бири, бу – “Чардаш”. Адабий манбаларда бу ном илк маротаба 1840 йилларда учрайди. Уша пайт ҳукмрон доира-лари рақснинг чинакам халқона жиҳатларини емиришга интилганлар. Шу билан бирга, “Чардаш”нинг табиий гўзаллигини хиралаштирувчи қатор театр-эстрадали аранжировкалар таъсири ҳам сезиларли бўлган. Фақатгина халқ орасида “Чардаш” номини олган рақслар ўзининг табиий бўёклари ва ҳақиқий ҳаракатларини сақлаб қолди. Мазкур рақс қатъий белгилаб қўйилган шаклларга эга эмас. Одатда, “Чардаш” бир ёки бир нечта жуфтликлар томонидан, айрим ҳолларда эса якка тарзда ҳам ижро этилиши мумкин. Рақсни йигитлар олиб боради. Улар бирор шакл танлаб, шериги ҳаракатларини шунга йўллайди. Рақс ўрталарида йигит ва қизлар бир вақтнинг ўзида ҳар хил ҳаракатларни бажаришади. Масалан, йигитлар қарсак чалса, қизлар айланишади.

Венгриядаги энг қадимий ва кенг тарқалган рақслардан яна бири – “Легенеш” саналади. “Йигит рақси” маъносини англатувчи ушбу рақс кўплаб вариантларга эга бўлиб, ижро чиларнинг эркин бадиҳагўйлигига асосланган. Шпорли этикларда шамшир ва таёқлар билан ижро этиладиган “Легенеш” ритмга монанд аниқ мусиқийлик ва юксак маҳоратни талаб қиласди.

XVIII аср охири – XIX аср бошларида Венгрия қишлоқлари бўйлаб ёлланма аскарларнинг кичик отрядлари кезишиб, дехқон фарзандларини армияга чорлашган. Улар қаторида эса халқ куйларини ижро этиб юришган созандалар гуруҳи ҳам мавжуд бўлган. Табиийки, холи пайтларда аскарлар кўнгил ёзиш учун рақсларга тушишган. Шу тариқа “жалб қилмоқ” сўзидан келиб чиқкан яна бир венгер рақси – “Вербункош” яралган. Баъзизда уни “Аскар рақси” деб аташлари ҳам бежиз эмас. Умуман, венгер рақсларининг қадим турлари бир-биридан ранг-баранг, турли талқинларга эга.

1950 йили Венгрияда Давлат халқ ансамбли ташкил топади. Ушбу жамоага асос солинишида қатор хореография ва вокал санъати мутахасисларининг хизмати катта. Улар Венгрия қишлоқ-овулларини кезишиб, истеъдодли ижрочиларни тинглашган, халқона кўшиқ ва раксларнинг турли вариантларини ёзиб олишган. Хусусан, ракс гурухлари 1200 дан ортиқ ёш ижрочилар орасидан сараланиб тузилган. Шунингдек, “Будапешт” ракс ансамбли ҳам алоҳида аҳамиятга молик. Бугунги кунда венгер халқ мусиқа ва ракслари нафакат мамлакад худудида, балки кўплаб хориж давлатларининг саҳна репертуарига киритилиб, кенг микёсда ижро этиб келинмоқда.

Гуломжон МИРАҲМЕДОВ  
тайёлади



## Мусиқа

Венгрия мусиқаси тараққиёти илдизлари мамлакатда кўп асрлардан бери яшаб келган лўлилар мусиқа оҳангларига туташ. X аср тарихий манбаларида кобоз<sup>1</sup> ва лютня<sup>2</sup> чолғулари жўрлигига кўшиқлар ижро этган халқ эртакчи-мусиқачилари ҳакида маълумотлар келтирилган. Кейинчалик лўлилар мусиқасидан фарқли ўлароқ, чинакам халқ мусиқаси юзага кела бошлаган. Таникли композиторлар Бела Барток ва Золтан Кодай ижоди халқ мусиқасининг оммалашишга беназир ҳисса кўшган.

Венгрияга Фарбий Европа мусиқа анъаналарининг кириб келиши ўрта асрларга бориб тақалади. Ушбу анъаналар ўлка мусиқасининг табиий тараққиётига ҳам таъсир қилди. Кейинчалик ушбу ўзига хос ривожланиши романтизм даври композиторлари Брамс, Лист, Шуберт ижодида ҳам яққол кўзга ташланди.

XIII асрдан Фарбий Европа мусиқа анъаналарининг венгер халқ мусиқасига сингиб бориши натижасида профессионал миллий ижрочилик шакллана бошлади. Венгер мусиқаси Фарбий Европанинг кўп жиҳатдан чекланган мумтоз мусиқасидан бирмунча эркин, кўтаринки ритм ва оҳангдорликни ўзида мужассам этади.

XVII асрдан бошлаб чолғу мусиқасининг кенг ёйилиши билан янги ижрочилик йўналишлари шаклланади. Бунинг натижасида Венгрияда кўплаб мусиқа жамоалари ва оркестрлар вужудга келади.

Венгрия мусиқа санъати ўзининг ранг-баранг миллий оҳанглари билан бир қаторда, кўшни румин, польяк халқларининг мусиқа маданиятлари таъсирида ҳам шаклланишиб, бойиб борган.

XVIII аср охиirlарига келиб, чолғу мусиқасининг янги раксбоп жанри – “Вербункош” тараққий этди. Унинг шаклланишида лўли созандалари катта роль ўйнади.

“Вербункош” номи нафакат мусиқий услугни, балки шу ном билан аталувчи гоҳо шиддатли, гоҳо сокин суръатга эга, болқон давлатлари ракс

<sup>1</sup> Кобоз – (туркийча кўбиз) симторли чолғу асбоби.

<sup>2</sup> Лютня – (арабча уд) симторли чолғу асбоби.

элементларини ўзида бирлаштирган рақсни ҳам англатади. Кейинчалик “Вербункош” миллий мусиқанинг асосий услуби даражасига кўтарилиб, барча мусиқий жанрларга таъсир ўтказди, ҳатто опера санъатида ҳам унинг элементлари сезилди. Жумладан, композитор Й.Рузичканинг “Беланинг қочиши” номли операси шу услубда ёзилади, XIX асрнинг атоқли композитори Ф.Эркель “Вербункош” билан итальян операнавислик тажрибасини уйғулаштириб, ўзининг миллий озодлик ҳаракати руҳидаги операларини яратади. Шунингдек, “Вербункош” оҳанглари Гайдн, Моцарт, Бетховен, Шуберт, Брамс, Берлиоз, Лист сингари композиторлар ижодида ҳам сезилади. XVIII аср охириларида ушбу ҳалқ мусиқа услуби камер ва фортепъяно мусиқаларида ҳам учрай бошлайди. XIX асрга келиб, “Вербункош” Венгрия романтизм мусиқасининг ажralmas қисмига айланади. Ўз даврининг етук скрипкачиси Панни Цзинки, композитор Антала Чермака ижоди орқали ушбу услугуб янада оммалашади.

Венгрия мусиқа санъати бир қатор истеъдодли композиторлар ижоди орқали чинакам профессионал даражага кўтарилган. Шулардан бири Ференц Листдир. У 1811 йил 22 октябрда туғилган. Фортепъяномдан дастлабки сабоқларни ўз отасидан олган ёш мусиқачи тўққиз ёшидаёқ илк концергини намойиш этади. Унинг истеъдодига тан берган зодагонлар бўлажак бастакорнинг мусиқий таълим олиши учун беминнат ёрдам қўрсатишади ва у Венага йўл олади. Венада унга ўша даврнинг буюк мусиқачилари А.Сальери ва К.Черни устозлиқ қилишади.



1822 йили Лист илк бора Венада ташкил қилинган концертда иштирок этади. Концертда кўплаб таникли бастакорлар, мусиқа арбоблари иштирок этиб, ёш ижодкорнинг маҳоратига юқори баҳо берадилар. Шундан сўнг Ференц Лист номи давраларда тез-тез тилга олинадиган бўлди. Ёш ижодкор тинимсиз ўз устида ишлайди, машхур композитор ва ижрочиларнинг ижод йўли ва услубини ўрганишга астойдил киришади, шу орқали ўзининг мустақил ижро услубини топишга интилади. Унинг профессионал йўлга киришига Г.Берлиоз ва Ф.Шопен ижодининг таъсири кучли бўлган.

Италиялик буюк скрипкачи-виртуоз Паганини санъатига қойил қолган композитор, созанданинг услубига ҳамоҳанг фортепъяномда асарлар яратишга ҳаракат қиласди. Листнинг мингдан ортиқ асардан иборат улкан мусиқий меросининг каттагина қисмини фортепъяно учун ёзилган асарлар ташкил этади. Шунингдек, Лист симфоник поэма жанрининг асосчиси ҳамdir. “Орфей” ва “Прелюдия” унинг энг машхур симфоник поэмалари сираасига киради.

Ференц Лист умрининг охиригача концертлар беришдан чарчамайди. Анъаналарни бузиб, роялни буриб саҳнага ижрочининг ён томонидан кўриниб туришини татбиқ этади, бир неча чолғуни саҳнада жойлаштириб, биридан-бирига ўтиб ижро қилишни йўлга қўяди. Ва бир вақтнинг ўзида ҳар бир чолғуда юксак даражадаги ижрога эришади.

Ференц Лист 1886 йил 31 июлда вафот этади.

XIX аср охири – XX аср бошлари венгер классик мусиқасининг гулланган даври хисобланади. Бу даврни икки етук композитор – Бела Барток ва Золтан Кодай ижоди билан боғлашади. Айнан шу ижодкорлар 1905–1926 йиллар давомида олиб борган қизғин изланишлари натижасида кўплаб бой



ва гўзал мусиқий асарларни тўплаб, асрлар оша яшаб келаётган халқ мусиқасини юксакликка олиб чиқадилар.

Бундан ташқари, Барток “Иккинчи сюита”, “Торли чолғулар учун дивертизмент”<sup>1</sup>, “Учинчи фортепъяно концерти” асарлари билан ном қозонган.

Кодай ижодида эса “Хари Янош” операси алоҳида мавқега эга. Йижрочиликдан ташқари у мусиқашунослик илми билан

ҳам шуғулланади ва турли ўқув даргоҳларида маъruzalар ўқийди. У “Венгер халқ мусиқаси” деб номланган 4 жилдли китобнинг муаллифи ҳамдир.

Венгрия яна кўплаб машҳур композиторлар, дирижёрлар ва мусиқашуносларни вояга етказган мамлакат ҳисобланади. Жумладан, композитор ва пианиночи Эрнё Дохнайи, композитор ва фольклоршунос Ласло Лайта, композитор Штефан Хеллер, дирижёр Антала Дорати, пианиночи ва дирижёр Жорж Селлалар ижоди кенг жамоатчиликка яхши таниш.

Венгрия азалдан опера санъати ривожланган Европадаги йирик маданий марказлардан бири ҳисобланади. Будапешт маданиятининг рамзи саналган Венгрия Давлат опера театри майдони чипта олиш учун навбат кутиб турган томошабинлардан сира бўшамайди. Уларнинг орасида, айниқса ёшларнинг кўплиги кишини ҳайратга солади. Венгер опера ижодкорлари турли мусиқий жанрлар асосида тажрибалар ўтказиб, мумтоз мусиқага замонавий оҳангларни уйғунлаштириб, гаройиб ижро усулларини кашф қилишга интилди. Масалан, машҳур ижрочи Эрика Миклоша операга техно-музыка билан зеб бериб, ўзига хос услубни намойиш қилди.

Венгер миллий операсининг илдизлари композитор ва дирижёр Ф.Эркель номи билан боғлиқ. Ўнинг “Мария Батори” номли биринчи операси 1840 йили мамлакат Миллий театрдида намойиш этилади. Шундан сўнг “Банк бан”, “Ласло Хуньяди”, “Дъёрдь Дожа” “Кирол Иштван” сингари қатор янги опера асарлари дунёга келади. “Банк Бан” операси асосида 2001 йили маҳсус фильм ҳам суратга олинган.

XIX асрнинг иккинчи ярмида М.Мошоньи, К.Терна, Ф.Доплера, Д.Часара, И.Богнара, К.Хюбера, Е.Кубая ва бошқа композиторлар ижоди орқали миллий опера репертуари янада бойиб, венгер мусиқа маданиятини юксакликка кўтарди.

XX асрга келиб И. Кальман, Ф. Легар, В. Якобилар томонидан яратилган оперетталар бутун дунёга машҳур сахна асарларига айланади. Шунингдек, Венгрия мусиқа санъатининг ривожида П.Кадоша, Э.Серванский, А.Михай, Ф.Фаркаш, Д.Ранки, Ж.Дурко, Р.Марош каби композитор ва мусиқа намояндаларининг хизматлари бекиёс. Уларнинг ижодий изланишлари туфайли бугунги кунда ҳам венгер опера санъати сезиларли даражада тараққий этиб бормоқда. Хусусан, Д.Рааки ҳамда Т.Польгар сингари ижодкорларнинг ҳаракатлари бу санъатнинг муносабиб ворислари борлигини кўрсатади.

Дилишод ШУКУРОВ  
тайёрлади

<sup>1</sup> Дивертизмент – қўшимча концерт дастури.

## Театр



Венгер театри тарихи бевосита мамлакатда христиан дини қабул қилиниши билан боғлиқ. Манбаларга кўра ушбу санъат турининг илдизлари IX асрга бориб тақалади. Қадимий ҳалқ удумлари, байрам ва сайиллар скоморохлар<sup>1</sup> ҳамда қўшиқчи-мусиқачиларсиз ўтмаган. Христианлик билан Венгрияга лотин тилидаги литургик (черковдаги энг катта ибодат) драма ҳамда мистерия (черков драмаси) кириб келган. Бироқ унинг фаолияти узоқ давом этмади. XVIII аср бошларида баъзи зодагон оиласлар ташаббуси билан сарой қошида немис ва итальян тилларида фаолият кўрсатувчи театр гурухлари пайдо бўлди. Бу даврда иезуит черков мактаби ҳам венгер тилида диний руҳда спектакллар қўя бошлади. Унинг репертуаридан жой олган интермедија ва бошқа саҳна кўринишлари ҳалқ орасида катта қизиқиши ўйғотди. Мактаб-театрда баъзан машхур муаллифларнинг пьесалари ҳам қўйиларди. Масалан, илк бор 1790 йилда Венгриядаги Мольер комедиялари саҳна юзини кўради. Актёр ҳамда театр арбоби Л.Келеман ташкил этган ҳаваскорлардан иборат театр гурухи репертуаридаги Мольер пьесаларидан ташқари, Шекспир (“Отелло”, “Ромео ва Жульєтта”), Лес-синг (“Минна фон Барнхельм”), Шиллер (“Қароқчилар”) сингари жаҳон классикларнинг асалари ҳам саҳналаштирилган. Ушбу театр 1796 йилга қадар фаолият кўрсатган. 1792 йили Клуже (Трансильвания) шахрида акука Фейерлар бошчилигига яна бир йирик театр ташкил этилган бўлиб, венгер актёрларининг илк авлодлари бўлган – ўткир драматик актёр А.Моор, таникли комик П.Янчот, трагиклар: Я.Патко ва Л.Келманлар шударгоҳдан машхурлик даражасига кўтарилган. Шунга қарамай, хукumat ва сармоядорлар кўпроқ немис театрини қўллаб-куватлашган.

Айтиш жоизки, ўша давр театр гурухларининг аксарияти сайёр ҳолатда кун кечирар, уларнинг асосий томошабинлари ҳам оддий инсонлар эди. 1837 йили Пешт шахрида “Мадъяр Синхаз” деб аталган театр ташкил этилади ва унга 1840 йили Миллий театр мақоми берилади. Ушбу театр репертуаридан классик, замонавий ва хориж асаларидан иборат драматик ҳамда опера спектакллари ўрин эгаллади.

Айни пайтда Венгриядаги миллий озодлик ҳаракатлари кучаяди. Табииики, бу ҳаракат “Мадъяр Синхаз” театри спектаклларида ҳам ўз аксини топади. 1848 йил 15 март куни ўз даврининг етук драматурги И.Катоннинг “Банк-Бан” асаларининг премьераси бўлиб ўтди. Асар тарихий воқеаларга асосланган бўлиб, унда кирол Эндре Шнинг Галицияга ҳарбий юриши вақтида Венгрияни бошқарган немис қироличасининг таҳтдан қулатилиши ҳакида сўз боради. Мазкур спектакль томошабинлар томонидан қизгин кутиб олинди ва ҳали-ҳануз саҳналардан тушмай келади.

Инқилоб инқизозга учрагач, Миллий театр жамоаси анча вақтгача тушкун кайфиятда бўлди. 70-йилларда етук венгер режиссёри Э.Паулаи театрга раҳбар этиб тайинланди. У Шекспир, Гоголь, Ибсен ва бошқа классикларнинг пьесаларини янгича реалистик руҳда, чуқур психологик талқин орқали саҳналаштиришга дадил киришади. Боз устига, ажойиб

<sup>1</sup> Скоморох – сайёр қизиқчи-масхарабоз.

трагик актриса М.Ясанни ҳамда истеъоддли драматург Г.Чикиларнинг театрга жалб этилиши улкан муваффакиятлар гарови бўлди.

XIX аср охирларида келиб, Будапештда ҳалқ театри (1861), Пешт ҳалқ театри (1875), “Вигсинхаз” (“Кувноқ театр”) (1896) ва бошқа театрлар ташкил этилди. Шунингдек, Сегеда, Сомбатхей, Секешфехервар сингари шаҳарларда ҳам театрлар фаолият бошлади.

XX аср венгер театрида ўзига хос янгича ижро йўлларини излаш даври бўлди. 1904 йили Будапештда режиссёр Ш.Хевеши бир гурух илғор зиёлилар билан биргаликда “Талия” театр-студиясини ташкил этади. Айнан шу театрда Хейерманс, Ибсен, Гауптман, Горький сингари драматургларнинг асарлари янги, экспериментал йўналишда саҳна юзини кўрди. Ш.Хевеши кейинчалик Будапешт опера театрининг режиссёри (1912), Миллий театр режиссёри (1916–1932) ва директори (1928–32), “Мадъяр синхаз” (1933–39) театри раҳбари лавозимларида ишлаган кезларида ҳам театр соҳасида янгиликлар яратиш йўлидан борди.

Иккинчи Жаҳон уруши йилларида Венгрияда бир қатор хусусий театрлар ҳам фаолият кўрсатди. Уларни кўпроқ молиявий масалалар қизиқтиргани боис, репертуарлари асосан кўнгилочар спектакллардан иборат бўлди. Уруш тугагач, театр масалалари билан жиддий шуғулланиш имконияти туғилди. 1949 йилга келиб Венгрияning барча театрлари миллийлаштирилди, репертуарлар қайта кўриб чиқилиб, жаҳон классикаси ҳамда миллий асарлар билан бойиди. Жумладан, И.Катон, М.Верешмарти, И.Мадача ва бошқаларнинг пьесаларини саҳналаштиришга эътибор кучайди.

Сўнгги йилларда Венгрияда турли йўналишдаги янги театрлар пайдо бўлиб, уларда ёш иқтидорли режиссёр ва актёrlарнинг бир-биридан фарқ қилувчи қизгин фаолияти кўзга ташланиб қолди. Жумладан, Камер театри, “Сцена Видам”, “Каранти”, “Мерлин”, “Студио К.”, “Скене”, “МУ”, “Барка” ва бошқа қатор театрларда анъанавий усулдаги мумтоз ва замонавий спектакллар билан бир қаторда, экспериментал саҳна асарларини ҳам учратиш мумкин.

Айни чоғда, Венгрияда ўзига хос оригинал ижодий услубга эга бўлган режиссёrlар сони кўпчиликни ташкил этади. Жумладан, Эстер Новак, Чаба Киша, Арпада Шилинга, Шандора Жотера, Роберта Алфёлди ва Петера Телихаилар номи жамоатчиликка яхши таниш. Бундан ташқари, венгер театрларида йил давомида саҳналаштирилган турли мавзудаги қизиқарли саҳна асарларининг намойишига бағишлиб ҳар йили июнь ойида мамлакат миқёсида ўтказиладиган Бутунвенгер театр фестивали, шунингдек, Будапешт шаҳрида бўлиб ўтадиган ҳалқаро театр фестивали ҳам мамлакат театр санъатининг ривожига жуда катта таъсир ўтказиб келмоқда.

Шу билан бирга, тарихи олис мозийга тақаладиган қўғирчоқ театрининг ҳам ўзига хос ўрни бор. Даставвал марионеткалар билан томошаларни немис сайёр гурухлари намойиши қилишган. XIX асрнинг иккинчи ярмига келиб, венгер тилида ҳам спектакллар пайдо бўла бошлади. Шу даврга қадар қўғирчоқ томошасининг бош қаҳрамони бўлиб келган Касперли (немис) ўрнини Вitez Ласло (венгер) эгаллади. Кейинчалик Янчи Паприка (Иванушка-Қалампир) номли қаҳрамон дунёга келди. Илк венгер қўғирчоқ театри 1911 йилда ташкил этилган бўлиб, у то биринчи жаҳон урушига қадар фаол ижод қилиб келди. Бироқ урушдан кейинги йилларда қўғирчоқ театрини қайта ташкил этишга бўлган уринишлар натижада бермади. Фақатгина Иккинчи жаҳон урушидан кейин, аникроғи, 1947 йили Будапештда “Мешебарланг” (“Эртаклар ғори”) театрига асос солинди.

1949 йилдан ушбу театр “Венгер қўғирчоқ театри” деб юритилади. Бугунги кунда Венгрияда ўнта қўғирчоқ театри мавжуд бўлиб, улардан иккитаси пойтахтда жойлашган. Давлат театрларидан ташқари яна қатор ҳаваскор жамоалар ҳам аҳолига маданий хизмат кўрсатиб келмоқда. Ёз мавсумида баъзи театр томошалари очик майдонларда бўлиб ўтади.

Булардан ташқари, Венгрияда рақс театрлари спектакллари ҳам ўз муҳлисларига эга. “Шаман-театри”, Ивет Божик гурухи, “Ўртаевропа рақс театри”, Dream Team, “Артус” театрларининг томошалари томошабинлар олкишига сазовор бўлиб келмоқда.

Шунингдек, Венгрияда опера санъати ҳам яхши ривожланган. Венгер опера театри дунёдаги энг машхур театрлардан ҳисобланади. Унга 1872 йили машхур венгер бастакорлари: Ференц Лист ҳамда Ференц Эркеллар асос соглан. Узоқ йиллик курилиш ишларидан сўнг 1884 йилда илк фаолиятини бошлаган театр – Венгер Қироллиги опера театри деб номланган. 1888 йилдан 1891 йилга қадар мазкур театрга раҳбарлик қилган Густав Малер театрни ижодий юксакликка олиб чиқкан. Ундан сўнг театрга раҳбарлик қилган Шандором Хенес даврида эса миллый репертуарни кенгайтириш учун жиҳдий ҳаракатлар бўлган.

1910–14 йилларда илк бор Бел Бартоканинг “Ёғоч шаҳзода” балети ҳамда “Герцог Кўк Соқолнинг қасри” опералари сахналаштирилади.

30–40-йилларда театрда Томас Бичем, Бруно Вальтер сингари машхур дирижёрлар фаолият юритган.

1951 йили Ф.Эркел номидаги Венгрия опера театри филиали очилади 1980 йилда опера театрида кенг кўламли курилиш ишлари бошланиб, 1984 йили ташкил топганининг 100 йиллиги муносабати билан театр яна ўз фаолиятини бошлайди. Венгер опера театрининг зали тақасимон шаклда бўлиб, акустикаси бўйича Европада Ла Скала ва гранд-Операдан кейин учинчи ўринда туради.

Айни пайтда Венгрияда маҳаллий ҳокимият тасаррufида ўн бешта марказий ҳамда вилоят театрлари мавжуд. Бевосита Давлат ва Маданият вазирлиги тасаррufидаги Опера ҳамда Миллий театрлар бундан мустасно. Баъзи театрлар бир нечта сахна ва студияларга эга. Бундан ташқари мамлакатда бир қанча кичик театр ва рақс труппалари ҳам фаолият юритиб келмоқда.





## Кино

Венгер киноси тарихи 1896 йили Будапештдаги “Рояль” меҳмонхонаси қаҳвахонасида илк бор ака-ука Люмьерлар намойиш этган

фильмдан бошланади. Айнан шу йили Арнольд ва Жигмонд Сиглаилар биринчи венгер кинотеатрига асос солиши. Аввалига будапештликлар санъатнинг бу янги турини қабул қиласди, натижада эндиғина ташкил этилган кинотеатр ўз фаолиятини тўхтатди. Бироқ, орадан кўп ўтмай, ушбу санъат тури фавқулодда жадал суръатларда ривожлана бошлади. 1911 йилга келиб пойтахтда ташкил этилган қатор кинотеатрларда фильмлар намойиш этила бошланди.

1908 йилда актёр Иозеф Нейман ва савдогар Мор Унгерлиндерлар томонидан илк венгер кинокомпанияси – “Projectograph” фаолият бошлади. Компанияда нафакат бадиий, балки хужжатли фильмлар ҳам суратга олиш йўлга қўйилади. “Дайди лўлилар ҳаёти”, “Ширакайф велосипедчи”, “Будапештдаги ҳодиса” каби “кўча” кинохроникаси шулар жумласидандир. Кейинчалик ташкил этилган “Гунния” фирмасида ҳам бадиий фильмлар суратга олиш ишлари бошланди.

Ўша кезлардаги венгер киносининг ўзига хос жиҳати шунда эдики, фильмлар намойиши билан бир вақтда, театр томошалари ҳам кўрсатиларди. Фильмнинг бир қисми намойиш этилгач, саҳнада фильмда роль ўйнаган актёрлар пайдо бўлар ва улар ўзлари яратган ролларидан парчалар ижро этишарди.

1912–1918 йиллар мобайнида Будапештда “Уран”, “Люкс”, “Стар”, “Проя”, “педагогика” номли бир неча янги кинофирмалар пайдо бўлди. Биринчи жаҳон уруши даврида Венгрияга француз кинолари келтирилмай қўйди. Аксинча, немис фильмлари сони ортгандан-ортиб борди. Шу ўринда таъкидлаб ўтиши жоизки, ўша пайтларда ижод қилган германиялик ва австриялик режиссёrlар: Мартин Гараш, Корнелиус Хинтер, Эмиль Юстиц, Иосиф Штейн ҳамда Эден Ухерларнинг венгер киноси ривожига таъсири катта бўлди.

Биринчи жаҳон уруши венгер киносига ҳам зиён етказмай қолмади. Талай истеъодли кинорежиссёrlар, жумладан, Майл Кёртис ва Александр Кордалар мамлакатни тарк этиши. 20-йилларда Венгриядаги кескин ўзгаришлар боис хориж кинокомпанияларининг, айниқса, америкаликларнинг ишлари юришиб кетди. 1922 йилда атиги тўртта венгер фильмни ишланган бўлса, 1925–1929 йилларга келиб, кўрсаткич янада пасайди. Умумий назорат – цензуранинг кучайиши киночиларнинг тинкасини қуритиб юборганди.

1925 йилда Венгрия кино саноати жамғармаси ташкил этилиб, венгер киноси молиявий жиҳатдан кўллаб-куватлаш тўғрисида қонун қабул қилиниши билан ахвол бирмунча ижобий томонга ўзгарди. Кинотеатрларга “Венгер киноси бошқаруви” томонидан суратга олинган фильмларни намойиш этиши мажбурияти юкланди. 1929 йилга келиб, ҳуқумат чет эл фильмларига солиқ солди ва венгер кинокомпаниялари учун тўловларни сезиларли даражада камайтириди. Бир муддат Америка кинокомпаниялари Венгрияга фильм жўнатмай қўйдилар, аста-секин мамлакатда киноижодкорларнинг янги авлоди шаклана бошлади. 1931 йилда “Кўк санам” деб аталган тўлиқ метражли овозли фильм экран юзини кўрди. Ушбу фильм намойишидан сўнг икки ой ўтгач, “Хизматкор Ипполит” номли фильм тақдимоти бўлиб ўтди.

Иккинчи жаҳон урушидан сўнг, 1948 йилда Венгрия киносаоати миллийлаштирилди, яъни давлат тасарруфига олинди. 50–60-йилларга келиб соҳа ривожланишда давом этди ва жаҳонга кўп номларни танитган “Театр ва кино мактаби”га асос солинди. 50-йилларда Золтан Фабри (“Жаноб ўқитувчи Ганнибал”, “Карусель”), Кароли Макк (“Лилиомфи”), Феликс Мариасси (“Будапештда баҳор”) сингари иқтидорли режиссёрларнинг ижоди гуллаб-яшнади.



60-йилларда кино санъатида ўзига хос из қолдирган ижодкорлар сон-салмоғи ортиб борди. Улар орасида кино санъати усталари Миклош Янчо, Иштван Сабо ҳамда моҳир публицист Андраш Ковачларнинг номлари алоҳида тилга олинади.

Хукумат тепасига келган Янош Кадар (Kadar Janos)нинг ижтимоий ислоҳотлари венгер кинематографиясини янада жонлантириди. “Мафильм” марказий киностудиясида “Будапешт”, “Гунния”, “Диалог” ва “Объектив” деб аталган ижодий уюшмалар вужудга келди. Истеъододли ёшлардан бир гурухи “Бела Балаж” тажриба студиясини ташкил этди. Бу даврда Золтан Фабри, Макк Карой, Иштван Гааллар ижоди алоҳида ажралиб туради. Шунингдек, Миклош Янчонинг “Янги тўлқин”, “Умидсиз” (1965) фильмлари, Иштван Сабонинг “Орзу қилиш пайти” (1965), “Ота” (1966) сингари картиналари ҳамда Марта Месарош, Ференц Коша, Шандор Шара сингари ёш режиссёрларнинг дебютлари эсда коларли бўлди.

70–80-йилларга келиб, томошабиннинг венгер киносига қизиқиши сўниб борди. 80-йиллар охирида давлат кинокорхоналари, жумладан, киностудиялар ҳам хусусий тадбиркорлар кўлига ўта бошлади. Кино тармоқларини хусусийлаштириш сиёсати кўпгина ижодий жамоаларнинг тарқаб кетиши ҳамда кинофабрикаларнинг ёпилишига сабаб бўлди. Молиявий танқислик туфайли камхаржли картиналар ишлашга ўтилди (Йилига 30дан ортиқ), тижорат фильмлари пайдо бўла бошлади. Тамаш Шашнинг “Прессо” (1998), Габор Херендининг “Америкага ўхшаш” (2002), Нимрод Ангалнинг “Назорат” (2003), Кристина Годанинг “Озодлик ва муҳаббат” (2006) ҳамда “Буқаламун” (2008) фильмлари томошабин эътиборига сазовор бўлди. Шу зайл, тижорат фильмлари кино саноатида етакчи ўринга кўтарилди. 2012 йилда Кино жамғармаси кенгаши ёпилиб, унинг ўрнига Миллий Кино жамғарма ташкил этилди. Кино саноати билан боғлиқ асосий ташкилий-ижодий масалалар янги муносабатлар асосида йўлга кўйилди.

*Азиза АҲМАДЕЕВА  
тайёрлади*



## Шандор ПЕТЁФИ

(1823–1849)

Рус тилидан  
Даврон РАЖАБ таржимаси

Шандор Петёфи венгер халқининг ифтихори ва миллий шеърияти асоси чиси ҳисобланади. Венгер адабиётшунослари шоирнинг адабиётда тутган ўрнини Пушкин ва Шевченко билан тенглаштиришса, асарларининг ғоясини Беранже, Гейне ижоди, ижтимоий қурраларини Некрасов шеърияти билан ёнма-ён қўйишади.

Ш.Петёфи 1823 йил 1 январда таваллуд топган. Илк шеърлар тўплами 1844 йили дунё юзини кўрди. Петёфи шакл ва мазмун жиҳатидан венгер шеъриягини янги босқичга олиб чиқди. Она ватани озодлиги ҳақида баралла кўйлаган ёш шоир Австрия империяси истибдодига қарши олиб борилган 1848–1849 йиллардаги жангларда ўйлобошчилардан бири сифатида курашди ва иигирма олти ёшида қаҳрамонларча ҳалок бўлди. Шоирнинг “Қишлоқ болғаси” (1844), “Паҳлавон Янош” (1844), “Шамоллар” (1845–1846), “Пишта Силай” (1846), “Шалго” (1846), “Ҳавориј” (1848) тўпламлари ҳамон кўлма-кўл ўқилади.

## ЯНА КУЗ КЕЛДИ

Нур багишлаб, рангиз умримга  
Яна куз келди, яна афсун.  
Бу фаслга ошноман нега,  
Мудом ундан излайман мазмун.

Тикиламан олис уфқ сари;  
Қияма тоғ чимзорлар аро  
Ўтираман ҳазонни тинглаб,  
Шитирлаши қалбимга оро.

Замин узра қуёши жилмаяр,  
Тикилади сокин нур ташлаб,  
Она каби аста тебратар,  
Фарзандини бешикка белаб.

Борлиқ замин мудрайди аста,  
Бу ўлиммас – уйқу лавҳаси.  
Йўқ, у пари ўз хобгоҳида  
Ўлмаяпти, келар уйқуси.

Агар диллар бўса истаса,  
Сал тегса-да лабларига лаб,  
Уйғотмасин шу онда бўса  
Ором олсин фариштам ухлаб.

Ёйибди у ён-атрофига,  
Ечиб қўйиб кўрккам либосин,  
Чунки чўчиб қолса дафъатан,  
Бирдан кияр яна ҳаёсин.

Ухла, хушрўй, тант табиат,  
Ухла, баҳор қунларигача.  
То келгунча шу илиқ қунлар  
Ширин туши-ла тин ол унгача.

Титроқ бармоқ учлари билан  
Ушлайдирман паримни аста.  
Сокин шивир таралар бирдан,  
Тушларига у мени чорлар.

Ўтири, дўстим, мен-ла салқинда.  
Сукут сақла, гапирмагин ҳеч.  
Товуш сўнтар сувнинг сатҳида,  
Гўё шамол шивирлагандек.

## ЭРКАКМИСАН, ЭРКАК БҮЛ!..

Эркакмисан, эркак бүл,  
Минбаъд бўлма – қўғирчоқ,  
Тақдирингни кимлардир  
Қўлмасинлар ўйинчоқ!  
Жасурларни қўрқитмас  
Ит ҳургандек тақдирлар, –  
Демак, сен таслим бўлма,  
Дарҳол унга пешваз чиқ!

Эркакмисан, эркак бўл!  
Эркни севгин, сўзнимас.  
Гапга чечан бўлиши-чи  
Бил, ахир сенга шимас!  
Емир, синдир, бўл дадил,  
Тор-мор қўл ёвларингни,  
Кўкрагингни тут адл,  
Ишга сол довларингни!

Эркакмисан, эркак бўл!  
Ҳақиқатга бўл қалқон,  
Сен ҳақсан ва бўл тайёр,  
Арзир унга тўксанг қон!  
Яхшиси, сен юз бора  
Иссиқ жонингдан кечгил,  
Бахтсиз бечора бўлиб  
Яшаши сен ор билгил?

Эркакмисан, эркак бўл!  
Эркак эмас шундайлар,  
Дунё ва бойликни деб  
Ўз эркини берганлар!  
Разилдир манфаат-чун  
Она юртин сотганлар!  
“Фақирман, лек озодман!” –  
Бўлсин сенинг шиоринг.

Эркакмисан, эркак бўл!  
Жасур бўл жсангда, инон.  
На тақдир, на одамлар  
Сенга етказмас зиён!  
Бамисли азим эман –  
Довулларда мағрур бўл,  
Кисматинг забун келса  
Қаддингни тик тутиб ўл!

## МУҲАББАТ ВА ЭРК

*Муҳаббат ва эрк –  
Менга шунинг ўзи етади!  
Жонни фидо қилиб  
Ишқни топарман,  
Ва эрк учун уни яна  
Курбон қиларман!*

## АГАР ҚИЗЛАР СЕВМАСАЛАР

Агар қизлар севмасалар,  
Ич, оғайни,  
Тушларингда банд этурсан  
Сен барчани.

Пул бўлмаса чўнталингда,  
Ич, оғайни,  
Ва ухласанг кўрмабдилар  
Сендеқ бойни.

Агар бошга кулфат тушса,  
Май ич, ога,  
Ва тутундек тарқалади  
Бошдан галва.

Барчасидан айрилдим, лек –  
Дард-ла тўқман,  
Аччиқ дардолар амр этади:  
Ичмай бўпман!

## ВЕНГРИЯ

Сенга, менинг азиз юртим,  
Эга бўлиши буормаган:  
Ё тенадан бошланар зах,  
Куийб борар ё остидан.

Мўл-кўл яшар баҳтлилари  
Бўкса-да, ҳеч тиймас нафсин,  
Бў вақт эса фақирлари  
Нон тополмай ўлар очдан!

## ҚАЙГУ

Қайгу – бу улкан денгиз,  
Шодлик – унда марварид.  
Дур топилгунча, абас!  
Гаввос мисол кезамиз.

## СЕН НИМА ЕБ ҚҮЙДИНГ, ЗАМИН?

Сен нима еб қўйдинг, замин, жавоб бер саволимга, бебои,  
Нега бунча қон ичасан ва яна шунча ичасан кўз ёи?

## Лайош КАШШАК

(1887–1967)

Венгрияниң таникли шоир ва рассоми Лайош Кашшак 1887 йил 21 марта Эршекуйвар шахрида таваллуд топди. У венгер санъатидаги “Авангард” оқумининг истеъододли етакчиларидан бури бўлган. Адиб адабиёт ва рангтасвир соҳасида баб-баравар ижод қилган. 1921 йил Венада чол этилган “Янги рассомлар китоби” Лайош Кашшак ижодининг чўқиси ҳисобланади. Ижодкор 1967 йил 22 июлда Будапештда вафот этилган. Будапештдаги Зичи саройида Лайош Кашшак музейи ташкил этилган. Ўзи туғилиб ўсган шаҳарга унинг ҳайкали ўрнатилган.

## ГУЛБАРГЛАР ТЎКИЛАР

Мени  
кўпдан бери  
безовта қилар  
севги эмас  
ўлимнинг яқинлиги.

Мен қандай овутай  
юраги остида  
тирик ниҳолдек қимирлаётган  
хотираси бор  
аёлларни

қандай юваман гуноҳимни  
тунларда ниқоб тақиб  
кунлар аро эса ўзимнинг  
эзгулик ва тозалик ҳақдаги  
ваъзгўйлигимни.

Бунга чида бўлмас  
бўйинбогим бўғиб қўйшишидан  
кўрқаман.

*Менга имкон беринг  
оппоқ тўшакда нафас ростлашига  
тўхтатиб қўйинг бошим узра  
ўлимим вақтини  
интиқлик билан кутаётган соатни.*

## УЗИЛГАН РИШТА

*Қаердадир  
шу ерларда олисдамас  
мақсадим танланган таваккал.*

*Бироқ уфқ  
қочаверар  
оёғимнинг остидан.*

*Шамол овозидан  
нафасидан булутларнинг  
ўзига тортаётган ойга чалгиб  
йўлдан адашаман.*

*Яна чиқиб қоламан  
Ранги унниқкан  
Ўзига тортувчи чироқлари бор  
Нотаниши ўлкалардан.*

*Йўлнинг охирни йўқ  
ва бўлмайди  
ой йўқ бошим узра  
йўқдир менинг юлдузим.*

*Бекиёс тақдирини  
ўзим билан  
чамалайман.*

*Ватанинни тарк этиб  
Излайман ўз қабримни.*

## Карой ЧЕХ

(1952–2013)

Венгриялик шоир Карой Чех 1952 йили туғилган. 1970 йилдан бошлаб дастлабки шеърларини ёза бошлаган. То шеърият бўстонига қадам қўйгунча у ўқитувчилик қилган. Илк изланишлари ижобий натижага бергач, бутун умрини шоирликка бағишилади. Халқ орасида Карчи тахаллуси билан танилган Карой Чех бир қатор рус шоирларининг шеърларини ўз она тилига таржима қилди.

## АНТИК БАХОР

*Янги минг йиллик оҳангларидан,  
гўё эмизикли она кўксининг  
ҳар ёғидан бўртмача бўртиб чиқади  
шундай, бу беозор ишмас,  
зориқкан заминга самонинг тухфаси.  
Ва унга, гўё янги тугилган чақалоқдек,  
ўша эрта баҳор бош уришга тайёр.  
жарангдор тарновчаларда сув эмас,*

қүшлар сайроғи оқиб тушар,  
нечоғлик томлар тұла сайроқ билан,  
гарчи сайроқи қүшлар ҳамон  
тепада ўйнаётган созуқдан жунжисикар.  
Уларнинг йўлбошчиси эса шафақ назаримда,  
ранглари кўнгилни ва қўзларни  
музлатиб юборадиган  
ранг-баранг қирговулга ўхшайди,  
бироқ у эртага тонг билан уйгонар  
ва ўша рангларнинг чўги билан ҳайратлантирар.

## САМОВИЙ ҚАБРИСТОН

Унда ҳамон ёғду сочаётган  
Юлдузлар дафн этилган,  
Ёдгорликдек уларнинг нури,  
Қабр тошидек ўзига қўйилган.

Дафн этилган унда болалик—  
Юз ийлдирики, сўнган мана у,  
Бироқ бизда унинг нурлари –  
Хоҳламайди ҳеч ҳам сўнишини.

## Янош СЕНТМАРТОНИ

(1975 йил туғилган)

Айни кунларда Венгрия шеъриятида фаол қалам тебрататётган адаблар авлодига мансуб Я. Сентмартони 2000 йили Будапешт университетининг филология факультетини битирган. Саккизта шеърий ва эсселар тўплами муаллифи. 2010 йилдан Венгрия Ёзувчилар ўюшимаси раиси.

## ИТАКА

Елкам каби қотди мачта,  
Ким ҳам ундан этар халос?  
Денгизлардан париларни  
Қайтаришига борми асос?

Ўз тақдирим мени шилди,  
Кўрқдим, унга бу ҳамон кам:  
Шу тун мени, пўртана-ла  
Хумга солиб қўйди маҳкам.

Итака ҳамон олисда  
Эҳ, олислардан олисда!  
Бари уйқаш, неки азиз  
Ва сузмоқда у қаршимда.

Энди Итака олисда.  
Қайда хотира? Эртакми рўё?  
Ул нотекис сув сатҳида  
Пари юзи ниқобдек гўё.

Қаердасан, мени билган юрт,  
Ҳар гўшаси қўним бўлган?  
Тунлардаги пари қани,  
Менинг учун шивирлаган?

Азоб берма менга оғриқ,  
Кимман мен ва қаерликман.  
Юртим ўти нигоҳимда,  
Мавжлар ўйнап, мен ўликман.

Энди уйга қайтолмасман.  
Чўкди ўтмииш шу гирдобга.  
Бироқ қаддимни тутганман.  
Кетмайман қазосиз хобга.

## МЕНИНГ ШЕЪРИМ

*Бугун шеър сукутда, савалаган каби  
Кимдир ҳувиллаган хиёбон ичра.  
Унинг кўзларида юлдузлар айлангандек,  
Менинг кўзларимда ҳам ёришиб борар.*

*Шунда мен уни қучиб тортдим ўзимга,  
Ҳа, дардни англаш-чун, шундай қилинар.  
У шу он ёришиди ва турди ўрнидан,  
Гўё у дўзахдан қочган ҳурдек кўринар.*

*У зинапоя бўсағасига келиб ўтироди,  
Буни қаердадир ўқигандим бир вақтлар.  
Ҳоли афтода эди, камган ва бежуръат,  
Гўё бир-бири мизга ўхшарди қалблар.*

*Қандай шамол олиб келди уни бизга  
Ва кўйлакдек учирарди унинг қалбидан?  
У балки, шундай саволга жавобдир:  
Эртага не бўлар? Бироқ замин хокидан*

*Берилганми самовий маънини англаш?  
Бизга бундан ўттиз танга яқинроқ.  
Аллақачон таниғанмиз она Заминни,  
Қачондир зурриёдини хўрладик бироқ.*

*Ва у кечирди, майда ишини унумтиб,  
Ўша, тавба нелигини билмас касларни.  
Ва шундай сен ҳам жисмсан, менинг шеърим.  
Эҳ, бошқача бўлсайди сенинг тақдиринг,*

*Унда мен сени тортмасдим ўзимга!  
Даволайман тубсиз яраларингни,  
Сенинг юзингга қараб, эшитарман  
Ўзимнинг – заминнинг чексиз ёлғонин.*

## ХЎРСИНИШ

*“Мана, мен топдим ўз ватанимни...”  
– Ёмон бўлмасди шундай шеър ёзсанам,  
Шундан сўнг эса ўлмай узоқ яшасанг.*

## САРҲАДЛАР

Роман очколар билан ютса,  
ҳикоя нокаутлар билан ғолиб келади.  
Роберто Арльт

Венгегер ёзувларининг ҳикояларидан намуналар таржима қилишига қоғланган имда, очиги, қўлим бормади. Назаримда, бунинг иккита сабаби бор эди. Аввало бу мамлакат адабиётига ихлосим унча баланд эмасди. “Сарҳадлар” рукнининг ибтидосида китта кетиб ёзган сўзимга, яъни мақсадимиз жаҳон адабиётида яратилган энг гўзал, нодир, таъбир жоиз бўлса, жаҳон ҳикоячилигининг олтин фондидан ўрин олган ҳикоялар – “кичик мўъжизалар”дан (А.Мухтор ибораси) намуналар бериб борамиз, деб кўйган бўлсам, бу ёғи қанчадан тушди, дея истихола қилаётган эдим. Чунки, назаримда, Венгрия адабиёти, гапнинг индалоси, ўзбек китобхони талабига жавоб бера олмас, фақат танишиб кўйиш учунгина ўқишига арзирди. Тўғри-да, нима кераги бор, олдинда ҳали қанчадан-қанча оламшумул ёзувларининг бири биридан гўзал ҳикоялари таржима қилинишини кутиб турган бўлса! Адабиёт шу экан-да, деб ўтган асрнинг 70–80-йилларида асосан мустабид тузумга иттифоқдош мамлакатлар адабиётидангина баҳраманд бўлиб чарчадик, энди ўша камомат ўрнини тўлдирадиган пайт келгандир! Хуллас, мана шундай ҳаёллар билан ўзим билган беш-олтита венгегер ёзувларининг ҳикояларини ўқиб чиқдим. Нима дессангиз, денг, лекин ёқмади. Ўша-ўша майший, мағкуравий, зерикарли сюжет. Бошим қотиб ўтирганимда, 2002 йили Нобель мукофотига сазовор бўлган ва Швеция академиясидаги мутасаддилар “ўз ижодида ҳозирги замон кишисининг руҳий таназзулини ҳаққоний акс эттиради” дея таъриф берган Имре Кертес деган венгегер ёзувларига бағишиланган бир-иккита мақолага кўзим тушди-ю, эринмай ўқиб чиқдим. Афсуски, унинг кичик жанрлардаги асарларини тополмадим. Лекин ўша тақризларда Кертеснинг “Имонсиз” романни қаҳрамонининг концептларда чеккан мислсиз азоб-уқубатлари ҳам иродасини синдиrolмагани, ҳаётга, одамларга, “эзгуликнинг алалоқибат зулм устидан муқаррар ғалаба қозонишига” ишончи, гўззаликка ташналиги сўнмагани ҳақида батафсил ёзилганди. Кертес мардлик, иштиёқ ва меҳр-муҳаббат ҳар қандай шароитда ҳам киши табиатини тарк этмаслигига ишонгани туфайли оламда инсон мушарраф бўлиб қолажагига имон келтирган шахс образини яратган, деган мулоҳаза шууримга, юрагимга сизот сувлари каби сизиб кирди-ю, беихтиёр шу адаб ижоди ҳақида янаям кенгрок маълумот олиш баҳонасида бошқа мақолаларни топиб ўқидим ва оқибат, Эндре Кукорелли, Дъёрд Шпиро, Лайош Порти, Дюла Круди, Миклош Месей, Петер Эстерхази сингари ёзувлар ижоди билан баҳоли құдрат танишдим.

Нима бўлди, денг? Венгегер адабиёти ҳақидағи фикрларим остин-устун бўлиб кетди. Айниқса, бир адабиётшуносининг Дюла Крудини Жеймс Жойсга мензаган юрагимга чўғ ташлади.

Буларнинг ичида, айниқса, Ласло Краснахорка ижоди эътиборимни тортди. Ласло Краснахорка ҳозирги замон венгегер адабиётининг забардаст вакилла-

ридан бири эканлиги, шу йил май ойида у “Дилгирликка қарши кайфият”, “Иблис рақси” романлари учун халқаро Букер мукофоти билан тақдирланғанидан бөхабар бўлдим. Краснахоркаи, шунингдек, “Зулмат қоплаган ўрмон”, “Қотилнинг туғилиши” сингари ўнга яқин романлар ва кўплаб ҳикоялар муаллифи экан.

“Унинг ҳаддан зиёд қўрқинчли ёки ўта кулгили, аксар ҳолларда жуда гўзал ҳодисаларга қурилган асарлари ўқувчига таъсир этмай иложи йўқ”, дея таъриф берилган халқаро мукофот ҳайъатининг баёнотида.

Краснахоркаи ҳикояларини ўқиб, юқорида айтилган фикр-мулоҳазаларнинг қанчалар асосли эканини тасдиқлашдан ўзга илож тополмадим. “Жаҳон адабиётни” журналида эълон қилинаётган “Акрополь сарҳадларида” ҳикояси ҳам шу маънода эътиборга лойиқ. Ҳикояни ўқиб чиққан муштариylар савияси, диди, ақл-идрокига мувофиқ тарзда хулоса чиқарадиilar, яъни тушунадилар, ҳикоя турли-туман талқинлар ва ҳатто бир-бираига зид шарҳларга изн беради.

Минг хил ташвишу муаммоларга тўла ўткинчи дунёning шиддатли оқимига ғарқ бўлиб, мангулик ҳақида ҳатто ўйлашга ҳам имкон тополмаётган бугунги кун одамининг ҳоли не кечмоқда? Ласло Краснахоркаи мана шундай ҳаёт суръатини бадиий воситалар орқали ёрқин ифодалаб беради. Ҳикоянинг моҳирона топилган ўзига хос сюжет йўли инсон ҳаётига монанд нотекис ва маънисиз тарзда шиддат ила оқади, бирон жойда тўхтаб, нафас ростлашага имкон бермайди. Светофорларни тан олмаётган гавжум шоҳкӯчадаги машиналарнинг тезоб ҳаракатига ўйғун равишда муаллиф биз жуда кўнишиб қолган тиниш белгиларини инкор этгандек бўлади, сўзлар жумлаларга айланиб, жумлалар бир-бираига уланиб, куйилиб келади. Юғур-юғур, беҳаловатлик, шошқалоқлик, тўс-тўполонга аҳамият бермай яшаши ҳар кимнинг ҳам қўлидан келмайди. Тўхтатиш амри маҳол оқим гирдобига тушиб қолган хаёлпараст, содда, орзуманд инсон нима қилсин? Ҳикоя қаҳрамонига ўхшаб бир замонлардаги орзусини рўёбга чиқариш учун бу ғала-ғовур дунёни унутсинми? Ўзгалар буни куракда турмайдиган телбаликдан бошқа нарса эмас, инжиқлик деб гапираверсинглар, лекин ҳикоя қаҳрамони учун, айтайлик, кундалик, арзимас, ҳуда-бехуда уринишлардан кўра юксак маъво бор, у орзулар сарҳадида намоён бўлгувчи, ҳаётига мазмун баҳи этгуви Акрополдир. У болалигиданоқ ҳаёлинни ўғирлаган шу осориатиқани лоақал бир марта кўриши орзусидан воз кечолмайди. Мана шу истак, қолаверса, чумолидек тиним билмай, эшакдек машаққат чекиб, ишдек ақиллаб, саъва каби қафасда яшастан бир неча кунга бўлса ҳам холос бўлиши ниятида Акрополни томоша қилгани келади. Орзуга эришиш осон эканни ҳаётда? Минг бир балолар (ҳаммаси майди, арзимаган кўнгилсизликлар – лекин қалтис ва ҳавфли) оёғинг остидан чиқиб, олға юришга халал бера бошлайди. Таъқиблар, ғов-тўсиқлар, ҳатто табиий оғатлар: зилзила, сув тошқини, бирон дардга гирифтор бўлишдан тортиб, ғаламис дўстларинг, маккор душманлару соддадил, майдагап яқинларинг – бари билиб-бilmай, қасдан ёки ногаҳон ўйлингга ғов бўлади. Одамзод ақли кириб, ҳаётнинг паст-баландини кўриб, яхши-ёмонни ажратма оладиган даражага етган кундан эътиборан умрининг охиригача бунақа ҳодисаларни кўравериб доно бўлиб кетмайдими? Ҳаётда кутмаганинг келади, ўйламаганинг бўлади. Шунга қарамай ноумид шайтон – инсон талпинаверади, ишончини ўйқотгиси келмайди, нимагаки интилаётган бўлса, барибир эришаман, деб ич-ичидан ишонади, ўқи ўйқ милтиқни ўқталиб душманларини отмоқчи бўлади. Ўқланмаганини билса ҳамми, деб сўраманг. Ҳаётингизда юз берган минглаб ҳодисалар орасидан шунга ўхшаш воқеани эслашига ҳаракат қилинг, яхшиси. Бу ўз-ўзини алдашга кирмайди, ўлай агар, ёлғон эмас! Бу – умид, чиқмаган жондан умид – зора, амалга ошиб қолса, деган илинж!

Сон-саноқсиз, майди-чуйда тўсиқларга қарамай, ҳикоя қаҳрамони Акрополь сарҳадларида юриб, Акрополни кўрмаса ҳам, унинг борлигини била туриб, учратолмаса ҳам заиф нур каби пирпираган умидини узмайди. Лекин, афсуски, охироқибат, тинка-мадори куригач, у тоқати тоқ бўлиб, тоғдан қайтиб тушади ва ҳеч нарсани ўйламасдан, енгил-елли, парвойи палак яшаши бел боғлаганида, янги орттирган грек ошналаридек менга нима, мен дунёга яшаши келган-

манми, яшашим шарт, дея ташвиш ва умидлардан воз кечишига ахд қилганида фалокат юз бериб, юк машинаси остида ҳалок бўлади...

Лекин ҳикояни ўқиган одамнинг миясида кетма-кет саволлар туғилаверади: анови грекларга ўхшаб қурт-қумурсқалардек яшааш тузукми ёки юксак орзулар йўлида манови йигитга ўхшаб ўлиб кетган яхшими? Кўлмак сув янглиғ бижигиб ётган ҳаётда ниманидир кашф қилиб яшаётганлар билан болалигидағи азиз орзуларига эришиш ниятида минглаб чақирим оловли йўллардан ўтиб келган кимсани алалоқибат бир хил қисмат – ўлим кутаётган экан, буни таҳлил қилишидан, бу хусусда мулоҳаза юритиб, турлли қарорларга келишидан нима фойда? Мана шу саволларга жавоб излаш жараёнида инсоннинг кимлиги, яшашдан мақсади, одамлигининг маъно-моҳияти маълум бўлади. Олимлар, файласуфлар, имонсизлару абадий ҳаёт – нариги дунё орзусида яшаётганлар ҳам, турмуш ташвишида умргузаронлик қилаётганлар ҳам бир-бирларидан нечоғлик фарқ қилишидан қатъи назар, азиз-авлиё, аллома бўлсин, ўғри-муттаҳам бўлсин, ўша инсоннинг чин маънода кимлиги, унинг ички олами, ниятларининг тозалиги ёки муфсидлиги охир-оқибат фақат Яратгангагина аён.

Адабиёт мана шундай пайтда бетараф кузатуви бўлиб қололмайди. У ҳақиқатни рўёбга чиқарувчи, олийжаноб кўнгил мулкининг бор бисотини очиб берувчи кучга айланади. Илло, у ҳеч қаҷон қозиликка даъвогарлик қилмайди... Ёзуви эса мана шу жараёнда кўнгли ўқсик, жабрдийда, лекин адолатпарвар мунший сифатида иштирок этади.

Зоро, у ўз бурчини аниқ билади ва “эрталаб уйғондингми, сайёрангни тозалаб кўй”, деган ақидага имон келтиради.

Рукнимизда эътиборингизга ҳавола этилаётган яна бир асар – Ласло Бётининг “Икрор” ҳикояси кўнгил кечинмаларига қурилган. Икки дўст – иккимолам ўтган-кетгандан сұхбатлашиб, бир-бирига дардини айтиб ўтиришишибди. Табиатан ожизгина, ўзининг таъбири билан айтганда, одамови, лекин зийрак йигит (ҳикоя унинг тилидан олиб борилади) бир пайтлар ҳаёт синоевларига дош беролмай, беҳад яхши кўрган маъшуқаси билан бир умрга ажрашиб кетганини сўйлайди. Унинг тақдирга тан бериши осон, курашиш, талаб қилиши, керак бўлса ўзидан воз кечиб ҳам мақсадига эришиш ўрнига арзимаган қийинчилекларни енгиб ўтолмай, бутун истиқболи, саодатли турмуши устидан чизиқ тортади. Пировардида у ўзини баҳтсиз сезади, айниқса, инженер дўстининг оиласий баҳти уни оғир хаёлларга етаклайди. Ўз баҳтини қўлдан бой берган ношуд-нотавон йигит ўзгаларининг масрур ҳаёти ҳақида кўпроқ ўйлайдиган бўлиб қолган.

Аммо тақдирининг ҳазилини қарангки, у ҳавас қилган инженернинг баҳти ҳам ушалмаган мұхаббат армонини беркитган бир ниқоб экан. Инженер ўқишини битириб, сүйган ёри билан ахд-паймон қилишгач, бошка шаҳарда ишлаш учун жўнаб кетади-ю, ўша қизни ўйқотиб қўяди. У севгилисининг қайси шаҳарда яшашини билади, лекин аниқ манзилини – қайси кўча, нечанчи уйда истиқомат қилишини билмайди. Оқибатда Чеховнинг Ванькасига ўхшаб шаҳарга хат юборади, лекин конвертда муайян манзилни кўрсатмай, “қишлоқдаги бобомга” қабилида жўнатади. У кимнинг қўлига бориб тегди, билмайди. Тақдир ошиқ-маъшуқлар ўйлини қайта боғлагандар, инженер аллақачон кўхликкина аёлга уйланиб, фарзандли бўлганди.

Қаршимизда ёрига етишолмай армонда қолган иккимолам ўтган. Иккови ҳам чин юракдан севган, севилган, аммо мұхаббатга етишиши учун “оҳ-воҳ”нинг ўзи камлик қилишини кеч англаган. Муаллиф бу икки дўстининг сұхбатини эътиборимизга ҳавола этар экан, баҳт-саодатга фақат муносиблар етишишини, мұхаббат синовига дош бериш учун оташин ҳис-туйғудан ташқари тоғдек матонат ва жасорат даркорлигини намойиш этади. Зоро, тақдир имтиҳонига дош берган чин ошиққина унинг инъомига муносиб.

Таржимондан

# **Ласло КРАСНАХОРКАИ**

## **АКРОПОЛЬ САРҲАДЛАРИДА**

Ҳикоя

*Рус тилидан  
Олим ОТАХОН таржимаси*

Такси ҳайдовчилар расво бўлишади-да жуда, тиқилинчда одамнинг ҳоли-жонига қўймай хира пашшадек ёпишиб олишгани-чи, нега шунақа қилишади-я, кўриб туришибди-ю, ахвол-тирикчиликни – ҳайдасанг кетмайди, бошида, йўқ, керакмас, қўясанларми-йўқми, бўлди-да энди, дея жавоб қилиб чарчамаётган одамнинг охири индамай, намойишкорона юзини буриб олишдан ўзгаchorаси қолмади, улар шунчалик шилқим бўлиб кеттанидан унинг ғижинаётгани, қўзларида чакнаган ғазабни сезмасдилар, тавба, қочиб ҳам кутулиб бўлмаса улардан, яхши гапга – илтимосга қўнишмаса, қўйсаларинг-чи, шунчалик ҳам бўласизларми, дегани билан тинч қўйиш у ёқда турсин, Синтагма, Акрополь, Монастираки, Пирей, Агора, Плака<sup>1</sup> ёки тўхтовсиз равища мәхмонхона, мәхмонхона, деб тўтиқушдай тақрорлайверса, яна very nice, билан very good<sup>2</sup>га бало борми, отаси карнайчи ўтганми буларнинг, қулоқни қоматга келтириб шанғиллашини қаранг, ишшайгани ҳаммасидан ўтиб тушади, бирам ёқимсиз, сурбетларча қўзини лўқ қилиб ишшаяди, бунисидан кутулсанг, ундан ўтадиган сўхтаси совукроғи орtingдан келиб тиқилади, жомадонингни нариги қўлингга олиб, тескари бурилиб олишдан ўзга чора тополмайсан, лёкин улар лоп этиб олдингдан тўсиб чиқади, буларнинг эпчилигини – бир нафасда гоҳ орtingда, гоҳ олдингда пайдо бўлишади, бутун аэропорт келиб кетиш манзилига эмас, балки адашиб қолганлар маконига айланганини анчадан кейин – фоят катта кутиш залидаги бераҳм оломон орасига кириб борганингдагина фаҳмлаб қоласан, ҳар тарафдан одамлар тўда-тўда бўлиб ёки якка-ёлғиз сўппайиб кириб келишади, болалар отонасини чақириб кичқирган, узоқ кетма, ёнимдан жилма, деб танбеҳ берганига қарамай тентираб кетган кичкントойларини излаб онанинг фигони фалакка қўтарилган, дармонсиз қариялар оёқларини судраб босади, мактаб ўкувчиларидан тузилган гурӯҳ раҳбари болаларнинг ўтакасини ёргудек овозда кичкиради, Япониядан келган сайёҳларнинг таржимони байрокчасини силкитиб, бежиримгина карнайчалари орқали қути ўчган ҳамюрларини чақиради, ҳамма қора терга ботган, чунки кун ёнаяпти, бунинг устига дим, илож қанча, ёз ёзлигини қиласди, фақат мана шу шовқин ортиқча, чидаш қийин, гўё дунёнинг барча шанғи, бефаросат одамлари бир ерга тўпланиб олгандек, амаллаб шаҳарга олиб чиқадиган йўлга чиқиб оласан-да, хайрият, деб ташқарига ошиқасан, ҳолбуки, у ерда ахвол бешбаттар экани хаёлингга ҳам келмайди... Ана шундагина у Афина авжи ёз палласида тандирдек ёнажагини тушуниб етди, такси ҳайдовчиларнинг уч-тўрттаси ҳалиям унинг ортидан эргашиб юарди, қўйиб берса улар ортидан жаҳаннамгача борадиган, бири ишшаяди, бошқаси илжаяди, яна биттаси жомадонга қўл узатиб безор қиласди, охири бу қий-чув, тўстўполондан хайрият, кутулдим, деганда бутунлай ҳолдан тойди, аэропорт

<sup>1</sup> Синтагма, Акрополь... Плака – Афина ва унинг яқинидаги диққатга сазовор масканлар (Тарж.).

<sup>2</sup> "Very nice", "Very good" – "Жуда яхши", "Жуда соз" (инг.).

биносидан чиқаверишда кутиб турган таксилардан бирига шартта ўтирида, сакич чайнаётган ланж ҳайдовчига, Синтагма ёнидаги Эрма ва Эола кўчалари чорраҳасида жойлашган меҳмонхонага, деди, ҳайдовчи бу алжираган чол нима деяпти, дегандек маъноли қараб қўйди, сўнг индамай бош қимирлатди, у эса, ўриндикка беҳол суюниб кўзларини юмди, гарчи такси ҳайдовчилар алдаб, патингни юлишмасин, деб грек танишлари олдиндан кўчаларнинг тарҳини чизиб берган қофоз ёнида бўлса ҳам, олиб ўқимади, машина қаёққа кетаётганини аниқлаш учун қарамади, барибир тўрт танга қўшиб айтишмаса, еганлари ҳаром бўлади, ёзилмаган қонун бу, сен ҳам улар билан тортишиб юрма, бусиз уларга ҳаёт татимайди, дўстларининг шу тахлит кўрсатмаларига биноан у талашиб-тортишмади, азбаройи нима қилишни билмагани, ҳоли йўқлиги, асаблари қакшаётгани учунгина эмас, балки парвоздан кейинги воқеалар: тополмаётган ю克拉рининг тасодифан ҳеч кутилмаган ердан чиқиб қолиши, хира-хандон ҳайдовчилар, иссиқ, дим ҳаво уни шошилишга мажбур этди. Жомадони йўқолгани ҳақида хабар беришга ҷоғланганида юки бегона лаш-лушлар – тўрт соат аввал Киев аэропортида йўловчилар юкларини жойлаштирганда кўзи тушган қоп-халталар орасидан чиқди, бу майли, учраб турадиган ҳодиса, бироқ тақиқланган гиёҳванд моддалар излаб ўша лаънати жомадонини тит-пит қилиб текширишганда бу кўнгилсизликлар яна давом этди ва ниҳоят, кутиш залидаги сарсонгарчиликлар, булар одамман, дегандинг сабр косасини тўлдириб юборар, бунинг устига уни Грецияга таклиф этган танишларидан биронтаси кутиш залида кўринмасди, ким айбор, улар кутиб-кутиб қайтиб кетган бўлсалар-чи, одамлар орасида ўралашиб юргани етмагандек, такси ҳайдовчилар ёпишиб хиралик қилишганда улар билан ади-бади қилиб ўтиргани учун ўзи айбордор балки, қисқаси, ана энди силласи қуриб, таксининг орқа ўринидигига ўзини таппа ташлаб, тонг қоронғисидаги кимсасиз кўчаларга маъносиз қараб, ёзib беришган биронта хиёбон ёки кўчанинг номи ё кинотеатрни кўрмаса ҳам, аҳамият бермагани тугул бир қанча вақт қаерга кетаётгани ва ҳисоблагич шакиллатиб қанча ёзib қўйгани билан заррача қизиқмагани ҳам оқлаш мумкин бўлган нарсалардек туюлди, аввалига бу хусусда ўйлаш хаёлига ҳам келмади, бироқ ҳайдовчи қисқа йўлдан эмас, бутун бошли ноҳияни айлантириб олиб кетаётгани учун ҳисоблагич кўрсаткичи беш европга яқинлашиб, бир дақика ўтар-ўтмас ундан ҳам оша бошлаганида бекорга айтишмаганини фаҳмлади, танишлари шунчадан кўп йўлкира сўрашса, сира тўламагин, деб тушунтирган эдилар, у инглиз тилида бир нималар деганди, ҳайдовчи аввал эшитмаганга олди, кейин ўзини овсарликка солиб машинани дам ўнгга, дам сўлга буриб кетаверди, ниҳоят, аллақайси чорраҳага келгач, қизил чироқда тўхтади-ю, йўловчи узатган бир парча қофоздаги кўчанинг номига чертиб-чertiб, бир нималар деди, лекин йўл ҳақи хусусида ғинг демади, қисқаси, инсоф қилиш у ёқда турсин, ҳозиргина ўтиб кетишган жойнинг номини айтишни ҳам эп кўрмади, зеро, бу ердан Синтагма майдони тугул, шаҳар марказига ҳам жуда олис эди, ана шунда унинг жаҳли чиқиб, тепа сочи тикка бўлди-да, норозилигини билдириш мақсадида ўшқирди, кўлини пахса қилиб жазава ичиди соатини, сўнг қофоздаги “Синтагма майдони” деган ёзувни кўрсатди, барибир фойдаси бўлмади, такси ҳайдовчи пинагини бузмай, сакич чайнаб ўтираверди, унга ҳеч нима таъсир қилмайдиганга ўхшарди, у гўё адашиши мумкин эмасдек, тўғри йўлдан кетаётганига ишончи комил эканини намойиш этиш учун бегам-бепарво ўтиргандек туюларди, охири ҳаммаси жойида, кўрқманг,

дэя уни хотиржам килди, бу ҳам етмагандек ортига ўгирилиб, бе happy<sup>1</sup>, деди яна, пировардида ҳайдовчи аллақандай одам гавжум чорраҳада кескин тормоз босганда, йўловчининг томири тортишиб, қорнини чангллаганча буқчайиб қолди, ҳайдовчи эшикни очди ва сўлжайиб қўллари билан ишора қилди, мана, марҳамат, Синтагма майдони, ахир шу ерга деганимидингиз – у эса дастлаб таниш-билишлари катъий белгилаб берган пулни узатди, ҳайдовчи пулнинг озлигини кўриб унга бақира кетди, елкаларидан ушлаб силтади, у энди машинадан тушган эди, бир тўда греклар келиб буларни қуршаб олишди, бирори у деди, бошқаси бу деди, хуллас, буларнинг ишига аралашиб икковини келиштириб қўйиши, минг лаънат, бу корчалонлар ҳам йўл ҳақини грек танишлари ҳисоблаб берганидан икки ҳисса кўпроқ ундириб бериши, аммо то шу ҷоққача юз берган лўттибозликлар жонига тегиб кетганидан, “тупурдим ўша Афинангизга!” деб бақирди у ўзини ўраб олган грекларга, аммо улар хафа бўлиш ўрнига унинг елкасига қоқиб, ишшайганча юпатишди, ҳаммаси жойида, по problem<sup>2</sup>, юр, ундан кўра қиттак-қиттак оламиз биргаликда, сизлар билан биргами, кўзим учеб тургани йўқ, деганча у жингалак соч, мовий кўзли, назарида суюқ туюлган бу йигитлар чет эллик меҳмоннинг бор-будини қоқиштириб олиш учун эмас, балки такси ҳайдовчиси билан бўлиб ўтган можарода енгиди чиққанини ювиш, нишонлаш мақсадида чин дилдан таклиф қилишаёттанига фаҳми етмай уларнинг қуршовидан чиқиб кетмоқчи бўлди, греклар эса ўзингни бос, ҳайдовчиларнинг бари бир гўр, уларга тушунтиrolмайсан, улар юҳо-ку, пулинг тугул терингни ҳам шилиб олишади, айниқса, бунака пайтда, ундан кўра юр биз билан, сал қўнглинг ёзилади, дэя кўчанинг нариги бетидаги ҳозиргина ўзлари ўтирган рестораннинг олдига ўрнатилган ихчамгина столларни кўрсатишиб, унинг елкасига қоқиб қўйиши, бирок у шунчалик кўрқиб кетган эдик, жомадонини ола солиб орқа-олдига қарамай сон-саноқсиз машиналар қалашиб ётган чорраҳа томон югурди, унинг кўзига ҳеч нарса кўринмасди, кўчани кесиб ўтаётганида машинанинг тагига кириб кетиши мумкинлигини хаёлига ҳам келтирмай, кетма-кет янграётган сигналларга ҳам аҳамият бермади, ваҳоланки, кўчанинг нариги тарафига ўтиб олгунча, уч маротаба машина уриб кетишига оз қолди – яхшиямки, кўлидаги жомадон енгил эди, лекин енгил бўлгани билан барibir эмин-эркин юришга халал берарди, уни яна Худо асрари, югуриб кетаяпти-ю, кўнглида танишларга қўнғироқ қилсамми, қаердайкин улар, ёрдам сўрасамми, деган ўй-хаёллар ғужғон ўйнайди, кўнғироқ қилиш қаерда, бояги такси ҳайдовчиси бор пулини олиб қўйди-ю, ярамас, кўнғироқ қилишга нақд пули бўлмаса, шунинг учун у тўхтаб, шинаванда грек йигитлари томонга бир илинж билан қаради, улар бундан чамаси беш-ўн дақиқа аввал еб-ичишган ресторон олдидаги столларга бориб ўтиришганди, шу ўтиришда улар йўлтўсар-юлгичга ҳам, ўғри-фирибагра ҳам ўхшамасди, шу боис бирордан кейин сал ўзига келгач, уларнинг олдига бориб, маслаҳат сўрашга қарор қилди, алоҳа, шундай хаёл билан йўлни кесиб ўтиш учун бир-икки қадам юрди, у кўп нарсани тушунмасди, рўпарадаги светофорнинг яшил чироғи ёниб тургани билан ўзига, ён-атрофидаги йўловчиларга алоқаси борми-йўқми – билмасди, ниҳоятда эҳтиёт бўлиш керак экан, чунки зум ўтмай яна чалкашиб кетди, яшил чироқ ёниб тургани билан, машиналар оқими тўхтай демасди, баҳайбат юк машинасидан қочаман, деб орқасига тисарилган эди, қоқилиб

<sup>1</sup> “Be happy” – “Шод-хуррам бўлинг” (инг.).<sup>2</sup> “No problem” – “Ҳечқиси йўқ” (инг.).

йиқилишига оз қолди, бу ҳам етмагандек ўқдек учиб келаётган одам тўла автобус уни туртиб юборай деди, светофорнинг яшил чироги ўчиб, бир дақиқадан кейин қайта ёнганида у тўрт-беш нафар йўловчиларнинг панасида эсон-омон ўтиб олди, ҳеч кимга эътибор бермай, ресторон айвончасида беташвишгина мусаллас ичиб ўтирган ҳалиги йигитлар даврасига бориб қўшилди, унинг қайтиб келишига ишонган эканми, йигитлар дўстона кутиб олиш тугул, ёнларига таклиф этиб, битта қўшимча стул келтириб беришди, ҳаммасининг юзида боя айтмадикми, бирон қарорга келишдан аввал, энг яхиси, ақлни пешлаш учун бир стакан мусаллас ичиб олиш керак эди, деган ифода зухр этарди, улар нима ичасиз, пивоми, мусалласми, деб сўрашди, э, йўқ, дея рад этди у, мен, яхиси, қаҳва ичаман, грекча қилиб дамласин, улар официантни чақириб қаҳва буюришди, шу асно гурунг қизиди, грек йигитлари унчалик ёш эмас – ўтиз-ўттиз бешларда эди, инглизчани яхши билишгани билан таффузлари бироз ғалати экан, ўзининг талаффузи ҳам ҳавас қиласи даражада эмасди, шунга қарамай улар бир-бирларини яхши тушунишарди, гапга берилиб кетганиданми ё бир ташвиши аригани учунми, қаерда кимлар билан ўтирганини ҳам унутиб, тили ечилиб, қаердан ва нима мақсадда келгани, бу дунёнинг ишлари кўнглига зифир ёғдек ургани, кейинги пайтда ҳатто ўзига ўзи ёқмай қолганлари, хуллас, Афинага бориб келсамми деб аҳд қилганлари ҳақида бир бошдан оқизмай-томизмай айтиб берди, лекин очишини айтганда, у анча йиллардан буён чиндан ҳам Афинани бир бориб қўришни орзу қиласи, йигитлар индамай бош кимирлатиб тинглаб ўтиришди, ҳеч ким унинг гапини бўлмади, гапдан гап чиқиб бу янги танишлари, кутиб олиш учун аэропортга чиқмаган “дўстлари”га кўнғироқ қилиш ва уларни излаб топиш ниятидан уни қайтардилар, хўп, майли, бир сабаб туфайли кечиккан бўлишлари мумкин, нега у ҳолда Эрми кўчасининг чорраҳасида эрталаб соат тўққизда қўришамиз, деган сўзларида турмай, ҳалиям келишмади, ҳозир тўққиз қолиптими, ундан кўра биз билан қол, модомики, тақдир тақозосига кўра учрашиб қолган эканмиз, бу бежиз эмасдир, нима бўлади сизлар билан қолсан, дея қизиқсиниб сўради у, бирон таклифингиз борми, нима, таклиф, греклар бир-бирига қараб олишди, унинг саволига кулгилари қистади, қанақа таклиф – ҳеч қанақа таклиф йўқ ҳозирча, мана шу ерда ўтирганимиз етмайдими, пиво, мусаллас ичиб ўтирибмиз-у, бу таклифга кирмайдими, унинг соддалигидан мийигида кулиб қўйишиди, кечадан бери шу ерда дам олиб ўтирибмиз, ҳеч ким ҳеч нарсани ўйламайди, пулинг бўлса бас, ҳаммаси ўз-ўзидан чиройли таклифга кираверади, деди ўзини Адонис деб таништирган новча йигит, тўғрисини айтганда эс-хушли, ёқимтой йигитлар экан, у грекча дамланган қаҳвани ичгач, дафъатан агар уларнинг таклифига рози бўлиб, шу ерда улар билан бирга қолса, Афинани томоша қилиш нима бўлади, деб ўйлади, ахир бу томонларга шунинг учун келган эмасми, ҳозиргина шу фикрини айтганда нега ҳаммалари маъноли кўз уриштириб, индамай ўтиришди, у чинданам ажабланди, шунинг учун яна кўнглидаги ниятини айтди, қани, нима дейишаркан, бирон янги таклиф эшитармиканман, деб умидланди, Афина тўғрисидаги бунақа гаплар таникли рассомга мўйқалам нималигини тушунтиришга уринишдек гап, тўғрими, Иоргос, деди йигитлардан бири, унинг сўзлари негадир ўзини Жорж деб таништирган йигитга ҳам ёқмаганлиги сезилди, у кўл силтаб, ҳафсаласи пир бўлган одамдек, буни қара, Афинани томоша қилмоқчиман эмиш, Афинанинг нимасини томоша қилади – ҳайронман, деди-да, кружкасини шарт кўтариб қолган пивони ичиб юборди, йигитнинг гапларида

қандайдир алам, норозилик бор эди, аммо нега Иоргос бунақа деяпти, деб дабдурустдан сўролмади, кейинроқ, соҳилдаги қўмлоққа чиқариб ташланган балиқлар, беозор, ёқимтой ялқовлар, дея таърифлади уларни ичида, аммо улар билан бирга ўтириш ёқаётгани, ўзини бемалол, эркин тутишига шу кўнгли тоза йигитлар сабаблигини тобора чуқурроқ хис қиласарди, зотан, бу туйғунинг ёмон жиҳати ҳам бор эди, бу хавфли, домига тортиб кетса кутулишнинг иложи йўқ хатарли машғулотга ўхшайди, тўғрироғи, бекорчидан Худо безор – кун бўйи ўтириб, уларнинг фалон эстрада гурухи наригисидан яхшироқ деганини эшитиш, ўтган-кетгани аланг-жаланг қилиб кузатиш, шу иссиқ ва қўланса ҳавода Синтагма майдони ва унга туташ қўчаларда у ёқдан-бу ёққа ғизиллаб ўтаётган сон-саноқсиз машиналарни томоша қилиш, бўлар-бўлмас, кераксиз, пуч ҳантомалардан чарчамай, оғизга келган майда гапларни дудланган, ёғсиз, шўр балиқнинг думини чайнагандек тамшаниб, тақрорлашлар жонига тегиб кетмагани-чи буларнинг деб ўйларди у, агар ҳозироқ шартта ўрнидан туриб кетмаса, ўзи ҳам шу ботқоққа ботиши мумкинлигидан чўчиди, ана унда кеч бўлади, орзу қилган ҳаётидан бутунлай маҳрум бўлади, кейин... у кутилмаганда ўрнидан турди-да, жиллакурса болалигидаги энг ардоқли, азиз орзуси – Акрополни бир марта бўлсин кўриши шарт эканлигини маълум қилди, бир вақтлар ўлсам ҳам бораман деган эдим, мана, ёшим ўтганда насиб қилибди, энди кўрмасам бўлмайди, шунинг учун узр, деди, ана холос, демак, лоақал Акрополни кўрсанг бўлди экан-да, дея кўзини қисди Адонис, қисқаси, Акрополь, пичинг қилди Иоргос, ўзинг биласан, дейиши охири улар, биринчи келишинг экан, кўрганинг маъкул, ўта бемаънилик, деди Иоргос, мен ҳам фикрингга қўшиламан, деди Адонис, бўпти, борақол, фақат гапимга қулоқ сол, деди буларнинг орасида ўтирган биттаю битта қиз – уни Эла дейишарди – манави дардисарни кўтариб юрмай, шу ерга қўйиб кетавер, мабодо, зарур бўлиб қолса, келиб сўрасант, олиб беришади, мабодо, биз йўқ бўлсак... ҳозир, шошмай тур, қани у, Эла атрофга аланглади, Маниопулоснинг олдида бўлса керак, деди Иоргос, Маниопулос деганлари сотувчи бўлиб, кичкина дўкончада компььютернинг эҳтиёт қисмларини сотаркан, пардан кўтариб ишора қилишганди, унинг гумаштаси келиб жомадонини олиб кетди, хоҳлаган пайтингда келиб ўша боладан оласан, шундан сўнг унга йўлни кўрсатиб юборишиди, жазирама иссиқка қарамай улар нима учундир пиёда боришни таклиф қилишганига у ажабланди, бироқ уларнинг айтишларича, биринчидан, ҳозир сайёҳлар кам ва қолаверса, шаҳарнинг эски қисмидаги Плака мавзесини йўл-йўлакай томоша қилиб бориши мумкин эмиш, қайси томондан борса қулайроқ эканини Иоргос ҳижжалаб тушунтириди, ҳатто тушунтираётганда қўли билан кўрсатиб турди, ҳаммалари ресторонга дарҳол кириб кета қолмай, унинг ортидан қараб туришиди, у кўчанинг нариги томонига ўтиб, Плаканинг тор жинкўчалари оғзигача борди-да, ўгирилиб кўл силкиди, бунга жавобан улар ҳам дўстона хайрлашдилар, у енгил хўрсиниб қўйди-да, йўлга тушди, бир зумгина юраги ҳаприқди, негаки, у айни дақиқаларда кўпдан-кўп орзулари ичида ҳамиша оҳанрабодек ўзига жалб этиб келган маъво – Акрополь остоналарида турарди, бир кўрсам армонда қолмасдим, дея кўнглидан ўтказди ва болалигига рангли китоб сахифаларида кўриб хотирасига муҳрланиб қолган хира суратлар кўз олдидан ўта бошлади, бир жиҳатдан хурсанд бўлдики, бояги йигитлар унинг қатъияти олдида чекиндилар ва йўлдан қайтара олмадилар, агар чини билан айтса, бир замонлар тасаввур қилган Акрополь аслида хаёлий, юксак, ҳаприқтирувчи

эмас экан, шекилли, ҳозир бошқачароқ кўринмоқда эди, ахир у Акропол нинг бунчалик катта масофани эгаллаб олганини билармиди – билмасди, биноларини қаранг, Пропилея йўлагини айтмайсизми, Пантеон ибодатхонаси қандай муazzам ва улуғвор экан, греклар теменос, деб атайдиган Афинадаги табаррук масканлар силсиласининг беназир маҳобати ва кўламини ҳикоялар, хотира ва суратлар орқали тасаввур қилиб бўлмас экан, нафсилаарини айтганда бу суратлар ва ҳикоялар Акрополнинг буюклиги ҳақида ҳеч нарса демас экан, Акрополь кўламининг ўзиёқ тасаввурга сифмаяпти, уни мана шу нарса ҳайратга солди, у сэндвич сотиб олди, қорни очганлигидан нархи нега бунаقا қиммат эканини суриштириб ўтиргани, муздек коланинг нархидан одамнинг, айниқса, сайёҳнинг кўнгли озарди, нима деган гап бу, корни очса очиби – нима бўпти, шунга ҳам ота гўри қозихонами, муҳими, уни ҳозир бошқа нарса ташвишлантира олмасди – жазирамага қарамай, Акрополга тобора яқинлашиб келаётган эди, айни чоқда мана шу нарса ҳаммасидан муҳимроқ ва аҳамиятлироқ эканини хис қиласди, яна озгинадан кейин Ники ва Эрехтеон ибодатхоналарини, охири ёдгорликларнинг гултожи бўлмиш беназир Пантеонни ўз кўзи билан кўради, қисқаси, тез орада у Акрополнинг энг юқорисига кўтарилади, бу унинг доимий орзузи бўлиб келган, греклар 2439 йил аввал қурган, куриш каёқда, яратган буюк обидаларни тезроқ кўриш илинжида ўраги ҳаприка бошлади.

У Плака мавзеига кириб борганида, боя айтишганидек сайёҳлар кўп эмасди, у шунча юриб нари борса, саксон-тўқсон чоғли сайёҳни учратди, рўпарадан келаётган сайёҳлар гурухи уни айланиб ўтганда у хурсанд бўлди, бир ўзи томоша қиласди – ҳеч ким халал бермайди, сўнгра у Флесса кўчаси бўйлаб кетди, нотаниш шаҳар – адашиб қолиши ҳеч гап эмас, боши гангид Эрехтеон кўчаси бўйлаб юрган яхшими, ёмонми – иккиланиб турди-да, ҳар эҳтимолга қарши тўғри кетаверди, Стратонос кўчасидан Фроззилоно кўчасига бурилгач, кутилмаганда кенг, одам гавжум Дионис Ареопагита шоҳкўчасидан чиқиб қолди ва шунинг баробарида юксакда викор билан қад ростлаб турган Акрополга кўзи тушди, тепалик шу чоққача тор кўчалар аро бир он кўриниб қолаётган эди, бироқ лошланиб турган бутун маҳобати ила энди яққол кўзга ташланди, бу умрида илк бор ниятига эришиши мумкинлигидан дарак берарди, бошқасининг нима кераги бор, ахир у Акрополь остоналарида-ку, бундай неъматдан баҳраманд бўлиш арафасида нечук қувонмасин, қўёш аёвсиз қиздиради, катта кўчада қатнов ўта хавфли, соат ўн-ўн бирлар бўлса керак, лекин анигини айтолмайди, чунки соати ҳали самолётдаёқ тўхтаб қолганди, вақтида батареясини янгиламаганинг оқибати, энди бунинг қизиги ҳам йўқ, дея хаёлидан ўтказди у, мен манзилга етиб келган бўлсам, у сайёҳларнинг шубҳали даражада камлигидан ҳайрон бўлди, уларнинг сафи тобора сийраклашарди, бироқ бу ҳам унинг дилидаги завқни, ғайратини сусайтиргани, аксинча, рухи юксалиб бораётгандек туюлди, ахир, мана, ўнг томонида Акрополь қад ростлаб турибди, эртами-кечми, ўша ерга олиб чиқадиган сўқмоқни топади, бунинг учун бутун тепалик этагини айланиб чиқишдан эринмайди, бунга бардоши етади, минг қилса ҳам топади, у шундай хаёллар билан ўзига ўзи далда берарди, аммо йўл ҳали-вери тугай демас, аксига олиб иссиқ ҳавода қандайdir бадбўй хид кучайиб бораради, кўчанинг шовқини қулоқни қоматга келтиради, у энди биринчи рўбарў бўлган одамдан у ерга қандай борилади деб сўрашни дилига туғиб кўйган маҳал бирдан оҳактош плиталар билан мустаҳкамланган илонизи йўлга кўзи тушди, бу илонизи

сўқмоқ тепасида аллақандай қоровулхона бор экан, у ўша ёққа чиқиб борди, қараса, қоровулхона эмас, чиптахона экан, ўн икки евро тўлайсиз, дейишди, у жаҳл билан қўлини пахса қилиб дағдаға қила бошлаган эди, олти еврого туширишди, шу тариқа у олти еврого чипта олиб, ичкарига кирди ва бошини тепага кўтариб каради: демак, мана Акрополь қанака экан, бироқ ўша заҳоти қуёш нуридан кўзи қамашиб, бошини қуйи со-лишга мажбур бўлди, кўз олдидан қора-жигарранг доғлар бир неча сония кетмай турди, кўзларига дам бериш учун офтоб нури тушмаётган ерга қарамоқчи бўлди, бироқ ҳаракати зое кетди, чунки оёғи остидаги мармартош ярқираб, унда акс этаётган нур чақиндек кўзларига санчилди, зина пиллапоялари оқ мармардан ишланган бўлиб, унинг орасидан биронта майса ёки гиёҳ ўсмаган эди, у Акрополга элтгувчи асосий дарвозахона остонасида эканини биларди, холос, бундан чиқди, сўл томонида Пино-котека деб аталмиш суратлар галереяси, ўнг кўлда эса мудофаа минораси, ундан юқорироқдаги майдонда тўрт устунли Ники ибодатхонаси жойлашган бўлиши керак, буни у Акрополь харитаси орқали эсида сақлаб қолганди, илгари қўрмаган, қаерда кўради, у тўхтамасдан кетаверди, кўзларини очолмай, зина панжарасини ушлаб чиқиб борар экан, ўзини ўзи юпатарди, майли, ҳечқиси йўқ, вақтингчалик шундай, лекин зинапоя тугагач, бирон дараҳт соясида нафасимни ростлаб оламан, кейин сал ўзимга келгач, бу ерга қайтиб тушаман-да, Пропилея йўлагини яхшилаб томоша қиласман, дея хаёл қилди, шунинг учун тўхтамай кетаверди, кетаверди, лекин Пропилеядан ўтгач, юриш янаям қийинлашди, сабаби, обида бошдан-оёқ оҳактошлардан иборат қояга қурилган эди, пастига эниб кетган йўл ҳам кўзни оладиган оҳактош бўлаклари оралаб ўтганди, бундан чиқди, ўша донғи кетган Акрополь бошдан-оёқ яхлит, тап-такир тошлар устига қурилган экан-да, деган хulosага келди ва шу асно мудраб қолишдан қўрқиб, киприк қоқмай илгарилаб бораверди, қуёш тандирдек қиздирар, боши, елкаси, қўл-оёқлари, аъзойи бадани, қўйинг-чи, ичу таши қуярди, чидамай қаёққа боради, факат бир нарсани у кутмаган эди, ана шу нарса уни гангитиб қўйди, бу қуёш нурининг мармартошларга тушиб қайтаётган шуъласининг акси эди, буни у асло кутмаганди, билмаганлиги туфайли бундан сақланиш чоралари ҳақида ўйлаб ҳам кўрмабди, қаердан билсин, қачонки, биронта йўлланма, санъат тарихи бўйича ёзилган биронта тадқиқотда огоҳлантирилмаган бўлса, Акрополь тепасида қуёш шунчалар ярқироқ нур сочадики, кўзи нозиклар, албатта, эҳтиёт чораларини кўриб қўйиши зарур деб очик-ойдин огоҳлантиришса асакалари кетармиди, мана шунаقا кўзи нозиклардан биттаси ҳеч қандай чора кўрмаган, оқибатда ҳозир ҳам бирон нарса ўйлаб тополмади, чунки қўлидаги жомадонидан бўлак ҳеч вақоси йўқ, билганда ўзи билан бир нималар олган бўларди, шу пайт жомадони шаҳарда, Маниопулос деган йигитда колгани лоп этиб эсига тушди, қуёш ҳам аксига олиб аёвсиз ўт пуркамокда, теварак-атрофда тангадек соя берувчи на дараҳт, на шийпон, на девор бор, қуёш нақ бошдан урарди, бутун бошли Акрополь оташда қовурилаётгандек эди, Худонинг марҳаматини қарангки, у шимининг орқа чўнтағида дастрўмоли борлигини эслаб қолди ва ўшани олиб кўзига босди, аммо қўлрўмолнчанинг оппок энлик ҳошияси кўзига малол келди, ана шунда у қўлрўмолнчаси устидан кафтларини босиб турди, бирон-бир салқин соя ер чиқиб қолар, ўлдими, деган умидда яна олға юрди, алоҳа, у болалигидан қўришни орзу қилган Акрополь бўйлаб борар эди, шу нарса маълум бўлдики, эру хотин немисларни ҳисобга олмаганда бу масканда ундан бошқа тирик жон йўқ эди, бу

немислар ҳам анча нарида, Пантеонда эди, ана ўшалар пухта иш қилган экан-да, деб ўйлади у, саёҳатга чиқишидан аввал тайёргарлик кўришгани сезилиб турибди, бошларида иссикда киядиган соябонли, сув ўтказмайдиган маҳсус бош кийим, кўзларида қора кўзойнак, елкаларида рюкзак, рюкзакнинг ярим очик оғзидан бир литрли минерал сувнинг идиши кўриниб турарди, сув идишни эслаб унинг ташналиги ортди, лекин нима билан қондиради бу истакни, ваҳоланки, бу ўйларда на тамадиҳона, на муздек ичимликлар дўкончаси бор эди, қисқаси, Акрополда Акрополдан бошқа ҳеч вақо йўқ эди, бу вақтга келиб унинг тоқати тоқ бўлаёзганди, шунга қарамай бир замонлар Афинага ҳайкал ўрнатилган ерга етиб келди ва Эрехтеон томонга юрди, у кўзи ожиз одамлардек тимирскиланиб борар, юкорига қараш тугул, жиллақурса, бир борагина кўз қирини ташлай олмасди, ҳоли келмасди, мабодо, шундай қилса кўзлари ёшлинарди, яхшиямки, ҳали оғриқ сезмаяпти, ҳаммаси Эрехтеонга етиб келганида бошланди – кўзлари қуриб, ёруққа қаролмай қолди, у обидага киролмади ва ҳатто бир кур кўз югуртириб чиқолмади ҳам, чунки пурвиқор устунли айвон жуда баландда бўлиб, у ёқса чиқишининг сира иложи йўқ эди, у ноумид бўлиб атрофга аланглади, ана шу лахзада кўзлари ачишиб оғриди, қоя тепасида ҳали у ерда, ҳали бу ерда баҳайбат ўймакор тоштахталар ётарди, бу тоштахталар археолог Дёрpfельд олиб борган қазилма ишлардан қолган Афина меҳробининг қолдиқлари эди, яна ким билсин, лекин ҳар ҳолда кўзларини амаллаб очиб қараганида шу нарсаларни кўришга муяссар бўлди, дафъатан унга маъбудлардан бирининг раҳми келдими, Эрехтеоннинг орқа тарафида ўсган бир дараҳтни илғади, эй Худойим-ей, дараҳт, Акрополнинг басир муҳлиси шу заҳотиёқ ўша томонга ошиқди, лекин етиб бориб дараҳт танасига елкаси билан суюниб, кўзларини очишга уринган эди, ҳеч қандай ўзгариш сезмади, сабаби, бу ерда ҳам куёш нурлари кўзини очирмади, бу кичкина, қуриёзган зайдун дараҳти эди, пояси нозик, тепасидаги заиф шохлари ҳамда бутоқларини базур кўтариб турганга ўхшарди, қуёш нурларини тўсиши мумкин бўлган япроқлардан деярли нишон йўқ, у ҳайрон бўлиб оёқлари остига қараганди, бу дараҳт мадор бўларли соя солмаслигини пайқади ва эй, Худо, унинг ахийри бир нарсага фаҳми етди: нимани деб келган бўлса, ўша нарсани кўролмас экан-да, ў-ӯ, дея алам билан ўйлади у, Акрополнинг кўламини билиш ҳеч качон насиб этмаслиги тугул, шу ерда бўла туриб ҳам Акрополнинг ўзини кўриш насиб этмас экан, бироқ маъбудлар унга юпанч учун дараҳтдан ташқари Эрехтеоннинг шимолий дарвозаҳонаси деворларини ҳам тайёрлаб кўйган эди, зеро, куннинг шу қисмида деворнинг куюқ сояси нажотбахш эди, у орқа-олдига қарамай, ўша ерга югурди, эр-хотин немислар бу ерга аллақачон етиб келишган, уларнинг қиёфасида қувонч балқир, ўзлари бардам ва тетик кўринарди, эри фотоаппаратга янги плёнкани жойлаштириш билан машғул, икки ёноғига қуёш расмини чиздирган хотини эса суратга тушишга ҳозирланарди, иккови ҳам жасадли, бақувват ва соғлом эди, нимаям қилардик, дея кўнглидан кечирди у, бунақаларга Худонинг марҳамати чексиз, уйида бўлганида у бундай шаккок хаёлларга бормасди, зотан, маъбудлар уни четда қолдиришмагани хаёлига келмади, ахир у қандай қилиб бу ахволда шунақа оғир ва узоқ йўлни босиб ўтди, унга бунчалик сабр-бардош, куч-куватни ким берди, ким йўл кўрсатди – йўл четидаги белгилар, кўрсаткичларми, йўл-йўлакай оғрий бошлаган, ачишган кўзларини қандай қилиб оча олди, кимнинг шарофати билан, тўғри, минбаъд тўғри, бу ердан туриб қараганда, қадимги Акрополь деб аталган

осори атиқадан Парфенон ибодатхонаси устунларининг пойдеворларидан бошқа ҳеч вақо кўринмасди, умр бўйи мана шу манзарани кўриш орзусида яшадими, бу ерда қандайdir англашилмовчилик бор, унинг аччиғи чиқди, умидлари пучга чиққанини у сира тан ололмади, немислар суратга тушишни давом эттириш учун Парфенонга кетишди, у эса Эрехтеон деворлари остидан бир қадам жилса нималар бўлишини ҳис қилгани учун шу ерда қолди, шу ерда бироз бўлсин мизғиб олишни хаёл қилди, кун қайтгунча шу ерда дам олсам-чи, деб ўйлади, бироқ ўша заҳоти бу ўй-хаёллари хато эканини, минг қилса ҳам, барибир, соя-салқин бўладими, шабада эсадими, бир қултум сувсиз бу оташхонада узоқ қололмаслигини тушуниб етди, у бошини сарак-сарак қилди, сув ола келиш эсига тушмаганини қаранг-а, номард, дерди ўзига ўзи хаёлан, бир шиша сув кимни ўлдирибди, унинг мияси ғовлаб кетди, шу кераксиз хаёллардан ўзини чалғитиш учун деворга суюнганча Парфенонни курган меъморлар Калли-крат ва Иктин ҳақида ўйлаб кетди, кейин мана шу санъат намунасига янам кўрк бағишилаган Афинанинг улуғвор ҳайкалини тилла ва фил суюгидан ишилаган ҳайкалтарош Фидий ҳақида ўйлади, у зўр бериб шу муқаддас маконни яхлит, тўлалигича тасаввур қилишга ва шу тариқа кўз олдидা тўла гавдаланган табаррук қадамжо билан хаёлан хайрлашмоққа ва пировардида гарб оламининг улуғ кашфиётини мана шу тахлит хотирада сақлаб қолишга уринди, ажабо, унинг юраги юмшаб, кўнгли бузилди, очиги, у бемалол кўнглини бўшатиб олса арзирди, чунки биринчидан, орзу қилган маконга етиб келди, иккинчидан, йўқ, у етиб келган бўлса ҳам, орзулари амалга ошмаган эди.

Акрополдан тушиш ўта мушкул эди, шунинг баробарида бачкана, арзимас икир-чикирни, деб унинг бутун Афина билан боғлиқ интилишлари барбод бўлганини ҳис қилиш унданам оғир эди, у иккала кафти билан кўзларини пана қилиб олган кўйи, қоқилиб-суқилиб, оёқларини судраганча тушиб келар, чиптахона олдига келганда, мана шу қўқайиб турган шумшук тахта уяни яксон қилиб ташлашдан ўзини зўрға тийди, кўнглида бир дунё армон билан қуёш тобида жизғанак бўлиб ёнаётган сўқмоқдан гандираклаб пастга тушиб келар эди, ниҳоят гавжум, жўшқин ҳаёт қайнаётган серқатнов йўлга, Дионис Ареопагита қўчасига етиб келди, энди Акрополга сира карагиси келмас эди, лоақал шу ерда, пастда кўзлари қуёш нурига хийла кўникди ва у ўзини бирмунча тетикроқ ҳис қилаётганига қарамай дилида келган йўлидан изига қайтиб бориб томоша қилишни давом эттиришга заррача рағбат уйғонмади, унга ҳеч нарсанинг кераги йўқ ва уни айни чоқда на Миллий музей, на Зевс эхроми, на Дионис театри, на Агора майдони қизиқтиради, очигини айтганда, Афинаси ҳам, демакки, юқорига қараса, яққол кўзга ташланадиган Акрополи ҳам энди эътиборини жалб қилмасди, тупурдим ўша Акрополга, дея тўнғиллади у хаёли паришон бўлиб, бироқ кўрганлари бир рўё бўлиб чиққанидан афсус чеккани учун шундай деяётганини тушунди – аввалига у содир бўлган воеалардан шу тариқа ўзи излаган ва кутган теран рамзий маънони топди, афсус, минг афсус, мағлуб бўлганида топди, ана энди беш-олти соат ичиди барини мушоҳада қилиб кўргач ва тушуниб етгач, орзуларидан нега воз кечмоқчи бўлаётганини изоҳламоққа уринарди, бунинг маъноси энди-энди унинг шуурида ҳам ифодасини топмоқда эди, у оёғи остидан кўзини узмас, аъзойи бадани, айниқса, кўзидағи оғриқ тўхтамас, оёқлари қақшар, иккала товони қавариб, ҳар қадам босгандга зирқирап, товони пойабзалига ботмасин, деб бармоқларини олдинга чўзиб оғирлигини гоҳ ўнг, гоҳ чап

оёғига солар, бу ҳам камлик қилгандек, оғриқдан боши ёрилай дерди, қорни ҳам ўлгудек оч эди, ошқозони санчиб-санчиб қўярди, ахир қачондан бери туз тотмаётган бўлса – янаям чидаб келаяпти, у Дионис Ареопагита кўчасида судралиб борар экан, бу йўл унга янаям узок, чидаб бўлмас дара-жада узок туюлар, иложи борича юқорига қарамас, сабаби, юқорида – шу бугундан эътиборан ҳатто номини ҳам тилга олмаслик учун Акрополни шундай деб атарди – эртага ёки бугун кечки пайт қарашга арзигулик ҳеч нарса қолмаганди, у энди батамом тушуниб етгани шу бўлдики, қайтиб боргани билан рўёга айланган Акрополдан бошқасини тополмайди, бугун, бевақт, хосиятсиз кунда келиб қолди, умуман олганда, ўзи дунёга бевакт келди, нега туғилди ўзи, балки бошиданоқ ҳаммаси эгри-бугри йўлга кириб кетгандир, бугун ҳам, эртага ҳам нобоп кун эканлигини билиши, ҳис қилиши керак эди, чунки кулай кун истикболда йўқ ва бўлмаслиги аниқ, зеро, илгари ҳам бўлмаган, бу йўлдан юқорига одамга ўхшаб чиқиши мумкин эмас экан, нега бурнини суқиб юрибди, бўлмаганга бўлишма дейишади ахир, у лабини тишлади, шошма-шошарликнинг оқибати шунака бўлади, у ўзини койиди ва бошини қуий солди, руҳи тушиб, лаънати пойабзалида товонлари ёрилиб, Акрополь этагида каловланиб юарди, тонгда келиб қолган кўчага қайтиб бориши учун ҳам жуда узок юриши керак эди, кўчанинг номи Стратонос эди, кейин у Эрехтеос кўчасига ўтди, у ердан Аполлон кўчаси орқали Эрми кўчасининг чорраҳасигача икки қадам эди – мана, ниҳоят, у майдоннинг нариги томонида, эрталаб танишган йигитлар турганини кўрди-ю, кўзларига ишонмади, Эла деган қиздан бўлак йигитларнинг бари ўша ерда ўтиришарди, йигитлар ҳам уни пайқаб қўл силкишди, уларнинг кўриниши унга жазира мақсади эса бошлаган салқин шабададек таъсир қилди, юқорида шунча чеккан қийноқларидан кейин, хайрият, уларнинг ёнига қайтишнинг ўзи мўъжизадек туюлди, йигитларни кўрган заҳотиёқ юраги гуп-гуп ура бошлади, эрталаб бу йигитларнинг нимаси ёкиб қолганийкан унга, бекорга эмасдир, ҳа, уларнинг ҳеч нарса қилмасликлари, ҳеч нарсани истамасликлари, шунингдек, эҳтимол, кўнгилчанликлари манзур бўлгандир, дея ўйлади у улардан кўз узмай туриб, сўнг, чарчаш аломатими, жавоб тариқасида ҳорғин қўл силтаб қўйди, эрталаб улфатлари унга бирдек лутф қилишди, грекча қаҳва буюриб шу ерда улар билан ўтираверса бўлмасмиди, нима кераги бор эди бемаъни саёҳатнинг, бунақа кўнгилсиз тентирашдан кейин эрталаб қалбида жўш урган хоҳиш-истаклари ҳозир ўзига эриш туюлди, агар шу ерда қолганида эди, бунақа бетайин ишлар юз бермасди, нима қиласан ўзингни ўққа-чўкка уриб, ўтиришади, ўтган-кетган қиз-жувионларни суқланиб томоша қил, у қаттиқ толиққанини ҳис этди, бундан бўён нима қилишини у энди яхши биларди, янги танишлари билан бирга ўтиради, уларга ўхшаб хушхол ва хушчакчақ кайфиятнинг қадрига етади, ейди, ичади, совутилган грекча қаҳвадан сўнг масъуд дамларга ичиди шукроналар айтиб, кўзларини чирт юмганча ором олади, ҳушига келса пойабзалини ечиб, оёқларини узатиб ўтиради, бирор мушугини пишт демайди, алоҳа, хаёлан ўзини ўзи асқия қилиб тепада нималар рўй бергани ҳақида сўзлаб беради, ёзниг қоқ ўртасида Афинага келиб, илк куниёқ жазира мақсади Акрополга чиққан ва у ерда ҳеч қанақа Акрополни кўрмаганидан ҳайратга тушган телба сайёҳ ҳақида кула-кула гапириб беради, ана шунисига доғман, деб ҳаммани кулдиради Иоргос, ростданам телба, яна нима деб аташ мумкин уни, кўшимча қилади Адонис, қуёш тифида Акрополга чиқаётib қора кўзойнак олишга фахми етмаганига ўлайми, деганда йигитлардан бир-

иккитаси тиззасига шапатилаб ўрнидан туриб кетади, шуларни хаёлида тасаввур қиласар экан, эҳтимол, у мана бундай жавоб беради: саёҳатга қора кўзойнаксиз чиққанинг сабаби – кўзойнак орқали томоша қилинган Акрополь бу энди Акрополь эмас, унинг гапидан энсалари қотган йигитлар ачиниб қарашади ўзларича, ана шуларни ўйлаб турган пайтида йигитлар қўл силтаб, йўлдан ўта қолмайсанми тезроқ, чўзиб ўтирасанми, бўлақол, деб қичқиришди, у соғ-саломат шу ерга, салкам қадрдон бўлиб қолганлар олдига етиб келганидан қувонганича ҳовлиқиб нариги тарафга ўтиш учун югаруди ва ўқдек учиб келаётган машиналар оқими орасида қолди, катта тезликда келаётган юк машинаси уни уриб, мажақлаб кетди.

## *Ласло БЁТИ*

### **ИҚРОР**

Ҳикоя

Мамлакат шарқида жойлашган N шаҳарчасини биласизми? Билмасангиз, ўқинманг сира, ўқинишга арзимайди. Бунақа шаҳарлар тиқилиб ётиди, ҳаммаси бир гўр, гугурт қутисидек бир хил. Биттаю битта кўчаси ёзда билқ-билқ тупроқ, қишида, айниқса, қишининг охирлари – февраль ойида лой, балчиқ, марказий майдонида учта черков қад ростлаган, учта пивохона эртаю кеч очик, кинотеатри олдидан нукул одам аримайдиган файзсиз шаҳарчани кўз олдингизга келтиринг. У ерларда доим диққатинг ошади... юрагинг сиқилади...

Мен ана шунақа шаҳарчада узоқ яшадим. Лекин сиз мени мутлақо танимаганингиз учун, бу масканда яшаб, қанчалар қийналганларимни тасаввур ҳам қилолмайсиз. Дарвоқе, гап мен ҳақимда эмас, демак, менинг шикоятларим ноўрин. Бахтимга, у ердан кўчиб кетганимга анча бўлган. Мен мана шу овлоқ, нообод маконда учратиб, ҳамон унутмаган чинакам инсон ҳақида ҳикоя қилиб бермоқчиман. Негалигини ҳозир тушуниб оласиз.

У оддийгина инженер эди. Исмини айтганим билан бирон нима ўзгариб қолмайди. Биз у билан жуда иноқлашиб кетдик, нима сабабдан шундай бўлганини ҳозир ҳатто эслолмайман. Нафси замрини айтганда, мен аслида одамлар билан чиқишиб кетолмайдиганлар тоифасиданман. Шунинг учунми, нари борса уч-тўртта ўртоғим бор, холос – улар ҳам уйланиш иблис ўйлаб топган кашфиёт, деб хисоблайдиган ашаддий эски бўйдоклар. Улар кўпинча аёллар наслининг тузокларидан қандай ҳийла-найранглар билан қутулиб қолганларини гапириб мақтаниб юрадилар. Лекин инженернинг бенуқсон оиласини кўриб ҳавасим келганида, баъзан, ўттиз йил муқаддам бир қизни... ташлаб кетиб, жуда катта хатога йўл кўймадимми, дея ўйлаб қоламан... Э, нимасини айтай, энди фойдаси борми эслашдан. Ўтди-кетди, қайтиб келмайди барибир. Қолаверса, ўзим ҳақимда эмас, инженер ҳақида ҳикоя қилиб бераман, дегандим шекилли.

Хуллас, менинг танишим йўл қурилиши бошқармасида етакчи мутахассислардан бўлиб, олиб борилаётган ишлардан доим кўз-кулоқ бўлиб туриши лозимлиги учун шу шаҳарчанинг ўзида истиқомат қиласар эди. Ташқи кўринишидан у оддий, бўш-баёв, ўрга бўй, ўттиз бешга чиққан,

кўзойнакли, соchlарига оқ оралаган йигит эди, ўзининг соҳасини сув қилиб ичиб юборганидан ташқари ўта билимдон, бунинг устига камтар ва хушмуомала – нимасини айтасиз, том маънодаги зиёли киши эди. Янаам соддароқ айтадиган бўлсам – ҳақиқий инсон эди.

Икковимиз ҳам “ижтимоий таомил” деган нарсани ёмон кўрардик. Биз доимо бирон ерда кўришиб, сухбатлашиб ўтирадик ва очиги, (чунки мен ҳам ўзимга яраша ниманидир билар эдим) бир-биримизни жуда яхши тушунар эдик. Мен инженер дўстимнинг уйига деярли ҳар куни борардим. Яшириб нима қиласман, шоирлар васф этгувчи “ошиён” нималигини ўша ерда ҳис қилдим. Инженер, унинг ёшгинаmallасоч рафиқаси ҳамда дўмбоққина қизчалари ҳавас қиласлик даражада аҳил ва ҳамжиҳат ҳаёт кечиришар эди. Уйда осойишталик, хотиржамлик, ўзаро хурмат ва яқдиллик хукм сурарди. Тўғриси, бу хонадонга келиб, ёлғизлигимни унутар эдим, бир кунлик ҳаётим менга олам-жаҳон таъсир этарди, бунинг ўрнини бошқа ҳеч нарса босолмасди.

Мен уларнинг дўсти эдим, деб бемалол айта оламан. Фақат тан олишим керак, кадрдон дўст деб билишмасди, шекилли. Чунки инженер оилавий шароити, турмуши ҳақида сира гап очмасди. Ёлғон бўлмасин, фақат бир марта, ўшандаям тасодифан юз берган воқеа туфайли бироз кўнглини очган эди. Мен ана ўша воқеа ҳақида гапириб бермоқчиман.

Апрелнинг охирлари, ҳаво бирам ёқимли, гўзал эди. Эҳтимол, мана шунинг таъсирида қулфи-дилимиз очилиб кетган бўлса ажаб эмас.

Мен кечки пайт инженернинг уйида овқатландим. Еб-ичиб бўлгандан кейин ҳам туриб кетмай дастурхон атрофида ўтиравердик. Одатдагидек ўтган-кетганни эслаб, ҳазиллашиб ўтиредик. Кўп ўтмай рафиқаси столни иғишиштирди-да, қизлари билан ошхонага чиқиб кетди.

Инженер билан ёлғиз қолдик. Каминда сўнгти ўтиналар ёниб тугамоқда эди, аланганинг шуъласи қуюқлашиб бораётган оқшом коронгисида одамга алоҳида хаёлий бир кайфият бахш этарди. Биз бир неча дақиқа аланганинг жилвакор ўйинига мафтун бўлиб томоша қилдик. Менинг кўнглимдан ўтмиш билан бугунги кунни боғлашга ундовчи фикрлар кечарди, ҳаяжонланардим, пировардида сўзлар қуилиб, менинг ихтиёримсиз тўлиб-тошган юрагимдан тўкила бошлади. Мен ҳаётимнинг маълум дамлари ҳақида гап очдим; бу воқеалар йигирма яшар йигитча учун фожиа эди, қолаверса, кейинги ўн йил давомида хотира сифатида ёлғиз ўша дамларда кўрган-кечиргандарим хаёлимда муҳрланиб қолганди. Бир вақтлари жисму жонимга ўт кўйган воқеалар бугун азбламасди. Ундан кейин адоксиз ҳасратларимни бирор эшитаяптими, йўқми, менга фарқи йўқ эди. Мен бу эски, сийқаси чиққан, лекин ўзим учун ҳамон ёқимли қиссани сўзлаб бераётгандим, чунки бу менинг бошимдан ўтган тарих эди. Нима десам экан, сиз бунга ўҳшаган воқеаларни минглаб ўқигансиз китобларда, сон-саноқсиз одамларнинг бошига тушган: бой-бадавлат аслзодалар оиласи... латофатли, ҳуснда тенги йўқ қиз... камбағал йигит... Яширинча учрашишлар... ҳадик ва хавотир ичидаги бўсалар... ота-оналарнинг тақиқлари... айрилиқ... “Ҳеч қачон!”, “Бир умр!” деган қасамлар... Охирида эса... тамом...

“Шу тариқа ҳамон бўйдоқман, – дея ҳикоямни тугатдим мен, – ўшандан бўён уйлангим келмайди – хоҳламайман, тамом-васалом!”

Сўнгги сўзларни қандайдир кибр-ҳаво ва ясама ҳаракат билан қўшимча қилдим. Кейин, нафасимни ростлаб: “Лекин сиз билан танишгач эса...” деб давом эттиредим.

Мен тўхтаб, бироз тин олдим. Яна у оилавий баҳтимга ҳавас қиласяпти, деб ўйлаб юрмасин... Орага жимлик чўқди. Инженер оловдан кўз узмай, чурқ этмай ўтиради. Охири лаблари: “Биз билан?” дея пичирлади.

Унинг бу сўзлари алланечук ғалати, жуда ғалати оҳангда чиқди. Бу саволда кутилмаган бир нима бор эди, гўё мана шу икки сўздан иборат жумла замираиди алам ва мусибат яширин эди. Мен лом-мим демадим. Биз нокулай бир сукунат бағрида индамай ўтирадик, дафъатан инженер гўё уйқусираган одам уйғониб кетгани каби керишди-да, бир нима деб ингради, сўнг тамаки олиб тутатди ва бошидан ўтган воқеани ҳикоя қилишга киришди. Аввалига у шошилмасдан, худди керакли ва таъсирчан сўзлар излаётгандек тўхтаб-тўхтаб гапираётган бўлса, бора-бора тобора равон ва таъсирли оҳангда сўзлай бошлади: “Демак, сенинг назарингда мен гўзал ва баҳтиёр ҳаёт кечиряпман экан-да?.. Эҳтимол, шундайдир... Лекин баҳт, деганда биз нимани тушунамиз?.. Мен оиласанни яхши кўраман, ишимдан кўнглим тўқ... одамлар билан муросай мадора қиласман, нима ҳам дердим, баҳт... мана шудир. Faқат бир пайтлар...”

У бир нарсани айтгиси келди-ю, лекин иккиланди, худди айтишини ҳам, айтмаслигини ҳам билолмай, боши котган одамдек ўйга толди, охири, оғир сўлиш олди ва узук-юлук бошланган, пировардида тўхтай, деб қолган ҳикоя равон бир оҳангда давом этди: “Биласанми, талабалик давримда, мен ошигу бекарор эдим. Ҳм, ошигу бекарор эмиш, шунақаям аҳмоқона таъриф бўладими? Одам ё севади, ё севмайди – бу туйғунинг мезони, ўлчови йўқ. Фалсафа сўқимайман дейман-у, барибир беихтиёр... ўзим ҳам сезмай қоламан, мен инженерликка ўқирдим, у – тил ва адабиёт факультетида таҳсил оларди. У мендан бор-йўғи икки ёш кичик эди. Қаерда, қачон танишганимизни... эслолмайман. Талабалик даврида икки ёшнинг танишиб қолишидан осон иш борми дунёда?.. Хуллас, биз бир-биримизга кўнгил қўйдик.

Уни моҳитобон, соҳибжамол деёлмайман. Курсдошларим ҳатто менинг хушторлигимдан кулишарди. Лекин у қиз жуда бошқача эди, ҳеч кимга ўхшамайдиган бир фазилати бор эди. Кўнгилчан, қандайдир ўзига жалб этадиган оҳанрабоси бордек... мен буни тушунтириб беролмайман, ҳатто ўша пайтда ҳам тушунтириб беролмасдим.”

У кулимсираб қўйди.

“Мен инженерликка ўқирдим... Қисқаси, уни севиб қолдим, биргина мен эмас, кўпгина талабалар менинг кўйимга тушишган эди, лекин у мени танлади, ҳолбуки, ўша пайтда ҳам кўринишим бир аҳвол эди.

Биз тез-тез учрашиб туардик, бирга сайд қиласардик, тўғрисини айтсам, адоксиз сухбатларимиздан биронта жумла эсимизда қолмасди, шарт ҳам эмасди, бу сухбатлар бир баҳона эди, биз бир-биримизга тўймас эдик... яшириб нима қилдим, тотли бўсалардан бошим айланиб кетарди... Мен гўё осмонда юардим, у мени севгани учунгина эмас, балки мендан кўра келишганроқ ёки ақллироқ бошқа йигитни эмас, айнан мени севганлигидан фахрланардим, бўлмаса қанча йигитлар унга ошигу бекарор эди.

Икки йил шу таҳлит давом этди, охири икковимиз ҳам Будапештдан кетадиган вақт етди. Кейинги ўқув йилининг бошланишини интизор бўлиб кутардим, кунларни санардим.

Бу жуда ғалати, мен шу чокқача хис қилиб кўрмаган туйғу эди! Мен ўша пайтда ҳам худди хозиргидек эдим, энди шеърлар ёза бошлаганимни тасаввур қил! Шеър, дейишга арзимас эди аслида. Бироқ унга манзур бўларди, улар ҳақида ҳеч ким ҳеч нарса билмасди. Бундан бехабар курс-

дошларим мени логарифмлар жадвалию ўзгармас миқдорлар дунёсидан бошқа дарди йўқ, деб ҳисоблашарди. Мен бўлсам ижод қилар, шеър ёзар, ёддан ўқиб юрардим... Уларни ёлғиз кўнглимни ром этган ўша дилбаргагина берардим, у эса, бу шеърлар биринчى бўсалар каби, фақат икковимизга тегишилдир, дерди.

Биз истиқбол ҳакида заррача ташвиш чекмасдик ҳали, шунинг учун бу мавзу бизга ёт-бегоналигича қолганди. Оила қуриш ҳакида гаплашиш хаёлимизга ҳам келмасди, шундай бўлиши табиий – қачон икки ёш бир-бираини севса, ўзгача бўлиши мумкин ҳам эмас, тўғрими?! Аввало мен дурустроқ иш топишим, у эса ўқишини тугатиб олиши керак эди. У истиқомат қилаётган талабалар шаҳарчасидаги ётоқхонани яхши билардим, чунки унга кўплаб хат-хабар юборганман.

Дорилфунунни тугатган кезларим, мен бир ерда муқим яшамаганлигим туфайли хатларимга жавоб ёзиб юборишнинг иложи йўқ эди.

Муҳаббат вақт ва масофага тескари тарзда сусайиб боради, дейишади. Эҳтимол, бироқ бу менга таалукли эмас, мен бундан мустасноман. Чунки менинг ҳисларим камайиши тугул, заррача ўзгармади, балки кучайиб борарди, мен илгари уни қандай севган бўлсам, шундай севардим, фақат бунга бир қадар кўнишиб кетдим, шекилли. Мен бу туйғу бир лахза бўлсин юрагимни тарқ этганини эслолмайман. Колаверса, унга шунчалик ўрганиб қолган эдимки, ҳар куни газета ўқиш, овқат ейиш, юз-қўлни ювиш сингари ҳаётимнинг бир қисмига айланниб қолганди. Ўлашимча, агар одамлар тиши оғриғи билан туғилганда эди, ҳаётлари давомида ҳеч ким тиши оғриши мумкинлигига ишонмаган бўларди. Аксинча, агар оғримаса бунга бирон бир касаллик белгиси сифатида қараларди. Ғалати-а, тўғрими?”

У пашшани ҳайдаётгандек қўл силкитди.

“Яна фалсафа сўқиятмани?.. Нима деётгандим? Ҳа... Йиллар ўтди, мен ишга кирдим, у ҳақда ўйлаганим ўйлаган, ишончим комилки, у ҳам мен ҳақимда ўйларди. Кейин, эсингда бўлса, “олтин давр” деб ном олган юксалиш йиллари бошланди. Менга ўз юртимда яхши иш таклиф қилишди. Кўнглимдан шуни унга хабар қилиш фикри ўтди. Уни деярли билмаслигимни ана ўшанда англаб етдим. Унинг юз-қўзини жуда яхши эслайман – расм чизишини билганимда эди, расмини фотоаппаратдан ҳам тиникроқ, аникроқ қилиб чизиб бера олардим. Бироқ унинг тураржойини, туғилган манзилини билмасдим. Фақат туғилган шаҳарчасининг номини биламан. Кўчасининг номи, қайси уйлигини кўрсатмай хатни юборавердим. Табиийки, жавоб ҳам, мактубим ҳам келмади. Ўзим бориб қидиришга вақтим йўқ, битта-яримтасини ёллашга эса пулим йўқ эди. Мен тополмаслигимга кўзим етиб тақдирга тан бердим: ўзи шунақаман: курашиш зарур пайтда, жон-жон деб таслим бўлиб қўя қоламан.

Иттифоқо, газетада “Баҳор илҳомлари” танловига юборилган шеърларни ўқиб қолдим. Бундай танлов ўтказиш одат тусига кирган, энг яхши шеърларни саралаб газеталарда босишарди. Газетани қандай ўқишимни биласан... сидирғасига... Хуллас, учинчими, тўртингчими шеърдан кейин бирдан ўзим ёзган шеърга кўзим тушди-ю, ҳанг-манг бўлиб қолдим. Янглишмоғим мумкин эмас – мен ўз шеърларимни ёддан биламан. “Иқрорнома” деган бу шеъримни бехад яхши кўрар эдим...

Шеърни таҳририятга ким юборганини албатта топишим шарт эди. Агар у йўллаган бўлса, ниҳоят уни топаман. Бошқа одам бўлса-чи?.. Барибир нимадир ойдинлашади-ку!

Танлов шартларига биноан шеърлар муаллифи эълон қилинмаганди.

Мен таҳририятга хат юбордим, кейин ўзим бордим, бироқ бош муҳаррир то танлов натижалари маълум бўлмагунча, шоирнинг исм-шарифи ҳамда туаржойи ошкор қилинмайди, деб туриб олди – айтишдан бош тортди. Ғолибни Ўрта Ер денгизи бўйларидағи мамлакатлар бўйлаб икки кишилик саёҳатга йўлланмалар кутмоқда эди. Яна беш-ўн кунга эмас, нақ икки ойга! Мени шаштимдан қайтариши мумкин бўлган йирик мукофот экан. Лекин мен ортга чекинмадим... Охир-оқибат, муҳаррир менинг мактубимни шеърни юборганга бериб қўйишга қўнди. Мен ўша заҳотиёқ ўтириб ёза бошладим. Ишқ дардидага ўрганган юрак туғёни тўғонни ўпиришга қодир тошқинга ўхшайди. Мактуб асосан дил изҳори, ўтинч, гина ва яна изҳори муҳаббатдан иборат эди.

Хат жўнаб кетди. Мен икки ойча девонадек ёки телбакезик одамдек эс-хушимни йигиштиrolмай жавоб кутиб яшадим. Жавобга интизорман, лекин негадир қўрқаман – юрагим безиллади: бекор қилаётгандирман, балки энди фойдаси йўқдир?! Ҳаётим ўзанига тушиб олган жилғадек бир текис оқяпти-ю... Эҳтимол, унинг турмуши ҳам изига тушиб кетгандир... Энди нима бўлади? Ҳаммаси остин-устун бўладими? Кутишга арзирмикан? Унақада мактуб жўнатмаслик лозим эди..."

Инженер дўстим бир нимани эслашга урингандек жим бўлиб қолди. Тамакисини кетма-кет тортди-да, бурқсиб ҳавога кўтарилаётган тутуннинг юқорига жимжимадор ўрлашини кузатиб хаёл суриб қолди. Мен сабрсизлик билан ҳикоянинг давомини кутардим, ҳатто: "Хўш, ўша эканми?" дея дағдаға қилишимга оз қолди. Лекин истихола қилдим. Инженер хўрсиниб ҳикоясини давом эттириди: "Икки ой ўтгач, жавоб хати келди. Конвертдаги таниш дастхатни кўриб юрагим қинидан чиқиб кетай, деди. Конвертни очишга очиғи, юрагим дов бермай бир неча соат ўтирган бўлсан керак! Ҳа, бу ўша. Ўша, у – ўша! Таҳририятга шеърни ўша юборган экан, менинг шеърларимни табарруқ хотиралар каби ҳамон кўз қорачиғидек асраб, ардоқлаб юрар экан. У мени унутмабди, ҳеч қачон унутмаса керак, у мени кутган, ҳатто ҳозир ҳам кутаяпти, мени чин кўнгилдан севади. Ҳатто бизниги келмайсанми, деб сўраяпти?"

Бўпти, майли, етар. Мен бу воқеанинг нима билан якунланганини биламан-ку! Албатта, толе ёр бўлган, кўрдим-ку уларнинг турмушини – бир сўз билан айтганда баҳтли оила!

"Дўстгинам, бу ёғини айтмасанг ҳам бўлади. Ҳақиқий, чинакам ишқ-муҳаббат тарихи! Демак, охир-оқибат сен ўз ёрингни топдинг, севганинг ўзинг билан – ёнингда. Бундан ортиқ баҳт борми дунёда, ошна?..."

Бутун ҳикояси давомида бир марта ҳам қарамаган инженер илк бор менинг кўзларимга тикилди. У яна тамаки тутунини хузурланиб тортди-да, ёниб битаётган каминга қаради. Қоронғилик қуюқлашди, менга унинг юз-кўзи аранг кўринарди. Мен нима учундир ўзимни беҳузур сезардим. Ҳозиргина жўшиб айтган дил сўзларим қуюқлашаётган қоронғилик кўйнига сингиб кетгандек эди. Мен яна сўз қотишга ботинолмадим, дўстим эса лом-мим демасди.

Шу вазиятда бирмунча вакт ўтиридик. Мен ҳозир ғаройиб бир ҳодиса юз берадигандек индамай кутардим. Нихоят, дўстим қаддини ростлади, ўчай деб қолган тамаки қолдиғини каминга улоқтириди-да, хирқираган овозда сўз қотди: "Мактуб... Ўша мактуб... У кеча келди".



**Имре КЕРТЕС**

(1929 йил туғилған)

## СТОКГОЛЬМ МАЪРУЗАСИ

Рус тилидан  
Шаҳноза РАҲМОНОВА таржимаси

Имре Кертес – 2002 йилга қадар жаҳон адабиётида деярли танилмаган ном эди. Бироқ дунёдаги энг сара автобиографик асарлар қаторида эътироф этилган ёзувчининг “Қисматсиз” романни инглиз тилига ўгирилиши билан бутун жамоатчилик назари Освенциму Бухенвальд даҳшатини бошидан кечирган, шунда ҳам яшашдан мақсадини ўйқотмаган адиб ижодига қаратилди. Дунё ёзувчи ижодини юксак баҳолади ва 2002 йилда унга Нобель мукофоти топширилди. Бугун Имре Кертес нафақат Венгрия, балки жаҳон адабиётида тарихдаги шафқатсиз түзумга нисбатан нозик қарашларни ўзига хос услубда тасвирлай олган юксак маҳоратга эга машҳур ёзувчилардан ҳисобланади. Кертеснинг “Қисматсиз” романидаги Бухенвальд ва Освенцимда ўтган болакайнинг оғир ҳаёти тасвирланган. Асар фожиға эмас, балки меҳр-муҳаббатдан мосуво оламнинг даҳшатли қиёфасини акс эттирган, десак янгилишмаймиз. Унинг кейинги иккى асарлари “Таназзул” ва “Түғилмаган гўдакка аза”да ёзувчининг фалсафиий қарашлари ўз аксини топган.

Имре Кертес 1929 йил 9 ноябринда Будапештда камбағал яхудийлар оиласидаги дунёга келди. Отаси майда савдоғар, онаси эса ишчи эди. 1944 йил кўпгина яхудий болалари қатори 15 ёшли ўспирин Имрени қамоққа олишиб ва Аушвицга жунатишди. Сўнг у Освенцим ва Бухенвальддаги қамоқхоналарга кўчирildи. Контрацион қамоқхонадан озод қилинганидан кейин Имре Венгрияга қайтиди ва мамлакатнинг машҳур газеталаридан бири “Вилагосса”да мухбир бўлиб ишлай бошлади. Бироқ мамлакат тепасига коммунистлар келганидан кейин уни ишдан бўшатишди ва Кертес заводга оддий ишчи бўлиб жойлашди. Ушандан буён ёзувчи сиёсатдан узокроқ юришни маъкул кўради ва асосан таржималари ҳисобига кун кўради. Таржимонлик фаoliyati орқали у Альбер Камъю асарлари билан танишди ва бу танишув унинг ижодига ўзининг ижобий таъсирини ўтказмай қолмади. Фақат 1980 йилга келиб мамлакатда ёзувчи сифатида танилган ва тан олинган Кертесга шуҳрат 73 ёшида насиб этди ва 2003 йида у Берлиндаги Санъат академияси аъзосига айланди.

Ўз асарларида Кертес асосан одамнинг жамият олдида қанчалар ожизлигини тасвирлайди. Жамият адолатли бўлса хўп-хўп, бироқ ёвуз ва шафқатсиз бўлсанчи? У истаса одамни кўл-оғидан, эс-хушидан ёки ҳаётидан айриши мумкин. 1975 йилда дунё юзини кўрган “Қисматсиз” романни кўплаб танқидчиларнинг эътирофига сазовор бўлган, Венгрия адабиётининг нодир дурдоналаридан. Контрацион қамоқхонада инсоннинг ваҳший қиёфасини кўрган болакай шу қадар улғайдики, у умрга баҳту қувонч ҳиссини ўйқотди. Ҳар қанча аччиқ, ҳар қанча азоб бўлмасин, одамзод яшашга интилади. Бу тўйғу ҳали ақлини танилмаган

беш ёшли гўдакдан тортиб, саксон ёшли қарияга ҳам бегона эмас. Дунёни ҳали тузук-қуруқ англамаган болани маҳбусга айлантирган, унинг қалбидағи эзгуликка ишончини ўлдириб, бир умр ногирон қилиб қўйган шафқатсиз тузум қиёфаси ушбу асарда бор бўйича тасевирланган. Энг ёмони панжарадан озод бўлган бола ягона айби учун тағин энг олий жазо – виждан азобига маҳкум. Унинг гуноҳи – тирик қолиши! Ушбу даҳшатларни бола кўзи билан кўрган қаҳрамон вояжи етган инсон сингари идрок қиласи. Қисматнинг бу зарбаларидан адo бўлган юракдаги чуқур жароҳатлар бир умр биттмайди. Имрека ўхшаганларнинг танаси тирик қолгани билан уша тузум ўлдирган маҳбус бўлиб қолаверади. 1990 йилда дунёнига ўнта тилига таржима қилинган ушбу роман – холокост, яъни Иккинчи жаҳон уруши даврида яхудийларнинг оммавий қирғини ҳақида ошкора ҳикоя қиласи. Олти миллиондан ортиқ одамнинг фожиали ӯлими, боз устига улар орасида аёллару болаларнинг бўлгани қалбларни ларзага солади. Бу фақат “Қисматсиз”да эмас, балки “Түғилмаган болага аза” асарида ҳам тилга олинган. Қўйида Имре Кертеснинг Нобель мукофотини олиш чогида сўзлаган нутқи эътиборингизга ҳавола этилмоқда.

### Таржимондан

Эҳтимол, бироз ғайритабиий, бироқ батамом самимий иқрордан бошлашим керак. Ушбу йилда адабиёт бўйича топшириладиган Нобель мукофотини олиш учун жўнаб кетаётib, самолёт бортига кўтарилганим ҳамон ортимда совуқкон кузатувчининг пинҳон нигоҳини сездим. Мана шу тантанали лаҳзаларда ўзимга ўзим кутилмаганда жамоатчилик эътиборига тушган, жаҳон таниган ёзувчига эмас, балки совуқкон кузатувчига ўхшаб туюляпман. Фоят муҳим дақиқаларда дунёга мурожаат қилиш имконияти насиб қилган экан, умид боғлайманки, нутқим ботиний дунёмда мавжуд икки қиёфани бирлаштириб, бу хардамхаёлликни бартараф этишга ёрдам беради.

Тўғрисини айтганда, ҳозирча бу нуфузли мукофоту ёзувчилик ҳаётим ўртасидаги мен хис қилаётган зиддият моҳиятини англағанимча йўқ. Эҳтимол, узок вақт диктатура шароитида яшаганимдан бўлса керак, балки фақат бугинамасдир, табиатимга мутлақо зид, бедаво, бегона муҳит туфайли ўзимни ёзувчи сифатида топмагандирман, буни қарангки, шу чоққача бу ҳақда ўйламаган ҳам эканман. Боз устига менга, ҳаяжонга соладиган “мавзу” аталмиш нарсалар аҳамиятсиз ва кизиқарсиз, деб тушунтиришган. Бир сўз билан айтганда, айнан шу сабаб билан мен ёзувчиликни шахсий иш, дея англаганман, устига-устак бу эътиқодимга мос тушарди ҳам.

Шахсий дегани жиддий эмас маъносини англатмайди, албатта. Гарчи жиддият доим ёлғоннинг аҳамияти юқори саналган бу оламда бироз кулгилидай туюлса ҳам. Ахир фалсафий аксиомага биноан дунё бу – мавжуд реалликка боғлиқ бўлмаган объектив тушунча. Мен 1955 йил баҳорнинг ажойиб кунида ягона ҳақиқат борлигига имон келтирдим. Ҳақиқат бу – мен, мавҳум муддатга қадар каминага тухфа этилган нозик ҳаёт. Уни бегоналар ўзлариники қилиб олдилар, ўзлаштирилар, ўзларига мослаштирилар ва буни муҳрладилар, бироқ мен тарих деб аталмиш бу Балои оғатдан уни тортиб олишим жоиз, негаки истеъдоду ҳаёт ёлғиз ўзимга тегишли ва уни ўз ҳоҳишмуга кўра бошқараман.

Сўзлашга не ҳожат, бундай вазият объектив бўлмаса-да, шубҳасиз, реал муҳитни менга қарши қўйди. Кундан-кун “соғлом ва гўзал” социализму коммунистик Венгрияни назарда тутяпман. Агарда дунё бизга боғлиқ бўлмаган объектив ҳақиқат бўлса, у ҳолда инсон шахсияти ҳам ўзи учун – объект, ўтмиш ҳаёти эса ўзини ҳайратга солиши мумкин-у, бироқ уларга ҳеч қандай алоқаси йўқ тарихий тасодифдир. Бу ҳаётни бутунлигича та-

саввур қилиш фойдасиз, негаки инсоннинг субъектив “мен” и масъулиятни бўйнига олиши учун ниҳоятда объектив лаҳзаларга дуч келиши мумкин.

Бир йилдан сўнг 1956 йилда Венгрия инқилоби шиддат билан бошланди ва шундай қисқа тарихий муддат ичра мамлакатда субъективлик хукм сурди. Бироқ совет танклари дарҳол воқеаларнинг объектив тартибини тикладилар.

Мен зинҳор кесатмаяпман, агарда гапларимда заррача киноя оҳанги сезилаётган бўлса, у ҳолда “йигирманчи асрда” ибораси мавжуд тил қисмати хусусида бир мулоҳаза юритиб кўринг-а. Барча эҳтимолларга кўра, давримиз ёзувчилари учун энг асосий, гаройиб қашфиёт шундаки, тил – бизга қадимги аждодлардан мерослигига қарамай, реал жараёнларни ва номутаносиб тушунчаларни таърифлашда кераксиз. Бу ўринда Кафкани хотирлайлик, Оруэллни эслаш кифоя, уларнинг кўлида тил сочилиб кетди. Улар бизга шу чоққача тушунарсиз, янги, нотаниш белгилардан иборат кулни тақдим этмоқ ниятида уни гулханга тиқдилар.

Бироқ мен ўзимнинг шахсий ишим – ёзувчиликка қайтишни истардим. Каминанинг вазиятидаги одам қоидага биноан у билан боғлиқ юзага келаётган саволлар борасида бош қотириб ўтирумайди. Масалан, Жан Поль Сартр “Биз ким учун ёзяпмиз?” деган биргина саволга бутун бошли китобни бағишилабди. Бу савол қанчалар қизиқ бўлса, шу қадар хавфли ҳамдир, қисматимга ҳеч қачон бу ҳақда ўйлаш битилмагани учун шукур қиласман. Чиндан ҳам унинг қандай хавфли томони бор экан? Масалан, биз бурчимизни жамиятнинг у ёки бу тоифасига шунчаки эстетик завқ бағишилашдан иборат деб билмай, балки уларга таъсир кўрсатишими керак, дея тан олсак, у ҳолда, энг аввало, қўлимиздаги қалам керакли таъсир кучига эгами-йўқми, шу ҳақда чукур мулоҳаза юритиб, услубимизга баҳо беришга тўғри келади. Шубҳа-гумонлар исканжасида қолган ёзувчи бор дикқат-эътиборини яккаш ўзига қаратишга мажбур бўлади. Акс ҳолда у ўқувчиларга нима ёкиши ҳақида қаердан билади? Ахир у ҳар битта одамни саволга тутмайди-ку? Бу нима ҳам берарди? Бу факат китобхон ҳақидаги ёзувчи тасаввури ва одамларга, шунингдек, ўз-ўзига таъсир кўрсатиши мумкин бўлганию истакларини ёзиш эҳтиёжи асосида келиб чиқади. Хўш, ёзувчи нима учун ёзади? Жавоб битта: ўзи учун!

Нима бўлган тақдирда ҳам, шуни алоҳида айтишим мумкинки, бу жавобга орқаворотдан етиб келмадим. Тўғрисини тан оладиган бўлсам, менга ҳамиша осон бўлган, негаки тузук-куруқ ўқувчиларим йўқ эди ва мен ҳеч кимга таъсир кўрсатишни хоҳламасдим. Мақбул фикр-мулоҳазаларимни қофозга тушириш учун ёзишни бошламадим, мен шунчаки ёзардим, ёзганларим эса бирорвга аталмаганди. Мабодо, бу ишим қандайдир мақсадга қаратилганида ҳам ижод тили ва шакллар нуқтай назаридан шуни айтишим мумкинки, у ягона мақсад – ҳақиқатга асосланишдан иборат бўларди. Давлатнинг адабиётни жиловлашга уринган даври қанчалар кулгили ва шунинг билан бирга аянчли бўлганини аниқлаш – мен учун зинҳор аҳамиятсиз иш эмас.

Бироқ бир олам шубҳа-гумонларни туғдирадиган ҳаққоний саволга жавоб бериш мушкулроқдир: биз нима учун ёзамиз? Шахсан менга омад кулиб боқканлигини тан оламан, негаки мазкур жумбоқ жавобини топиш учун ортиқча бош қотиришимга тўғри келмаган. Дарвое, айтишим керакки, бу воқеа менинг “Фиаско” романимда батафсил тасвирланган. Навбатдаги иш содир бўлди: давлатга тегишли идоранинг бўм-бўш йўлагида турибман. Каминага кўринмайдиган ён томондаги йўлакдан баланд оёқ товуши

эшитилди. Бутун вужудимни ғалати туйғу қамраб олди: қадамларнинг акс садоси яқинлашарди. Гарчи йўлақдан бир киши юриб келаётган бўлсада, гўё минглаб одамларнинг одимлаётганини эшитаётгандай эдим. Хаёлимда бутун колонна яқинлашарди. Кутилмаганда бу қадамларга ва бу колоннага тийиксиз майл сездим. Айни шу дакиқаларда Нитше мазкур нутқка мутаносиб тарзда “Дионисий<sup>1</sup> кечинмаси” дея атаган ўзидан кешиш жазаваси, идрокда эриб, қўшилиб-қорилиб кетувчи мастилик хузури нималигини англадим. Гўё қандайдир куч ўраб-чирмаб олгандай эди, у мени ўша муҳитга қуишлиб кетишим учун ортимдан итааради. Жодуга берилмасликка тиришиб, деворга қапишишимга тўғри келди.

Мен ҳаётимдаги унутилмас лаҳзада бошдан кечирғанларим ҳақида қандай бўлса шундай ҳикоя қилиб беряпман. Унинг булоғи гўё менинг ичимдан эмас, балки ташқаридан отилиб чиққанга ўхшарди. Маҳорат одамларига бундай лаҳзалар таниш, бироқ кечинмаларимни эстетик туйғулар жумласига киритиш амримаҳол. Буни кўпроқ қалб қўзининг очилишига менгзаган бўлардим ва бу кўзининг очилиши услублари устидага узоқ вақт иш олиб борганим маҳоратга йўл топиб бермади, шунчаки йўқотилган ҳаётимни қайтарди. Мен ҳаётдаги энг оғир туйғу, ёлғизлик ҳиссини түйдим. У мени ҳозиргина сизга сўзлаганим, ўзига тортувчи сафдан чикиш ва ўзлигингдан айришга қодир қисмат – тарих чангалидан халос бўлиш учун интилишга олиб келди. Нацистларнинг концлагеридан қайтгач, бор-йўғи ўн йил ўтиб, ҳали бир оёғим Сталин террорининг вахимали тушларидан узилмаган бир пайтда мен барини даҳшат ичра тушундим. Ёдимда булар ҳақида фира-шира хотиралардан қолган узук-юлуқ бир неча латифаларни сақлаганман, холос. Гўё буларнинг бари мен билан содир бўлмаган... ҳар ҳолда шундай дейиш керак.

Афтидан, бундай ажойиб дакиқалар ўзига хос тарихга эга, эҳтимол, шу ўринда Зигмунд Фрейд қандайдир идрокка таъсир этувчи таассурутлардан бошлаган бўларди. Ким билади, балки у бу билан тўғри йўл тутармиди? Мен ҳаётга ақл кўзи билан қарайдиган одамман. Каминага ҳар қандай тасаввур ва ҳар қандай завқланиш туйғуси бегона. Ҳиссиёт борасида сўзлаганда ҳам, энг аввало, қандайдир рационал, бироқ илоҳий шаклда ифодаланган фикрни назарда тутаман. Бу кутилмаган англаш туйғуси аллақачон инқилобий гулханга айланиб улгурган, қадимгилар “Эврика!” (“Мен топдим!”) дея ифодалаган ҳайқириққа ўхшайди. Лекин мен нима топдим?

Бир вақтлар социализм Марсель Пруст учун қандай маънони англатган бўлса, менда ҳам худди шундай таассурот уйғотади, яъни чойга бўқтирилган “мадлен” шириналаридай йўқотилган вақт таъми ва ифорини эслатади. 1956 йилда инқилоб бостирилгач, ўз тилимни йўқотишни истамаганим учун Венгрияда қолишга қарор қилдим ва диктатура таъсирини энди бола нигоҳи билан эмас, балки кап-кatta одам назари билан кузатиш имконига эга бўлдим. Мен ҳалқни ўз идеалларидан воз кечишига қандай мажбур қилишганини кўрдим. Илк маротаба одамлар тузумига журъатсиз тарзда мослашаётган тана ҳаракатларининг гувоҳи бўлдим ва тушундимки, умид бу – иблис қуроли, ахлоқ-одоб – қатъий буйруқ ҳошияси – бор-йўғи ўз жонини сақлашнинг итоаткор чўриси.

<sup>1</sup> Ареопагит Дионисий – қадимда Византияда яшаган авлиё. У ўз-ўзини қўйнаб, авлиё даражасига эришганлиги билан машхур.

<sup>2</sup> Венгрияда ўрнатилган 41 йиллик коммунистик тузумга ишора. Бу вақт давомида мамлакатда 600 нафардан ортиқ зиёли қатл қилинган. 1956 йилдаги инқилобда қатнашганларнинг 2500 нафари вафот этган. 44 минг киши концентрацион қамоқхонага юборилган. 450 минг киши сиёсий маҳбус сифатида қайд этилган. 1,5 млн. одам эса маҳсус кузатув остига олинган.

Чекланган, боз устига ҳолдан тойган, хароб бўлаётган диктатура ша-роитида ёзувчининг эркинлигидан улканроқ эркинликни тасаввур қилиш мумкинми? Олтмишинчи йилларда Венгрияда диктатура кучларни бирлаштириш даражасига етди, уни, ҳатто жамоатчилик консенсуси<sup>1</sup> дейиш мумкин эди. Кейинчалик Ғарб уни мулоим марҳамат билан “гуляш-коммунизм”<sup>2</sup> дея атай бошлади. Аввалида Венгрия коммунизмига Ғарб қандайдир норозилик билдирган бўлса, кейинчалик улар учун суюкли тузумга айланди. Бундай консенсус ботқоқлигида одам курашишдан ё буткул воз кечади, ё бўлмасам ички эркинликка олиб келадиган барча айланма сўқмоқларни излаб топади. Ёзувчилик ҳунари катта харажатларни талаб қиласиган иш эмас, қоғоз-қаламдан бўлагига эҳтиёж йўқ. Ҳар тонг кўнгилда нафрат билан тушкун кайфиятда уйғонганим сабаб зудлик билан ёзувчилик дунёмга ғарқ бўлардим. Мен тоталитар мантиқ тазиқидан азоб чекаётганни бошқа тоталитар тузумга ўтказиб, ўша одам ҳолатини тасвирлаётганимни тезда тушундим, бу эса романим тилини икки ҳақиқатнинг гипноз медиатори<sup>3</sup>га айлантириди. Мен ўша пайтдаги вазиятимни очиқ баҳолар эканман, агарда Ғарбдагидек эркин жамиятда яшаганимда Швед академияси юксак баҳога лойиқ топган “Қисматсиз” романини ёза олишимга ишонмайман.

Йўқ, мен балки бошқача тарзда ёзишга интилган бўлардим. Ўшанда ҳам ҳақиқатни, бироқ бошқача ҳақиқатни... Эҳтимол, ҳозир китоблар ва ғояларнинг эркин бозорида романнинг янгича, қизиқарли ва ёрқин шаклини яратиш борасида бош қотирган бўлармидим. Масалан, ниҳоятда таъсирантирувчи эпизодларни кўриш учун роман ёзиладиган вақтни кўлдан бой беришим тайин эди.

Ҳикоям қаҳрамони ўзига тегишли даврда яшашдан мосуво, ҳамма-ҳаммасидан – вақтдан, тилдан ва шахсиятдан маҳрум, концлагерга ташланган маҳбус. У фактат мавжудлигини эслолмайди. Шу сабаб баҳтсиз, иложисиз қаҳрамоним учун узлуксиз, бемаъни ҳикоялар сўзлашдан бўлак завқ қолмаган, бироқ ҳикоялардаги уқубатли тафсилотларни четлаб ўтишнинг имкони йўқ. У мусибатли ва муazzзам дақиқаларни бошдан кечиришга маҳкум, бу эса бир зайлда давом этаётган ҳаётнинг ўзиданам оғирроқ.

Бироқ бу маҳорат менга ҳайратланарли сабоқларни берди. Ҳикоя қилишнинг узлуксиз акс эттириш принципи барча вазиятларни узилишсиз тасвирлашни талаб қиласди. Айтайлик, гўё жигаримнинг қабридай қандайдир ваҳимали ўра кўз олдимда намоён бўлди-ю, йигирма дақиқа нафас ростлашга тўғри келди, бироқ ўша йигирма дақиқа енгил парвоз қилгани қўймасди. Биркенау йўқотиш қамоқхонасининг темирийўл платформасидаги йигирма дақиқа ҳақида сўзлаяпман. Ўлеми олдидан вагонлардан чиқишига уринган одамлар “селекция”га масъул зобит қаршисида туришга мажбур бўлишарди. Мен-ку ўша йигирма дақиқани умумий қирраларда эслаб қолганман, бироқ роман мендан ўз хотирамга ишонишни талаб қиласди. Қанча ҳисботлар, кўрсатмалару хотираларни ўқимай, уларнинг барида воқеалар шиддат билан ривожланарди ва бирор нимани тушунишнинг чиндан ҳам иложи йўқ эди: кутилмаганда вагонларнинг эшиклари очилар, бақир-чакирлар, итларнинг вовиллашлари эшитилар, эрракларни хотинлардан ажратишар, бу телба тўс-тўполонда одамлар

<sup>1</sup> Консенсус — можароларни бартараф қилиш услуги.

<sup>2</sup> 1956 йилдан 1988 йилга қадар Венгриядаги Янош Кадар ҳукмронлиги йилларини гуляш-коммунизм деб аташган.

<sup>3</sup> Медиатор (ноҳин) — танбур, рубоб чаладиган асбоб.

ниҳоят зобит қаршисида туришар, у бўлса югурувчи нигоҳ билан уларни бошдан-оёқ кузатиб, қаергадир боришлигини қўли билан ишора қилар ва асиirlар кўз очиб-юмгунча маҳбус кийимида пайдо бўлишарди.

Менинг хотирамда бу йигирма дақиқа бошқача тарзда гавдаланарди. Асл манбаларни изларканман, биринчи навбатда Тадеуш Боровскийнинг шафқатсиз ҳикояларидан бирини ўқидим, у “Газ камерасига марҳамат қилинг, хонимлар ва жаноблар!” деб аталади. Кейин қўлимга америкаликлар томонидан озод қилинган Даҳау қамоқхонасида олинган биртагай расмлар тушиб қолди: аскар Биркенау темирйўл станциясида тирик “товар”ларни суратга олган. Эзгу ишларни қилиш учун ёрдамга шай аёлларнинг кулиб турган чиройли чехралари, серҳаракат ёшларнинг кўзлари... Мен шармандали иложсизлик ва ожизлик дақиқалари, ўша йигирма дақиқа қандай қилиб уларнинг хотирасидан ўчиб кетганинги тушундим. Буларнинг бари шундай шаклда кундан-кун, ҳафтама-ҳафта, ойма-ой, узоқ йиллар давомида такрорлангани ҳақида ўйладим ва кўз олдимда даҳшат технологияси очилди. У менга қай йўл билан инсоният хаётига инсониятнинг ўзини қарши қўйиш мумкинлигини англацди.

Шундай қилиб қаршимда қадам-бақадам туганмас кашфиётларнинг йўли пайдо бўлди. Бу агар шундай изоҳлаш мумкин бўлса, менинг эвристик<sup>1</sup> услубим эди ва ким учун ёзаётганим, ҳатто нима учун ёзаётганим муҳим эмаслигини фаҳмладим. Каминани фақат биргина савол қийнайди: ўзи мени адабиёт билан нима боғлади? Чунки менга адабиётдан нима кераклиги равшанлашди. Адабиёт тушунчаси билан боғлиқ ўша идеаллару маънавиятдан мени бартараф этиб бўлмас чегара ажратиб туради. У ҳаётимдаги кўпгина бошқа нарсалар қатори Освенцим<sup>2</sup> деб аталади. Агар Освенцим ҳақида ёзадиган бўлсақ, шуни англашимиз керакки, Освенцим том маънода адабиётни имконсиз даражага олиб келди. Освенцимда бошланган ва бугунги кунгача давом этиб келаётган воқеалар ҳақида факатгина қоп-қора роман ёзиш мумкин. Освенцимдан кейин ҳали рад қилиб бўлмас бирор мудҳиш воқеа юз бермади. Асарларимда холокост ҳеч қаҷон ўтган замонда гавдаланмаган.

Баъзида мени мақташади, баъзида эса биргина мавзу – холокостни ёритувчи ёзувчи дея менсимай қарашади. Мен нима ҳам дея олардим, муайян шартлар билан китобларим кутубхоналарнинг менга мувофиқ келувчи жавонларидан муносиб ўрин эгаллаган бўларди. Холокостнинг ёзувчиси бўлмаган бирорта замонавий ёзувчи бормикан? Фаҳмимча, ўн йиллар давомида замонавий Европа маданиятида ҳокимлик қилган ўша дилабгор овозни одамлар эшитиши учун, менимча, ижод мавзуси тариқасида холокостни танлаш асло шарт эмас. Такрор ва такрор айтаман: даҳшатли тушлар таъқиб этган ваҳимали тундан сўнг абгору назор назар билан атрофга бокадиган одамзоднинг овозини эслатувчи бу хаста нидо эшитилмаган ҳеч қандай асл маҳоратни билмайман. Холокост тушунчасини бирлаширадиган саволлар мажмуасини мен ҳеч қаҷон немислар ва яхудийлар ўртасидаги қандайдир ечими йўқ низо деб қарамаганман. Шунингдек, холокостни яхудийлар уқубатларининг янги боби деб ҳисобламаганман. Назаримда, бу воқеа тарихда юз берган тасодифий хато эмас, аввалгиларидан масштаблари билан фарқ қилгани учун яхудийларнинг оммавий қирғини деб тушунмайман ёхуд яхудий давлатининг барпо этилиши учун

<sup>1</sup> Эвристика – фикрлашнинг энг oddий усули орқали борлиқни англаш.

<sup>2</sup> Освенцим – 1945–46 йилларда Германияда ташкил қилинган қамоқхоналар мажмуаси. У Освенцим шахри яқинида жойлашган.

бир замин эди, деб ҳам ўйламайман. Мен холокостда ўзининг икки минг йиллик ахлоқ-одоб маданияти билан европалик одам деган номга эришиш йўлидаги саёҳатнинг энг қуий нуқтасида “одамийлик” қандай бўлишини тасвирлаб бердим, холос.

Бундай юқ билан қаерга харакатланишимиз мумкинлиги ҳақида ўлашшимиз керак. Освенцим муаммосининг асл моҳияти – унга тегишли маълумотларни маърузамда келтириш, хотирада сақлаш, ё бўлмасам, тарихнинг эски сандиги тубига яширишу ўлдирилганларнинг ёдига ёдгорлик қўйиш, агар қўйилса, унинг қиёфаси қандай бўлиши кераклигини аниқлаштириб олишда эмас. Освенцимнинг ҳақиқий фожиаси унинг мавжудлиги, бу даҳшатларнинг юз берганлиги, қайғули, укубатли хотирадарни уйғотувчи тарихий фактларни асло ўзгартириб бўлмаслигига. Бу оғир вазиятга венгриялик шоир Янош Пилинский ғоят муносиб таърифни беролган – “Шармандалик”. Афтидан, у инсонийлик нуқтаи назаридан келиб чиқиб, насронийлик маданиятида содир бўлган бу мудҳиш, тузатиб бўлмас хатолиги учун ҳам тарихий воқеани шундай баҳолаган бўлса керак.

Юз берган мудҳиш воқеалар бизга Худо ўлган дейди. Шубҳасиз, Освенцимдан кейин ёлғиз қолдик. Ўз бойлигимизни энди ўзимиз яратишимиз керак. Майли, бошқаларга меҳнатимиз асло билинмасин, бироқ сабр-матонат билан қилинган меҳнат охир-оқибат мевасини беради. Бир кун келиб биз ийққан бойлик янги Европа маданиятини яратишга асос бўлишига ишонаман. Эҳтимол, бугун Швед академияси Освенцимнинг, холокостнинг гувоҳи бўлишига, ўша азобларни хис қилишига тўғри келган ёзувчининг меҳнатини қадрлаб, унинг уринишларини Европа маданияти учун муҳим санаб, юксак баҳо тариқасида тақдим этаётган мукофоти бунга ёрқин мисолдир. Бундай вазият, агар шундай дейиш мумкин бўлса, катта жасорат ва хатто таваккалчилик. Негаки, мана шу трибунага чиқиб, сўзлашимни истаганлар нима ҳақида маъруза қилишимни аввалдан билишган.

Биз барини тушунишга мажбурмиз. “Концентрацион олам” орқали юзага чиққанимизни фаҳмлашимиз шарт. Қуий нуқтани тан олиш эса яратувчи кучларни сақлаб, яшаб қолишимизнинг ягона кафолати. Ахир аниқ ҳиссиётлар фойдали эмасми? Буюк англашларнинг тубида гарчи улар фожиалар асосида юзага келган бўлса-да, ҳар доим эркинликнинг уруғи мавжуд. Эркинлик – Европанинг улкан бойлиги, у бизга борлигимизни ва унинг учун масъуллигимизни англатиб, ҳаётимизга мантиқ бағишлиди.

Она тилим – венгерчада буларнинг барини сиз билан бўлишаётганимдан бошим осмонда. Мен асли бутапештликман, яхудийлар оиласида туғилганман. Онам Коложвардан, отам жануби-гарбий Балатон тарафлардан. Бувим ва бувам жума оқшомини кузатиб шанба<sup>1</sup> тонгини қаршилаб, шамлар ёқишиардию, бироқ ўз исм-шарифларини венгерчага алмаштиргандилар. Улар яхудийларнинг эътиқоди билан Венгрияни Ватан билиб яшашни табиий деб қабул қилишарди. Онамнинг ота-онаси холокост гулханида вафот этишган. Отамнинг волидаси ва падари бузрукворини Будапештдаги қариялар уйини Венгриянинг Шимолий чегарасига кўчирган Рокоши<sup>2</sup>нинг коммунистик диктатураси нариги дунёга равона қилди. Хаёлимда бу бир кичик оиланинг қисмати янги даврга Ватанимнинг тарихий кечмишлари ва укубатларидан сўзлайди. Бу қайғулар ортида, нафақат алам, балки катта маънавий потенциал бор. Яхудий бўлиш? Менимча, бизнинг давримизда

<sup>1</sup> Иудизмда бу кун мұқаддас саналади.

<sup>2</sup> Матьяш Ракоши (Матьяш Розенфельд) – венгриялик сиёсатчи, Венгрия коммунистик партиясининг биринчи котиби (1945–1948) Венгрия Халқ Республикасининг Вазирлар кенгаши раиси (1952–1953).

бу вазифа, энг аввало, ахлок-одоб масаласи. Агарда холокост бугунги маданиятни яратишга қодир бўлганда, бор эътибори ягона мақсадга қаратиларди: идрок кучи билан инкор этиб бўлмас ҳақиқат олдидা гуноҳни ювиш – катарсис. Айнан мана шу интилиш мени илҳомлантирган.

Тўғрисини айтганда, мен айтмоқчи бўлган гапларнинг барини айтиб бўлдим, бироқ очиқча тан олишим керакки, барибир ўз ҳаётим, ёзувчилик олами ва Нобель мукофоти орасидаги ўзим истаган мувозанатга эришолмадим. Айни дақиқаларда ҳаётимни сақлаб қолган ва яшашимга куч берган мұхаббатга чуқур миннатдорчилик ҳис қиляпман, холос. Нима бўлганда ҳам тан олинг, “ҳокимият”да қандайдир ҳайратлантирувчи, қандайдир бемаъни, қандайдир тушунарсиз, қонунларнинг ҳаққоний тартибиغا ишонтирувчи илохий тақдири мавхум адолат бордай туюлади, бошқача сўзлар билан айтганда, бу ўз-ўзини алдаш васвасаси, холос. Бу йўлда яширин қояларга урилиб, ўлиб кетиш хавфи мавжуд. Унга эришилганда дунёда шафқат борлигини англамай, оламдан ўтган миллионлар билан ўша азобли алоқа йўқотилади. Исталган дақиқада ўққа тутишга шай жамоа ваҳший ҳукумату даҳшатли диктатураларнинг асирига айланган ҳаётимиз устидан ҳукм чиқарса, бундай тақдиридан қутилиб қолиш мушкул вазиятда қонунларнинг бемаъни тартиби билан ҳисоблашишга мажбур бўларкансан.

Нима бўлганда ҳам мен маъruzага тайёрланаётганимда бир муддат руҳий мувозанатимни тиклашга ёрдам берган воқеа содир бўлди. Мен почта орқали жигарранг хатжилд олдим. “Бухенвальд” ёдгорликлар мажмуасининг директори доктор Фолькхард Книгедан. Хатжилдда чиройли табриклар ёзилган номадан ташқари яна бир кичкинагина хатжилд бор эди. Доктор Книгге менга уни алоҳида жўнатганди. Хатда 1945 йилнинг 18 февраляда қамоқхона таркиби тўғрисида битилган маҳфий ҳисботнинг нусхаси бор экан. Бу хужжатда (“Abcdnge”, яъни “ўлдирдим” деган маънени англатади) мен № 64921 рақами маҳбус 1927 йилда туғилган завод ишчиси, яхудий Имре Кертеснинг ўлими ҳақида ўқидим. Туғилган йил ва фаолият тўғрисидаги ёлғон маълумотлар қамоқхона статистикасига тасодифан тушиб қолган эмас. Бухенвальд идорасида мен ҳақимдаги маълумотларни ёзib олишаётгандан вояга етмаганлар қаторига тушиб қолмаслик учун ёшимга икки ёш кўшиб айтгандим. Улар мени фойдаси тегадиганлар рўйхатида қайд этишларидан кўрқиб, ўқиганимни яширганман ва ўзимни завод ишчиси сифатида таништирганман.

Демак, мен бир марта ўлганман – яшаб қолишим учун ўлганман. Эҳтимол, ҳикоямнинг асл ҳақиқати ҳам шундадир. Бир боланинг ўлимидан бошланган китобларимни рўшнолик кўрмай бу ҳаётни тарк этган ўша миллионларнинг руҳига бағишлийман. Академиянинг фикрига кўра, гап адабиёт ҳақида борар экан, эҳтимол, ёзганларим келажак учун аҳамиятсиз бўлмас, боз устига мен асарларим у учун хизмат қилишини чин дилдан истайман. Негаки, уларда Освенцимнинг жароҳатлари тасвирланган. Замонавий инсоннинг ижодий имкониятлари ва яшаш қобилияти масалалари хусусида мулоҳаза қилганимда фақат Освенцим хаёлимга келади. Мантиққа зид бўлса ҳам айтай, мен ўтмиш эмас, балки келажак ҳақида ўйлайман.

2002 йил 7 декабрь,  
Швеция академияси



## “ПОЕЗД ЖАДВАЛИНИ ЎЗГАРТИРИНГ”

Рус тилидан  
Шодмон ОТАБЕК  
таржимаси

Болакайларнинг тирғалишидан безор бўлган Насриддин Афанди: “Кўча бошида ёнгок тарқатишяпти!” дея шумтакаларни чалғитиб, сўнг “Балки ростдан тарқатаётган бўлса-чи?” дея ҳийласига ўзи ҳам ишонгани ҳақидаги ламифа барчамизга таниш. Аслида, бундай ҳангомалар тўқилмайди, ҳаётнинг ўзидан олинади. Йўқса, дунёга танилган олим Эйнштейн ўзининг туғилган кунида ўзига табрикнома йўллашларини сўрармиди! Ижод-ихтиро бобида мутафаккир сифатида бўй кўрсатадиган улуғ инсонлар шахсиятида гоҳида боладай соддалик, ишонувчанлик, гоҳида паришонхотирлик намоён бўлади. Қуидиа эътиборингизга ана шундай ҳаётий ҳангомалардан айримлари ҳавола этилмоқда.

Машхур сатирик адаб Жонатан Свифт ўғлини вақтлироқ уйланишга ундарди.

– Ўғлинг ҳали ёш-ку! – дейди адебнинг дўсти. – Яххиси, яна бироз кутиб тургин, оқ-қорани таниб, ақли сал тўлишсин.

Ёзувчи унга шундай эътиroz билдиради:

– Ақли тўлишганда умуман уйланмайди!

\* \* \*

Кунлардан бир кун атоқли ихтирочи олим Эдисон Эйнштейнга ҳасрат қиласди:

– Ўзимга биронта тузукроқ ёрдамчи тополмаяпман. Талабгор ёшлар кўп, аммо улардан биронтаси тўғри келмаяпти.

– Уларни қандай қилиб танлайсиз? – сўрайди Эйнштейн.

Эдисон саволлар ёзилган бир варакни узатади:

– Ким мана шу саволларга жавоб беролса, ишга олардим.

– “Нью-Йорқдан Чикагогача неча мил?” – деб ўқиди Эйнштейн ва жавоб қиласди: – Темир йўл маълумотномасига қараш керак. “Зангламайдиган пўлат нимадан қилинади?” Бу ҳақда металшунослик ҳақидаги маълумотномадан билиб олиш мумкин.

Эйнштейн бошқа саволларга кўз юргутиргач, шундай дейди:

– Рад жавобини кутмасданоқ номзодимни қайтариб оламан!

\* \* \*

Людовик XVнинг саройидаги тушлиқда шоир Буало гап орасида шундай лукма ташлайди:

– Ҳеч ким бу дунёга устун бўлмайди, ҳаммаям бир куни ўлади.

Қиролнинг дарғазаб бўлганини кўрган шоир дарҳол гапини тузатади:

– Деярли ҳамма ўлади демоқчиман.

\* \* \*

Немис геологи Ремердан маъруза пайти бир талаба сўрайди:

– Жаноб профессор, мабодо мана шу биз ўтирган жойдан Ернинг диаметри бўйича лаҳм қазисам, қаердан чиқаман?

– Сиз тўппа-тўғри жиннихонадан чиқасиз! – дея жавоб қиласди олим.

\* \* \*

Машхур италян олими Галилей ўзи ихтиро қилган термометрларга симоб ёки спирт эмас, мусаллас қуйиб қўяди. Олим ана шундай янги ихтиrolаридан бирини мактуб билан қўшиб Англиядаги дўстига юборади. Йўлда хат йўқолиб қолганми ёки дўсти бу ускунанинг моҳиятини тушунмаганни, хуллас, ундан шундай жавоб келади:

“Мусаллас зўр экан! Яна шунаقا ускуналардан юборавер!”

\* \* \*

Муҳандислик геологиясининг асосчиси Леонид Иванович Лутугинга бир ташкилотга раҳбар бўлишни илтимос қилишади.

– Э, қўйсанглар-чи! – дейди олим тавалло қилиб. – Тўримдан гўрим яқин. Кўп нарса ўмариб ултуролмайман. Қайтангга номим бадном бўлгани қолади.

\* \* \*

Ибсен бир замонлар рангтасвир билан ҳам жиддий шуғулланганди. Ўшанда у мўйқаламни танласаммикан ёки қаламни дея бир муддат иккиланади. Шунда хотини рангтасвирдан воз кечишга кўндиради.

– Хотинимнинг тарихий хизмати шундаки, – дея кейинчалик ҳазил қиласди адиб, – норвегияликлар ўртамиёна рассомдан халос бўлиб, буюк драматургга эга бўлишди.

\* \* \*

Брехт театрда адабий эмакдош бўлиб ишлаб юрганида номаълум муаллифдан шундай мактуб олади: “Менгача ўтган жамики драматурглардан фарқим шуки, мен асаримга атай вергул қўймайман, бу муаллифнинг иши эмас. Агар сиз бошқача фикрда бўлсангиз, керакли жойга вергулларни ўзингиз қўяқолинг. Ҳурмат билан Мориц Фонбах”.

Брехт пьесани қайтариб юбораркан, шундай жавобни илова қиласди:

“Ҳурматли жаноб Фонбах! Вергулларнинг ниҳоятда аҳамиятли эканини назарда тутган ҳолда сиздан илтимос шуки, келгусида бизга фақат вергулларнинг ўзини юбора қолинг, матнни ўзим бир амалларман”.

\* \* \*

Бетоб ётган Бернард Шоуни бир дўсти йўқлаб келса, адаб каравотда ўтириб ёзаётган экан.

– Шундай аҳволда қандай ишлайпсиз? – ҳайрон бўлибди дўсти.

– Тузалганимдан кейин вақтим бўлмайди-да!

\* \* \*

Хэмингуэй одмигина кийиниб юрар, автомобили ҳам эскигина эди. Шу аҳволда у бир меҳмонхонада тўхтаб, хизматкордан тамадди қилишга егулик сўрайди.

– Ҳисоб-китоб қилишга бирон нарсангиз борми ўзи? – деб сўрайди хизматкор унга тикилиб қааркаркан.

Ёзувчи индамай чўнтағидан бир даста тахи бузилмаган доллар чиқаради.  
 – Йчкарига киринг! – дейди хизматкор ва бошлиғига бориб, шундай дейди: – Шубҳали бир одам келди, чамаси, банкни ўмарганга ўхшайди, тезда полицияга хабар қилиш керак!

\* \* \*

Бернард Шоу ҳеч қачон режиссёrlарга пьесасини қисқартиришга рухсат бермасди. Лондондаги театрлардан бирининг директори Шоунинг комедиясини саҳналаштирилаётганда, асосий кўриқдан сўнг драматургга шундай телеграмма юборади:

“Пьесани қисқартиришга рухсат беринг, акс ҳолда томошибинлар охирги поездга улгуришолмайди”.

Шоу шундай жавоб қиласди:

“Қисқартиришга рухсат бермайман. Поезд жадвалини ўзгартиринг”.

\* \* \*

Гюго овқатни кўп ер, иштаҳаси ҳамиша карнай эканидан тортинмас эди. Бу ҳақда унинг ўзи шундай ҳазил қиласди:

– Ер юзида учта жонзотнинг ошқозони катта. Булар – акула, туяқуш ва Гюгонинг ошқозони.

\* \* \*

Михаил Светлов кок ярим тунда яқин дўсти, карикатурачи рассом Иосиф Игинга телефон қиласди.

– Соат неча бўлганини биласанми? – уйқусираб тўнғиллайди рассом.

– Дўстлик уззукун давом этадиган нарса! – жавоб қиласди шоир.

\* \* \*

Машҳур театр ислоҳотчиси В.И.Немирович-Данченко “Париж олови” балет спектаклини томоша қилиб ўтирганди. Партердаги ён қўшниси ундан сўраб қолади: “Булар қачон қўшиқ айтишаркан?”

Энсаси қотган Владимир Иванович шундай жавоб қиласди: “Бу – балет, балетда қўшиқ айтилмайди, тушундингизми?”

Шу маҳал кутилмаганда саҳнада қўшиқ янграб қолади. Режиссёр спектаклга шундай топилмани киритганди. Ҳалиги қўшни Немировичга ачиниб қарайди: “Сен, қария, театрга биринчи бор тушгансан, шекилли”.

\* \* \*

Эйнштейн кўпчилик машхурлар каби анча паришонхотир бўлган.

Бир куни хонасида ишлаб ўтирганда ёрдамчиси шундай дейди:

– Жаноб профессор! Бугунги газеталар сизнинг етмишга кирганингизни ёзишибди.

– Э, шундайми? Ундей бўлса менинг номимдан табриклаб, унга гулдаста юборинглар.



## ФЕРЕНЦ ТУЛОК



XX аср Венгрия тасвирий санъати ҳақида сўз боргандга, Ференц Тулок номини тилга олмаслик чорасиз. Асарлари Европа ва АҚШ бўйлаб довруқ қозонган ижодкор 1949 йил 18 августда Будапешт шаҳрида таваллуд топган. Рассом болалигидан тасвирий санъатга ўзгача меҳр қўяди, табиат манзараларини тасвирлаш унга завқ бағишлайди. Ференц тасвирий санъатни мустақил ўрганади, унинг ижодига, айниқса, XVI–XVII асрларда яшаган фланамд рассомларининг рангтасвир техникаси катта таъсир кўрсатади. У бу борада иқтидорли бўлишига қарамай, 1979 йили муҳандис дипломини олди. Бироқ санъат, рангтасвирсиз ҳаётини тасаввур қилолмаган Ференц умрини тасвирий санъатга бағишлайди.

Журналимиз муқовасида тақдим этилаётган “Ёз неъматлари” картинаси рассомнинг манзара ва натюроморт жанридаги гўзал намуналаридан бири. “Мўл ҳосил”, “Мусаллас ва узум”, “Ҳаёт неъматлари” суратлари табиат ва инсон ўртасидаги муштаракликдан сўзлайди, қайсиdir маънода, ижодкорнинг башарият номидан табиатга таҳсини ҳамдир. Унинг “Олтин нок” картинасидаги ранглар мутаносиблиги томошабинни бефарқ қолдирмайди: ундан таралаётган нур курраи заминни ёритиб тургандек, табиатнинг қўз-қўз қилаётгандек...

Рассом ҳамиша одамларни гўзалликка ташна ва улар ўзларини табиатнинг бир қисми деб билишларига ишониб келган. У “Тулок лолалари”, “Финжондаги гул”, “Гулдаста”, “Сариқ гуллар” асарларидаги ранг-баранг гуллар тасвири орқали одамларнинг бир-бирини такрорламас қиёфасию табиатини моҳирона акс эттиради. Гуллар Ференц ижодида алоҳида ўрин эгаллади, у гўзаллик тимсолини айни гуллар образида кўради: картиналарида ранглар жилоси ва контрастига урғу бергани ҳолда одамларни завқ ва гўзалликдан баҳрамандлик сари етаклади.

Ференц Тулокнинг асарлари Австрия, Дания, Германия, Англия, Франция ва Голландия каби бир қанча мамлакатлардаги кўргазмаларда намойиш этилган. Унинг кўплаб суратлари шахсий коллекцияларда сақланади.

*Аброр УМАРОВ тайёрлади*

## УЛАР ҲАМ ШУ ОЙДА ТУГИЛГАНЛАР...

**1 АВГУСТ** 1914–1994 йиллар. **ГРИГОЛ АБАШИДЗЕ**, грузин шоири ва ёзувчisi. “Асосчи”, “Душманлар”, “Танклар дуэли”, “Байрок”, “Енгилмас Кавказ”, “Илк тбилисилик киши ҳақида афсона” каби поэмалари, “Жанубий чегарага” шеърлар турқуми, грузин халқи тарихини акс эттирувчи романлари билан шухрат топган.

**7 АВГУСТ** 1819–1897 йиллар. **ПАНТАЛЕЙМОН КУЛИШ**, украиналик ёзувчи. “Николай Васильевич Гоголь ҳаёти хусусида битиклар” номли икки жилдли қиссаси, “Мухаммад ва Хадича” поэмаси, “Қора шодлик”, “Михаило Чарнишенко” романлари, “Тонг олдидан”, “Хутор шеърияти”, “Қўнғирок” шеърий китоблари эътибор қозонган.

**14 АВГУСТ** 1907–1984 йиллар. **МИРКАРИМ ОСИМ**, таниқли ўзбек ёзувчisi ва таржимон. “Ўтрор”, “Тўмарис”, “Широк”, “Темур Малик”, “Улуғбек ва Навоий”, “Зулмат ичра нур” каби асарлари эълон қилинган.

**15 АВГУСТ** 1915–1997 йиллар. **ТУРСУНХОН ЖАҲФАРОВА**, Ўзбекистон халқ артисти, актриса. Муқимий театри саҳнасида ўйнаган Ҳалима (“Ҳалима”), Лайли (“Лайли ва Мажнун”), Гулсара (“Гулсара”), Ин Сен (“38-параллел жануброғида”), Рисолат (“Тошиболта ошиқ”), Мастура сатанг, (“Паранжи сирлари”), Биби (“Гули сиёх”) каби образлари билан элга танилган.

**17 АВГУСТ** 1935 йил. **ОЛЕГ ТАБАКОВ**, атоқли рус театр ва кино актёри, режиссёр, педагог. Халқ артисти, Россия давлат мукофоти лауреати. А. Чехов номидаги Москва бадиий театри бадиий раҳбари, Москва театр-студияси (“Табакерка”) асосчиси. “Барҳаёт”, “Икки ранг”, “Ялангоч қирол”, “Тўртингчи”, “Ҳеч ким”, “Ўн тўққизинчи оқшом” ва бошқа юздан ортиқ саҳна асарларида баркамол роллар ижро этган; 120 дан зиёд фильмда суратга тушган.

**22 АВГУСТ** 1920–2012 йиллар. **РЭЙ БРЭДБЕРИ**, американлик фантаст ёзувчи. “Қоқигул виноси”, “Ўлим – ёлғизлиқдаги иш”, “Яшил соялар ва оқ кит”, “Алвидо, ёз”, “Муз ва гулхан”, “Ёнғин ўчирувчи” ва бошқа романлари, “Куёшнинг олтин олмалари”, “Тушкунлик дориси” каби ҳикоялари билан танилган.

**23 АВГУСТ** 1880–1932 йиллар. **АЛЕКСАНДР ГРИН**, таниқли рус адаби, шоир, неоромантизм оқимининг йирик намояндаси. “Ёрқин дунё” (1924), “Қизил елканлар”, “Олтин занжир” (1925), “Югурувчи тўлқин” (1928), “Жесси ва Моргиана” (1929) каби романлар, кўплаб қисса ва ҳикоялар муаллифи. А.Гриннинг нашр этилган асарлари сони 400 га яқин.

**26 АВГУСТ** 1899–1991 йиллар. **РУФИНО ТАМАЙО**, мексикалик мусаввир. “Хайвонлар”, “От ва шер”, “Олов ўйнаётган болалар”, “Кун ва тун”, “Америка”, “Одам ва гуллар”, “Ўч қўшиқчи”, “Ой ва күёш” ва бошқа асарлар муаллифи.

**27 АВГУСТ** 1770–1831 йиллар. **ГЕОРГ ВИЛЬГЕЛЬМ ФРИДРИХ ГЕГЕЛЬ**, буюк немис файласуфи. “Рух феномени”, “Мантиқ илми”, “Фалсафа қонунияти”, “Фалсафий фанлар энциклопедияси”, “Эстетика ҳақида маъруза”, “Ким мавхум фикрлайди?” сингари йирик асарлар муаллифи.

1856–1916 йиллар. **ИВАН ФРАНКО**, украиналик ёзувчи, шоир. “Жамият устунлари”, “Лель ва Полель” романлари, “Юксакликда ва тұбанликда”, “Хазон бўл, япроқ”, “Қайғули кунлардан” шеърий китоблари, “Ўғирланган баҳт” драмаси ва бошқа асарлари шуҳрат келтирган. “Феруза” асарини ўзбек тилига Абдулҳамид Сулаймон ўғли Чўлпон таржима қилган.

**30 АВГУСТ** 1947 йил. **ОЛИМЖОН САЛИМОВ**, Ўзбекистонда хизмат кўрсатган санъат арбоби, режиссёр. “Тошкентта саёҳат”, “Оқ кема”, “От йиғлаган томонда”, “Боз масхарабоз”, “Учар табиб”, “Омон бўлгин, азизим”, “Соҳибқирон”, “Дискотека” сингари спектакллари билан танилган. Дунёнинг ўнга яқин мамлакатларида спектакллар саҳналаштирган.

## ВОҚЕАЛАР ВА ЖАРАЁН

**6 АВГУСТ** 1932 йил. Халқаро Венеция кинофестивалининг ilk тақдимоти бўлиб ўтди. Ҳар иили Лидо оролида ўтказиб келинади. Жаҳоннинг тажрибали ўнга яқин кино усталаридан таркиб топган ҳакамлар ҳайъати асарларни турли номинациялар бўйича баҳолайди. Фестивалнинг бош соврини “Олтин шер” бўлиб, энг яхши фильм учун берилади.

**13 АВГУСТ** 1892 йил. Нью-Йорк шаҳрида машҳур аниматор Уолт Диснейнинг “Бэмбे” номли тўлиқ метражли мультиплексион фильми тақдимоти бўлиб ўтди. Мультфильм 1935 йили австриялик ёзувчи Феликс Зальтенанинг ҳикояси асосида яратилган. Етмиш дақиқалик бу фильм “Уолт Дисней” компаниясига оламшумул довруқ келтирди. Мультфильм жаҳоннинг кўплаб тилларига, жумладан, ўзбек тилига ҳам дубляж қилинган.

**18 АВГУСТ** 1958 йил. Рус ёзувчиси Владимир Нобоковнинг машҳур “Лолита” романи Америкада кўп нусхада чоп этилди. Муаллиф бу асарни 1955 йили инглиз тилида ёзган ва илк бор Парижда нашр қилди. Кейинроқ уни рус тилига ўзи таржима қилган. Роман асосида 1962 йили Стэнли Кубрик ва 1997 йили Эдриано Лайно томонидан фильм суратта олинган.

**25–30 АВГУСТ** 1997 йил. “Шарқ тароналари” халқаро мусиқа фестивали Самарқанд шаҳридаги муҳташам Регистон майдонида ilk маротаба ўтказилди. Уша иили фестивалда 31 мамлакатнинг санъат усталари иштирок этди (жорий йил уларнинг сони олтмиш олтита бўлди). Илк гран-прини озарбайжон хонандаси Симара Иманова олишга муваффақ бўлди. Жорий йилнинг худди шу саналарида 10-бор ўтказилган фестивалда эса Хитойнинг “Jiangsu Women’s Orchestra” гуруҳи бош совринни қўлга киритди.

Мафтұна МУҲАММАДАМИНОВА тайёрлади

 В преддверии 24-ой годовщины независимости Республики Узбекистан вышла в свет новая книга Президента Ислама Каримова. В статье-отзывае “Преданность долгу”, посвященном данной книге, автор Ш.Ризаев акцентирует внимание на своеобразном пути развития Узбекистана в период независимости, основополагающих принципах решения экономических и социальных вопросов.

 Значительное место в очередном номере журнала отведено литературе и искусству Венгрии. Рубрика “Меридианы поэзии” ознакомит вас с творчеством таких венгерских поэтов, как Шандор Петефи, Лайош Каишак, Карой Чех (перевод Даврона Раджаба). Новеллы известных прозаиков Ласло Краснахоркаи и Ласло Бети представлены в рубрике “Рассказ о рассказе” (перевод Алима Атакhana). По традиции, рубрика “Глобус” освещает культуру и искусство мира, Венгрии в том числе.

 Доклад лауреата международной Нобелевской премии по литературе венгерского писателя Имре Кертеса, с которым он выступил в Стокгольме, во время вручения премии, представлен в новой рубрике “Лауреаты Нобелевской премии”.

 В романе “Меж двух огней” на примере жизни почтенного сына азербайджанского народа Муллы Панаха Вакифа красочно описана картина эпохи. Первые главы данного произведения известного писателя Юсуфа Вазира Чаманзамина читайте в рубрике “Проза” (перевод Файзи Шахисмаила).

 Статья известного русского востоковеда Сергея Иванова “Поэма Алишера Навои “Лисан ут-тайр” (рубрика “Литературоведение. Философия”) написана почти полвека назад. Однако исследование, посвященное переводческому делу и особенностям перевода поэтического наследия Алишера Навои на другие языки в частности, не потеряло свою актуальность и сегодня. “Перевод произведений Алишера Навои возлагает огромную ответственность на переводчика. Так как данные произведения вводят переводчика в огромный поэтический мир как по форме, так по содержанию. Это требует воображения данного мира, понимание текста”, делится своими рассуждениями ученьй (перевод Абдуллы Шера).

 В рубрике “Сопоставление и интерпретация” дана статья об именитом поэте и ученом Миколе Бажане, внесшим весомый вклад в дело распространения и издания образцов творчества Алишера Навои на Украине. Автор статьи “Бажан и Навои” академик Национальной научной академии Украины Иван Дзюба рассуждает об истории ознакомления украинских читателей с литературой других народов, в том числе с узбекской литературой, на примере творчества Алишера Навои (перевод Амира Файзулы).

 В статье доктора филологических наук Умарали Норматова речь идет о поэме известного узбекского писателя Айбека “Рана моей эпохи” (рубрика “Литературоведение. Философия”). По наблюдениям автора, традиция выражения социального пафоса в узбекской литературе берет начало именно с данной поэмы.

## RESUME

On the 24th eve of the our independence was published a new book of the president Islom Karimov. The literary critic Sh.Rizaev's article titled "Loyalty of duty" is dedicated to analyze the above mentioned book, this article tells us about difficult way of our independence, paid much attention to the vital factors of resolving economical and social problems.

Our journal's august issue is dedicated to the hungarian literature and art, also some few hungarian creative personalities are regarded. In the column "Meridians of Poetry" are presented the samples of literatry works of such poets like Sándor Petőfi, Lajos Kassák, Károly Cseh (in translation of Davron Rajab from russian). In the column "Story About Story" are given two stories of hungarian writers like László Krasznahorkai and Laszlo Böti (from russian Olim Otahons translation). Also, there are articles about hungarian culture in the column "Globe". The nobel prize winner Imre Kertész's lecture read in Stockholm is available in the column "Nobel prize winners".

Famous azeri writer Yusif Vazir Chamanzaminli's "Between two fires" (translated from azeri by Fayzi Shohismoil) named novel's first part is presented in the "Prose" column. The novel leads us to the about beloved son of azeri people Mulla Panah Vaqif and depicts daily life of that period in artistic style.

In the column "Literary criticism. Philosophy" is announced Sergey Ivanov's article titled "Alisher Navoi's "Lison-ut tair" saga" (translated from russian by Abdulla Sher) was wtitten almost half cenetury ago. But this research's validity is present even passed long time, also it beares some importance for the translators and reveals some peculiarities of translations Alisher Navoi's poetic works to foreign languages. Translating Alisher Navoi's works is a huge responsibility for all translators. Because his works are extent in forms and meanings leading the translator to the enormous world of poetics. Scientist concludes translator must imagine this world and undestand the whole text.

The propaganda of Alisher Navoi's works in Ukraine, it's publication was promoted by Nikolai Bazhan, whose activity is revealed in the article titled "Bazhan and Navoi" (translated from russian by Amir Fayzulla) is in the column "Analogy and interpretation". Author is Ivan Dzyuba, academic of the Ukraine state academy, he ponders over informing ukraine readers about the other nations and in particular, with Alisher Navoi as a symbol of history of uzbek literature.

In the column "Literary criticism. Philosophy" is presented an article of Umarali Normatov which is related to the saga titled "My epoch's wounds" of the outstanding uzbek literary figure Oybek. According to the authors considerations, the expression of social pathos is originated in this saga.

# **ЖАХОН**

## **АДАБИЁТИ**

*2015 йил август сони*

Навбатчи мухаррир: Ф.ЖАББОРОВ

Техник мухаррир: Д.ХАМИДОВА

Мусаххих: Д.АЛИЕВА

Компьютерда сахифаловчи: М.АЛИЕВА

ИНДЕКС 828, 829

2007 йилда № 0252 рақами билан лицензия олинган.

Ўзбекистон Матбуот ва аҳборот агентлигига рўйхатга олинган, №189.

Уч босма табоқ ҳажмгача бўлган кўлёзмалар қайтарилмайди.

“Жаҳон адабиёти” журналида эълон қилинган асарларни кўчириб босиши да ва қайта нашр этишда таҳририятнинг ёзма розилиги олиниши шарт.

### **Таҳририят манзили:**

100129, Тошкент, Навоий кўчаси, 30.

Телефонлар: (0371) 244-41-60, 244-41-61, 244-41-62.

Сайт: [www.jahonadabiyoti.uz](http://www.jahonadabiyoti.uz)

E-mail: [jahonadabiyoti@list.ru](mailto:jahonadabiyoti@list.ru)

Босишига руҳсат этилди 14.09.2015 й. Бичими 70x108 1/16. Офсет қофози.

Офсет босма. Шартли босма табоқ 18,2. Нашриёт босма табоги 20,0.

Адади 2315 нусха. 3949 рақамли буюртма. Баҳоси шартнома асосида.

“Жаҳон адабиёти” журнали компьтерида терилиб, “Sharq” НМАҚда чоп этилди.  
100000, Ўзбекистон, Тошкент ш., Буюк Турон кўчаси, 41-үй.

© Жаҳон адабиёти, 2015 й.